

M. ANTONII NATTAE ASTENSIS

Opera.

De Immortalitate animae libri V.

In Domini Natale,

De Quadragesimali ieiunio,

De pœnitentia,

In festum diem Paschatis,

De fuga sæculi, & studio religionis, ad No-
nitium Monachum,

De perfecta vita,

De Poetis,

Metra Poetica,

Oratio.

Oratio.

Oratio.

Oratio.

Liber.

Liber.

Liber.

Liber.



VENETIIS, M. D. LXIIII.



SANCTISSIMO D. N.
PAPAE PIO IIII.

Marcus Antonius Natta Astensis salutem
& humilem sui commendationem.



STAT VETVS consuetudo tibi non incognita Pontifex Maxime PIE, quabi, qui in disciplinarum & ingenuarum artium studijs uersantur, lucubrationes suas summis dedicant Principibus, quidam existimantes scripta sua magis suspici, si ad summos viros missa, & eorum iudicio probata viderentur. alij per hac aditum ad amicitiam & familiaritatem quarentes: alij quemlibet alium fructum de huiusmodi oblatione petentes: nec interesse creditum est, cuius esset materia, quod scriberetur, modo non turpis esset & infamis. Hinc (vt ab Hermolao Barbaro collectum est diligenter) Iulius Pollux ad Commodum Caesarem de Grammatica: Vitruuius ad Augustum de Architectura: Oppianus ad Antonium de Piscibus: Diophanes ad Deiotarum Regem de Agricultura scripserunt. Hac paulo altius repetita, quorsum tendant, iam perspicuum est; manifestius tamen erit, si dicatur, quam silentio prateratur: paucis tamen agendum puto. Ego tam & si ab ineunte aetate iuris scientiam addiderim, omnemq; ferè aetatem in ea consumpserim, tunc respondendo de iure meis ciuibus, tunc magistratus gerendo, ta-

Epistola

men nescio quo diuino impulsu (non enim possum aliter dicere) alia ingenuarum artium studia pariter sequutus sum: maxime autem mihi cœlestia sacramenta, & quacunque ad animæ pertinentia salutem, placuerunt. Itaque ea addiscere cura fuit, nec addiscere modo, sed etiam literis mandare: quòd illo modo plenius rem cognosci, & tenacius hærere animo arbitrabar: & de his quidem, quos antea ediderim libros, prætereo, ne ambitiosè id facere uidear. Nunc autem, quum aliquot alios libros iisdem de rebus iam pridem confectos emittere in uulgus uellem, uisum est eos ad te mittere, uel maiestati tuæ potius consecrare: ut sub tui nominis auspicijs illustrentur, & felicissima tuæ fortuna flatu pronebantur. Adijce, quòd materia quoque ipsa me huc ultro vocare uidebatur. Nam hæc orationes ad iunt in Natiuitatem Domini, & in eiusdem Resurrectionem. Item de quadragesima: De fuga sæculi, & studio religionis: De penitentia: De uita perfectæ libri singuli: Præterea de immortalitate animi quinque libri conspiciuntur: Copiosius hoc in argumento versatus sum propter uarias dissentientium Philosophorum sententias, quorum alij immortalitatem omnino negabant: alij ad tempus concedebant: alij ambigebant. Necesse igitur fuit argumenta argumentis comparantem ueluti collatis signis dimicare, & quasi ferro uiam sternere ueritati. Lusimus etiam metro quadam piè ac religiosè. Omnia ferè ad Christum spectant, cuius es Vicarius & Clauiger summus: Omnia sub te sunt humana, summa etiam Regum culmina pedibus tuis prosteruntur. Non est alius quisquam inter homines, qui ampliori potestate fungatur: Quodcunque solueris super terram, solutum erit & in cœlis. Vnum & idem facis cum Christo tribunal, omnia iudicans, à nemine mortalium ipse iudicandus. Hinc non absurde uisus dixisse Poeta quidam ad Pium secundum predecessorem tuum tibi cognominem. Non Deus es, nec homo: innuens supra hominis conditionem assurgere, qui talem tantamq; à Christo collatam gereret potestatem. Itaque nulli magis libri
de

Nuncupatoria.

de religione compositi, quàm tibi debentur, quorum etiam censor esse potes, & debes. Nulla quidem à me sententia, sed à sanctis desumpta patribus omnia, ea praesertim, quibus religionis nostra mysteria continentur: ordinem tamen in dicendo sequutus sum, qualem uolui. Conatus sum etiam nitore uerborum illuminare singula, & ex arte Rhetorum facere aptiora. Nam licet aliorum sententijs (ut Fabius disserit) adijcere oratorium. robur, omissa supplere, effusa substringere, recipiuntq; omnia (quantum ego sentio) proprietatem & lucem Romanae linguae: quem morem magni illi interpretes sacrarum literarum antiquitus tenuerunt Hieronymus, Ambrosius, Augustinus, & is, qui eandem Petri cathedram, quam tu nunc obtines, insedit, Gregorius. Num tamen, quod conatus sum, assequutus fuerim, me latet: hoc unum scio, studium non defuisse, & magnum esse, materiam dicendo exaquare. Sed, ut id se se habeat, spero sub tui nominis auctoritate lucubrationes has nostras gratiosiores multis fore: quod, ut contingat uberius, peto à te atque adeò obsecro, ut eas benigna & hilari fronte suscipias, eisq; tribuas, non quantum earum merita postulant, sed quantum humanitas tua deposcit, qua quàm cordi tibi sit, vel ipsa nominis tui significatione indicatur: non enim frustra Pontificale ascendens solium, Pij tibi denominationem assumere uoluisti. In fine harum literarum, Deum Optimum Maximum comprecor, ut sanctitatem tam feliciter augeat, gregiq; suo diutius conseruet. Vale.



MARCI ANTONII

NATTAE ASTENSIS,

DE IMMORTALITATE ANIMI.

LIBRI QVINQVE.

Proœmium.



FLAGITARVNT de me sæpius familiares quidam & amici, ut sepositis paululum his, quæ in fide traduntur, aliqua de immortalitate animorum literis mandarem: nihil sibi hoc munere fore gratius ostendentes. Ego autem & si illis uiris de me optimè meritis omnia cupiebam: utrum tamen præstarem id, quod petebatur, diu multumque dubitavi. Nam & si uniuerfarum penè gentium & nationum consensum, omnia religionum iura: legum sanctiones pro immortalitate stare uidebām, ubi tamen ad Philosophos uentum est, qui rationum ponderibus cuncta sibi tentanda & exploranda censebant, uarias & inter se contrarias & repugnantes extitisse sententias, magnisque collutationibus rem agitatam fuisse, reperiēbam, unoquoque suam sententiam approbare uariis argumentis & suadere cæteris conante: ita, ut non solum singuli, sed uniuerſæ inter se sectæ hac in re dissentirent. Pythagorei, Platonicique, & omnium antiquorum Theologorum manus, alijsque innumerabiles immortalitati assentiebantur. Leucippus, Democritus, Epicurus, & huius uiri sectatores, humanos animos caducos esse & fluxos & fragiles statuerunt: & unà cum corporis sensibus tanquàm & ipsi corporeum essent aliquid, extingui arbitrabantur: Aristoteles ambiguè loquutus existimatur. Alexander uerò inter Peripateticos illustris mortem animarum ausus est ponere, & de Aristotelis sententia hoc dicere uult uideri. Quid de Stoicis dicam? qui ueluti quidam arbitri constituti animam quidem ultra corporis uitam protendi, aliquando tamen interire existimant: quod conuenit cum illis, qui Dæmones quidem longæuos, mortales tamen opinantur. Magnis certè contentionibus & prælijs utrinque certatur: cui rei occasionem præbuit ipsa anima, quæ medium quoddam amplecti uidetur: nam dum mortali iungitur corpori, mortalis existimatur: dum autem assimilatur Deo, immortalitatis ostendit imaginem: homo enim uir-
tus sensibus alimenta que & incrementa suscipit, uitamque agit in plerisque

Proœmium.

que pecudis ritu, sed & aliud etiam facit, quod diuinam respicit maiestatem, quia & intelligit, & intelligere se nouit, & ueritatem rerum diligenter perscrutatur, & inuenit: & quum terrenum sit animal, instrumenta uaria fabricauit, quibus cœlestium corporum motus comprehendere potuit, & profundo se mari credere, & ad extrema mundi penetrare, remedijs etiam se ipsum multis contra morbos, feras, periculaque alia multa armauit, quæ omnia ad diuinam propè naturam accedere censentur. hinc quum communia habeat aliqua cum beluis, aliqua cum Deo, cæterisque formis cœlestibus, ambiguum illud nascitur, cuius anima ipsa sit magis partis, & unde uis illa intelligendi, cognoscendique oriatur. Præterea quanta imminet illa disceptatio, quam multis sententiarum fluctibus exagitata, ut superstes anima sit corpori suo, quid agat nudata corpore, quid uè patiatur, & quò recedat. Hæc omnia tractare rectè atque examinare, ita ut discussis omnibus, quæ in utranque partem afferuntur, ad ueritatis ipsius demonstrationem perueniatur, quis non magnæ operæ, summæ industriæ, præstantis ingenii esse existimabit? Quæ quum ita sint, ego tamen post diuinam meditationem accinxi me operi, existimans hunc meum laborem utilem multis fore, qui huic immortalitati animorum, aut non omnino, aut imbecillius assentiuntur. Nam si ostendero hanc immortalitatem & auctoritatibus summorum uirorum, & euentium rationum multitudine comprobari, quis erit tam præsentium rerum illecebris captus, qui dum cogitat se obita hac corporis morte remanere, & pro his, quæ gessit in corpore, uel poenas uel præmia relaturum, non studeat rectius uiuere, & indies fieri melior, ac non poeniteat secus, quàm decuerit uixisse? quod porro tam acuit in quibusdam insaniam uoluptatum, quàm dum illa subit cogitatio, breui temporis puncto sibi fore uiuendum, post hac omnia extinctum iri, nihil sui superesse. quid tam nutrit hominum audaciam ad facinora, quàm id, quod putant, si impune ea tulerint, fruuntur bonis scelere adeptis. Sin autem deprehensi poenas capite luant, tamen breui illo suppliciorum spatio se omnibus molestijs liberatos, nec aliquid amplius passuros, sed perinde desinere, ac si nunquam uiuere cœpissent. Hæc immortalitatis meditatio potest hos à uitijs retrahere, & ad uirtutem impellere. Omnium enim Poëtarum ac ueterum Philosophorum ore, uulgi denique opinione celebratum est, malos apud inferos poenas pendere maleficiorum, qua de re immortalitas animæ celebratur: nā qui supplicio cruciatuque uexatur, is profectò uiuit. Sed quid tam excitare homines potest ad laborum dolorumque patientiam, quàm expectatio post mortem summæ remunerationis pro rebus rectè & ordine gestis, & fortiter toleratis. non enim adeò infelix est humana conditio, ut mali duntaxat torqueantur, boni uerò non remunerentur, imò tantò magis hoc fiet, quàm illud, quantò uehementius conuenit uirtutes amare, quàm uitia odisse, & fauorabilius est liberalitate, quàm supplicio uti. Hæc licet immortalem se fore sperantem expectare: Sin autem
omni

Proœmium.

omni ex parte occidimus, uix est, ut quisquam laboribus & periculis, asperisque & formidolosis rebus obijcere se debeat, & excipere uenientes. Fuit etiam calcar quoddam & sax mihi ad hanc scriptionem senectus, nam & si omnem ætatem deceat cogitare quid nam post mortem contingat, multò tamen magis hoc cõgruit senectuti. enimuerò iuuenis plerunque sperat sediu uicturum, stultè forsitan, sed sperat tamen: senex autem ne illud quidem habet, ut speret: iam iam enim mortem, quæ longius abesse non potest, in foribus esse suspicatur, ad quemlibet leuis morbi strepitum perhorrescit. Itaque uidendum est ei, quis post mortem sit, quòue euadat, & quum immortalem se cognouerit meliore sui parte, optandum est & curandum, ut postquam hæc deliquerit, tribuat ei uniuersitatis huius Dominus pro eius clementia & singulari bonitate refrigerij sedem, quietis beatitudinem, luminis claritatem, & quanquam religionis nostræ dogmata hac in re abundè sufficere poterant, nec ab his sit latum (ut dicitur) unguem discedendum: ubi tamen eadem naturali consentiunt rationi, nihil est, quod illustrius ualeat expectari, omnis mustandi mora aufertur. Non igitur inanem sumit operam, qui immortalitatem fortiter ostendit, quæ tantum utilitatis affert credita, quantum cui si abiiciatur. Mouit me etiam amicorum studium, ut scriberem, excusi si defuissẽ, ueritus sum, ne superbix crimen incurrerem, si eorum desideria contempsissem, uel desidia, si id laboris fuga nolle uisus fuissẽ. Nam quod ad ingenij mei mediocritatem attinet, satis est unumquenque præstare pro copia, quod potest, quod abundè declarat seruus ille Euangelicus, cui quum à Domino creditum fuisset unum talentum negociandi gratia, fraudi fuit, quod uel unum illud talentum occultasset, ac non penès nummularios usuris subiecisset, nec excusari meruit, quòd ceteri conserui, qui superlucrati fuerant, plura talenta ad quæstum acceperant, & ita profcòdò res se habet, ut inspiciatur magis, quod quisque studij afferat, quàm quod habeat facultatis: inopia enim meretur ueniam, negligentia pœnam. Hinc deprecor, ne me quispiam existimet nominis aut gloriæ causa edere hoc opus uoluisse, quasi uoluerim ob hunc odorem cunctorum oculos ad me trahere, quod talia sciam: nihil enim nouum aut recens dicturus sum, nihil quod quisquam iure mirari debeat: alienis institi uestigijs: nec hæc inuenta mea sunt, sed collecta tantummodò & qualicunque dicendi facultate exornata. Itaque hæc doctrina mea non est mea, sed eruditissimorum uirorum, qui multis ante me sæculis floruerunt, & talia sibi inuestiganda duxerunt. Illustrationes tamen quædam & illuminationes à me forsitan proficiscẽtur, quas spero non ingratis eruditis oculis futuras; reliqua ueteribus debentur. De his autem rebus pluribus ante annis cum Athanasio plenè & copiosè disputauì, ideo satis fuerit illius colloctionis meminisse, quod quum faciam polliceor, me non iisdem uerbis, iisdem tamen sententiis usurum & eundem ordinem seruaturum: hoc enim magis seruiat claritati. Res igitur sic acta est, ut nunc narrabitur.



MARCI ANTONII

NATTAE ASTENSIS,

DE IMMORTALITATE ANIMI.

LIBER PRIMVS.

Dialogi personæ,

MARCVS,

ATHANASIVS.

MARCVS.



VVM die quodam domi in Bibliotheca reside-
rem cogitabundus super nonnullis Philoso-
phicis quæstionibus, totusque in illis essem.
Ecce aduenit Athanasius adolescens multis
amicitiæ & familiaritatis uinculis mihi con-
iunctissimus, ingenuarumque artium studio-
sissimus, & utriusque linguæ peritissimus, quem
cum lōgo intervallo uidissem, complexusque
essem, tum post primos congressus & mutuam
salutationem assedimus: Tum ille. Mediola-

num (inquit) negociorum explicandorum gratia (ut nosti) profectus
sum, eaque res longius opinione me detinuit: nam uix toto hoc anno
me explicui. Vt autem huc primò adueni, intellexi Andrietam matrem
tuam septimo abhinc die discessisse, & (ut par erat) commotus sum: ea
autem de causa nunc ad te, ut uisferem, quem per annum non uidissem,
simul & illud cogitans, quòd tali tempore amici præsentia, dolorem
quodammodo subleuat, quem alterius discessus intulit. Credo autem
te obitum matris moderatè tulisse. MAR. Rectè existimas mi Athana-
si: Quis enim ego, qui irascar Deo, quòd secum potius eam, quàm me-
cum esse uellet? aut quid omnino succenseam, si a mantissima mei ma-
ter ætate iam & laboribus fessa ad optatam requiem peruenit. Fator me
quibusdam naturalibus doloris stimulis agitatum, quum mihi caren-
dum esse eius consuetudine uiderem, cum qua plures annorum deca-
das consumpsissem. Ipsa, quum decennis ipse patrem amissem, uicem
patris mihi & fratribus exhibuit; tum in cura rei familiaris, tum in ex-

De Immort. animi

hortatione ad optimas disciplinas capeffendas, ad quas quotidie incen-
debat suppeditatis magistris: quo autem cultu & ueneratione fuerit er-
ga diuina, non te latet: summa etenim uirtutum omnium pietas est in
Deum: hanc qui habet, cæteras omnes habet uirtutes, quicunque car-
et, uirtutum potius nomina & similitudinem possidet, quàm ipsas uir-
tutes. Itaque quum recolo matrem piè iusteque uitam egisse, dolorem
abijcio, & cogor illius foelicitate gaudere, ut pium decet filium: credo
enim illam iam Beatorum sedibus receptam, uel breui receptum iri, ubi
si aliquid exeunti terrenæ sordis inhæserit, purgatorijs flammis delerit.
A T H A. Hoc ualde extenuat (ut dicis) luctum eorum, qui dolent, ob
discessum suorum, dum cogitant pro uita honestissimè acta hinc disce-
dentes non ad eandem, sed ad longè meliorem uitam transisse: non e-
nim dolendum est de eorum commodis, sed potius lætandum. Quòd
si mortem illorum nobis incommodam putamus, illud iam erat præco-
gitandum, ne nos cura recens laceraret, homines natos fuisse, & homi-
nibus semel hæc esse relinquenda, & incertum, quo die, uel hora potius:
multos enim inexpectatò mors opprimit. Hoc præclare uidit Ambro-
sius (nam dum Mediolani ago, curæ fuit huius uiri libros perlegere,
qui ea in ciuitate Episcopatum magnificentissimè gessisset) Is in altero
libro de bono mortis, sic inquit. Gentiles Philosophi aduersus mortem
plerumque se consolantur: uel de communitate erumnæ, uel de iure natu-
ræ, uel de animæ immortalitate. Denique, quid absurdius, quàm
quod omnibus scias esse præscriptum, quasi speciale deplorare? hoc est
animum supra conditionem extollere? Legem communem non recipere,
naturæ consortium recusare, mente carnis inflari, & carnis ipsius
mensuram nescire. Quid absurdius, quàm nescire, quid scis, & affectare,
quod non scis? aut quid imprudentius, quod scias futurum esse,
id ferre non posse? M A R. Sint ista. A T H A. Illud uerò sapientis di-
cunt non expectare, ut dolori medeatur dies, sed quod allatura erat
dies ratione repræsentare, quum doloribus calamitates mutari ne-
queant, & calamitosum nihil incidat, quod non sit è conditione huma-
næ naturæ. Quapropter illa præclare se habent, quæ tali in re à Phile-
mone & Menandro prolata sunt, & à Plutarcho commemorata in conso-
latione ad Apollonium, & ab eruditissimo uiro latinis auribus donata,
ea non refero, quia notissima sunt tibi. M A R. Nosco Græca: Latina
tamen carmina referri à te uellem, si memoria tenes: deleat enim me
ualde, ubi aliquid bene è Græcis conuersum uideo. A T H A. Geram
tibi morem. Nam memoriæ carmina ipsa mandauì. Illa tibi sunt ex
Philemone.

Si quid remedi lacrymæ afferrent malis:

Minorque semper fieret lugentis dolor,

Auro parandæ lacrymæ nobis forent.

Sed nil here istæc profunt: res ipsæ nihil

Mouentur istis: siue tu semper fleas,
Seu nunquam, eandem pergere insistens uiam,
Quid his iuuamur ergo? nihil certe: at dolor
Ve ipsa fructus arbor, sic lacrymas habet.

Audi nunc Menandrum.

Nam si te alumne genitrix quum peperit tua,
Hac forte es unus omnium in lucem æditus:
Tibi cuncta, ut euenirent, quæ uelles bona:
Idque annuit magnorum quispiam Deum:
Iure optimo indignaris: ualde enim is tibi
Fallax repertus, quod, si eisdem legibus,
Quibus nos omnes (tragicis ut uerbis loquar)
Acquæ patentem cunctis ærem trahis:

Ferenda sunt hæc leuius, & omnis rectius
Ratio habenda, denique hæc summa est, puta
Hominem esse te, quo nullum animantium omnium
Extolli, itemque deprimi citius solet,
Ipsumque id haud iniuria: minimarum enim
Id uirum est: & maximis semper studet,
Plurimaque secum commoda conterit cadens.
Tu uero & magna non amisisti bona.

Et mediocria sunt ipsa ea, quæ pateris mala,
Ergo & modestè alumne, quod reliquum est, feras.

M A R. Hæc, quæ Græci hi Poëtæ monent facere, prudentiæ est summa. Sed tamen minus solantur, propterea quod plerique, uel hoc ipsum lugendum esse dicunt, nos ea natos conditione, ut mala perpeti sit necesse: expediebat enim nulla potius esse mala, quam esse aliqua, & eò confugere, ut æquanimiter ferantur. Tormenta quis optat? nemo, optat tamen sapiens (si patiendum est) pati fortiter, sed mallet illis carere. Itaque minus efficax hæc ad tollendum luctum oratio. Illa uero consolatio optima meminisse eos, qui ex hac uita excesserunt, alia meliori uita detineri: non esse extinctos, sed uitam ducere, & eam uitam, quæ uerè est uitalis, hoc omnem exhaurire luctum potest rectè cogitatum atque tractatum. A T H A. Et si optima esset consolatio, quam dicis, non tamen effugienda uidetur ea, quæ sumitur ex erumnis, & laboribus, & alijs incommodis, quæ in hac uita frequentissima sunt. nam si misera est hæc uita, harum miserrimum finis in morte reperitur, quæ finis est uitæ. Itaque in laude mortis ponitur, quod nos eruit à presentibus calamitatibus, quod etiam profecquitur Ambrosius in eodem libro de bono mortis, ubi etiam tradit hoc diuinum esse institutum: Mortem (inquit) Deus homini non pro pœna, sed pro remedio dedit, licet & ipsa pœnalis sit. Ad ænanque peccanti dictum est pro pœna. Maledicta terra in opere tuo, & cætera. Pro remedio autem additum est, donec

De Immort. animi

reuertaris in terram, de qua sumptus es. Mors ergo pro remedio, quasi malorum finis præscripta est. Sed quid est, quod ais Marce ad omnem luctum exhauriendum nihil tam prodesse, quam si meminerimus eos, qui ex hac uita exceſſerunt, non esse extinctos, sed alia meliori uita detineri? Sermo hic noster indicat animos hominū esse immortales, quod an ita sit, in dubium reuocari ualeat. **M A R.** Imò tu quid ais Athanasius quæ te intemperiarū tenent, ut hæc proſeras? Immortalitas ne animorum, apud te in dubium reuocatur? ecquid te mouet Christus Saluator noster? Euangelium? Fidei symbolum? in quo profitemur expectare uitam æternam. An tibi uita uidetur æterna, si extinctis corporis sensibus nihil ex homine remanet, nihil superest incolume, sed omnia simul & semel intereunt? Vtrum te id facere dicam stoliditate, an incredulitate? neutrum uellem, sed si alterutrum eligendum sit, malletm stoliditate, nunc ueror ne in causa sit incredulitas nescio unde suscepta. **A T H A.** Accuſas me uehementer Marce, sed noli quæſo indiſta causa me condemnare; nam uel te ipſo iudice uincam: Christianus sum Marce: ſcio quid me credere oporteat, ut ſalutem aſſequar. Itaque firmiter animorum immortalitatem teneo, quæ è Christiana est diſciplina, & ſacris undique literis prædicata. Hæc animorum immortalitas fidei noſtræ eſt fundamentum, quod, qui eruit, cætera tollit omnia: hanc ego immortalitatem certiffimam habeo, neque me ab hac fide cuiuſquam doſti, uel indoſtiratio remouebit, sed nunc non agit de fide mea. **M A R.** Quid igitur nunc trepidas? **A T H A.** Non trepido, nam dubius in fide infidelis eſt, & ut planius tibi oſtendam ſententiam meam, non opinione teneo immortalitatem, sed fide: nam hoc ipſo inter ſe differunt fides, & opinio: quòd fides aſſentitur rebus incognitis firmiter: opinio autem ita amplectitur unam partem, ut titubet tamen, ne altera pars aliquando ſit potior. **M A R.** At aiebas modò (ſi rectè percepi) in dubium reuocari animorum immortalitatem. **A T H A.** Aio equidem, sed non penes Chriſtianos, sed penes Philoſophos, & alios pleroſque ueteres; qui luce Euangelij nondum diſfuſa inter gentes & nationes uerſabantur, & cæcis opinionum tenebris plerumque inuoluebantur. **M A R.** Haud mentiris: nam quondam hac de re inter eos, quos memoras, magnum & bene longum fuit certamen. Veruntamen quum inculcatum tibi ſit te eſſe immortalem, idemque de cæteris hominibus ſentias, quid uis amplius? **A T H A.** Dicam planè ſi potero quid uelim, quoniam hæcenus nondum percepifti. Ego fixa fide animorum immortalitatem (ut dixi) complector, sed num naturali ratione oſtendi poſſit requiro propter magnas, & diutinas contentiones, quæ aliquando fuerunt, non quod fides mea ab his rationibus pendeat, sed ex his creſcat, augeatur, corroboretur. Sin autem nullæ erunt, uel ſint aliquæ inualidæ, quæ tantum pondus nequeant ſuſtinere: fides nihilominus inconcuſſa manebit.

bit: innitur enim diuino testimonio, quod omni humano ingenio maius est. nec peccare me arbitror, si fidei meæ adiuumenta undique con-
 quiro. Vnum esse quendam, qui cuncta hæc condiderit, qui humanis
 præfideat rebus, providentiamque gerat omnium, increatum, immen-
 sum, omnipotentem, quem Deum uocamus, immobili dogmate profi-
 temur. Veruntamen quum hoc esset, uoluerunt sapientissimi uiri, ij-
 demque sanctissimi, qui supra nos fuerunt, rationibus è media Philoso-
 phia petitis hoc idem ostendere, & è dignitate sua hoc esse arbitra-
 bantur: non quo fidem eruerent credentium, sed ut corroborarent. Quid
 tam mirum, quàm corporum resurrectio? quæ uideretur nulla humana ra-
 tione comprobari posse? attamen audiui doctissimos homines, qui in
 ecclesia Christi nos præcesserunt, multa argumenta, multasque similitu-
 dines collegisse, quibus istud & diuinæ potentie proum, & sapientie
 congruū, & clemencie aptum demonstrarent. Semper maiores nostri fidei
 dogmatibus rationes ex humanæ sapientie fonte deductas aptarunt, ut
 ea firmitus crederentur, si à rebus cognitis, & usitatis non abhorrerent.
 Nunc, ut ad propositam reuertar quæstionem, quæro de te utrius es sen-
 tentiæ, an eius, quæ immortalitatem animorum posse humanis rationi-
 bus probari contendit, uel alterius, quæ negat: quid horum duorum
 magis placet? quo te confers? quod sequeris? responde quæso. M A R:
 Vis hoc tibi dici? Ego immortalitatem animorum probari posse ratio-
 nibus arbitror, & tam ualidis rationibus, ut conuelli nequeant, habes
 sententiam meam. A T H A. Si ita sentis, peto à te pro amicitia nostra,
 proque familiaritate, ut rationibus his, quibus uidebitur, eam mihi o-
 stendas. Fides iam præcessit mea, hanc rationes subsequantur: fac ut
 gaudeam: gaudebo etenim, ubi eam tali uidero instructam comitatu.
 Noli mihi quæso hanc felicitatem inuidere. M A R. Ita me urges Atha-
 nasi, ut mihi iam tibi denegare sit religio. Itaque negotium aggrediar
 pro uiribus, quod si forsitan re ipsa deficiam, studium tamen in te meum
 perspicies. Solent temeritatis culpam subire quicumque rem suscipiunt
 imparem suis humeris, quamuis laude dignam. At uide Athanasi, qui
 sim, qui malo (si ita contigerit) temerarius existimari inepte dicendo;
 quàm quicquam de beneuolentia in te mea imminutum uideri tuæ nõ
 obsequendo cupiditati. A T H A. Laudo ualde, quod me non spernis,
 sic non te spernat Christus, qui à nemine spernendus ipse, nec cæteros
 sperni iubet. M A R. Aggredior equidem studiosè quæstionem efflaga-
 tatam. Vereor tamen aliquando, ne si quod cupis effecero, nimis lon-
 gum sit, nam qui pro animorum immortalitate contendunt, quorum
 magna est copia, tam multiplicia, tamque uaria efferunt argumenta, ut
 si cuncta explicare uolucro, uix hic dies suffecturus sit. A T H A. Si lon-
 gitudinem adducis Marce tui causa, potes, si quid fuerit prætermis-
 sum, in alium diem differre, idque tunc explicare: sed si molestum non fuerit di-
 centi, cur mihi sit audienti? nam quantum ad hodiernum attinet diem,
 mul-

De Immort. animi

multum adhuc eius superest, quod si prius occiderit, quàm sermo noster, nihil erit negocij progredi luminaribus allatis. **M A R.** Rationes Athanasi varias habeo, & multiplices (ut dixi) ad ostendendum, quod requiris, quarum quædam ita sunt perspicuæ, ut cogant quodammodo fateri rem ita se habere: aliæ autem suadent tam efficaciter, ut saluo pudore resisti non possit. Te tamen admoneo, ut fidei priores partes penes te esse patiaris, sicut modo pollicitus es; quamvis enim rationes ipsas magni momenti esse ducō, tamen ita statuo posteriori loco esse ponendas. Fides & scientia, & si in eo conueniunt, quòd utraque firmat sententiam suam, nec de ea ambigit, differunt tamen, quòd fides credit inconcussè uerum esse, id de quo audit, quamuis occultum sit, & uelatum: scientia autem iudicat constanter uerum esse, quod perspicit tanquam id perspiciat nudatum, & omnibus integumentis euolutum: quæ si nuda in eo, quod perspicit, & ulterius quærit, non scientia fuit, sed (ut tu dicebas) opinio. Itaque quum humanæ rationes uendicent sibi scientiam, quæ tamen in plerisque uacillat, tutius est omnino committere se fidei, quæ diuinis innixa oraculis nunquam fallit, quàm humanæ scientiæ, quæ quamuis si scientia esset, non falleret, nec fallere posset, tamen in ambiguo sæpius relinquitur, scientiæ ne, an opinionis nomen tæreatur. Vt autem ad immortalitatem ueniam, de qua agitur. Multa sunt hac de re diuinarum literarum testimonia, & tam aperia, ut non egeant interpretatione. Illud quoque, quod circa Iob gestum est, hanc eandem immortalitatem animorum edocet, sed paulò occultius, ut non ab omnibus animaduertatur. **A T H A.** Me quoque inter eos numera, qui non animaduertunt. Itaque explana, (nisi molestum est) quomodo id se habeat. **M A R.** Quum Deus, Iob uirum rectum & iustum Satanæ tradidisset, ut eo quemadmodum uellet uteretur, modò animam eius seruet: & Satanæ hac potestate accepta liberos eius interfecisset, substantiamque omnem perdidisset, postremò ulcere pessimo à planta pedis usque ad uerticem percussisset, ita, ut sedens in sterquilinio testa saniem raderet, hæcque omnia uir inuicti animi placidè tulisset cum illo prædato elogio. Dominus dedit, Dominus abstulit. Nolens Deus hanc eius patientiam irremuneratam relinquere, duplicia ei omnia reddidit. Habebat prius (ut scriptum est) septem millia ouium, tria camelorum, quingenta bouum iuga, quingentas asinas, ac familiam multam nimis, restituta sunt illi quatuordecim millia ouium, & sex millia camelorum, & mille iuga bouum & mille asinæ. Vt autem ad liberos uentum est, non sic. Restituti sunt septem filij & tres filiæ, quot antea habuerat, quasi illos priores in morte corporis non amiserit, sed præmiserit: non redditus fuisset duplicatus liberorum numerus, nisi hi, quos prius susceperat, computentur, qui non, ut reliqua animalia uiro perierant, sed adhuc manebant superstites. Tenes ne? **A T H A.** Teneo, & hoc fatis argutè ex historia illa collectum iudi-

iudico. **M A R.** Fides igitur nostra pro uiribus immortalitatem complectatur, quemadmodum religionis nostræ iura postulant; sumus enim fidelium, non sapientum nomen consequuti, qui non possumus etiam sapientes gentibus extra positos uideri, ut qui stultitiam crucis (quod magnum est mysterium) prædicamus. **A T H A.** Faciam quod mones Marce, cum sponte mea, tum auctoritate tua inductus, sed scis ne quid me impulit, ut rationes quoque audire cuperem. **M A R.** Si dixeris. **A T H A.** Audi. Ego superioribus mensibus, dum Mediolani agerem, incidi in libellum Philosophi siue Mediolanensis, siue Mantuani (non enim satis de patria hominis memini) In eo libello acerrimè hac de re disputatur. Sed adedò obscurus ille, & tam sordidis uerbis contextus, ut uix millesimam eius partem intelligerem. In summa attentius consideras, collegi, uelle humanam animam in morte corporis non supere, sed pariter extingui: sententiæque suæ Aristotelem auctorem facit. Ex eo die exarsi cupiditate, scire quid hoc rei esset, & ad te tunc potissimum respiciebam, quem existimabam huic muneri idoneum fore. Sciebam nanque te inuestigare hæc & similia solere. Opportunè autem accidit, ut sermo, quem ab initio habuimus, huc nos deduceret, & ansam quodammodo huic quæstioni præberet. Ideo occasione hac elatus, non desui huic meæ cupiditati, ut uides. Cognoui iam te contrariam sententiam his, quæ in libello illo dicuntur, inducere. Itaque expecto nunc rationes illas è fonte naturæ deductas, de quibus modo dicebas; magnum sanè earum munus, magnus fructus, si animorum docuerint immortalitatem. **M A R.** Vellem, ut libellum illum, de cuius obscuritate & sordibus conquereris, intellexisses. Nam si te dicente cognoscerem argumenta, quibus scriptor ille innititur, ut animas hominum putet esse mortales, ualidius insurgerem, & ueluti collatis signis dimicarem, & toto (ut existimo) campo fugarem, quanquam non me latet, quæ pro illa parte dicuntur: sed nostri disputantium nonnullorum morem, qui negant suis argumentis esse responsum, etiam quum respondeatur: quid futurum putas, ubi quorundam forsitan, quæ ille scripsit, argumentorum nulla fuerit habita mentio? Sed antequam progrediar, num faciendum id putas, quod in omni sermone faciendum Aristoteles præcepit? **A T H A.** Quid nam hoc? **M A R.** Si unum nomen in multiplici sit significatione, prius inter disputantes conuenire censet oportere: qua in significatione id capiatur, ne diuersitas intelligendi, errorem inducat animam autem multipliciter capi scire te arbitror. **A T H A.** Scio animam nuncupatione & aërem significari, & uentum, & flatum, & spiritum. Animam etiam pro aqua posuit Plautus paulò inusitatus.

Ni ego illi puto, si occepso, animam omnem intertraxero. At non de hac agitur, sed de ea, quæ uitam tribuit corporibus. **M A R.** Sed ne de plantarum quidem, aut beluarum anima, sed de humana est sermo, ac ne de humana quidem, unde cum plantis & beluis communem

De Immort. animi

nem habemus; hac enim parte extincto corpore interit; ut quæ corporea sit, sed unde rationis est compos, quærimus num intereat, uel perpetuò uiuat. A T H A. Sic habet. M A R. Græcia unum tantum nacta est nomen, quo anima rationis compos uocatur: etenim ψῆchen illi uocant. Nos duo habemus uocabula, animam scilicet & animum: quæro quid inter ista interesse censeas, quæ tam exiguo distant literarum sono?

A T H A. Si Grammaticis credimus, anima est, qua uiuimus, animus quo sapimus: uel anima est uitæ, animus consilij. hinc dicunt posse uitam sine animo existere, ut in furiosis uidemus, sed non sine anima. Hæc illi ponunt in suis thesauris, & censent eos, qui castigatius loquuntur, id sequi oportere. Veruntamen ubi ad magnos uenio scriptores, inuenio eos his uoculis promiscuè uti: nam id etiam, quod rationis est compos, animam uocant. Augustinus in libro de Spiritu & anima, seu quisquis fuit, qui librum illum condidit, censet pro uarietate uirium & actionum diuersa nactam esse uocabula. Dum ergo tribuit uitam corpori, anima est: dum uult, animus: dum scit, mens: dum recolit, memoria: dum iudicat, ratio: dum spirat uel contemplatur, spiritus: dum sentit, sensus: nam inde sensus anima dicitur pro ijs, quæ sentit, unde & sententia nomen accepit. M A R. Quid ergo nunc faciendum censes?

A T H A. Potes uti promiscuè his uoculis: nihil intererit hoc in sermone animum ne, an animam dicas: re enim intellecta in uerborum usu faciles esse debemus. M A R. Sed num intelligis, quæ animi uires? quanta potentia? nisi fortasse parua hæc existimas, intelligere, meminisse, uelle: quæ tria animo tributa sunt, & eius tam propria munera, ut quum aliquid illorum trium significare uolumus, animi nomine utamur. Et ut ad primum ueniatur, quòd intelligentiam animus uocabulo suo comprehendat, hinc disci potest, quòd quum auditores rogamus, ut dicendis intelligentiam accommodent, petimus, ut animaduertant, uel animum adhibeant. Accipi etiam animum pro memoria, quæ custos & thesaurus rerum perceptarum esse, dicitur, uel illud Virgilianum indicat.

Omnia fert ætas, animum quoque,
id est memoriam Seruio interprete. Nam postmodum sequitur.

Nunc oblita mihi tot carmina,
& meritò id quidem. Nam primum uulnus memoriæ senectus infligit. Sed animi quoque nomine memoriam significari uulgaris quoque sermo ostendit. Nam, quum petimus ab amico, ut cuiuspiam rei sit memor; dicimus, fac, ut hoc in animo habeas. Restat uoluntas, quam etiam animum uocari dubitat nemo. Vnde illud,

Sin alios fines, aliamque capefcere gentem

Est animus, possuntque solo decedere nostro.

Nonne Poëta hic animum pro uoluntate posuit? Sic comœdiæ loquuntur. Nosti Terentiana illa. Mala mens, malus animus. Item. Animus ergo te idem, ac fuit. Et alibi. Timet omnia, patris iram, ac animum amicæ,

amicæ, ut sit suæ. De hoc igitur animo incumbit disputatio, utrum corrupto corpore ipse quoque corrumpatur, uel num abeat incolumis, cum suis tantis diuitijs & facultatibus. Nam hæcenus nemo dixit euadere nudum tanquam naufragum, sed aut penitus interire putant, aut incolumen his suis retentis manere. **A T H A.** Vera loqueris. **M A R.** De immortalitate igitur animi loquendum est nobis, unde propriè est animus, id est, unde uult, intelligit, reminiscitur, non unde uitam tribuit corpori: nam hæc eius uis & potestas interit ex corporis defectu. **A T H A.** Hæc in confesso nobis sunt. **M A R.** At hanc animi immortalitatem à multis agitatam olim fuisse perspicuum, alijs eam astruentibus: alijs negantibus. Nec mirum uideri debet rem summis contentionibus inter eruditos fuisse tractatam. Cognitio nanque finis unumquenque maximè sollicitat, nam propter eum cætera mouentur. Quid hac in re putas, quæ propriè ad nos pertinet? Etenim si cum extinctione sensuum corporaliū animus unà extinguitur, finis apparet naturæ nostræ. Sin autem superest, finis huius tantum uitæ ostenditur. Ego uerò quum existimem, postquam homini mors aduenerit, superesse aliquid, idque, quod in illo fuit maximum, quæso, ut patiaris me paulò fufius & uberius de hoc ipso disputantem, aut ne petisses, ut id explicarem: Ego enim me tibi non offerebam. Agitur enim (nimirum) res maxima, spes scilicet immortalitatis nostræ, quàm tenentes iucundius uiuimus; cogitatio namque ea incumbet, nusquam occidere, quod in nobis est optimum, sed meliorem in statum reponi, nos nunc corporibus immistos famulari non morti, sed perpetuæ uitæ, quæ post uarios casus, laboresque plurimos superatos læta aderit alio in sæculo, & beatos reddet. Accedat, quod, ut nuperrimè dictum est, nihil æquè ad mœrorem, quem ex propinquorum & amicorum morte suscepimus, propulsandum pertinet, quàm si intellexerimus illos uiuere, quos ueluti mortuos deploramus. Sed & dolorum præterea mortisque contemptus paratur, quod fortitudinis maxime est proprium, dum hæc amissa meliorem subsequi uitam creditur. hinc itur audacius in proelia, & nullum discrimen pro patria, pro ciuibus, pro legibus, pro fide Christi metuitur, imò nec supplicium ullum reculatur. Quòd (ut cæteros omittam) Martyres nostri locupletissimè ostenderunt. Nunquam enim illi eculeos, uncas, sartagine, ardentes laminas, ferreos ungues, bestias, & alios durissimos cruciatus subire uoluissent, si præsentī uitæ extincta, nullam aliam superesse credidissent. Rectissimè dictum est, principium esse ad iustè rectèque uiuendum animi immortalitatem: contrà uerò occasionem suggerere prauitati quicumque humanos animos unà cum corporibus ruerè, prædicarent. Hoc uidentes Sapientes uiri, qui Respub. legibus instruxerunt, hanc animi immortalitatem ciuibus suis proposuerunt, ad quam natura omnes ferè rapimur: non enim ueram solūmodo, sed utilem etiam ciuitatibus hanc opinionem arbitrabantur. Aggrediar ergo id quærere. Ego

C nanque

De Immort. animi

nanque ualde approbo, quòd retento semper religionis nostræ decreto anima uelit noscere (quantum fieri potest) se ipsam, quia id postulat ratio & utilitatis & ordinis. Ordinis quidem, quia, quod nos sumus, primum est nobis. Turpiter quærentur aliena, ubi propria ignorantur. Vtilitatis uerò, quia intelligentes immortalitatem nostram, camquæ penè oculis captantes, rectè uiuere studebimus. Huc autem respicere debet scientia nostra: multæ sciendi causæ (inquit diuus Bernardus) sunt enim qui scire uolunt eo fine tantum, ut sciant, & turpis curiositas est. Alij scire uolunt ut sciantur ipsi, & turpis uanitas est. Alij, ut scientiam suam habeant uenalem ad pecuniam, uel honores respicientes: & turpis quæstus est. Sed & sunt quidam ab his diuersi, qui scire expetunt, ut alios doceant, & charitas est, uel, ut habeant, quo dirigere uitam suam habeant: & prudentia est. Hanc ultimam causam teneamus, fixamque cordi habeamus. Quicunque enim immortalem se intelligit, & potest illud Poëticum effari.

Non omnis moriar, multaquæ pars mei Effugiet Libitinam,
Nonne mouebitur, ut magis futura curet, quàm præsentia? rationem potius ducat eorum, quæ nunquam, quàm quæ aliquando intereunt? Proponere tibi nunc alia ex parte eos, quos spes destituit futurorum: an non illud dicunt? Breuis hæc uita, puncti instar, uel si aliquid puncto potest esse breuius, umbræ est transitus, & ueluti flos hesternus marcescit. Rapiamus ergo, dum licet, indulgeamus nobis, expleamus cupiditates nostras quacunque possumus, donec hac luce fruimur: nam postea non aliud nec maius nec deterius sequetur, nec præsentia manebunt. Hæc incredulorum est oratio, quæ impellunt se ipsos ad omnia, etiam cum iniuria fociorum: non enim tantum uerbis, sed (quod est grauius) factis etiam ipsis loquuntur. Et hæc quidem habeo de immortalitate dicere, quantum hæc boni afferret credita & humanis indita mentibus: rursus quantum asserre ualeat mali, si non asseueratur. Veruntamen an id uerè ita se habeat inuestigandum est diligenter: nam ueritas homini sanæ mentis charissima est omni, & aduersus inimicos eius omni studio, conatuque defendenda: amicitia etiam omni proponenda: præsertim, quum de ea re agitur, quæ uitam totam humanam dirigit. Sciri autem id posse, quod quæritur rationibus inductis, uel tu ipse existimas, qui hanc disputationem effragitasti: non enim hoc est ex illo rerum genere, quorum impossibilis sit cognitio, & quæ penitus humanæ mentis aciem effugiant: nam si id ita se se haberet, frustra esset omnis inquisitio, & stultè in eo opera poneretur: fatendum est tamen, quòd rationes, quibus animi immortalitas demonstratur, sapientum magis uirorum, quàm rudium, & indoctorum peccioribus elucent. Hi autem nihil altius speculariter, & ob assuetudinem corporum uix quicquam corpore uacans queunt cogitare: illi autem longè acie mentis prouecti res à materia facilè diuellunt, & intelligentes aliquid esse incorporeum, haud difficulter qualis animus possit
to cor-

ro corpore esse possit, meditando consequi ualent: hortandi autem essent hi, qui minus ingenio ualent, & non satis magnarum artium instituti sunt disciplinis, ut fidem adhiberent illis, qui & inuestigando & experiendo multum in talibus pollent, & oculo acutiore (ut sic loquar) uident. Nolo hac in re multus uideri. Etenim immortalitatem cognosci posse, uel illud aperte indicat, quod cognoscitur, sicut posterius ostendetur. quod autem omnes non æquè demonstrationum sunt capaces, hoc facit differentia, quæ intercedit magna inter peritos & imperitos: nam hi ne excogitant quidem, quæ apud sapientes manifestissima sunt & receptissima. multum potest in cognoscendis rebus exercitatio, multum uehemens, assiduaque meditatio, nam ubi intenderis ingenium ualet. Et de his quidem satis. Sed ne longiori utar sermone, ad rem ipsam propius accedam. contrarias uideo sententias: etenim cum in homine plus aliquid inesse crederetur, quàm quod oculis capiatur, animus scilicet motus habens quosdam, qui ad inueniendum celeres sint, ad excogitandum acuti, ad explicandum uberes, ad memoriam firmi, ad uoluntatem liberi, quæsitum fuit ab antiquis sæpius, num is tali præditus facultate, unâ cum corporibus occideret, an uerò immortalium conditione in æternum uigeret, hi quidem aiunt, moritur; illi, non moritur: hinc acris insurgit pugna & contentio. Ex plurimi quidem ingeniorum uela, ut æternitatem probarent, tenderunt, rationibusque inductis, & sibi & cæteris illud suadere nitebantur. Nostri uerò, qui diuinis magis nituntur oraculis, quàm rationibus, tam firmiter credunt durare in æternum animas, quàm corpora quotidie uident interire. Quamobrem ita parati ad istam disputationem accedere debemus, non ut ullæ rationes fidem nobis procreent, sed ut fides nostra rationes ipsas adiuuet atque confirmet. Tu uerò asseris, quod nuper quidam magnus Philosophus libello edito multa contrariam in partem satagit astruere, uni præcipuè innixus Aristoteli, quem sententiæ suæ auctorem facit ac magistrum. Facile patior delirare aliquos, tergiversari, & tanquam de transuerso incurrere, quo plus cæteri, qui contradicunt egregiè probatæque scientiæ & uitæ uiri auctoritatis nanciscantur. Aristoteles existimatus est hac de re suam occultasse sententiâ, quod ex eo facile deprehenditur, quod alij affirmant, eum tenuisse immortalitatem animarum, alij negant. Hæc autem contentio satis indicat rem esse in ambiguo, quum utraque pars uerbis Aristotelis innitatur. Sed quicquid ille senserit, nempe illud liquido constat nobilissimas Philosophorum disciplinas, quæ maxima in gloria uiguerunt, pro immortalitate stetisse. Intelligis iam (ut opinor) me de Pythagoricis & Platoniciis dicere, sed ante hos omnes antiquissimus Mercurius Aegyptius, qui ob admirabilem sapientiæ magnitudinem terræ maximi cognomen accepit, eiusdem fuit sententiæ. Deus (inquit) ex duabus naturis immortalis scilicet & mortali unam compegerat, atque ita hominem in aliquo quidem immortalem, in aliquo mortalem fabricabar.

ut utriusque particeps omnia uidens, omnium secretis indagator, ut utriusque satisfaciens originis, posset mirari atque adorare coelestia, & incolere atque gubernare terrena. His uerbis uetustissimus ille sapiens damnaſſe illos uidetur, qui hominem totum morte ipsa deleri crediderunt. Thales quoque Milesius, ut Laërtius refert, idem sensit. Adde eodem præter Pythagoram, & Platonem è ueteribus Zoroastrem, Orpheum, Socratem, Xenocratem, Xenophanem, Crantorem, Chrysippum, Homerum quoque uetustissimum poetam, qui non hoc carminibus suis tam continenter inuoluisset, nisi id uulgo creditum & receptum fuisset. Non prætereo Phocylidem uetustum & ipsum scriptorem, qui mortalium uitam instituit præceptis, idque poetice singulis ferè uersibus, quod temporibus illis summæ sapientiæ existimabatur. Ille hanc ipsam animorum immortalitatem astruxit, dum inquit ad hanc sententiam.

Corpora morte iacent, animos sed uiuere credas.

E Platonis, quanquam id esset totius sectæ decretum, tamen nominatim appellare possumus hos, quorum maxima ingenia extiterunt, multaq; scriptis tradiderunt, Iamblichum, Plotinum, Porphyrium, Proclum, Ammonium, Alcinoûm, Plutarchum, sed ex his etiam, qui Aristotelem sequuntur, præstò est Theophrastus, Themistius, Philopponus, Simplicius (hi Græci omnes) & ex Arabum gente prodiit Auicenna, Algazel, & superans ferè cunctos ingenio & diligentia Auerroes. Et ut ad Latinos ueniam. Cicero immortalitatem animorum astruxit in Tusculanis: quaestio nibus latissimo illo suo ore, quo latinæ eloquentiæ fons exundantissimus habetur: Macrobius quoque non spernendus auctor, & Seneca pollens acumine ingenij in consolatione ad Martiam, & in opusculo, quod de diuina prouidentia fecit, nec non Lactantius Firmianus, Constantij Cæsaris præceptor, qui riuulus Ciceronianæ eloquentiæ putatur: eadem complexi sunt, Boëtius quoque in Philosophica consolatione, & alibi sapius eiusdem sententiæ assertor fuit. Reliquam Philosophorum, & Theologorum multitudinem enumerare quis possit? satis est hanc sententiam, auctoritatibus summorum uirorum esse munitam. Isti etiam, qui humaniores sequuti sunt literas, nonne idem tenuerunt? quos equidem prætereo ne ex omni grege aucupari auxilia uidear. Non possum tamen præterire clarissimum historiarum scriptorem Crispum Sallustium, qui in proœmio belli Iugurthini animum incorruptum, æternum, rectorem humani generis uocat, cuncta habentem, neque à quoquam habitum, quem cætera corporis & fortunæ bona fluxa, & fragilia esse dicat: illa etiam prædicat magnificè. **AT H A. Quæ? M A R.** Quemadmodum (inquit) genus humanum compositum ex corpore & anima est, ita res cunctæ studiisq; omnia, alia corporis, alia animi naturam sequuntur. Igitur præclara facies, magnæ diuitiæ, ad hæc uis corporis, & alia huiusmodi omnia breui dilabuntur. At ingenij egregia facinora, sicuti anima, immortalia sunt. Et quoniam Plato furem diuinitus immissum omni humanæ præfert,

præfert sapientiæ, non omitto Pythiam Delphicam, Sibyllas, & alios in
numeris uases Græcos, & Barbaros immortalitatem animæ prædicasse.
Sibyllæ etiam ultimum Dei iudicium in omne humanum genus exercere
dum prædixerunt. A. T. H. A. Magnas undique collegisse te video co-
pias pro immortalitate. M. A. R. Facio id equidem studiosè: nam pluri-
mùm ad suadendum pollet illustrium auctorum multitudo, quia uerissi-
mile sit id esse uerius, in quo plurium oculi conspirant. Itaque quod fre-
quentiori eruditorum calculo receptum est, id ferè omnes sequimur: hoc
in iure ciuili obtinet, hoc in naturalium rerum inquisitione, in re medi-
ca, astrologica, cæteris denique ingenuis artibus. Quid in doctrina Chri-
stiana? nonne quod communi patrum decreto statutum fuit, id tene-
ndum est, priuata autem dogmata, qui sequuntur, hos ut hæreticos horre-
mus? neque cum his mensam, aut sermonem communem habemus, aut
alia in re communicamus, quod olim penes gentes aqua & ignis inter-
dicto fiebat. Plurimum ergo iudicium firmitus, quanto magis uniuerso-
rum? nam uniuersos homines exceptis paucis immortalitatem tenuisse
confirmo. Vnde autem emerferit hic error quorundam, putantium hu-
manam animam in morte corporis non euadere incolumem contra om-
nium gentium opinionem, contra publicarum legum auctoritatem, con-
tra maiorum ceremonias, omniumque religionum iura, dicam breui si po-
tero. Hoc malum in Græcia ortum est ab his, qui primi philosophari co-
eperunt, & singula rationum momentis tentare uoluerunt: hi quum nihil
altius saperent, prouum iter sensuum sequuti sunt, & nihil in mundo ini-
corporeum esse dixerunt: hinc quum de animæ substantia disputatio in-
cumberet, corpus esse uel aliquam eius partem esse posuerunt: alii aë-
rem, alii seruidum spiritum, alij cor, alij cerebrum, alij sanguinem pu-
tauerunt. Quid dicam de his, qui lucem, qui ignem, qui scintillam stel-
larum, qui spiritura tenuem per totum corpus diffusum astraxerunt? nec
desuerunt, qui temperationem esse quandam ex quatuor principiis con-
statam affirmarent, nimirum deinceps si hæc sententiam sequentes mo-
ri animam existimauerunt, hæc Anaxagoras stetit, hæc Democritus, hæc
Leucippus, alij quidam, Anaximenes, Heraclitus, Empedocles, Cri-
tias, Parmenides, deumque Epicurus, Diæarchus, & qui horum discipuli
nam sequuti fuerunt. Ad hæc potest & iunioribus Græcorum Nicæus.
Arabes quoque (ne id tantum modo Græcorum uitium putes) Alpharab-
ius, Auampaces, Albubacher sententia sua perimunt animos, & ueluti
capite molstant. Eos etiam, qui dixerunt, optimum esse homini non na-
sci, proximùm quàm citissimè abolepi, mortem animarum credidisse fer-
mo ipse indicat: nam ita dixerunt, quia si post hanc uitam nihil sit, sed
cum ea omnia extinguantur, & nihil esse, uel in nihilum redigi, quietem
arbitrabantur, si tamen ulla potest esse quies nihil sentientis. Demonax
Cyprius arduus & ipse Philosophus, sed nimis arrogans, cuius uitam
Lucianus in literas misit, interrogatus, quid de animo sepiuerit, nam ef-

De Immort. animi

set immortalis? Respondit, immortalis, sed ut omnia. Sic iste quoque non abire, sed obire animum sensit, nihil animis plus ausus est tribuere quam cæteris, quorum interitum uidebat. Stoici, quod genus erat Philosophorum acutum & uehemens, & in Dialecticis ualde exercitum, animos post corporis mortem diu durare dicebant, aliquando tamen extinguui, non ostendentes tamen quot durent sæcula: quod de quibusdam animalibus traditum est, quæ diutissime constat uiuere. Himeritò improbandi uidentur, nam quum suscipiant, quod difficillimum est in præsentī controuersia, animos durare post corpora, illud, quod facilius concedi potuit & debuit, durare eos in æternum, negant, quum tamen extinctionis subitæ nullam afferant causam. At nec sanæ mentis hominibus suaderi unquam potuit, animam, unde rationis est compos, in alio quo esse corporum genere, ut quæ sit omni corpore præstantior. Ipsa præterea quomodo corpus? quum non habeat spatio diffusam molem, quod necessario reliqua corpora recipiunt; non habeat etiam illas primarias qualitates, quæ cunctis insunt corporibus: non enim, quod in nobis sapit & intelligit, longum est aut latum; non calidum aut frigidum, & cætera huiusmodi. Sed & illud ostendit animam non esse corpus, quod præraque intelligit sine corpore, & quod adueniens corpori ipsum non augeat, nec recedens imminuit. A T H A. Vellem de Aristotele tibi aliquid liberet dicere, quid scilicet cum de animi immortalitate sensisse ipse credas: hunc enim humanæ sapientię regulam, hunc admirabilium rerum singularem inuentorem, hunc Philosophiam ab alijs institutam perfecisse exclamant. Itaque non possumus hunc tam magnum Philosophum præterire, ut eius sententia non exquiratur. M A R. Magnus sine controuersia fuit hic Philosophus, sed obscurus sermone, adeo, ut magna opus sit cura, ut intelligatur: hac autem in re ita perplexè loquutus est; ut utraque pars Aristotelem sententiæ suæ patronum faciat. Ego (ut ab initio dixi) ambiguum fuisse, & suam de industria oecultasse sententiam arbitror. Nam si apertus esse uoluisset, duobus aut tribus uerbis id facere potuisset: diceret simpliciter humanam animam esse mortalem, si ita uidebatur, uel immortalem, si contra existimabat, nunc suspensio gradu incedit, & quædam uerba reliquit, ut utrumque sensisse uideatur. Faciam autem sic. Nam exponam loca, quibus utraque pars pro sua innititur sententia; deinde liberum tibi relinquam, ut iudices quid ille senserit, & in quam partem declinarit. An si id fecero, tibi satisfaciam? A T H A. Nihil te commodius facere posse arbitror, quàm si hoc feceris, & liberum unicuique relinquis, re in medium posita, opinari de Aristotele quid sibi uoluerit. M A R. Ergo adducemus loca non tamen omnia, sed quæ magis urgent. In primis, quod putauerit animam non diutius uiuere quàm corpus, illud indicat, quod in ethicis ausus est dicere, ultimum esse mortem, nec post eā uideri bonum aliquod uel malum superesse mortalibus. hoc ille non posuisset, si immortalita-

tem esse placuisset: mors enim potius esset in uotis, si duraret post eam animus, & hac ianua ad potiorem transmitteretur uitam, quod Cleombrotus quidam fecisse narratur, quem aiunt lecto de immortalitate Platonis libro se de muro præcipitem dedisse. Rursus in eisdem Ethicis ait idem fortem uirum exponentem se morti se ipsum orbare maximis bonis, quibus est dignus. Hic si immortalem animam credidisset, nonne illa potius dixisset, forti uiro maxima proposita esse post mortem præmia, ut qui pro æquitate pugnans occubere uoluisset? hanc enim habent omnes fortitudinis acuendæ causam, quod uir fortis non tam amittere uitam, quam commutare uideatur, deteriorem scilicet meliori: nam quam ille proponit gloriam, & ea sperat hominum pectora incendi ad fortitudinem, frigidum est solatium: quid enim pertinet ad quemuis post mortem gloria, quam, si totus moritur, non sentiet? Sed & alij huius Philosophi sermones ostendunt ipsum immortalitatem abiicisse, quale illud est, quod asserit uoluntatem esse impossibilem, & inter exempla immortalitatem recenset. Idem in eisdem libris moralibus autumat mortuum non esse felicem, quia felicitas (inquit) penes nos est operatio, qua caret mortuus. Cur præterea, quum de hac ipsa felicitate uerba facit, quod est ueluti signum ad sagittam, ubi omnes collimant: felicitatem tantum proponit hominis uiuentis, nullo habito sermone eius, quæ post mortem continget? An oblitum rei tantæ dicemus? uel uerisimilius sit nullam putasse? Sed in Oeconomicis ipse quoque ait, homines sola propugnatione assequi sempiternitatem. Et hic quoque oblitus uidetur (si ita dicendum est) immortalitatis. Et hæc quidem & similia asserunt loca, qui existimant Aristotelem contra immortalitatem stetisse. E contrario autem Auerroes, Simplicius, Themistius, & bona pars Peripateticorum asserit Aristotelem accessisse animarum immortalitati. Multiplices asserunt locos, in quibus id uoluisse putatur, quos nos consulto omisimus, ne nimis protrahatur sermo. Sed fortissime id sentire creditur in secundo de generatione animalium, capite tertio, ubi proposita quaestione, quæ sit forma hominis, quo generante, quo in tempore, quomodo insit homini genito, respondet, intellectum extrinsecus accedere, ut qui per se ipsum subsistat, nec actionem habeat à corpore pendente, dicitque eum nullo corporis instrumento fabricari, remque diuinam uocat. Præterea in libro primo de partibus animalium, capite primo, ait animam rationalem esse abstractam à materia simpliciter, ideo à Physico non esse considerandam. Amplius tertio de anima de utroque loquens intellectu agente ac possibili, affirmat intellectum uerè esse separatum, à corpore scilicet, eaque de causa esse immortalem. Idem septimo ethicorum, quæ si in extremo libri, dum inquit, cur nulla res eadem nos semper delectat, quia (inquit) non est simplex nostra natura, sed inest aliquid aliud, quo corruptibiles sumus. His uerbis ostendere uidetur inesse nobis alterum, quod penitus corruptionis sit expertum. Age, uideamus & illud eiusdem

De Immort. animi

dem in secundo de anima, ubi asserit intellectum, qui in contemplatione uersatur separari à sensu, sicut perpetuum à corruptibili. Add e etiam, quodd in primo ethicorum prospera & aduersa posterorum & amicorum censet ad defunctos quadam ex parte pertinere, ut ex is uel foelices sint uel infelices. Sed in policitis Heroibus assignat post mortem insulas fortunatas, ubi Beati exigunt æuum, quin etiam censet eis sacrificandum: Heroes autem uocari animas uiro- rum fortium nemo negat. Aristotelē etiam composuisse librum quendam, cui titulus est Eudemus, & Laërtius testatur in Aristotelis uita, & Themistius in libris de anima, & Plutarchus in consolatione ad Apollonium: illo in opere apertissime astruit animarum immortalitatem, ut tergiuersationi non sit locus. Expositis iam, quæ utrinque de Aristotele dicuntur, & perspectis eius sententijs, potes ne mihi dicere, cuius fuerit partis? quo se inclinarit? **A T H A.** Difficulter id quidem possem: magnoque opus foret ad cogitandum spacio. **M A R.** Ego quid mihi semper uisum fuerit exposui, cuius quidem sententiæ habeo socios. Sunt enim & alij non ineruditi uiri, inter quos Ioan- nem Scotum Theologum primarium numero, qui prospicientes Aristotelem hac in quæstione uariè scrip- sisse, & modo huc, modo illuc accessisse, ambiguum fuisse existiment, & leuiter utranque opinionem attigisse, nec in earum altera immoratum, ut solet, quum assertionem suam probare, & aliorum improbare conatur, cuius etiam rei suspicionem commouet Plutarchus, qui in libro, in quo colligit Philosophorum placita, dum sententias ponit eorum, qui tenuerunt animæ mortem, & aliorum, qui tenuerunt perpetuam uitam, Aristotelem prætermittit, quum tamen multis alijs in rebus, quid de anima Aristoteles senserit exposuisset. Dubius igitur (ut mihi uidetur) hac in re fuit, nec dici potest, quodd dubitans rei scientiam haberet, illud tantum sciebat se dubitare, & unde ad dubitandum impelleretur. Dubium autem Aristotelem fuisse non tantum ex uarietate scriptorum colligere licet, sed ex eo quoque, quodd libro primo de anima intellectum asserit, nihil forsā perpeti posse: illud forsā non est fidentis hominis uerbum, sed titubantis. Rursus duodecimo methaphisices quæstionem mouet, nec dissoluit, sed posterius dicit determinandam, quasi antea in physicis non determinarit. Hæc faciunt, ut unā cum quibusdam alijs Aristotelem ambiguum fuisse opiner. **A T H A.** Quid si tibi uim adhibere possim, & cogam, ut alterutrum pronunties, quid dices? **M A R.** Dicam te Tyrannum esse, si id feceris. **A T H A.** Non id te rogo, sed ut dicas de Aristotele, in quam magis partem inclinarit: potes enim id dicere utrisque locis perspectis. **M A R.** Non times Athanasi. **A T H A.** Quid. **M A R.** Ne te parum æquum existimem, quodd mutes multum de conditionibus. Nam ea lege dicere cœperam de Aristotele, ut utrisque locis propositis liberum auditori iudicium relinquerem, quid sibi uir ille uoluerit. **A T H A.** Sic est. Nihilominus potes dicere, quod te flagito. **M A R.** Ego (si dicendum est) Aristotelem ma-
gis

gis ad immortalitatem flexisse existimo. Nam loci, qui pro immortalitate faciunt, mihi ualidiores & firmiores uidentur: pluribus autem contrarijs locis hominis compositi statum non simplicis, seu disiuncti, qui in intellectu solo consistit Aristoteles spectasse uidetur. Existimant quidam Aristotelem animarum mortem aperte non posuisse, uerum ne accedente accusatore Iudicum sententijs subijceretur, & pœnas daret, quod mihi tamen uerisimile non uidetur. Nam qui illum antecesserant Democritici, & qui postea sequuti sunt Epicurei, idem sentientes, nihil unquam eo nomine à Iudicibus passi sunt. Accusatus postmodum impietatis fuit ab Eurymedonte Hierophanta communi illa Philosophorum inuidia, quod de Dijs non rectè sentiret; quod sanè iudicium, cogitans, quid simili de causa Socrati contigisset, subterfugit, & in finitimam Chalcidem clam euasit, ubi post triennio extinctus est. Editos libros suos & non editos dicebat, ita, ut ne ipsi quidem sua obscuritas ignota esset, sed eam potius de industria affectasse uidetur. **A T H A.** Omittamus iam quæso hunc Philosophum, de quo multa dicta sunt, uoluit ille non apertus esse hac in controuersia, sed latere, ideò latebras illi suas relinquamus, & ad reliqua progrediamur. **M A R.** Rectè mones: non enim unius opinioni, quanuis præcellenti tantum deferendum est, ut lex naturæ habeatur, uideamus quo nos ratio ducat, & id, quod ipsa suaserit, quandoquidem philosophari cœpimus, putetur esse firmissimum. **A T H A.** Sic agendo cenſeo.



MARCI ANTONII
NATTAE ASTENSIS,
DE IMMORTALITATE ANIMI,
LIBER SECVNDVS.

MARCVS.



PRINCIPIO illud officere puto, ne credatur immortalitas animi, quia difficile est admodum homini sensibus prædito, qui ipsis sensibus ducibus assuevit rerum notitiam capere, & corpore assidue corpora noscere, & intra corpora quotidiana consuetudine uersari, cogitare deinceps & meditari qualis sit animus, ubi de corpore exierit: quomodo (inquiunt) sine his corporis partibus, quas semel inledimus, explere poterimus officium intelligendi? hoc, (dicit aliquis) nequeo subijcere cogitationi, hoc explicare mihi durum. Quid de Angelis ipsis, qui nunquam corporibus sociati, num molle dictu, quomodo existant, quo munere fungantur? Ego uero animos ipsos trucidato ac debilitato corpore uigere uideo, quin instrumenta corporis distringere mentium potius aciem, quam acueri dicuntur. Itaque & De mocritus & plerique alij oculorum se se orbarunt aspectu, quo plus animo cernerent, & Appius in cæcitate corporis lumine utens, rationis Senatum Romanum ad accipiendas foederis condiciones incitatum flexit, foedamque Pyrrhi pacem & inutilem eximia orationis suæ gravitate discussit. Ostendunt hæc animum ipsum, unde intelligimus, nihil accipere à corpore, nec ab ullo eius instrumento, si quidem remotis corporis sensibus longè melius speculatur. Quin multa uera astruit cōtra sensuum opinionem, plura etiam percepit, ad quæ sensus non accedunt, ueluti res corpore uacantes. Item & generatim res intelligit ab omni personarum, temporum, locorum conditione auulsas: hæc omnia percepit, quæ ne uana quidem imagine sibi posset effingere. Ego uero etiam hæc, quæ leuiora possunt uideri, arbitror rectius peragi, si corporis sensus uel omnino absint, uel quàm minimum adhibeantur. Nam nec Poëtam puto posse graues sonantesque uersus uoluere: nec Oratorem uberem grandiloquamque eloquutionem fundere, nisi ei rei toto animo seruiat, ablegatis

gatis quodammodo corporis sensibus: licet in Homero id cernere. Nemo hoc Poëta fuit eloquentior, nemo in pangendo carmine scëlicior, quia, ut opinor, clausis oculorum fenestris totus intus habitabat, nec externarum rerum uisus illum à carminis intentione poterat quocare. Quum igitur mens, ratio, ingenium, intelligentia, cognitio, & ut uno uerbo amplectar, humanus animus, non sit ulli alligatus corpore instrumento, sed à se ipso subsistat, & per se opus suum molietur, quid ad eum pertinet extinctio sensuum? Videmus quòd quanto animus abstrahit se magis à corpore, & ad corpore uacantia attollitur, tanto amplius perficitur, & dicemus eum corrumpi, quum à corpore penitus separatur: & non hoc mouebit, quod nihil ex eo corrumpatur, in quo magis perficitur, non posse eandem rem ad perfectionem simul corruptioneq; tendere? Fatendum est autem, quòd corrupto corpore, corrumpetur quoque is intelligendi inodus, quo nunc utimur, sed succedet alius melior & nobilior, quo directo & absque ullo circuitu naturam rerum omnium attinget, nihil differens ab Angelis in hoc intelligendi munere. Similiter animus seclusus à corpore gaudebit, & amabit sicuti corpore inclusus, hoc tamen interest, quòd nunc cum perturbatione, tunc imperturbatus mouebitur. Vnde enim perturbationes animorum, quos nunc in corde patiuntur? nempe ex humorum accessione, uel decessione, quæ tunc nulla erunt, erunt autem tantum affectus in nuda uoluntate, nam uoluntatem quoque suam hinc auferet animus tanquam corpori non coherentem ullo uinculo, sed liberam & solutam. Vide autem quàm nihil à prospectu corporum animus patiat, nam non recipit in se, ut contraria, quæ in rebus ipsis sibi inuicem aduersantur. Contraria sunt frigus & calor, humor & siccitas: nam mutuo se expellunt, sed in intelligentis recepta animo non sunt contraria: nam non se illuc expellunt, imò subsequuntur, quia altero cognito, alterius elucet cognitio. Ergo quum purus sit animus ab omni corporis contagione, nihilq; corporeum secum ferat, cur non manebit, & proprio fungetur munere, ubi à corpore fuerit dissociatus? Non enim ut destructo oculo amittitur uis uidendi, quia destructum est id unde illa subsistebat, sic uis intelligendi perijt destructo corpore: quoniam hæc de eo non pendeat, definit quidem animus destructo corpore esse illius forma, non tamen definit esse ipse, quod per se prius erat. Et hoc est argumentum, quo potissimum Augustinus innititur in libro, quem de hac re scripsit, nam quum animus (inquit) sit per se ipsum uita, non capit uita interitum, sicut nec lux obscuritatem, fortitudo imbecillitatem, ueritas falsitatem: corpus autem in eo differt, quòd non à se ipso, sed ab alio sumit uitam, idest ab animo: nimirum igitur si illo recedente extinguatur tanquam à uita deseratur, animus autem, qui uitam per se habet non potest extinguari, quandoquidem nemo se ipsum deserat. Hæc ab Augustino. Cogita quæso Athanasii, tecum sæpius reuolue (nihil enim est, quod efficacius dici queat) nam si animus

De Immort. animi

in corpore manens ipsum conseruat & continet ne effluat, ne tabescat, quanto magis se ipsum conseruabit, quum uitam non à corpore pendentem consequutus sit. hoc idem uidit D. Bernardus scribens in cantica canticorum (quid enim illa altitudo ingenij non uideret?) Vita (inquit) anima est, uiuens quidem, sed se ipsa, & per hoc non tam uiuens, quàm uita, ut propriè de ea loquamur. Inde est, quòd infusa corpori uiuificat illud, ut sit corpus de uitæ præsentia non uita, sed uiuens. In hoc autem gerit anima similitudinem quandam cum Deo, quod non solùm est uita, sed etiam uiuificans, sequitur etiam, ut sit immortalis, quoniam, quum sibi ipsa uita sit, sicut non est, quo cadat à se, sic non est quo cadat à uita. Hinc summè etiam cogor Virgilium commendare, non solùm ob carminis maiestatem, ut multi, sed etiam ob eximiam scientiam: Nam eadem sentiens uocat animas uitæ nomine, ut illud indicat.

Et ni docta comes tenues sine corpore uitas

Admoneat uolitare cauæ sub imagine formæ,

Irruat, & frustra ferro diuerberet umbras. Et rursus

Vitaque cum gemitu fugit indignata sub umbras.

An quia ex ea parte, qua uergimus ad beluas, occidimus, iccirco interire credendum est, unde sempiternis spiritalibus formis communicamus? & putandum, quòd quum hominem plurimis eximijsque muneribus ornarit Deus, patiatur deinde collabi totum? aut uelit subito fano extingui flagrantem animorum facies, quas imaginis suæ nota insculptas terrenæ molis corporibus suapte manu adegisset? Est nanque humanus animus ab omni materiæ sorde purus, & quicquid tale est, id proximum Deum habet auctorem, nimirum igitur si id opus sit perpetuum, quod quicumque diuinum dixerit, rectè nominauerit: id enim non materia ali cubi desumpta formauit, sed Dei spiritus. Videmus corporeas res corrumpi ob hoc ipsum, quod è materia rudi, fragili, & commutabili educatæ fuerunt & constata, & (ut sic dixerim) dolatæ: ergo quum, quod in illis est causa corruptionis, cesset in humana mente, quæ ab omni materiæ contagione abest procul, hanc incorruptam inuiolatamque, & ab omni mortis aculeo liberam manere, dicendum est. Non me latet, quòd unumquodque animal simile sui generat, nam & Leo Leonem, & equus equum, & canis canem procreat, non autem aliud diuersi generis alteriusque formæ animal: sic dicerem, quod homo, qui sapiens est animal, generaret alium hominem sapientem, si tanta uis intelligendi, cognoscendi, inueniendi, reminiscendi de seminis potentia gigni consingiq; possit, nam cor, cerebrum, iecur, sanguinem, bilem, pituitam, ossa, neruos, uenas, & reliquam membrorum formam atque texturam, unde habeamus, & quemadmodum fabricata sint, uideor posse exponere. Illud nanque constat, ui seminis deducta & efficta esse ex his quatuor naturis, quæ principia sunt subcœlestium omnium, sed non pari ratione possum dicere id, quod in homine sapit, intelligit, meminit, uult, esse con-

concretum & confectum. Quomodo autem ualet id, quod est corpus è turgida cōstans mole, efficere illud, quod superius est multo & nobilius, omniq̃ uacat corpore? Fuit aliquis, qui humanæ uocis sonos, qui infiniti uidebantur, paucis literarum notis terminauit. Magnum negocium, felix inuentum, nam de hoc inuento scribimus, & absentes compellamus, & cuiuscunq̃ rei certiores facimus. sed num id quæso inuenisse illum arbitraris ex eo, quod aliquod in se ipso igneum, uel aqueum, uel stabile, uel terrenum possideret, at horum proprietates nihil tale efficerunt? nam quod igneum est, calorem: quod aqueum, humorem: quod stabile, spiritum: quod terrenum, soliditatem suppeditare potest, non etiam occultæ rei inuestigationem. Aduenit igitur extrinsecus fortu iam in utero matris formato id, quod rationis est compos, & res est diuina, ut Aristoteles dicebat, generans autem tantum disponit materiam, in qua id fieri solet. Maiores nostri multa uitæ adiumenta, ornamentaque inuenerunt: negare non possumus eorum inuentis uitam tutiorem cultioremq̃ non fuisse redditam: nam & fruges, & uestitum, & tecta, & multa contra feras præsidia ostenderunt: uaria præterea artificia, uarias disciplinas attulerunt: quomodo hæc ab illis inuestigata, patefactaque dicemus? Mentis (inquires) agitatione, bene est, sed mens à quo id sumpsit? credo equidem à se ipsa, nam si dicis à corpore: quomodo potuit corporeum aliquod, quod intellectu caret, tantum uim intelligendi cognoscendique creare? si à se ipsa igitur hoc sola potest, neque hanc cum corpore communem habet actionem: quid prohibet igitur igne corporis extincto discedere, discedentemq̃ manere? nam dum etiam in corpore astat, pensum suum sine ullo corporis instrumento egregiè euoluebat. Licet autem scientiam anima in multis imperfectam habeat, & in quibusdam hæsitet, nonnulla penitus ignoret, est tamen tantæ capacitatis, ut etiam infinita intelligere queat. nam uniuerso genere cognito, omnes eius partes, omnia singularia sub eo contenta intelligentiæ ipsius subiiciuntur, etiam si innumerabilia sint, ueluti quicumq̃ intelligit omne corpus naturale esse mobile, intelligere potest hoc idem in infinitis ualere corporibus: & qui nouerit lineam ex punctis constare, omnes lineas etiam numero infinitas intelliget, cunctas noscens eiusdem esse rationis. Ipsum etiam infinitum, quod sit, intelligit, distinguens ipsum à finito. Animam igitur, quæ quorundam infinitam recipit cognitionem, non maximæ esse uirtutis, & finiri ipsam tempore putabimus? Dixi de scientia, & inueniendi facultate. At memoriæ uis, nonne pariter miranda uidetur? Respice Poëtas, Oratores, Iurisconsultos, Philosophos, Theologos, Medicos, & non hos solùm, sed leuiorum etiam artium opifices contemplare: quanta hi in suo quisque artificio meminerunt? quàm parata habent pleraque? quàm in promptu? singulari etiam quidam memoria extiterunt, Mithridates, Themistocles. L. Scipio Asiaticus, & qui à Pyrrho missus Romam legatus est Cynæas, Sec-

De Immort. animi

Sceptius, Metrodorus Philosophus, qui artem etiam memoriæ inuentam iam diu à Simonide Lyrico consummauit, & semel audita iisdem uerbis reddebat. Num satam aut concretam ex aliquibus credimus elementis tantam memoriam insitam humanæ menti? uel num fundum aliquem putamus residere in animo capacissimum, ubi, quæ memoria digna esse ducimus, reponantur, & quum opus fuerit depromantur? uel num animum tanquam ceram imprimi credimus rebus his, quas recordari operæpretium est, & deinceps ad recordationem signatarum illic rerum uestigia inspicimus? Stulta hæc & absurda esse quis non uidet? Vnde igitur ea uis? apparet, si corporale tale aliquid esse non potest, esse incorpoream: quod si abstracta est à corpore, nihil officit ipsi corporis mors, imò proficit, quod soluta corporis uinculis magis perficitur. Illud quoque occurrit mortem nihil aliud esse, quàm compositorum dissolutionem: ubi enim natura opus suum, quod coagmentauit, dissoluit, & partium alia aliò recedit, consequitur rerum interitus, nec aliud accidit, quam in syllaba, quæ discis huc illuc & dissipatis literis, ex quibus consciebatur, interit: sed non ita in animo rationis compote, nam nemo possit dicere, unde & quibus ex partibus separabilibus compositus sit hominis animus: non enim habet figuram, non colorem, non spatiosam magnitudinem, non denique aliquid, quod tractari & diuidi ualeat: simplicissimus est igitur, ex quo conficitur morti non esse obnoxium. Videmus quicquid est in corpore, quomodo unumquodque eorum desinat, quo recedat, nihil manet in suo statu, sed abeunt, retroque cedunt singula: siue terrenum sit illud, siue humidum, siue æreum, siue igneum. Itaque quum quodlibet eorum, quæ in corpore sunt, reuertatur ad suum & aliud interimat aliud, commutetque in aliud atque disperdat: nihil mirum est, si corporis sensus illis discedentibus, è quorum coniunctione oriebantur, ad interitum deducantur. Animam uerò rationalem, quam nullæ efficiunt compositæ partes, si quis dixerit dissolui, is non satis attentus uidetur. Nam quum contrariorum contrariam oporteat esse rationem, si quod compositum est, dissoluitur, sequitur, ut quod simplex est, non dissoluatur. Non enim quod simplex est, aliorum conuentu formatur, sed per propriam agit formam, & ui sua uiget, idè non dissoluitur, quia nihil se ipsum dissoluit. Ex his sequitur, quod neque commutari, neque (ut dici soles) alterari potest: nam alteratio quum interimit, nihil plus agit, quàm quod formam aufert relicta materia: hoc autem compositæ tantum res patiuntur. Vides Athanasi quod & quales assero rationes, ut tibi immortalitatem demonstrem. An habes aliquid quod refellas? **ATHA.** Non habeo. **MAR.** Vrgent ergo. **ATHA.** Et ualde quidem, sed hoc præcipuè, quod quum humana anima sit forma simplex, indiuidua, non alligata materiæ, habet hoc, ut neque dissolui possit, neque diuidi, neque disperdi. De his dubitauerit nemo, qui rerum naturam perspicere, & rationum consequentiā norit contexere.

MAR.

MAR. At nunc adducam aliud, quod non modò tibi, qui uarijs instructus es disciplinis, sed rudis etià & imperitus quilibet intelligere queat, ita se rem habere, ut dicimus. Itaque permittè quæso Athanasi, ut fingam me tecum habere sermonem, ut cum rudi quodam & illiterato homine, qui de hac re doceri uelit. ATHA. Finge, ut libet, nam facilius id fingere potes, quòd non longè absum ab homine illo rudi, quem instruendum suscipis. MAR. Imò uolo, ut femoueas doctrinam omnem reconditam, & ita respondeas interrogationibus meis, sicut quilibet plebeius è medio foro arreptus, modò idem sanæ sit mentis & sobrius. ATHA. Ita ero, ut esse me uis. Sed quid affers? MAR. Dic mihi. ATHA. Quid? MAR. Agitur de animo seu mauis de anima rationali, utrum morti succumbat, uel mori nesciat. ATHA. Ita est. MAR. Vide si de hac re tecum consentis, quòd nihil corrumpitur, nisi habeat infestum, & inimicum aduersarium, denique aliquod, quod eo potentius sit, & potentioris illius uim patiatur. ATHA. Manifestum id quidem. MAR. Sin autem aduersarium nihil patiatur, incorruptum manebit. ATHA. Consentaneum id quidem. Sed quid est, quod aduersarium non patiatur. MAR. Cælum & sidera (ut exempli causa aliquid dem) non enim inueniuntur contraria quædam, unde illis corporibus noceri possit, propterea incorrupta sunt. ATHA. Sic est. MAR. Quid de hominis animo existimas? aduersarium num habet aliquando uel non habet? Necessè est alterutrum: nihil potest esse tertium. ATHA. Quis aliter dicere potest? MAR. Si dicis aduersarium non habere, conficta res est: animus est immortalis: nihil enim se ipsum deserit, nec deserere potest: non reperietur aliquid, quod se ipsum destruat, nisi intus uel extra immineat contrarium quoddam, à quo hostilia patiatur. ATHA. Accedo. MAR. Videndum est tamen Athanasi ne aliquo improuidè feramur. Nam forsitan habet humanus animus aduersarium aliquem, qui eum morti tradat, & nos id ignoremus. Scrutemur igitur diligenter, si aliquid huiusmodi sit, quod nostrum piter lateat. ATHA. Scrutemur. MAR. Quis igitur is erit aduersarius? quo nomine? qua ui? qua figura? Num erit calor, aut frigus, humor, aut siccitas? ATHA. Minimè: hæc enim uentri, non etiam menti nocere solent. MAR. At forsitan animus ferro, ligno, lapide, aut qualibet alia durissima materia percuti ualeat, & percussus interit. ATHA. Ridicula narras. Quis enim unquam frangi, findi, collidi, forari humanam intelligentiam uidit? quid tu huc corpora affers? certè nullius corporis ictus non pertingit eam naturam, quæ nullo corpore se tenet. Quomodo id audiri æquis auribus ualet exitium & finem animo importare corporeum aliquod, quum corporum potentia sit infirmior, & origo abiectior, & ordo humilior? MAR. Ergo tenes corpora nullum animo asserre detrimentum? ATHA. Teneo firmiter, & utraque (ut aiunt) manu. MAR. Nec ego dissentio, at tamen dictis tuis addendum uidetur. ATHA. Addas licèt. MAR.

Hoc

De Immort. animi

Hoc unum addo, fieri posse, ut corporis aliquod instrumentum, quo peruenimus ad ea quæ Græci uocant phantasmata (latine uisa Cicero appellat, nos usitatore uerbo imaginationes possumus nuncupare) sine quibus intelligere non ualemus, uitietur, ac ne tum quidem mens nostra aliquid ipsa patitur, quanuis iter ad intelligentiam ferens interceptum. A T H A. Perge porro, nam his assentior. M A R. Si hunc aduersarium non admittimus, quem nam alium habebit animus? Vereor interdum ne rudis ille homo, cuius geris imaginem, inopiam annonæ pertimescat, quæ nunc omnibus impendit populis, & fame tabescere animum arbitretur. A T H A. Quid ais? Ridiculosiora adhuc profers. Nemo est tam rudis, qui non percipiat famem non contingere, nisi animali stomachum & intestina habenti: animal enim tunc interit egestate aridi & humidi, nisi cibo & potu subueniatur. Sed nunc non agitur de animali quopiam, sed de hominis animo, ea in parte, qua intelligit & speculatur. Interroga quemuis etiam indoctissimum uillicum, nusquam dicet, quod intellectus humanus panem comedat uel uinum potet, sed homo ipse unde est animal, hæc sumat, ut inanitatem expleat stomachi & intestinorum, quod nisi faciat, perit. M A R. Ergo fateris animum non posse extinguere fame. A T H A. Quid ni fatear? Quis adeo stultus est, qui contrà astruat? Potest fames animal extinguere, sed non lumen ingenij, mentem, consilium, prudentiam, & cætera, quæ nec cibum nec potum requirunt. Posset quidem fames occasionem præbere ad animi interitum, si pariter cum corpore interiret, sed non proxima esse causa. M A R. Vera dicis. Sed quid nunc perspicio? A T H A. Quid est? M A R. Videor nanque perspicere aduersarios quosdam atroces, quos animus quorundam patitur. A T H A. Qui nam hi? M A R. Iniquitates, fraudes, scelera, quæ contrahit animus. An non ea uitia dicimus? A T H A. Quid ni? M A R. Mala sunt ergo, si quidem uitia sunt. A T H A. Sic est. M A R. Num igitur his uitij animus interire putas? Sic autem cogita, uel potius dic, nū uideas eos, qui adulteria, stupra, sacrilegia, furta, rapinas, peculatus, eædes, proditones, & alia scelera admiserunt, interire ob hæc animi mala? ac non potius post quædam patrata alijs insistere, & peiora etiam patrare? A T H A. Interire ne putem homines sceleratos post scelus? Non ita est. Nequaquam scelera perimunt, aut lætifera sunt. Nam scelerati homines iucundius etiam uiuunt, quàm antea, atque adeo diu post expletam libidinem, præsertim ubi plures aduersarios necauerunt: certè magna undique scelerum redundat copia, quæ coarctaretur, si simulac animus perperam quippiam uel cogitatione uel opere aggregeretur, subito ueluti pestifero iniustitiæ contractu tabesceret: nihil uerò minus accidit, quando quidem plures impios & nocentes floridiorem agere uidemus ætatem. M A R. Quid ergo agunt scelera illa, quibus impletur animus, si interitum non afferunt? A T H A. Id quidem manifestum. Vitiant scelera bonam, (ut sic dixerim) animi habitudinem, ac scelerum pulchritudinem,

dinem, perinde ac si quis in egregiam statuam miro artificio fabricatam ex ebore uel candido marmore deductam, lutum uel sordes iniiciat. Est enim anima imago Dei pulcherrima, quæ sceleribus deprimitur, scædatur, non etiam deletur. **MAR.** Tam ad exitum peruentum huius argumenti, quo rudem etiam quemuis suaderi posse arbitror, nam si propria animi mala animum non dissoluunt, unde porro, quomodo, à quibus dissolutio orietur? num à uirtutibus? si dixerò, absurdiora dicere tibi uidebor, quàm proximè fecerim. Etenim uirtutes, quæ summa sunt in homine bonæ, & bonum faciunt habentem, nunquam nocerent: necesse est autem malum esse quodcunque rem delet: quo igitur malo animus tolletur, suo ne an alieno? alieno non conuenit, suo non potest, ergo nunquam tolletur. **ATHA.** Inuulnerabilis ergo est animus, ut audio. **MAR.** Inuulnerabilis certè, nam substantiam gerit inuisibilem, & impenetrabilem & magis inuulnerabilis ille, quàm Achilles, qui aliquo loco uulnerari potuit, magis quàm Cygnus uel Cencus, qui & si à ferro erant tuti, alijs tamen modis potuerunt extingui. Omnia, quæ infra lunæ globum refederunt, mortalia sunt, non permanent diu, præter animos summo Dei munere hominum generi datos. Prosequar autem iam sermonem cœptum, te amplius non interrogans, sed perpetua utens oratione. **ATHA.** Gratum id fuerit, nam libentius audio, quàm dico. **MAR.** Si superiora repetere uoluerimus, concludere iam possumus animum esse immortalem. Nam quicquid interit, altero duorum interit, aut ob aduersarij potentiam, aut defectu rei necessariæ. Sed animus aduersarium experitur nullum, à quo soluatur: non etiam interit defectu rei necessariæ, quasi egeat corpore, quum sine eo per se subsistat: facit hoc tamen, dum inest corpori, ut uitam ei præstet, regatque ac moderetur, ueluti mundum Deus, quæ cessant omnia, ubi ab eo separatur. Animaduertere quoque possumus, quòd robur animi immobile manet, & cum tempore semper procedens magis uirescit, contrà uerò corpus ægrotat sæpius, & flexu ætatis segnius in dies redditur & uetustate putrescit. Et hoc est, quod Apostolus uoluit, dum inquit. Exterior noster homo quotidie corrumpitur, interior de die in diem renouatur: quem autem interiorem uocet hominem, quem exteriorem perspicuum, nam exterioris hominis nomine corpus significat, interioris animum, & hunc meliorem fieri die, illum deteriorem. Argumentum sanè probabile in uno extinctionis, in altero durationis. Nonne perspicis etiam memoriâ rerum gestarum diutissimè manere? id nempe efficitur ingenio humano. Quomodo ergo credibile est, ut decidat illud ipsum, quod alienis rebus lucem memoriæ diuturnam, & uitam sæculorum penè omnium ministrat. Quomodo si gesta animi manent, animus ipse peribit? Incorruptum cœlum, incorrupta putantur esse & sidera, quæ in illo uoluuntur, & nos humanos animos omni cœlo nobiliores corruptioni parere putabimus? Videmus etiam in hac humili angustaque terrarum sede nonnul-

De Immort. animi

la, quæ in perpetuitatem tendere uideantur. Cogita Riphæos montes, Pyrenæa iuga, Caucaſum, Olympum, Apenninum, & de fluminibus propone tibi Nilum, Iſtrum, Eufratem, Gangem, Tanaimque niualē. Nec præterieris.

Eridanum, quo non alius per pingua culta.

In mare purpureum uiolentiꝝ inſiuit amnis.

Hæc ab initio mundi condita cum eodem progrediuntur, nec eorum formidatur interitus, niſi ubi ſuprema mundo aduentarit dies, & deſtruat, qui fabricauit: ergo ita ſe habent hæc, ut nunquam caſura: quod autem in terris maximum eſt omnium & præſtantiffimum, & quod unum eſt nobis cum alijs immortalibus mentibus cognatum, id breuiſſimo tempore extinguetur? Et ſi ſuperior cunâs mundanis rebus eſt animus, alia manebunt, ipſe in nihilum dilabatur, quanto rectius dicetur, quod nullo unquam æuo finiatur? Illud etiam quaero, quale aut quantum maneat his locis nirtuti præmium? num in honoribus, opibus, copijs, nomine, gloria, uoluptatibus, erit eius præmium? At hæc anguſta ſunt & caduca ſæculi bona, quibus contemnendis uim ſuam uirtus elucere putat, & ſæpius uideas probos affligi aduerſo fortunæ ſtatu, improbos, attolli ſecundo: ergo ubi decumbimus, captumque leto caput ponimus, ſi tunc animus pariter interiturus, ueluti uapor quidam diſſatur, uirtus in honoraſta relinquetur, nullo optato ſine uirtutis opus natura conduſerit, id quoniam abſurdum eſt, dicendum poſt mortem corporis animum permanere, ut uirtutis ſuæ præmium, quod hoc non tulit in ſæculo, eccleſiaſti Imperatoris munere alibi conſequatur. Quantam præterea ingenuit nobis natura cupiditatem quietis & beatitudinis perſeſcenda? quæ non paratur in hoc ſæculo, nam quo plures opes, honores, impetia, diuitias, copias ingeſſeris, tanto uastiꝝ hiat humanus animus, ut neque expleri, nec ſatiari poſſit. Dicit itidem uix poteſt quanta innata ſit homini libido intelligendi & cognoscendi, at nunc tanquam in aliena republica peregrinantes paruam quandam particulam è multis (& quod deterius eſt) niſi obſcurè & inuolutè, niſi per reſſexiones quaſdam & ænigmata, nec omnibus modis, quibus cognosci poteſt, cognoscimus, & rectè dictum eſt ultimas rerum differentias eſſe nobis incognitas: ſi mortalis animus, ergo hic affectus à natura, quæ artiſcioſè ſolertèrque procedere ſolet, fruſtra homini impoſiti atque inuſti, quod quoniam dici minimè conuenit, immortalis habendus eſt animus: & ut affectus ueteres expleat, neceſſe eſt paratum locum, unde corporis uinculis leuatus plena luce ſpectet, & omnia in omnibus intelligat, & ſumma quiete perfruatur. Quid? quod homo ex cunâs animantibus ſolus ueri Dei notitiam habet, quam non haberet, niſi in illo ineſſet diuinum quiddam, & quod diuinum eſt, quis morti dixerit obnoxiꝝ? ſolus æternitatem intelligit, intellectæ amore ſiagrat, quia ſcilicet hoc naturæ eius præcipuum debetur: ſolus ad cœlum arreſtus ſublimi corporis ſtatu, quaſi nihil illi rationis eſſe debeat cū terra,

terra, sed superna sint expectanda. Videmus, quòd unum quodque animal cognoscit id, quod ad usum suum pertinet, cætera non agnoscit, hinc bruta animalia margaritas & aurum non cognoscunt, quia nihil ista ipsis usui sunt, hæc pretiosa cognitioni hominis subduntur, ad cuius usum & ornatum parata fuerunt. Similiter, quòd homo tentat assidue cognoscere Deum, & id maximè expetit, hoc ostendit, quòd aliquando Deo fruatur, quasi ad id factus sit, hæc autem fruitio in hac uita non contingit, contingere autem alibi necesse est, ne frustra huius fruitiois sit appetitus: ergo ponendum in morte corporis animum non obire, sed abire. Quod uerò non solum Deum nouit, sed diligit etiam atque colit, nonne id sit ueluti impellente natura & ostendente, unde ortus sit meliore sui parte, quòue sit redeundum, hoc habet lex naturæ, ut unumquodque ad cognatum sibi & simile rapiatur. Sicut enim paruus ignis ad maiorem ignem, & gutta aquæ ad maiorem aquam accedere solet, & ei se adiungere, sic intelligentiæ nostræ paræ Deo coniungere se affectant, quem supremum & infinitum esse intellectum perspiciunt. Sumus (ut sic dixerim) cointellectuales Deo, licet longè impari conditione: hæc omnia, nisi dicamus animam perpetuò uiuere, frustra illic inessent. Illud quoque non leue creditur argumentum immortalis animi, quòd sit particeps diuinationis: non enim solum perspicit præsentia, sed etiam quæ futura sunt præuidet, uel in somno, quum sopitis corporis sensibus magis uiget, uel in uigilia sacro quodam futuro correptus, qualem Sibyllæ habuerunt, & filia Priami Cassandra, & ex uiris penes Græcos Melampus, penes Romanos Martij quidam fratres. Multos etiam habuerunt ludæi diuino afflatos spiritu, qui futura prædicarent, nostra etiam religio uttoque in sexu infinitos. Quum igitur capax diuinationis sit humanus animus, diuinus habendus est: non enim diuinaret, quid euentutum sit in incertis casibus, nisi diuinum in se quid possideret, unde diuinationis nomen est ductum: & quod diuinum est, mortem effugere consentaneum. Bruta animantia naturæ acta impulsu applicant se tantum præsentibus, nihil prospicientes admodum in posterum: significant tamen actibus suis futura quædam, non ea præsciunt, neque præuident, nec exemplo terreot formicæ. nam illa etiam, quæ nondum experta est hyemem, colligit frumenta, & reponit, quod ostendit parsimoniam ibi esse naturalem. Vellem etiam scire ab his, qui animos morte ueluti capite mulctant, an unquam uiderint substantias incorporeas intellectu uigentes intetire: Negabunt se uidisse, ego contra uideo substantias huiusmodi non intetite tales enim facimus Angelos, & Dæmones, cum his habemus intellectum incorporeum communem: hoc æquè agimus utrique. Quomodo igitur illi immortales, nos mortales? Nam quorum opera sunt communia, communem quoque conuenit esse naturam. Vis ne aliud adijci argumentum? Nam ueritas illuminari etiam atque etiam gaudet. Huc

De Immort. animi

mihi pariter specta, quæ sit conditio eorum, quæ in mundo interire dicuntur, nam ita intereunt, ut ex eorum interitu aliud nouum producat. Hinc illud in scholis Philosophorum uulgatissimum, ex corruptione unius sequi alterius generationem. Sed si animus corrumpitur, quid nam ex eius corruptione fiat requiro? Nihil uideo aliud consequi, quod generetur. Ergo non communi corruptionis lege includitur id, quod non habet, quod corruptionem sequi solet. Vt utrumque (ut dictum est, & latius est dicendum) si animos efficit Deus à semetipso nullis intermedijs causis, quæ uia ad eorum corruptionem patet? Nam quicquid corrumpitur, id ex inferioribus istis gignitur causis, quarum defectu ipsum quoque, quod gignitur deficit, at Deum immediatum animorum auctorem deficere nemo dixerit. Solum igitur relinquitur, ut corrumpantur animi sola Dei uoluntate, qua & creantur, at id unde docetur? dicendum potius nolle corrumpi animos, quos propinquissimos sibi esse uoluit similitudine sua, & imagine eis inducta. Nam animos referre quandam Dei similitudinem prædicatur ab omnibus, quum animorum substantia sit intellectus: & Deum non alia notione capimus, quam, ut sit intellectus purus ab omni concretionem solutus. Diuini igitur intellectus imago sunt animi, impar illa quidem imago, sed imago tamen. Nullus autem artifex imaginem suam sponte deleat, nisi forsitan in faciendo aberrauit. Durare igitur animos, ut imaginem Dei à Deo ipso conditam dicendum est, præsertim, quum de contraria artificis uoluntate non doceatur. Magnum immortalitatis argumentum putat Plato, hanc quam anima habet cum Deo similitudinem in libro, quem de morte Socratis conscripsit: querit enim cuius anima sit magis similis, corporis ne, an Dei? quum apparuisset similiorem esse Deo, hinc colligit Plato esse immortalem, quod sanè argumentum Porphyrius latius explicauit in primo ad Boëthium, cuius uerba hæc sunt. Firmam certamque rationem eam Plato putauit, quæ à similitudine aliquorum uim accepit. Nam Deo immortalis similis anima est: quomodo etiam ipsa sicut exemplar suum immortalis non erit? Quum enim duo quædam apertè opponantur: querit, cui oppositorum adhæreat anima, qui optimus demonstrationis modus in his rebus inuenitur. Et quanuis à prima ætate usque ad senectutem multa contra rationem faciamus peccantes, tamen, quia uerè rationali Deo in multis similis anima est, rationalis esse ab omnibus creditur. Quum igitur duo apertè opponi concedantur, immortalis uidelicet atque diuina natura, & terrestris atque corruptibilis: dubitatur autem à nonnullis, cuius partis anima sit: à similitudine putauit Plato ueritatem esse querendam. Et quoniam non sensibili & mortali corpori, sed uiuo & immortalis Deo secundum operationes similis est: hinc similitudinem etiam insubstantia quandam habere, ac inde immortalem esse ratiocinatur. Nam, ut quæ irrationabilia sunt, statim à diuina substantia, quum sint caduca & instabilia, longè abesse uidentur, sic certè consequens

equens est, quæ operatione intelligendi conueniunt, ea immortalitate quoque substantiæ conuenire. Quoniam enim substantia conueniunt: iccirco etiam operatione conueniunt. Fluunt enim à substantia operationes: ac quædam eius sunt emanationes. Nam si simillima Deo anima est, quid opus est pluribus uerbis ad demonstrandam immortalitatem eius? Non enim diuinis operationibus uteretur, nisi etiam ipsa diuina esset. Nam & si quum in caduco mortali quæ corpore defossa sit, continet tamen & uiuificat illud, diuinam suam ostendens substantiam, nec pondus corporis eam omnino deicere potest. Quomodo si è corpore liberabitur, aurea sua species non perfulget? Aut quomodo ipsa immortalis non erit, cuius præsentia corpus non moritur? Habes rationem immortalitatis, quam à similitudine Dei affert Plato, plenius etiam expositam per Porphyriū. Quid? quoddam manescipius uisū, auditæ uoces defunctorū?

Ipsa sed in somnis inhumati uenit imago

Coniugis,

Et

In somnis ecce ante oculos mœstissimus Hector

Visus adesse mihi.

Sed & Creusæ, & Polydori, & Achillis umbras legimus apparuisse aliquid indicantes uel petentes. Non fingerent hæc Poëtæ, nisi uulgo receptum esset animos eorum, qui uita excefferunt, apparuisse multis, & præmonuisse, & futura prædixisse: animos autem superstites agere quædam & superstites negare, furiosi uidetur. Nec aliter grauissimi uiri, quibus nefas esset mentiri prodiderunt. Superfedeo uti exemplis, quæ infinita sunt in Christianorum literis ueritus longitudinem orationis. Quis enim possit dicere quoties Maria Domini mater, Petrus & Paulus Apostoli, & reliquæ sanctæ animæ de cœlestibus uenientes sese dederint in conspectum mortalibus, eosque magnis de rebus docuerint: non magis id sermone quispiam persequi possit, quam numerare fluctus maris, & arborum frondes. Sed apud gentes & nationes eadem fieri contingebat. Et ut mittam cætera, refert Plinius nepos in epistolis idolum senile catenis onustum Athenis uisum esse à multis, & demum Athenodoro Philosopho, quod trepidantibus cæteris impeterritus ipse aspexit, & quid sibi uellet intellexit. Idolum autem uocat umbram animi iam soluti. Notum est illud de patre, qui morte iam obita ostendens se filio, docuit solutionis Chirographum, contra cuius fidem creditor ueniebat, petens iterum, quod fuerat solutum. Plotinus inter Platonicos illustis in libro, quæ de hac re scripsit, censet exempla de historia sumenda, si quem auditorum oporteat, non solum rationibus, sed etiam sensibus erudiri: sic enim fieri fidem ex utroque: historiam autem asserit talibus rebus abundare, ueluti quum Deorum oracula iubent animas quorundam iniuria læsas placari, uel alios meritis honores reddi defunctis tanquam talia sentientibus: multos præterea, qui dum hic agerent, benefici fuerant erga genus humanum, eosdem istis derelictis asserit in eodem benefaciendi genere

De Immort. animi

nere perseuerasse. At plerique hæc irrident, nec fidem adhibent. Placet ne igitur fortissimam omnium probationum, quæ experimentis constat, & ab effectu nos ad certam deducit causam tollere? Vnde ergo Physici hauserunt substantias abstractas orbium motrices, ipsum primum motorem, nisi ab operatione? quæ præterea prudentia eleuare istorum fidem, quæ contingere à grauib; & eruditis uiris testatum est? eadem opera possunt omnem historiarum fidem euacuare: quod si fieret, humana uita ingenti scientiarum parte nudaretur. Sunt quidam, qui ueritate ipsa coacti: hæc uisa negare non audent, sed ea dicunt fieri arte Dæmonum: hi si fatentur Dæmones hæc facere posse, cur non facilius credant eadem posse animos separatos, cupientes opem ferre consiliorum suorum propinquis & amicis, quos uiuentes dilexerant. Ridiculi magis illi, qui atræ id ascribunt bili, quæ, ut ad quædam acria & uehementia hominum disponat corpora, non tamen usque eo attollit mentes, ut præscias faciat futurorum, & per quàm absurdum simul dicere hæc uisa malencholicis duntaxat contingere. Quodd si dicis hos, qui uitam hanc exuerunt, non sæpe apparere, suisq; consulere, rem non improbabis. nam si uel unum mortuorum dederis semel apparuisse assumpto umbratili corpore, compelleris dicere reliquos omnes, qui eiusdem naturæ sunt eiusdemq; formæ, eandem habere facultatem, ideò fore superstites: satis est his istam causam tuentibus, tale quid aliquando extitisse. Quodd autem rarò apparent, hæc affertur causa, quia tantum animi illi interiores motus perpetuò manentes exercent, nec cura est prima illis extranearum & transuentium actionum, quia non expedit, non datum est, non lex diuina id requirit: hominibus conuenit hominès auxiliari, & ubicunque per substantias separatas agendum est, non desunt Angelorum, Dæmonumque ministeria. Vident Beati illi animi assidue supremum illud & unicum ens, eoq; spectaculo saturantur & perficiuntur, & ut demus id non prodesse cæteris, prodest tamen id illis, pertinetq; eorum status ad huius uniuersitatis integritatem, & decorem, dominantisque Dei gloriam: si quandoque tamen ipsi ad humana descendunt, uel ob hoc ipsum, ut ostendatur humanos animos post mortem remanere, id fit extra ordinem singulari diuinæ prouidentiarum iussu. Mouere etiam quemlibet potest ad immortalitatem animi tenendam, omnium gentium consensus, quæ tot seculis permansit: non enim conuenerunt inter se homines & collocuti sunt, & ut id statueretur decreuerunt. Quod igitur opinantur homines, qui ubique sunt sponte sua, id uerum censendum est, quoniam non oriretur tanta consensus, tamq; diu permaneret, nisi natura, & ipsa profectò euidencia & perspicuitas eo deduceret: hoc etiam ex eo uidere licet, quodd optimus quisque animorum immortalitatem amplectitur. Leues autem quidam & uitij inquinati, corporibusq; ipsis immerfi huic sententiarum uidetur diffidere: Thales inter Pphilosophos Epicurus fuit. Sedatoresq; eius, qui de magistri præcepto uoluptatis causa omnia moliebantur.

liebantur. Quorum igitur iudicium accipiendum? quis non dixerit eos, qui optima sunt natura optimoque ingenio, magis uerum cernere & speculari? Videas etiam in sepulchris inscribi uersus, quibus pronuncietur corpora ibi sitorum humo regi: animas uero in loca piorum profectas, hæc non modo nostri, sed gentes etiam faciebant: talia multa apud Græcos sunt epitaphia, quædam etiam latina: qua in re illud urbanum Demopædis Philosophi, quod iaculatus est in Admetum quendam malum Poëtam. Is enim cōposuerat carmen unicum, quod latine sic sonat.

Terra habet inuolucrum hæc Admeti: astra ipse petiit.
Hoc quum recitasset Demonæcti gloriabundus, addidissetq; testamento cauisse, ut post mortem eius sepulchro inscriberetur. Tum ridens ille, tam pulchrum est (inquit) Admete hoc epigramma: ut iam inscriptum esse uelim. Gallos auctor est Valerius in libro de institutis antiquis pecunias dare mutuas consueisse, quæ illis apud inferos redderentur. Stultum uidetur, sed tamen ex eo colligi potest illis gentibus adeo persuasum fuisse animos hominum post hanc uitam superesse, ut in illa etiam stulta existerent. Sed & illud indicat eos putasse animorum immortalitatem, quod post solemnia tumuli quæque peracta uale dicebant, ut Seruius memorat Grammaticus: stultum est enim si dicamus ex animo corpori nihil sentienti dixisse, præsertim quod iam in cineres & fauillam conuersum uidissent. Tria genera, dum de probabili loquuntur, faciunt Sapientes, unum dicunt, quod est probabile & uerum, & hoc maxime excellit, aliud quod uerum est & non probabile: tertium quod est probabile & non uerum. In primo igitur genere probabilis & ueri ponenda est hæc, de qua nunc agitur immortalitas animi, quam populorum accipit consensus, leges publicæ approbant, maximorum Philosophorum sancit auctoritas, religionum iura confirmant. Hæc, quam spēs immortalitatis non tendunt? quis adeo sempiternæ mortis formidine oppressus, ut tot tantisque iudicijs non moueatur, & ad huius rei plenam credulitatem sententiamque non deducatur? Animus etiam ipse humanus de se (ut inquit Cicero) præsentit in posterum, & uenientia sæcula ad se censet pertinere. hinc testamentorum diligentia, hinc instituendi cura hæredem, qui abeuntibus nobis personam sustineat uicariam, hinc liberorum propagationes, qui memoriam nostri nominis diutius conseruent, hinc recte etiam factis studemus, id agentes, ut de nobis posteritas bene sentiat ac loquatur: multaque alia gloriæ causâ molimur, quasi in sempiternum manemus tempus spectet, nec sit breui gestorum fama contentus. Impellimur ad hæc natura duce, quæ ostendit quodammodo non omnia nostra unâ cum uita effluere, & breui xui spatio diffiniri. Hæc sunt & alia multa, quibus olim præstantissimi & eruditissimi uiri, immortalitatem animi prædicabant, quæ me ualde commouent, non solum quod à talibus profecta sunt uiris, quos nemo nostrum industria, uigilantia, ingenio, doctrina sequitur, ut proximus esse possit, sed quod ita rem explicant

De Immort. animi

plicant & demonſtrant, ut in hoc argumentandi genere nihil dilucidius & euidentius proferri queat. Et ego quidem ſic affectus ſum, ut dixi. Tibi uerò quomodo ſatisfactum ſit ignoro. Nam forſitan in artifice eſt uitium, quanuis materia ſit proba. Me iuris ciuiliſ ſcientia ſecernit à populo, & efficit, ut aliquid in turba eſſe uidear: huic enim à primordio ætatis enixè operam dedi, at Philoſophica hæc ſero, & non niſi tranſcundo aſpexi. Itaque nihil mirabor, ſi tibi nunc minus placuero, & perfectius aliud requiras. Nam forſitan minus commodè perſequutus ſum, quæ uera eſſe profiteor.

MARCI



MARCI ANTONII

NATTAE ASTENSIS,

DE IMMORTALITATE ANIMI.

LIBER TERTIVS.

M A R C V S.



NO LI expectare Marce à me ingenium, eloquentiam, copiam, acumen, uimque dicendi, doctrinam denique tuam commendari: nam si te coram laudauero, non effugiam adulationis speciem, quam turpissimam iudico. Illud breuiter dicam te ita dixisse, ut si ueteres illi, de quorum fontibus hæc manasse dicis reuiuiscerent, potuerint delectari æmulatione studiorum suorum; nec non in sententia, quam de immortalitate animi habuerunt, eloquutione tua confirmari. Me uerò adeò mouerunt, ut immortalitatem hanc, quæ apud me nunquam dubia fuit, certissimam habeam. Veruntamen, quum considero alios contrariam tenuisse sententiam, existimo huc non sine ratione prouectos. Possent enim illi (si adessent) aduersus te illud Virgiliæ num proferre.

Et nos tela pater, ferrumque haud debile dextra

Spargimus, & nostro sequitur de uulnere sanguis.

Itaque gratissimum feceris, si exposueris, quæ argumenta pro se illi adduxerint, quibus inducti cogitationibus illud senserint, & quomodo refellantur ostendas. Interest enim tua id facere, quo plenam referas uictoriam, ordo etiam hoc postulat, ut quum nostræ copiæ fuerint firmatæ aduersariorum euertantur. M A R. Si rectè animaduertisti ad ea, quæ antea dicta fuerunt, uisus sum mihi inter differendum quædam eorum argumenta deiecisse. A T H A. Ita est, sed possunt esse alia, quibus nondum occurristi. M A R. Faciam iam, quòd te uelle uideo, præsertim quum non multum mihi laborandum sit: ex superioribus enim pendunt omnia. Oppugnatur autem hæc animorum immortalitas eo argumento, quòd si immortales sunt animi, consequi infinitam eorundem multitudinem necesse est: si quidem æternus ponitur mundus, & ani-

F marum

De Immort. animi

marum transmigratione de corporibus in corpora, sicut de domo in domū negatur, assumunt autem, ut concessum, infinitatem rerum esse uitandam. Sed hoc argumentum metuant hi, quibus æternitas mundi placet. Nos autem, qui ut mundi generationem cœpisse, ita defuturam dicimus, uim argumenti huius nullam esse concludimus: quanquam si de hoc contendendum esset, uiderem omnino, quàm uitiolum esset infinitatem ponere rerum materiæ coherentium: at infinitatem eorum ponere, quæ à materia longissimè effugerunt, haud forsitan intolerandum uideretur. Sic enim laudamus Deum, qui sine controuersia incorporeus est, quòd infinitus sit ille, & nullis limitibus circumscriptus. Possum etiam dicere, quòd finem habebit animarum procreatio aduentante magno mundi anno, quem reuolutis multis sæculorum millibus aduenturum traditum est, tum quum cuncta sidera eodem unde semel profecta sunt, redierint, eandemque cœli descriptionem retulerint: necesse enim tunc fuerit sub iisdem stellarum motibus, quæ prius fuerant, iterari, & denuo referri noua generatione cessante, & ut cum Poëta dicam.

Alter erit tum Tiphys, & altera, quæ uchat Argo

Delectos heroas, erunt etiam altera bella,

Atque iterum ad Troiam magnus mittetur Achilles.

Sed hoc non sine causâ propugnaculum defero, nam hanc sæculorum in idem redeuntium instaurationem, atque huius magni anni conuersionem, uideo uulgo rejici: quamuis magnorum Philosophorum auctoritate nitatur. Mouet alios quoque, ut contradicant, quòd omnis anima est in corpore, & cum corpore. Non enim exterior præsidet corpori, ueluti sigulus rotæ: eques equo, sed intus residens tanquam in naui gubernator, ergo nulla sine corpore. Fallax argumentum: est quidem anima rationalis (de hac loquimur, quæ proprio magis nomine animus nuncupatur) apta corpori, sed tamen sine illo esse potest, imò (quemadmodum Plato asserit) melius est illi animo, qui extra corpus, quàm ei, qui degit in corpore, quatenus tunc non noxia corpora tardant.

Terrenique hebetant artus, moribundaque membra.

Potest animus dicere corpori, quæ dicta ab Oenone sūt ad Pariden.

Nec me faginea, quòd tecum fronde iacebam.

Despice, purpureo sum magis apta toro.

Non est habendus animus despiciatui: propterea quòd insideat corpori; nam aptior adhuc est, si exierit, & diuerterit: appetit ille quidem sociari rursus corpori (hæc enim naturalis illi sedes) sed incorrupto corpori, & agili & lucido, & obsequenti, & tali qualem resurrectionis die religio nostra prædicat habiturum. Nec uerò animus abscedens à corpore potest dici imperfectus, tanquam pars, quæ fuerit destituta à reliquis sibi coniunctis partibus, & careat toro: nam & si corporis sensus constituent una cum anima rationali, animal (ut ita dixerim) humanum, non tamen concurrunt ad hominis constitutionem, sed sola id anima rationalis per-

agit

agit, quæ à beluis ipsum disiungit. Etenim propter unam rationem homo est homo, non propter motum & sensum, quæ sibi communia sunt cum cæteris animantibus. Quapropter ubi deserit corpus, non immittitur hominis dignitas, sed etiam augetur, quandoquidem grauem & importunum relinquit socium multis perturbationibus, procellisq; obiectum, & sibi sæpius rebellantem. Ipsa autem ab eo seclusa ualidius & perfectius suo intelligendi fungitur munere: ex quo etiam uehementissimè lætatur. Vt enim homo ex animo & corpore constet, tamen potentissima eius pars, etiam dum hic agit, in animo existit. Quamobrem quum superfit, quod in eo potissimum fuit, & eum à beluis disiungit, ipse dicitur uiuere: imò dixere quidam, quòd uerus & perfectus homo est ille, quem corpore nudatus animus repræsentat. Iste est, quem Apostolus (ut dictum est) hominem interiorem uocat. Nec mirum uideri debet: nam inspicitur in unoquoquo, quod in eo ualidissimum est & potentissimum, & ei tribuere nomen, uel totius solemus, ueluti quum maior pars populi aliquid gessit, uel Principes ciuitatis fecerunt, ciuitatem dicimus fecisse. Sed de hoc hæcenus, reliqua uideamus. Anima (aiunt) cum corpore nascitur, & cum corpore intereat, necesse est. O' ridiculum sermonè, quasi uerò inter hæc duo nihil intersit ad id, quod quaeritur: corpus enim concretum, & diuiduum, & ex contrariis etiam naturis constat, quorum nihil patitur anima, idèd unum subiacerit ruinæ, alterum minimè. Ac ne illud quidem concesserim, animam humanam nasci simul cum corpore: id enim quod fingitur in utero, prius est animal quàm homo: corpori iam formato accedit intellectus, mens, ratio, natura ex imperfecto paulatim ad perfectum (sicuti solet) progrediente. Superest, ut aliud resellatur, quo aduersarij utuntur. Anima (inquiunt) rationalis non intelligit, nisi per imaginariam cogitationem seu (ut Græci uocant) per phantasma. Cicero huiusmodi imagines animis signatas atque impressas uisa appellat, quo deinceps uocabulo nos utemur, ut latino. Necesse est (inquiunt) intelligentem uisa speculari. Quid tum? hoc ostendit animam esse mortalem: nam uisum non potest contingere sine imagine: imago non est sine sensu, nec sensus sine corpore: ex quo fit, ut anima extra corpus non intelligat, & non intelligens non fungeretur propria actione, & qui tollit actionem propriam rei, rem etiam aufert, quia nihil ociosum rerum natura esse patitur: ergo non est dare animam extra corpus subsistentem, & uidetur hoc rectè argumentationi (ut aiunt) esse consentaneum, ut quum idolorum spectaculum, sine quo intellectus non agit, nequeat à corpore separari, ne animam quidem esse separabilem. Hæc illi afferunt, quæ facillimè diluuntur. Fateor nanque non intelligere rationalem animam sine imaginibus, sed ea, quæ subiiciuntur sensibus, & quorum sensus sunt capaces: deficiente enim sensu, qui species à rebus acceptas deserit imaginariæ cogitationi, perit omnis scientia: quam sensus ille seufert anima illius ministerio percipere poterat: uade, qui prius est in

De Immort. animi

cœcitate, nunquam colorum discet lumina: deficit enim id, per quod scientia contingebat: sed alia, quæ nullo sensu capiuntur, & incorporea & abstracta uocamus, potest anima rationalis intelligere per se sine ullo sensuum usu & imaginariis actibus, his non eget ad illa percipienda: atque ita ponimus, quòd duplem habet anima intelligendi rationem, uenam per corpus, aliam per se ipsam: sicuti etiam duo quædam eius intelligentiæ supposita sunt, corpora scilicet, & ea, quæ uacant corpore: corpora, ut intelligat, corporis utitur instrumento: alia corpore uacantia si percipere curat, non est ubi aliò confugiat, quàm ad seipsam: & hac in re non solum sumit sibi ad intelligendum ea, quæ prorsus separata sunt à corporibus sponte sua, sed etiam quædam separat ipsa. Quamobrem rectè Sinesius in libro de Somniis, inquit, quòd homo sæpe, sed non semper intelligit per uisa: nec inconuenit, quòd homo habeat duplicem intelligendi uiam, una, qua utitur ad corporea, altera ad incorporea: quoniam, ut ipse ex his duobus conflat, ita diuersus ad hæc, & illa fertur: & sæpè accidit, ut res egeat pluribus actibus, ut assequatur id, ad quod nata est, quod uno tantum concessio assequi non possit. Et anima quidem sic agit iuncta corpori. Sed quid ubi disuncta est? intelligit etià corporalia nullis sensibus, nullis uisibus commota, quo more? eo scilicet quo Angeli & Dæmones utuntur, nec tunc anima ipsa miratur se ita intelligere, nec à se alienum putat: recolit enim, quòd dum obtenebrata esset in corpore, multa & magna per se ipsam percipiebat nullo corporis subleuato ministerio: dispar erit quidem intelligendi modus ab eo, quo nunc utimur, par tamen in eo, quòd proprii corporis non egebit auxilio, ut intelligat. Ac mea quidem sententia magis congruit animæ rationis compoti, ut suapte uis & facultate intelligat: nam ille alius intelligendi modus per uisa imaginaria, non adeò naturalis uidetur: illi enim accidit, quia iungitur corpori, quòd intelligentiâ in plerisque potius implicat, quàm explicat, nam sensus sæpè fallaces, nec minus cogitationes hominum uanæ: ut non ab re à magnis Philosophis dictum sit, melius fore animæ, si corpori non iungeretur: omnes autem perfectiorem animæ statum extra corpus fatentur, de his loquor, qui immortalitatem suscipiunt, nam alteri unum tantum animæ statum agnoscunt. Magna hæc deliratio. Sed uis ne audire aliud, in quo istius hæresis defensores magis etiam delirant? Nosti inter Philosophos naturalium causarum scrutatores fuisse, qui dicerent sedem humani animi esse cor, alij cerebrum putauerunt. Frequentior pars sanguinem posuit, hinc Poëta dixit de quodam inter prælia occiso, Purpuream uomit ille animam. Vtrum horum uerius non discutio, sed cor uarijs casibus infici, & corrupti posse conceditur, cerebrum etiam dispergi & feedari; sanguinem effluere & rigescere, & ad extremum omnia hæc interire: quod quum contigerit, dicunt nonnulli animam pariter extingui. Hæc rectè dicerentur, si substantiam animæ in corde, cerebro, sanguine, uel eorum uno ponerent: sed si uolunt membra

bra illa sedem esse animæ, melius diceretur animam sede sublata illinc
 affurgere, non autem interire. Inter eos, qui animorum mortem tenuerunt,
 Aristoxenus fuit musicus sanè egregius, idemque Philosophus. Ille artem,
 cantusque suos ad hæc etiam transtulit, similitudinemque tamdem induxit,
 ut ostenderet, unde animus oriretur, & quomodo definiret: Vtenim
 (inquit) in lyra nerui, ad numeros suos aptè intenti concentum efficiunt
 sonorum, quem musici Harmoniam uocant: sic singularum corporis partium
 firma coniunctio membrorumque omnium conspirans in unum uigor,
 motum illum sensibilem elicit, efficitque hæc temperatio, & ueluti
 modulatio quædam, ut animus ipse existat, & sicut in fidibus ubi
 interceptum aliquid est aut relaxatum, canendi ratio turbatur, &
 omnis illa harmonia superior tollitur, ita in corpore, quum membrum
 aliquod ab alijs uitium duxerit, dissident uniuersa, corruptisque
 omnibus atque turbatis sensus occidit, animusque deletur. Hoc concinè
 sanè & musicè, sed impossibile est rem ita se habere. Non enim fides
 sua sponte canentes Harmoniam illam concitare possunt, nisi ipse antea
 externa aliqua ui fuerint concitata, at nullo membrorum opus est pulsu,
 ut animus moueatur, qui per se se ipsum quiescentibus corporis partibus
 mouetur, & tanta quidem celeritate, ut uno temporis puncto cœlum
 ambulet, maria peruolet, terras collustrat, longè lateque sum mota
 sibi admoquat, ac præsentia reddat. Ergo uana ratio Aristoxeni fuit, qui
 nisi suo artificio tantopere delectatus fuisset, faciliè peruidere poterat,
 nulla concordia uel compage elementorum effici potuisse, ut intelligeret,
 saperet, meminisset, nisi fortasse ne mentem quidem sensit se se habere,
 qua similitudinem excogitauerat. Tantum profectò abest, ut corpori
 consonare omnino, aut uelit aut debeat, ut sæpius eidem dissonet &
 repugnet, uel dum uoluptates, quas sensus affectant, contemnit, uel
 dolores, quos refugiunt, amplexatur. Nonne etiam tanto melius excogitasse
 aliquid, & tanto uerius inuenisse uidemur, quanto magis mentis aciem
 auocauerimus à corpore? segregataque carnis societate animum ipsum
 secum esse coegerimus? ex quo satis apertè colligitur officio membrorum
 conspirante, uim illam intelligendi & cognoscendi non creari, quum
 ea uis retundatur potius terrenis obsepta corporibus, quam ab illis
 ulla ex parte iuuetur. Est quidem animus harmonia, sed suarum uirium
 & uirtutum, non partium corporis: sicuti etiam non est numerus, licet
 numero, idest, ordine & proportionem constet. Iste est Aristoxenus,
 quem in hoc suo argumento irridet Cicero. Nam quum musicam profiteretur,
 eique rei præcipuè operam daret, hæc (inquit) magistro concedat
 Aristoteli, canere ipse doceat: bene enim illo Græcorum prouerbio præcipitur.
 Quam quisque artem norit, in hac se exerceat. Video te in risum commotum:
 sed merito irrisus est ille. Etenim si uerè & fortiter philosopharetur,
 uel illud uidisset, quòd anima est substantia quædam mouendo
 & regendo corpori accommodata. Harmonia autem per se nihil

De Immort. animi

hil est, sed inest alteri, & est veluti aduentitium quoddam: differunt ergo, & unum & idem esse non possunt. Quæ præterea unquam harmonia aliquod mouit corpus, quod animam facere uidemus? Si diceret, quod anima per harmoniam corporis illi coniungitur, assentiret: sed non ideo efficitur, ut anima ipsa sit illa, de qua loquitur, harmonia corporis, seu temperatio, seu complexio, ut quidam etiam alij præter Aristoxenum uoluerunt: nunquam enim corporalium multorum concursus efficiet aliquod incorporeale, nunquam creabit intelligentiam, quam ipsa nulla ex parte habent. Et de cæteris quidem nihil miror, subit autem mirari de Galeno, qui doctissimus extitit, & princeps in re medica habetur. Is enim in libello, quod animi mores temperationem corporis sequantur, de hac animæ immortalitate ambigit, & dicit se non uidere cur larga sanguinis effusio, & epota cicuta, uel nimium frigus, aut immodicus calor in cerebro, aut corde receptus, habeant uim separandi portionem animæ rationalem à reliquis duabus partibus mortalibus. Ego uero dixerim non habere illa uim hanc separandi, sed habere uim tamen extinguendi sensum & motum, quibus anima per corpus utebatur: his autem extinctis sola portio rationalis relinquitur, quæ commori non possit: ubi enim tria ad nexum copulata sunt, duobus abeuntibus uel extinctis mutatur numerus, & unum fieri incipit, non destituens priora, sed ab illis destitutum. Illud autem, quod Galenus profequitur toto illo libro, animi mores sequi ex corporis temperie, ut concedatur id perpetuò esse uerum, tamen hoc animæ immortalitati non repugnat: itaque hæc disceptatio relinquenda uidetur, fatendum est nihilominus quibusdam morbis & corpore malè affecto impediri animam, quominus uisibus suis, quibus prædicta est, utatur. hinc furor & dementia, & dissipentia, & deliratio, & immensa rerum obliuio, & similia quædam fluunt, quæ rationis usum interpellant, excutiant, obturbant: quemadmodum è conuerso prudentia in plerisque maior est & sapientia ex corporeo quodam bono, siue sit illud tennitas sanguinis & puritas, siue spiritus caliditas, siue aliud quodlibet. Quapropter non improbo Aristotelem, qui in problematis asseruit carne molles meliori esse ingenio, quàm duros: potest enim hæc diuersitas corporum efficere, & corporum quidem multam perspicimus uarietatem, qua inter se differunt. Animarum uerò, quæ incorpoream obtinent naturam, qualis aut quanta sit differentia & dissimilitudo inter unam & aliam in sui creatione, haud facile dixerim. A primo quidem anima esse perhibetur, ueluti tabula rasa, in qua nihil est inscriptum, postmodum sociata corpori intelligit sensibus ducibus uarias sibi formans imagines, ex quibus ad ratiocinationem seu cognitionem fit gradus, dum uisa diuidit & componit, & ex assumptis elicit conclusiones. Is autem cognoscendi & intelligendi modus, ubi separatur à corpore, interit, ut iam dictum fuit, alius autem insurgit nobilior, quo tunc utitur: qualis autem sit, posterius (si tempus appeteret) forsitan aperie-

aperietur. Veruntamen, dum anima iuncta adest corpori, multa ex corporis affectionibus agit & patitur, & illa consequuntur, ut pro corporis habitu melius, vel deterius vires suas exerceat. Rursus urgent quidam quærentes utrum animus, quem facimus immortalē egeat conseruatore Deo an non? Si negauerimus, absurdum putant: Si etiam quærent rursus, quomodo natura sua immortalis existat animus, qui alio eget conseruante. Respondetur, animum consequi immortalitatem non à se, non enim se ipsum genuit: sed ab eo, qui illum condidit, nec repugnat aliquid è conditione naturæ suæ esse immortale, & conseruatore indigere, quia illo modo conditum sit: sicut cælum, quod natura incorruptibile est: adhuc tamen eget Deo, qui quod dedit, conseruet. Omnia namque creata, sicut prius non fuerant, ita esse desinerent, & in nihilum, unde sumpta sunt, reuoluerentur, nisi præsentia facientis assisteret, & eadem ui, qua sunt condita, tenerentur. Urgent adhuc nec remittunt, & simulant mirari, quod immortalis animus iungatur mortali corpori. Debuit enim & ipsum immortale creari, quod futurum erat habitaculum immortalis animi. nam simili argumento ostenditur, cælum esse æternum, quod æternarum sit habitaculum substantiarum, sic locus ipse respondet æternitati eius, quod recipitur, nunc uidetur natura animo non longæuo, sed (quod auctius est) immortalī, subiecisse corpus breui periturum: ut eo diuerteret, non ut commoraretur, quod quoniam existimatur absurdum, conijcitur animum cum corpore unā interiturum, ut par ei locus assignatus uideatur. Hæc illi latissimis explicant uerbis, adeo locus iste magnum occupat in dicendo locum: nos autem paucioribus egimus, nihil tamen, quod ad rem attineat, præmittentes. Sed tamen hæc non rectè obijciuntur. Etenim, ut concedam animum esse in corpore, non tamen corpus illius esse propriè locum concedo, quandoquidem non sustinetur animus à corpore: sed ipse illud sustinet, & ei regendo præsidet & moderatur, & is est animus, qui corpus informet. Cur autem quod immortale est, iunctum fuerit mortali, cuilibet occurrere potest id esse factum, ut plena ratione mundus conderetur. Creauerat summus rerum opifex immortales Deos (ut ueteres loquebantur, nos Angelos uocamus) sola mente & intelligentia constantes. Creauerat quoque bruta animantia mortalia, sensibus corporis congruis prædita. Restabat ad plenæ generationis cumulum, ut tertium quoddam formaretur, quod neutrum foret, utriusque tamen esset particeps, id est, quod partim immortale esset, partim mortale. Itaque formatus est homo, medius inter Deos & bruta animantia, utraque complexus extrema: nam datum est illi habere cum dijs communem immortalem mentem, & cum animantibus brutis commune corpus mortale, ut nodus quidam è diuersis duobus colligatus. Ex hoc perspicitur uis etiam diuinæ potentie, quæ res inter se maximè distantes copulauit. Quid enim tam distans esse potest, quàm corporeum ab incorporeo, quàm uisibile ab inuisibili, quàm ter-

renum

De Immort. animi

renum à cœlesti, quàm tenebrosum à luminoso, quàm denique, quòd materiæ pollet densitate ab eo, quod omni caret tumore? At hæc duo inter se disiunctissima tam suavi uinculo, tanta pace, concordiaque Deus agglutinauit, ut nunquam cupiant (si fieri posset) dissociari. Etenim (ut ait Apostolus) Ipsi nos primitias Spiritus habentes ingemiscimus, & nolimus expoliari, sed superuestiri. Succedit nunc argumentum aliud, sed leue uel nullum potius, quo Lucretius utitur.

Quòd si immortalis nostra foret mens.

Non tam se moriens dissolui conquereretur.

Sed magis ire foras uestemque relinquere, ut anguis Gauderet. Equidem commemorare possum multos pios & sanctos religionis nostræ uiros, qui faustum sibi & iucundum illum diem auspicabantur, quo ueluti aues è cauea liberum in cœlum emitterentur: non enim decet, nec fas est, nisi iussu supremæ potestatis exire, nec gaudent uestem relinquere (ut ait Lucretius) sed cupiunt se superuestiri (ut ait Apostolus) quod sperant sibi aliquando contingere maxima cum gloria, tum scilicet quò ultimo iudicii die resurgent. Quot præterea ueterum infidelium mortem forti animo contempserunt in bello, & in morbis, & in carcere, & ubicunque hæc se eis obrulisset? Vulgus autem hominum fortasse dissolutionem hanc perhorrescit, non quòd animus de se non præfagiat in posterum, sed quia eos mouet hæc uita magis, quàm altera: hæc enim uidetur, illa creditur; hæc in usu est, illa in cogitatione tantum, huic assueuimus, illam nunquam experti sumus: hæc mouent humanos sensus, quos exuere & penitus deponere libenti animo, ubi usus tulerit, rationem, ut optimam ducem sequentes summæ est prudentiæ, quæ plerisq; non contingit. Illud etiam scrupulum inijcit religionis nostræ hominibus sumptum ex Apostolo, qui ad Timotheum scribens, & de Deo uerba faciens, solus (inquit) habet immortalitatem. Si solus: ergo nulli alij immortales sunt: ergo ne animi quidem erunt immortales: repugnant enim hæc nullos esse immortales, & quosdam esse immortales. Hoc turbat aliquos, qui non intelligunt, quòd Deus dicitur solus habere immortalitatem, quia à se ipso habet immortalitatem, cætera, quæ immortalia existunt, non habent nisi eo largiente. Sicut enim si uiderem in urbe hac (liceat sic fingere) quendam summum uirum, qui opes assidue fluentes & inexhaustas possideret, & eas quotidie ciuibus suis & aduenis diuideret, solum hunc diuitem uocarem, cæteros dicerem mendicos, non quo ipsi non essent diuites, sed quia diuitias haberent alio largiente, essent autem quantum in eis esset pauperes, & quia non sufficientes haberent diuitias, quas omnibus possent impartiri. Sic dicendum est de Deo, quòd solus habet immortalitatem, quia non aliunde suscipit, sed à se ipso habet: unde non tam immortalis ipse esse, quàm æterna esse immortalitas dicendus, à qua cæteræ immortalitates fluunt: nostri ànimi participes sunt huius immortalitatis illo dante, & non sunt si-

ne

ne immortalitate, sed non sunt ipsa immortalitas: hinc propriam quidem habent immortalitatem, sed alijs elargiri non possunt. Clamant quotidie Sacerdotes in templis ad Deum, dum rem faciunt diuinam. Tu solus Sanctus, tu solus Dominus, tu solus Altissimus. Si solus ille sanctus: ergo inter homines nulli sancti? fuerunt & sunt plures huiusmodi, & latè patet sanctorum numerus, sed non sunt ipsa sanctitas, sicut ille, sed huius tantum sanctitatis alieno munere participes. Sunt autem, qui soli Deo tributam immortalitatem putant ab Apostolo, quia solus est immutabilis ille, qui ait penes Malachiam Prophetam. Ego Dominus & non mutor: nihil enim illi naturæ accedere, uel decedere potest, ut proficiat in melius, uel deficiat in deterius, uel ut incipiat habere, quod prius non habebat, & desinat non habere, quod prius habebat. Vnus est ille solus, nullas in se recipiens partes, non habet in se, quæ ad numerum diuidat, nec quæ simul componat: uerè unus, non unitus: & quod est uerè unum, necesse est, ut immutabile sit. Sed quantum sint mutabiles animi nostri, dum manent in corpore, quid attinet dicere, quod in se unusquisque quotidie experitur? incurfant enim animos cupiditates, spes, gaudia, terrores, dolores, multiplices uirtutes, & uaria uitia, memoria & obliuio, ex alijs ad alia fit assidue transitus: ubi autem quid mutatur, perit id, quod prius erat, & ingreditur aliud, quod non erat. Itaque si tot mortes, quot mutationes, ubi immortalitas? Vera nanque immortalitas sicut mutationem non habet, ita nec finem. Agnoscant itaque animi hinc manentes, non modicam sibi deesse immortalitatis partem: soli Deo cedant integram perfectamque immortalitatem, apud quem, ut utar Apostoli uerbis, non est transmutatio, nec uicissitudinis obumbratio. Quum autem exeuntes è corporibus in beatam illam cœlestem peruenerint patriam, si immutabiles sunt, id magno Dei contingit munere. Similiter si qua sunt alia, quæ non mutantur, non id illis propria tribuit natura, sed aliena indulget gratia, solus igitur immortalis Deus, quia solus undi que immutabilis est à se ipso, nullo largiente, solus ille summam & absolutam habet immortalitatem, cætera quandam habent suis finibus circumscriptam. De hac summa & absoluta immortalitate loquutum Apostolum existimamus. Exposui ferè omnia, quæ ab aduersarijs obiiciuntur, & quibus illi pro sua causa potissimum innituntur: his responsum fuit, ut uides: nonnulla etiam alia adducunt, quæ prætermisi, quoniam leuiora existimaui. En tibi immortalitatem, de qua quærebatur, & quam ostendi posse, disputando diximus. Omnia autem, quæ dicta sunt, referantur ad unam notitiam conditionis nostræ. Quid igitur sumus? Corpore sumus fragili, animo stabili, hoc quod uidetur, paruo finitur tempore, aliud, quod non uidetur, nullo: demum in uasis fictilibus thesaurum incorruptibilem gestamus. Α Τ Η Α. Tu uerò pro immortalitate acriter pugnaisti ueluti collatis signis, ita, ut toto aduersarios campo fugasse uidearis. Cogor autem mirari, unde id sit, quod quum tam firmæ

De Immort. animi

efficacesq; rationes animi immortalitatem ostendant, & quæ contra obii-
ciantur, tam ualidè refellantur, quòd plures reperi fuerint etiam ex Phi-
losophantibus, qui contrarias partes sequerentur. **MAR.** Ego quidem
initio dixi id malum à primis Philosophis inductum, qui magno nomine
in Græcia extiterunt: hi enim, quum omnia corpora esse putarent, ani-
mam quoque humanam in eorum numero posuerunt: hinc quod erat cõ-
sequens, tenuerunt, eam finiri, quum homo è uita excederet. Sed alias
quoque causas afferre possum, quæ magis propriè ad quosdam perti-
nent, ut minus mirum sit multos deinceps esse sequutos. Nam ut omit-
tam diuinæ providentiæ instituto errorem latè uagari, quo ueritas aduer-
sarios habens magis illustraretur & enitesceret, & captiuam ueluti ducès
falsitatem triumpharet: ut hoc inquam omittam, quod aliàs latius attigi-
mus, ruditas ingeniorum & infirmitas plerunque in causa huius erroris
fuit: nam plerique, & si principio uera uident, tamen ubi ad disceptatio-
nem uentum est, & contraria audiunt, nescientes ea dissoluere, quòd in
genio suo sint superiora, à ueritate desciscunt, quod non rectè fit: stultum
est enim si nequeas obiecta refellere, sapientum opinionem relinquere:
& quolibet linguæ uentilabro circumferri. Talis fortasse Plinius extitit na-
ruralis conditor historiæ, ubi contra hunc perpetuum animorum statum
plura garrit. Affectus etiam in alteram pendens partem non finit homi-
nem liberè iudicare. Putas ne Sardanapalum opulentissimum Assyrio-
rum Regem de immortalitate aliquid cogitasse? qui absiduè Veneri &
Baccho indulgebat, qui lasciuiæ, qui delitijs fœminas omnes superabat,
qui iussit in eius sepulchro inscribi, Ede, bibe, lude: & quum te morta-
lem noris, exple præsentibus deliciis animum, post mortem nulla uolu-
ptas: huic, qui similes sunt, rident ubi audiunt.

Esse aliquos manes, & subterranea regna.

Hi sunt, qui (ut uerbis utar Catonis penes Sallustium) falsa credūt, quæ
de inferis, memorantur diuerso itinere malos à bonis loca tetra, inculta,
scæda, atque formidolosa habere: dicunt enim mortem omnia dissolue-
re, ultra neque curæ, neque gaudio locum esse. Itaque præsentibus fruun-
tur quantum possunt: nec mirum est ita illos sentire: pecorum uitam de-
gunt, & humanam animam nihil ab ea, quæ in pecudibus est, differre
existimantes, utranque pariter in ipsa morte euanescere, arbitrantur.
Quosdam disciplinæ, cui se addixerant, uis rapuit. Itaque quicumque
ex Epicuri grege fuerunt, aut ijs interitus animæ tenendus, aut susce-
ptæ Philosophiæ nomen amittendum. Non mirum, Lucretium mortem
animæ tenuisse, non etiam Lucianum, ambo ex eodem poculo biberant,
ambo magistrum Epicurum sequébantur. Nam si tenuissent discessum
animæ à corpore esse in alia loca migrationem, non extinctionem, ma-
ximo & grauissimo præceptoris oraculo repugnassent, quo mortem cen-
suit nec ad uiuos, nec ad mortuos pertinere, quoniam alteros non attinge-
ret, alteri non essent. Illud tamen in praua sententia Luciani egregiū,
quod

quod ne uolens quidem obliuisci possum : Nam dum Dialogos fingit mortuorum , illa , quæ uulgo credebantur , de Minoe , de Charonte , de Coccyto , de Stigia palude , portenta sanè poetica , irridet uel potius gentium ea in re erroribus insultat . Quid ? si quis Aristotelicæ se ipsum dediderit disciplinæ , admirans huius Philosophi ingenium , acumen , facundiam , eruditionem , & audierit Aristotelem extinctionem animi posuisse , non auctoritate tanti uiri , atque aded tanti nominis gloria adductus eodem trahatur ? quod Alexandri Aphrodisei contigit temporibus , qui floruit Antonino Imperante . Is enim quum placita Aristotelis iâ diu occultata & incognita , tum primùm protraxisset in medium , & prædicaret animam humanam apud Aristotelem morti esse obnoxiam , mortuorum inouit assensum , ut eadem crederent . Accipiebant enim ab Alexandro , qui unicus tunc Aristotelis interpres habebatur , eam esse Aristotelis sententiam , & Aristotelem , ut ueritatis Iudicem amplectebantur . Obest igitur plerumque auctoritas , nam ubi incidit in errorem , alios etiam incautos errare cogit . Et hæc quidem nunc occurrunt , quibus existimem , cur olim multi crediderint humanam animam unâ cum corpore perirentem . Placet etiam mihi , quod Iulius amicus & familiaris noster in hac peripatetica philosophia , quæ propè sola hodie celebratur , multum diuque uersatus , idemque medicus nobilissimus existimabat . Is namque assererat priscos Philosophos atræ bilis uitio captos in maximis & notissimis rebus errasse & delirasse : ueluti eos , qui non plura , sed unum tantum in mundo ponebant . Item eos , qui nihil esse in mundo , sed uideri tantum prædicabant , & alios , qui nullum esse Deum astruebant , & illos quoque , qui continuum infinitam pati sectionem negabant : atram enim bilem , tam & si ingeniosos faceret , tamen dum plusquam satis est premeret , concitare in opinionum insaniam : nec sinere eundem à suscepra semel sententia diuelli . In horum numero (si bene recolo) etiam eos reponebat , qui ut pecudis , ita hominis animam euanescere asseuerabant .

ATHA . Festiuum est sanè , quod amicus ille noster censeat , incidere homines in opinionum insaniam atræ bilis uitio . Sed num tu id sequeris ?

MAR . Sequor equidem , nolim tamen huius sententiæ ueritatem periculo nominis mei præstare , sed ad ipsum te dimitto auctorem : ego enim tibi suadeo , ut quamprimùm conuenias uirum , ut te planius doceat , quod & quantum sit hoc atræ bilis uitium , quod conijcit in insaniam doctrinam etiam eos , qui ætate sua opinione sapientiæ clari fuerunt . Est ille non solum Philosophiæ , sed etiam medicinæ literis instructissimus . Quamobrem poterit tibi cunctas atræ bilis actiones copiosè & dilucidè effari .

ATHA . Optimè mones , itaque id exequar caprato temporis articulo . Nosti enim , quàm sit ualdè in ægrotorum curatione occupatus .

MAR . Noui quod dicis : nam ad eum confugiunt omnes tanquam ad medicinæ quendam Deum , & ego foelicem eius operam in meo uisum aliquando expertus sum . Itaque obseruato hominem , ut

De Immort. animi

uacuum aggrediari. Interim uenit in mentem Carneadis Academici, qui aduersus Zenonis Stoici libros scripturus helleboro se ipsum purgasse dicitur, helleboro autem constat atram bilem expelli: hanc ille existimasse pariter uidetur posse hominem in falsas & ridiculas opiniones incere, si corrupta & uitiosa esset, Porphyrius quoque de se tradit, quum aliquando in meditatione semetipsum interficiendi esset, id animaduersum à Plotino præceptore fuisse, ac dixisse illud mentis sanæ non esse studium, sed animi atra bile concitati furorem, iussumque ab urbe discedere, quod quum fecisset, loci mutationem sibi profuisse. Traditum est quoque de Eurylocho Eliense ingenij accerrimi Philosopho, qui Pyrrhonem audiuerat, miris modis atra bile uexatum fuisse, aliquando autem sic percitum eo morbo, ut quum in Elide uarijs & diuersis multorum quæstionibus agitaretur, ac respondendo esset fatigatus, pallium abiecerit, & Alphæum fluuium tranauerit. Ferunt quoque sic indignatum interdum aduersus coquum, ut arrepto ueru cum carnibus usque in forum fuerit illum persequutus. Existimant quidam Phauorinum Academicum sequuti hanc affectionem asse Heroicam, proferunt in exemplum, Herculem, Aiacem, Alchemæonem, Athamantem, Bellorophonem, qui omnes furentes inducuntur. Mihi furor ita placet, si is contingat, qui in Phædro à Platone laudatur. Sed de his fati superque dictum sit.



MARCI ANTONII
NATTAE ASTENSIS,
DE IMMORTALITATE ANIMI.
LIBER QVARTVS.

MARCVS.



NUNC ergo Marce postquam animorum immortalitatem præclara oratione, & docuisti, & defendisti, & causam erroris eorum, qui contrariam sententiam complexi sunt, aperuisti, uellem, ut reliqua persequaris. **MAR.** Quæ tandem reliqua? **ATHA.** Quia hic quæri posse uideo, qui sit animorum status recedentium, quæ uita, quæ conditio manendi, quæ in loca profectio, nam mors contingit homini diuisione duarum primarum partium, quæ coniunctæ illum constituebant, hac corpus, illac animus. Et corpori quidem, quid contingat ex animo, nihil attinget dicere: palam enim sunt omnia, iacet illud immobile, & mox reuertetur in terram, & reliqua elementa unde sumptum fuerat. Sed illud scire uellem, nunquid aliquid referat sepulchrum habeat nec ne. Dixit enim Poëta quidam non ignobilis sepulchrum corporis esse positum. Existimabant antiqui eos, qui inhumati iacebant, ubi inferos petiuissent, errare per multum tempus circa Stygiam paludem, nec prius quiescere, quam propinquorum & amicorum ope nacti essent legitimam uel imaginariam sepulturam: erat autem imaginaria, quæ absente corpore fiebat eisdem cœremonijs seruatis: tunc enim transmissa palude ad quietis loca proficiscebantur. **MAR.** Fabulosa hæc sunt Athanasi, quæ memoras à prudentibus nunquam credita, quanuis Poëtarum ore suauissimè canerentur. Ego nihil interesse puto, sepultus quis, an insepultus iaceat. Quod si aliquid interesset, malè actum fuisset cum Martyribus nostris illis temporibus, quibus hæc religio omni tormentorum genere oppugnabatur, nec poterat expugnari. Tum enim Martyrum corpora laniata, & lacerata uel seris obijciebantur, uel in mare projiciebantur, uel flammis adusta & in cineres conuersa uentorum flatibus mittebantur; ipsos autem morte iam obita nihil incommodi tulisse,

De Immort. animi

tuisse, perspicuum, quin nec ethnici ipsi solliciti uidentur fuisse de sepulchro. Hinc illud Poëticum memoratur.

Facilis iactura sepulchri. Et illud

Tegitur cœlo, qui non habet urnam.

Demonax Philosophus, cuius aliquoties in superioribus memini, quum in extremis ageret, & discipuli quærerent de sepultura. Nolite (inquit) de hoc esse curiosi: odor me sepeliet. Sic ostendit uir prudens se de hoc genere non laborare. Vehementius & longè fortius Theodorus Cyrenaicus Philosophus, cui liberius loquuto, quum Lysimachus Rex crucem minaretur. Horribilia ista (inquit) minitare purpuratis tuis, Theodori quidem nihil interest, humani sublimè putrescat: pertinet hoc ad propinquos & amicos superstites, præcipua autem cura hæredum esse debet, ut reddatur terræ corpus, & quasi operimento matris obducatur. Tantam autem dignitatem putatur habere humanum corpus, quod si bi coniunctum habuit animum, rem sanè sacram, cœlestem atque diuinā, ut illud mandare sepulchro, ne à uolucris & feris diripiatur, inter pietatis opera numeretur. Hinc fabula illa notissima de eo, qui quum humanum cadauer proiectum uidisset, humareque uellet, dum effodit sepulchrum, inuenit, thesaurum, quasi Dijs pro mortuo gratiam referentibus. Et humanitas quidem tumulari mortuorum corpora postulat, quam obrem suis proelio hostibus reddebant uictores occisorum cadauera suis repetentibus ad sepulturam, idque aded peræquè ab omnibus obseruabatur, ut si secus fieret, uiolari ius gentium existimaretur. Ipsa admonet natura parcendum esse ijs, qui iam fato suo functi sunt, & amplius nocere non possunt, & ut Poëta inquit.

Nullum cum uictis certamen, & æthere cassis.

Illud tamen tenendum, si intumulus quis iacuerit, nec nocere id corpori, quod caret omni sensu, nec animo, qui illud relinquens aufugit, nec mouere debet corruptio, quæ etiam rite conditum, multisque obuolutum integumentis sequitur. A T H A. Audiuisse tamen & legisse potes quosdam inimicorum scuisse in cadauera, eaque laniasse, nec passos sepulchro mandari. M A R. O magnam stultitiam: quid enim proficit cadaueris laniatio? quid in cloacas projectio? Etenim quicumque ulcisci illatam contumeliam cupit, id potissimum agit, ut quàm acerrimum inimico inurat dolorem, sed in laniatione cadaueris ubi dolor? ubi gemitus sentientis? non enim si dolet animus sine corpore, ita è conuerso dolet corpus sine animo: quid igitur iuuat scire in mortuorum cadauer? quod L. Sylla fecit, C. Marij cadauere exhumato, num ut miserum faciat? sed ubi nullus sensus est, ibi miseria contingere non potest.

Ter circum iliacos raptauerat Hæctora muros,
quem Hæctora? uerius, quod Hæctoris fuit raptasti. Nam ipse Hæctor iam deseruit locum, longè hinc auolauit. Imprudens ergo Achilles, si tunc se lædere Hæctorem putabat, qui tamen insinulatus à Græcis, quod Hæctorem

Heclorem Priamo reddidisset, sapienter respondit penes Pacuuium: Cor-
pus Priamo reddidi, Heclorea abstuli. Ciceroni immissi ab Antonio mili-
tes post aulsum humeris caput, manus etiam absciderunt, eas in, Anto-
nium scripsisse improperantes. adeo stolidi crudelitas, ut sciat, etiam
si nihil proficiat. Quid enim? num diffingi abscissione manuum aliquid
potuit eorum, quæ scripta fuerunt? Imprecatur Virgiliana Dido iam mo-
ritura Aenæ plurima. Extremum illud est. Sed cadat ante diem: hoc ca-
dere ante diem potest aliquid habere poenæ: nam eripitur uita, & cum
ca cætera omnia, quæ delectabant, at illud, quod sequitur uanum. Me-
diaque inhumatus arena. quid si humatus esset, num melius haberet?
idem Poëta

Scilicet ut Turno contingat regia coniux,
Nos animæ uiles, inhumata infestaque turba.

Sternamur campis.

Vt enim sterni campis miserum sit, num inhumatū proijci erit miserum?
aut etiam infletum relinqui? quasi uiuentium lachrymis possit mortuus
excitari. Præclare Lucanus in Pompeianæ necis descriptione. Nam
quum occisus Pompeius fuisset ab Aegyptijs, ad quos bello uictus à Cæ-
sare, auxilij gratia confugerat: & æthera post mortem, (ut ille uoluit)
conscendisset.

Vidit quanta sub nocte iaceret Nostra dies.

Erat enim ingenti Stellarum lumine circumfusus: at iacet insepultus in
litore abscisso etiam capite, non ille quidem, sed eius truncus: at mole-
stè fert minimè, ideo subditur.

Risitque sui ludibria trunci.

Ridenda hæc potius sapientibus uidentur, quàm flenda: quid enim at-
tinet inferre uim cadaueri? Primum sensu omni caret: deinde si cupis
corruptum uidere, expecta paululum, iam ipsum natura dissoluet cum
odore etiam tetro, nec secus tuo accider corpori, quàm illius. Natura af-
fectum est corpus friuolum & tabidum, ut hominibus potior esset animi
cura quàm corporis. Simul & illud perspice, si humana corpora essent
incorrupta, quomodo omnia plena essent cadaueribus, nulla sepulchra
eorum multitudinem capere ualerent: aut si insepulta manerent, omnem
terræ superficiem occuparent. Ineptè autem quisquis dixit, sepulchrum
corporis esse portum. Nam, ut in eadem perstem similitudine, quæro
num portus ad nauem pertineat potius, an ad nauigantes? Ego existimo
potius ad nauigantes pertinere. Similiter dixerim, portum, id est locum
quietis & securitatis ad animum potius pertinere, dum in corpore resi-
det, & eius præsidet regimini, & in eo quodammodo nauigat: sed ubi
abijt de corpore, non magis corpus inanimum curat sepulchrum, quàm
nauis portum, cuius eadem est causa, siue in portu maneat, siue iacte-
tur fluctibus, & mergatur: sensu enim omni uacua est. Improbatur igitur
rectissime, quod in corpus mortuum quisque ad eius iniuriam moli-
tur:

De Immort. animi

tur: quanto autem magis conuenit omni in cadauera fungi benignitate?

Et tumulum facere, & tumulo superaddere carmen?

Exequijs præterea, ludis, canticis, certaminibus, & omni reliqua funebri pompa, quam mos patrius requirit, memoriam defunctorum decorare? quod etiam pertinet (quod multo est faciendum magis) ad acue-
dam uiuentium uirtutem. Magnum est enim gloria incitamentum la-
borum. Olim extruebantur sepulchra in uijs publicis, nunc Christiano ritu teguntur defunctorum corpora in cœmeterijs ecclesiarum uel tē-
plis: quæ loca sanè sunt consecrata. Cur id fiat, à Theologis nostris re-
quires, ne uidear, quæ illorum sunt usurpare. Credo autem id factum
fuisse, quia locus ipse sacer admonet, ut pro defunctis fundamus preces
ad Deum, quo citius illi à purgatorijs pœnis exoluantur. Imaginaria au-
tem sepultura, quam Græci Cœnotaphium uocant, id est inane, uel ua-
cuum sepulchrum, quo ueteres frequentissimè utebantur, in usu penes
nos esse desit: sed quid ago? Nescio, enim quomodo ab immortalitate
animorum, de qua proposita fuit quæstio, defluxit sermo ad corporum
sepulturam. A T H A. Ego in causa: nam dum expecto scire quid con-
tingat corpori post mortem, & an aliquid incommodi suscipiat, si intu-
mulatum iaceat, huc delapsi sumus, ut de corporum sepultura loqueremur.
Sed sit hæc, si ita uidetur, digressio uel aberratio ab instituto. Ex
hoc tamen colligitur mortem pio bonoque uiro non esse metuentandam,
quæ malum non asferet, sed mali finem: nam ubi præstituta die hæcad-
uenerit, non patietur corpus aliquid omni sensu emortuum: animi etiã
uires acrius uigent. Verùm, ut redeamus unde defluximus, postquam
damnata est eorum opinio, qui mortalem faciunt animum, & nihil ho-
mini putant post supremum plus esse, quàm fuerit ante primum diem,
immortalitatemque complectitur pro uiribus: superest nunc, ut dicas,
quod immortalitati est proximum, uel connexum potius & coniunctum,
ubi excefferit animus à corpore, qualem agitet uitam, qui sit eius status
& potissimum explicandum tibi diligenter, ad quæ loca proficiscatur.
M A R. Rectè mones: nam plerique ab hac sententia immortalitatis fu-
giunt, quòd nullum esse locum in hoc orbe putant, quo animi, si post
mortem corporis manent incolumes, recipiantur. Absurdum est enim,
si animorum seiunctorum nullus est locus, dicere, quòd supersint, quan-
doquidem nihil sit, quòd alicubi non existat: quomodo autem id colligant,
exponam, nisi tibi molestum sit. A T H A. Imò hoc maximè cupio
audire. M A R. Necesse est (inquiunt) animum ubi à corpore decesserit,
aliquo esse loco, nam nullo dici non potest, nam, si tunc existat de cor-
pore fugiens, agit aliquid, nam aliter esset ociosus, quod non admitti-
tur: agit autem, ergo alicubi existit, agens namque agit ubi existit. Non
etiam possumus tribuere substantiæ finitæ, quod propriè conuenit infi-
nitæ: Deus namque, quia substantiæ est infinitæ, est omni in loco & ex-
tra omnem locum, hoc, quod tanti est, animo non competit: quo igitur

tur erit in loco? Hic ego si tergiuersari uellem, possem dicere me nescire, quod interrogatur: Multa enim rerum ignorantia, multa caligo nos premit, ut non omnia, quæ cupimus, ea ueluti scientes absoluamus: Dicis necesse esse animum disiunctum alicubi uel nullibi existere: concedam necessarium id esse, non tamen posse de loco decernere, fatis mihi ad immortalitatis demonstrationem, quod existant exeunres: stellas has, quas fatemur esse, necesse est pares esse aut impares. Roga utrum horum sit, dicam me non numerasse, nec numerari à quopiam mortalium posse, ideo nescire pari ne sint, an impari numero, nec sequi continuò me nescire stellas, imò scio: non enim si non omnia, quæ in re sunt, & uellem scire, tenco, ideo adimendum mihi est, quod ut certum scio. Ego tamen hac in re respondere uolo, quod maiorum tradit auctoritas, & ratio omnis suadet: alicubi igitur animorum esse stationem dicendum est: ita tamen, ut non sedeant tanquam in loco, sed diffiniantur tamen loco: nam ita est eorum aliquis ibi, ut non sit alibi: non enim infinitam tribuimus eis substantiam & uirtutem. In qua ergo uniuersæ parte locamus? Sunt qui dicant extra cælum hoc, quod perspicimus, non extare, quia forsitan nullum locum cælo superiorem arbitrantur, & hanc extremam oram, determinationemque mundi habent. In cælo autem, ubi uoluntur sidera, ne hic quidem animos hos collocant: ad quam enim rem ibi collocentur? habent enim orbes illi motores proprios & sibi congruentes: at propter stellam, ne hoc quidem dici potest, quum habeat stella quæque duces suos, nec animis sibi coniunctis quicquam decoris, aut perfectionis acquirat: ergo illic frustra erunt, nihil agent, nihil molientur, quis hoc dixerit? non enim si nobilis sit locus, ideo ociosos recipere debet, imò tanto minus debet, quanto nobilior: nam quodcunque opus non habet proprium, sine caret, qui mouet agentem, ideo ociosum manet, sed in rerum natura nihil esse ociosum omnis Philosophia exclamat, ergo illic superuacaneæ animi non erunt: at in regione subluuari. Si damus his igitur igneum uel æreum locum, non rectè faciemus. ille enim Dæmonum locus, ut Philosophorum etiam placita sequamur. Differentia nanque & distincta substantiarum abstractarum conuenit esse habitacula: non etiam illic manerent propter aliquod uniuersæ bonum, quod ostendi possit, nam ad omnia inferiora Dæmonum possunt supplere ministeria. Hoc argumento commoti quidam, quum non reperirent locum congruum, in quo animos collocarent, huc adducuntur iterum, ut immortalitatem negent, nam si sunt, aliquo morari loco putant sibi concedendum, sed nullum habent locum, nullum habitaculum, quod haberent, si essent immortales, igitur ne sunt quidem. Hæc illi obiectantes num tibi nihil, uel aliquid dicere uidentur? Α Τ Η Λ. Mihi uerò aliquid, itaque expecto quid ad ista. Μ Α Ρ. Mihi uerò ita loqui uidentur, quasi sit quisquam, qui immortalitatem animis tribuat, & non eisdem locum assignet, intra quem uersentur. Variæ autem hac in re extitere sen-

Hæc extitere sen-

De Immort. animi

tentiæ, non solum Doctorum, sed etiam indoctorum, nec paucorum tantum, sed nationum quoque & populorum, nec in Christi ecclesia modò, quæ animorum immortalitatem præcipue complexa est, sed uetustissimis quoque temporibus res agitata est, & penes alios diuersarum religionum ritibus imbutos. Illud modò uidendum & diligenter inquirendum, quæ uerè, quæ falsò proferantur, ut unis dimissis, altera teneantur. Et uulgò quidem olim credebatur, animos post corpoream hanc functionem subterranea habere habitacula, ibiq; malos pœnis cruciari ingentibus pro sceleribus, quibus uiuentes se se contaminassent, si qui tamen expiabiles & delebiles contraxissent labe, hos purgari, necesse erat.

Ergo exercentur pœnis, ueterumq; malorum
Supplicia expendunt: aliæ penduntur inanes
Sulphureæ ad uentos, aliis sub gurgite uasto
Infectum eluitur scelus, aut exuritur igni.

Vt Virgilius noster memorat. Vbi autem purgati essent, trans mittebantur tunc ad Elysium, id est, locos lætos & amœna uireta.

Fortunatorum nemorum, sedesq; beatas,
Largior hic campos æther & lumine uestit
Purpureo, solemq; suum, sua sidera norunt.

Hæc etiam loca incolebant hi, qui honestè & laudabiliter æuum transegerant, & ut idem Poëta inquit.

Hic manus ob patriam pugnando uulnera passi,
Quique sacerdotes casti, dum uita manebat,
Inuentas aut qui uitam excoluere per artes,
Quique sui memores alios fecere merendo.

Nec tacuit Poëta actiones eorum: nam prioribus indicat teneri studiis:
dum inquit,

Quæ gratia currum
Armorumque fuit uiuis, quæ cura nitentes
Pascere equos, eadem sequitur tellure repositos.
Eadem canit Ouidius quarto transmutationum libro.
Errant exangues sine corpore & ossibus umbræ,
Parsq; forum celebrant, pars imi tecta tyranni,
Pars aliquas artes antiquæ imitamina uitæ
Exercent, aliam partem sua pœna coercet.

Eodem descendere omnes è cunctis Orbis partibus testatur, nam describens loca illa inferna, quo recipiuntur animæ, ita loquitur.

Mille capax aditus, & aperta undique portas
Vrbs habet, utq; fretum de tota flumina terra,
Sic omnes animas locus accipit ille, nec ulli
Exiguus populo est, turbam uè accedere sentit.

ATHA. Quoniam de Elysio incidit sermo, uis ne quid de illo legerim penes Homerum exponam. MAR. Me utaris licet ex uoluntate.

ATHA.

ΑΤΗΛ. Elyſium hunc campum beatarum animarum ſedem, promittit Proteus Menelao, ubi uitæ huius ſtadium decurrerit penes uetuliſſimū Poëtam Homerum, cuius uerſus ita latinè ſonant.

Elyſium in campum mittent extremaq; terræ

Te ſuperi magni, ſedem fortis Radamanti.

Illo uita loco facilè traducitur æuo,

Non ibi tempeſtas, non nix, non frigus imber.

Sed Zephyri blandè ſpirant, aurasq; ſalubres Oceanus mittit.

Arbitratur Strabo Homerum poſuiſſe Elyſium in extremis Hiſpaniæ par- tibus, unde Zephyrus ſpirat. Plures tamen apud inferos poſuerunt.

ΜΑΚ. De Homero tu dixiſti. Sed quomodo altiſſonam Pindari non lyram, ſed buccinam omittimus? qui & ipſe uetuliſtiorum animis apud inferos exiſtentibus, non longè diſſimilia, imò ſerè eadem tribuit, ut à Plutarcho relatum eſt in cōſolatione ad Apollonium. Dicam autem ſoluta oratione, Poëticiſis tamen utens illius uerbis. Illis (inquit) fulget deorſum Solis, quando hic eſt nox, iubar, & roſea prata illorum ſunt ſub- urbium, turiferis arboribus umbroſum, & aureis onuſtum fructibus, & hi quidem equeſtribus ludis, illi pedeſtribus ſe exercent, alij tibiis oble- ctantur, illic omnis ſorum pullulat opulentiæ: odorq; optatiſſimarum re- rum per totum eſſunditur campum perpetuò. Ipſi uaria etiam odora- menta miſcentes & ualde ſplendido igne incendētes Deorum altaribus imponunt. Vides quæ Poëtæ aſſerunt non longè à ſenſibus diſcedentes, quamuis ſciant diſiunctos à corpore animos corporeis carere ſenſibus: transferunt humanas delicias ad latebras inferioris terræ. Nec deerat inferis niger Rex, hunc Plutonem uocabant, uxoremq; eius Proſerpinam Cereris è Ioue filiam, & Canem illi aſſignabant tricipitem Cerberum, iudices Acacum, Minoen, Radamanthum Iouis filios: nauitæ ſtigæ pa- ludis Charontem: ſummiua Phlegetonthem, Coccythum, Lethen, Acha- rontem, Furiæ tres ſpeculatriciſe & uindices ſcelerum, Aleſto, Thifiphonem, Megæram, quas etiam Eumenides nuncupabant. Sic gentes olim inferorum regna ſe habere arbitrabantur: quorum tamen pleraque ſunt Poëtica: nec à grauib; uiris credita. Illa uulgaris erat opinio, cui aſſen- tiebantur ſerè omnes, animas humanas finita uitæ huius militia tetram illam petere inferorum lacunam, non autem aſcendere aliò arbitra- bantur, quod maxime ex his, quæ ſepulchris inſcribebantur, coniciere da- tur. Lege epigrammatum Græcorum, quæ in mortuos condita ſunt, li- bellum. Illic plurima de inferis mentio, quaſi locus ille eſſet animis ex- euntibus deſtinatus, de coelo aut altera regione uiu ſermo. Lege Poëtæ, & alios ſcriptores latinos, non alia ſerè loca inuenies deſunctorum ma- nibus, quàm inferiora terræ tributa. Si quos tamen antiquitas ob exi- miam uirtutem, uel præſtantia erga genus humanum merita, uel ob am- bitionem in Deos retulit, hos ſupra ſidera collocabant, hiſq; templa, & ſtatuas & ſacrificia ſtatuebant, hinc Hercules, & Bacchus, & plerique a-

De Immort. animi

Illi in cœlum uenerunt, & diuinos honores meruerunt, quod etiam fecit in Daphnide suo Virgilius, notum est etiam, quemadmodum longo post intervallo Imperatores suos uita functos Romani consecrabant, & diuorum nomine nuncupabant, eadem omnia illis tribuentes, quæ dijs cœlestibus solebant: & (ut summatim dicam) neminem in cœlum recipiebant nationes & populi, nisi qui, aut in æternorum Deorum essent ordine, aut è mortalibus procreati, diuinitatem postmodum adepti fuissent, qui sanè exiguus erat numerus, reliquos inferiorû regna colore arbitrabatur. Hic Clazomenius quidam rogatus ab amicis, Athenis ne mallet ubi di uersabatur, an in patria sepeliri. Nihil (inquit) mea refert, nã ad inferos tã tũdè est uiz. Nota etiã illa uox Leonidæ Regis Thermopylis. Prædete Spartani apud inferos cœnaturi; atque hæc ad eos dicuntur, qui pro uniuerse Græciæ libertate pugnabant, ut intelligatur apud gētes nullã cœlestis domicilii cogitatione fuisse. ΑΤΗΑ. Quid de ludæis dicis? quid sentiebant? ΜΑΡ. Hoc quod interrogas facit, ut minus mirum sit de alijs gentibus, quandoquidem. Iudæi ueteres, quibus uera erat cognita religio, eadem asseuerarent. Non loquor de impijs tantum, sed de his etiam, qui iustitiæ opinione clari erant. Vnde enim illa Iacob uox? Descendam ad inferos filium meum lugens? Ezechias quoque Rex denuntiata sibi à Propheta morte, nonne illud protulit? Ego dixi in dimidio dierum meorum, uadam ad portas inferi: nondum enim Agnus cœlestis profusione sui sanguinis aulam illam supernam gaudiorum plenissimam patefecerat. Credo naturæ factum instinctu, ut homines omisso fabulosis consentirent animos post mortem subterranea petere loca, quia ita ueritas, quam nos sequimur, ferebat. Philosophi autem, qui sapientiæ opinione elati incedebant, in falsas iere sententias. Horum acutissimi Stoici summum bonum in una uirtute statuentes, imperitorum animos corporis reliquijs oblitos, & ea de causa imbecilliores redditos humi uolitare. Sapientum uerò animos, quales Philosophorum sunt, in sublimem euadere locum, & ad igneam usque regionem penetrare: illicque non semper, sed diutissimè, tamen permanere asseuerabant. Quicumque autem Pythagoræ & Platonis disciplinam sequuti sunt, malos in terræ infimo ingentia persol uere supplicia, sicut ceteri, dixerunt, & eos pariter, qui sordibus foedati sunt mediocribus, purgatorijs subiiciunt pœnis, donec concreta labe eximatur, tunc purgatos alunt ad ætheream peruolare regionem, & usque eo ascendere, donec leuitatem & calorem naturæ suæ congruum inuenerint, tum consistere ueluti paribus examinatos ponderibus, magnarumque capere spectacula rerum, ingentibus gaudijs perusos: eodem peruenire rentur illos, qui minimum contagionis cum corporibus habentes, & à societate carnis, quantum fieri potuit, discedentes puri mundi que hinc exierunt. Hæc à sententia non ualde aberrat ille, qui in Senecæ libris consolationem scripsit ad Martiam, quæ unicum filium adolescentem amiserat, siue is Seneca, siue alius auctor fuit. Nam in extrema

trema pagina his ferè uerbis mulierem alloquitur. Non est Martia, quòd ad sepulchrum filij tui curras. Pessima enim & illi molestissima istic iacent ossa, cineresque non magis illius partes, quàm uestes, tegumentaque alia corporum. Integer ille nihilque terris relinquens fugit, & totus excessit, paululumque supra nos commoratus, dum expurgat uitia, situmque omnem mortalis xui excutit, deinde ad excessa sublatu inter foelices currit animas, excipitque illum cœtus sacer noua luce gaudentem. Miratur uicinorum siderum meatus, nec ex coniecturis, sed ex uero peritus in arcana naturæ progreditur, iuuatque sæpius profunda terrarum & iam relicta ex alto despicere. A T H A. Verè iste sequutus est (quisquis fuit) in hac consolatione sententiam Pythagoreorum & Platoniceorum, sed nescio quomodo uideatur corpus mortuum ualde negligere, & ossa, quæ uocat pessima & molestissima. M A R. Magno in errore uersati sunt Philosophi, quamuis studio flagrantissimo essent & ingenio politissimo, sed nihil miror. Intumuerant illi opinione sapientiæ suæ, & quæ maxima sunt mysteria, à sapientibus abscondit Deus, & reuelauit paruulis. Hanc Philosophorum sententiam sequutus est etiam Cicero Latinorum omnium eloquentissimus. Ille in Scipionis somno animos censet à Deo datos hominibus ex sempiternis stellarum ignibus, atque eos, qui patriam conseruauerint, adiuuerint, auxerint, ubi è corporis uinculis euolauerint, in cœlum reuerti, & peruenire in circulum splendidissimo splendore inter flammæ præditum, quem Graij Læteum orbem nuncuparent, tanquam in naturalem sedem, & suam domum, idque ocius facturos eos, qui dum essent corporibus inclusi eminebant foras, & ea, quæ extra erant, contemplantes à corpore se abstraxissent: alteros uerò, qui uoluptatibus se dedissent, earumque se quasi ministros præbuisissent, & impulsu libidinum iura Deorum & hominum uiolauissent, corporibus elapsos circum terram uolutari, nec in cœlum, nisi multis sæculis exagitatos reuerti. Hæc ibi ille, & eadem ferè dicit in Tusculanis quæstionibus Platonem suum imitatus. Luculentissimè etiam eadem reuoluit in consolatione de obitu filia. Non omnibus (inquit) iidem illi sapientes arbitrati sunt eundem cursum in cœlum patere. Nam uitij & sceleribus contaminatos deprimi in tenebras, atque in cœno iacere docuerunt: castos animos, puros, integros, incorruptos bonis etiam studiis atque artibus expolitos leui & facili lapsu ad Deos idest ad naturam similem sui peruolare. A T H A. Hæc Philosophica Lucanus poëta dissentiens à Virgilio prosequutus est etiam uersibus. M A R. Quid hic Poëta? A T H A. Miror te esse oblitum, nam partem huius carminis paulò ante memorasti, dum de Pompeij trunco loquereris. Carmen ipsum integrè teneo, si uis audire. M A R. Dic si libet dicere. Nolo hunc omitti, quem secundum Poëtam quidam faciunt, & clarissimū sententijs Quintilianus uocat. Interfectus (ut non debuit) à Nerone fuit adhuc iuuenis, hinc opus suum inemendatum imperfectumque reliquit. Sed quid tandem ait
iste

De Immort. animi

iste secundarum partium in cantico poetico auctor? **ATHA.** Ille haud dissimilia superioribus enuntiat, Stoicorum tamen sententiae propinquius. Ecce do tibi carmina. Nam describens locum, quem Pompeius post necem petijt, sic inquit.

Sequitur conuexa tonantis.

Qua niger astringeris coniungitur axibus aer,
Quodque patet, terras inter, lunaeque meatus
Simidei manes habitant, quos ignea uirtus
Innocuos uita patientes aetheris imi
Fecit, & aeternos animam collegit in ignes.
Non illic auro positi: nec thure sepulti
Perueniunt. Illic postquam se lumine uero
Impleuit, stellasque uagas miratur, & astra
Fixa polis, uidit quanta sub noctu iaceret
Nostra dies, risitque sui ludibria trunci.

MA R. Video hunc Poetam eadem sensisse, quae Philosophorum antea quique praecipui. **ATHA.** Dici aliter non potest. **MA R.** O mi Athanasi, quam ualde uereor, quae illi huic sententiae subiiciuntur, eloqui. **ATHA.** Quid ueris? **MA R.** Vereor inquam ne si quod addunt dixerero, non uideatur uerisimile haec illos dixisse: absurdiora enim proferrunt. **ATHA.** Quae? Num quae ab eisdem ponebantur de transmigratione animarum, nam peractis aliquot annorum millibus humanas animas transire in beluarum corpora, & beluinas in humana tradebant, atque ita demum è uiuis mortuos, & è mortuis prodire uiuos. Haec sunt illa absurdiora, quae ab his proferri putas. **MA R.** Ista ipsa. Nam quid absurdius fingi potuit? Quid minus uerisimile dici, quam qui nunc sunt homines beluas fore: & quae nunc sunt beluae, homines futuros? quis credere possit uiros sapientiae studiosos, tam excellentibus ingenijs armatos in hunc errorem incidisse, nisi legisset? **ATHA.** At haec sententia, si neminem alium legissem, mihi incognita esse non potuit ex Ouidio, qui illam luculenter expressit uersibus. **MA R.** Dic quaeso uersus, postquam inter Poetas uersamur, & ueluti in Senatu exquirimus eorum sententias qualescunque sint: delectant enim illi in absurda etiam sententia, tantum ualet compositis pedibus fluere. **ATHA.** Inducit ille ultimo transmutationum libro Pythagoram sua praedicantem dogmata cum exhortatione ad mortis contemptum: inquit enim sic.

O genus attonitum gelidae formidine mortis,
Quid styga, quid tenebras, quid nomina uana timetis,
Materiam uatum, falsique pericula mundi?
Corpora siue rogos flamma, seu tunc uetustas
Abstulerit, mala posse pati non ulla putatis,
Morte carent animae, semperque priore relicta
Scde nouis domibus uiuunt, habitantque receptae,

Omnia

Omnia mutantur, nihil interit, errat, & illinc
Huc uenit, hinc illuc, & quoslibet occupat artus
Spiritus, æquè feris humana in corpora transit.
Inque feras noster, nec tempore deperit ullo.
Vtque nouis facilis signatur cera figuris.
Nec manet, ut fuerat, nec formam seruat eandem.
Sed tamen ipsa cadem est, animam sic semper eandem
Esse, sed in uarias doceo migrare figuras.

M A R. Vides in quàm intolerabilem errorem inciderint præclara ingenia. Sed num uno falso posito, plura absurda sequuntur? A T H A. Sic dicitur. M A R. Ergo ex hac transmigratione animarum humanarum in beluarum corpora, sequitur illa abstinencia animalium, nam prohibebant uesci alijs animalibus, ne fortè quis aut parentes suos, aut amicum, aut familiarem, aut colonum manducaret, seu animas eorum ex illis corporibus deturbaret. A T H A. Hoc non tacuit idem Poëta Ouidius. Nam in commemoratione illius Pythagorici dogmatis, hæc subiicit

Ergo ne pietas sit uicta cupidine uentris,
Parcite (uaticinor) cognatas cœde nefanda
Exturbare animas, ne sanguine sanguis alatur,
Quumque boum dabitis carorum membra palato,
Mandere uos uestros scite & sentire colonos.

M A R. Argutè id quidem, quòd uoluerint animas colonorum transire in boum corpora, quæ curabant uiuentes, atque præ agricolandi studio magnificabant. A T H A. Irrides ista, sed hoc non irridendum uidetur, quòd prohiberent homines à carniū esu, quia per hunc pinguescere animas & tardiores fieri arbitrabantur: pinguis enim uenter (ut est in Græcorum prouerbio) non gignit sensum tenuem. M A R. Non reprehendo, quòd iusserint abstinenciam à carnibus, sed quòd huius rei causam attulerint, ne inciderent fortè homines carnibus pecudum uescientes in propinquorum hominum comestione. Quid autem irridere tibi hæc uideor: non ego primus id facio. Nam, ut alios omittam, nonne Labe-rius mimographus illud in scena protulit? audire mala multa ex bonis, deinde in Philosophos.

Vt nunc de mulo hominem, & de muliere colubrum
Faciunt, & ex diuersis diuersa alia.

Sed ut omittam de hac ridicula transmigratione animorum dicere, & ut transeam ad reliqua, ego, quæ de animorum immortalitate, de eorum poënis & præmijs Pythagoræ & Platonis sectatores dixerunt, ea paulò ante uideor exposuisse. De Pythagoræ autem ipsius libris nihil possum sumere. Ipse etenim nihil scripsit, & suis præcepit ne quid scriberent, sed memoriæ mandarent, occulta nanque esse cupiebat, quæ de diuinis interfecta pientes agitabantur, quin etiam ea, quibus uita hominum ad rectius uiuendum instruebatur, figuratis loquutionibus uelabat, qualia sunt.

De Immort. animi

sunt. Hirundinem sub eodem tecto non habeto. Stateram ne transilito. Ne per uiam publicam ambulo, & similia. Et iste quidem sic habebat. Ipse autem Plato existimatur Pythagoram in diuinis sequutus. Nam Architam Tarentinum Pythagoreum iam antea audierat. Multa autem scripsit, & ut ueniam ad id, de quo agitur, sparsim plurimis locis scriptorum suorum humanas animas ab omni interitus iniuria liberat, maxime autem hoc agit in decimo de Repub. & in Gorgia, & in libris legum sancit legem contra eos, qui hoc audent inficiari, quin etiam proprium de hac re confecit librum, qui Phædro inscribitur. Socrates enim ibi inducitur, qui in carcere eo die, quo sibi moriendum uidebat, hanc in partem accerrime disputat astante discipulorum cœtu. Quàm multa autem de grauissimis iniustorum poenis, & de maximis iustorum præmijs differens, quam autem omittit purgari eos, qui leuiter deliquerint, donec patientes, ea quæ tales pati oportet, meruerint purgati melioris loci mutationem, eos uero, qui extrema iniustitia detinentur, ut qui animum suum periurijs, fraudibus, stupris, cœdibus, rapinis undique & profundius cõquinauerint, quod maxime reges & tyranni, & in imperijs positi facere cõsueuerunt propter peccandi licentiam, nunquam tristissimis illis & horrendissimis poenis liberari, ut potè, qui sanari non possunt. Nonne hæc apud Platonem legitur ATHA. Non memini me legere, sed posthac diligenter huius uiri scripta lecturum spero. Extat Dialogus incerti auctoris, qui falsò Platoni inscribitur. Illic idem Socrates inducitur assistere cuidam morituro, & id ipsum ægrè ferenti, quodd moriatur, quem ut animaret ad mortem Socrates, uitæ primùm narrat incòmoda, deinde, quæ cõtingunt animis, ubi corpus exuerint apud inferos, de campis elysijs, de Plutonis regno, de Sisyphe saxo, Danaïdum urnis, & alijs sceleratorum poenis, eadem ferè omnia, quæ Poëtæ: ea Socratis dicit se à quodam Gobria mago didicisse, qui uiderat ipsa insculpta Deli in tabulis æneis, quum præpositus fuisset ad custodiam Insulæ per id tempus, quo Xerxes magna manu Græciam inuasit: ad extremum ea dicit Socrates se non affirmare: illud unum certò scire, quodd omnis anima sit immortalis: & quicumque piè uiixerit, ubi ab his locis discesserit, siue infra, siue supra feratur, fœlicem fore. Hæc eadem Plutarchus Chæronensis, qui eiusdem scholæ sectator fuit, non dubitat asseuerare, quanuis alijs imaginibus id effinxerit, in libro, quo de Deorum in sceleratos ultione disputat, eamque nunquam seram fuisse, nec esse, mirabiliter edocuit. Inter cætera uerò ait poenas, quæ hic impijs hominibus emendationis gratia imponuntur, similes esse Barbarorum poenis. Nam apud Persas eorum quos emendari dignos censent, uestes & tiaras uellicant & flagellant. Illi autem lachrymantes finem fieri suppliciorum orant. Sic hæc, quæ insiguntur poenæ in pecunia, uel corporibus, tactum non habent acutum, nec ipsum apprehendunt uitium, sed sunt earum plurimæ, ut ipsi opinantur & sentiunt. At ubi ad inferos intemperans impurusque proficiscitur, nudatam afferens animam omni

bus

bus inuolucris atque in tegumentis : nec habens unde se subtrahere, & scelera tegere ac uelare ualeat, sed omnino ab omnibus & per omnia cognitus, hunc diuina ultio apprehensum ostendit primū parentibus & progenitoribus bonis, si qui tales sunt, tanquam uilem & degenerem . Sin autem prauī fuerint, tunc conspiciens illos in tormentis & conspectus traditur doloribus & suppliciis, quæ magnitudine & uehementia tantum hæc exuperant, quæ in carne perferuntur, quantum res ueræ à somniis differunt perspicuitate . Hæc Græcus ille penè ad uerbum dicit . Nec aliter religionis nostræ alumni sentiunt . Pone (inquit Chrysostomus) (si placet) ignem, & ferrum, & bestias, & si quid est his crudelius, attamen hæc neque umbra sunt, imò ludus & iocus ad illa tormenta : hæc quæ hic patimur, quando uehementissimè intentantur, tunc maximè leuia sunt; celeriterque liberant corpore non sufficiente ad tantam uehementiam ac prolixitatem pœnæ . Illic autem non sic, sed summa erunt supplicia : nec imminuetur animæ substantia ob suppliciorum grauitatem . Immortalis ipsa in immortales cruciatus proijcitur . Quæ si uera sunt (ut ipse existimo) optandum est, ut quemadmodum inter Persas suis induti uestimentis percutiebantur homines, ideo uerbera leuius affligebant : sic dum sumus in corpore, pœnæ in nos influant pro flagitijs, quæ admisimus : potiusquam cum anima nuda eas luamus : hoc enim pertinet ad magnitudinem suppliciorum subleuandam. nam quin culpam par pœna sequatur (nisi Dei misericordia aduenerit) uitare non possumus. ATHA. Tu quidem forti es animo, qui pœnas nunc tibi pro sceleribus tuis insigi à Deo exoptas. MAR. Ea quidem de causa, quam dixi, nā scitum est illud,

Ferre minora uolo, ne grauiora feram.

Hoc optans non tam fortis, quàm sapiens existimari debeo . Sensus repugnant, & præsentaneum recusant supplicium, quia minus, quæ longè ab sunt, speculantur, at ratio huc deducit: nam ita nunc indignatur Deus aduersus delicta, ut misericordiæ etiam suæ recordetur, imò ipsa indignatio misericordiæ est : nam castigat omnem filium, quem recipit, punit, ne durius puniat, irascitur, ne uehementius irascatur. Ego igitur sic opto. Si qui autem differri uolunt, timendum est, ne illa pœnæ dilatio ueluti scelerato capiatur . Sed de his forsitan posterius . Sed quid prætereo ue tuistissimum horum omnium magnaue olim auctoritate magistrum?

ATHA. Quem dicis? MAR. Mercurium Aegyptium. ATHA. Eum ne, qui tet maximi nomen adeptus est? MAR. Illum ipsum . Antecessit iste multis ætatibus cunctos Græciæ Philosophos . Miror in tanta illa ueritate sæculis adhuc rudibus & nōdum expolitis, tria in illo maximè, ut hoc respondeat illi cognomento ter maximi. ATHA. Quæ tria? MAR. Miror ingenium, eloquentiam, & in plerisque arduis ueritatis inuentio-nem: nam omnia uera uidisse nunquam dixerim . ATHA. Quid igitur ille hac in re? Tuuat enim uerba eius (si tenes) audire. MAR. Audisti ab initio, quemadmodum immortalitatem animi posuerit. Repetit idem in

De Immort. animi

libro, qui Aesculapius inscribitur, addens quo sine hæc immortalitas claudatur. At quæ uerba torquet in incredulos? quas sententias effundit? Ita enim ibi ipse loquitur. Multos (inquit) spes, timorque mortis ueræ rationis ignaros ex cruciat. Mors enim efficitur dissolutione corporis labore defessi & numeri completi, quo corporis membra in unam machinam ad usus uitales aptantur: moritur enim corpus, quando hominis uitalia ferre posse destiterit, hæc ergo est mors, corporis dissolutio, & corporalis sensus interitus. De qua homines sollicitudinem sumunt superfluam: aliam autem necessariam prætermittunt ex ignorantia, uel incedulitate. Hic quum Aesculapius colloquutor interrogasset Mercurium, quid ignorat homines, aut esse diffidunt. Tum ille. Audi igitur o Aesculapi. Quum fuerit animæ à corpore facta discessio, tunc arbitrium examini: meriti eius transiliet in summi Dæmonis potestatem, isque eam, cūpiam, iustamque præuiderit, in suis competentibus locis manere permittet. Sin autem delictorum illitam maculis, uitiiisque oblitam uiderit, desuper ad ima deturbans, procellis, turbinibusque; æris ignis & aquæ sæpius discordantibus tradet, atque inter cælum & terram mundanis fluctibus in diuersa semper æternis poenis agitata, raptabitur: ut in hoc obfit animæ æternitas, quodd sit immortalis sententia æterno iudicio subiugata. Ergo ne his implicemur, uerendum, timendum, cauendumque esse cognosce. Increduli enim post delicta cogentur credere, non uerbis, sed exemplis, nec minis, sed ipsa passione poenarum. Habes, quæ de malorum supplicis contra incredulos scribit Mercurius; subdit postea de iustorum præmijs in hunc modum. Iusto (inquit) homini in Dei religione, & in summa pietate præsidium est. Deus enim tales ab omnibus tutatur malis. Pater enim omnium & Dominus, qui solus est omnia omnibus, se libenter ostendit, non ubi sit, nec qualis sit, nec quantus, sed hominem sola intelligentia mentis illuminans. Qui discussis ab animo errorum tenebris, & ueritatis claritate percepta, toto se sensu intelligentiæ diuinæ commiscet, cuius amore, à parte naturæ, qua mortalis est, liberatus, immortalitatis futuræ concipit fiduciam. Hoc ergo inter bonos, malosque distabit: unusquisque enim pietate, religione, prudentia, cultu, & ueneratione Dei clarescit, quasi oculus uera ratione perspecta, & fiducia credulitatis suæ in tantum inter homines præstat, quantum sol cæteris astris lumine suo antistat. Hæc ab illo sunt, quæ (ut opinor) non longè absunt à Christiana disciplina. Insignia omnia sunt in Deo, ideò non possumus nos, qui finitam habemus substantiam, infinitatem eius percipere. Videbimus tamen eum sicuti est, & non iam in ænigmate, sed facie ad faciem, sicut sacris literis continetur, de quo latius scripsi in libris, quos de Deo confeci, & aliquid etiam postmodum dicitur, ut hic sermo iusto sine claudatur. Hæc eadem assertit idem Mercurius alio in loco, quemadmodum penes Petrum Crinitum relatum est, iuuat autem huius uetustissimi auctoritate uti, ut qui tanta in re nostris non credunt, credant satis alienis, Nostris

Nostri enim, quibus iustius erat credendum, diuinitus afflati illa protulerunt, quæ illi lumine tantum mentis perspexerunt. A T H A. Recta est hæc ratio, ita facienda. Sed quid is ait? M A R. Animantium (inquit) corpus ex quatuor elementis constitutum est à Deo. Habet enim aliquid in se ignis, aliquid æris, aliquid aquæ, aliquid terræ: neque tamen ignis est, neque ær, neque aqua, neque terra, quæ facile probari possunt: nam terræ ratio in carne est, humoris in sanguine, æris in spiritu, ignis in calore uitali, sed neque sanguis à corpore secerni potest, sicut humor à terra: neque calor uitalis à spiritu, sicut ignis ab ære: adeo rerum omnium duo sola reperiuntur elementa, quorum omnis ratio in nostri corporis fictio-
ne inclusa est. Itaque ex rebus diuersis ac repugnantibus homo factus est, sicuti & mundus ipse ex luce ac tenebris, ex uita & morte. Quæ duo inter se & in homine pugnant: ut si anima superior euaserit, quæ ex Deo trahit originem, sit immortalis, & in clara perpetuæque luce uersetur: sin corpus euicerit animam, suoque imperio subiecerit, in tenebris sempiternis, atque in obitu delitescat. A T H A. Quum hunc audio Aegyptium rectè iudico fecisse Empedoclem, Democritum, Pythagoram & postea Platonem, quod ad Aegyptios profecti sunt, ut eorum sapientiam audirent. Nam quæcunque apud illos didicerunt, uidentur postea in Græciâ retulisse, sicuti hæc, quæ præ manibus sunt, ostendunt. M A R. Non solum rem philosophicam, sed cæteras quoque disciplinas Græci à Barbaris susceperunt, comptiores tamen ingenio suo reddiderunt: pleraque autem corruerunt, sicut Aristoteles fecit, qui mundi inuenit æternitatem contra ueterum sententiam. De immortalitate animi, quid dixerit, superius expressimus. De reliquis uerò, quæ immortalitatem sequuntur, non uidetur aliquid dixisse. Inueni Aristotelicum quendam, qui disserens de statu animi à corpore sciundi mira quædam ex Aristotele referebat, sed pudet me illorum, quum in Aristotelis libris, qui proculdubio ab eo elaborati sunt diligentissimè, nihil illorum reperitur. A T H A. Ignosci potest, si imprudens illa dixit. M A R. Mihi magis impudens uidebatur, sed non unus mihi ille talis occurrit: quoties me incidisse putas in istos Aristotelicos, qui ex Aristotele proferebant, quæ nunquam Aristotelis fuerunt. Iam Athanasi uarias & diuersas uides fuisse quondam de animorum separatorum statu sententias, quas qui perspexerit, nonne incertus reddetur? & conuersus ad humanæ sapientiæ studium, seu (ut Græci uocant) philosophiam, illud dicat?

Belua multorum es caput, nam quid sequar? aut quem?
O Christi disciplina, quantopere ueneranda es? te non hominum opinioniones induxerunt, sed ueritas ipsa fundauit. Deus Deus inquam hæc arcana nobis patefecit & reuerauit, ad huius disciplinæ regulam tanquam ad lapidem Lydium examinabimus quæcunque Philosophorum dogmata, ut quæ huic consonant ueluti uera teneamus, quæ dissonant tan-

De Immort. animi

quam falsa abijciamus. Dicemus autem de impiorum pœnis prius, postea de piorum præmijs, ut in meliora definat oratio. An non ita faciendum censēs? **ATHA.** Nihil melius fieri potest. Itaque id uehementer expecto, nec expectaueris, ut medium me inseram sermonibus tuis, & interrumpam cursum orationis tuæ. Video enim te ad ueritatem totius disciplinæ tendere: quam nullis decet interloquutionibus turbare. Itaque, ut continenter dicas non amplius interrogans me & spectans flagito. **MAR.** Ita ne uerò mihi imperas? nunquam defugiam auctoritatem tuam. **ATHA.** Facis more tuo: tuus enim mos de amicis bene pro mereri.



MARCI ANTONII

NATTAE ASTENSIS,

DE IMMORTALITATE ANIMI,

LIBER QVINTVS.

MARCVS.



POST QVAM falsa coarguenda, & uera docenda sunt ad examem Christianæ doctrinæ, opto eam mihi eloquentiam dari, quæ tantæ rei par esse possit. Dicturi iam sumus de iniustorum pœnis, & iustorum præmijs, qui uidetur esse immortalitatis finis. In superioribus recordari potes me inter immortalitatis argumeta hoc posuisse: quòd hîc & boni patiuntur aduersa, & mali fruuntur iucundis, idèo immortales animos effectos, ut post corporis mortem utrisque ex uitæ ante actæ merito, quod deberur persoluatur: deberur enim uirtuti præmium, iniquitati supplicium. Est enim homo actionum suarum dominus, flectere se potest, quam in partem uelit. Libertas concessa eligendi bonum aut malum una cum mente, quæ inter hoc & illud discernere ualeat. Cætera animalia carent utroque, & libertate eligendi & iudicio discernendi, sensu aguntur, feruntur impetu, rapiuntur appetitu. Nesciunt quid uirtus, quid uitium sit. Non datum est iudicium, quo sibi ipsis legem statuere & moderari queant. Quapropter non præmio nec supplicio beluas dignatur Deus, idèo animæ eorum una cum corpore ex tinguntur: non enim conueniebat uocari illa ad iudicium, quæ iudiciû non habuerunt, nec ab his rationem exigere, qui non acceperunt. In homine secus accidit, qui arbiter sui ipsius constitutus in potestate habuit bene an malè ageret: idèo cum immortalis animo natus est, ut quum hanc lucem deseruerit, exhibeat se ante iudicis iustissimi tribunal, & quid meruerit in corpore hîc agens excipiat, quodcunque illud sit, siue ad præmium spectans, siue ad supplicium. Certum quærimus quem statum teneant animi defunctorum. Certos reddit Saluator (cuius testimonio quid potest esse maius?) peccatores finito uitæ huius spacio ad inferna detrudi. Nam epulonem illum diuitem facit apud inferos cruciari ardenti flamma, guttamque petere à mendico Lazaro aquæ frigidæ, ut paululum

De Immort. animi

lulum recreetur. Noli Athanasi putare Saluatorem ficta tunc usum similitudine docendi gratia, sicut cæteris locis facere consuevit. Vbi enim nominatim appellantur homines, illic historia in exemplum proponitur. Illic uides Lazarum, Abraam, Mosem, & quinque fratres illius diuitis nuncupari, quod fidem facit rem gestam narrari. Indicat etiam alibi tenebrosum esse locum, dum proponens similitudinem quandam, inducit Dominum, qui seruum nequã proijci iubet in tenebras exteriores, ubi erit (inquit) fletus & dentium stridor: hunc etiam locum, in quo peccatores torquentur nouo uocabulo appellat gehennam, cur ita appellauerit, ab alijs quærito, existimamus huic esse in medio terræ: nam is infirmus in rotundo locus, distans æquali spacio undique ab extremis, Græci centrum uocant. Illic miseri peccatores pœna plectuntur acerbissima uel ignis nimij, uel frigoris, uretque pariter eos malæ conscientiæ fax, dolorque eisdem tanget æcerrimè dum uident se exules in perpetuum factos à cœlesti patria, ubi plena sunt gaudia, & summi tonantis (ut poetice loquar) rutilat cœlicolis omnibus facies. Demum consentiunt omnes quicunque animorum immortalitatem crediderunt, eos, qui hic nequiter uixerunt, pœnis illic plecti maximis, siue naturæ instinctu id dicerent: siue quod consentaneum rationi putabatur, quod iniquus contraria patiatur his, quæ fecerat, hoc est, ut qui antea uolens gauisus fuerat in flagitijs, postea nolens doleat in supplicijs, & æternis torqueatur pœnis, qui nunquam uoluerunt carere peccatis. Hæc dicta sunt de his, quos peccatores mors inuenit: hi autem, quos pœnituit peccasse, reconciliarique se studuerint Deo, cuius mandata neglexerunt, si nondum pœnam, quanta flagitijs eorum debebatur, hoc in sæculo persoluerint, durior conditione apud inferos persoluent, pœnasque damnatorum sustinebant; in hoc tamen differtentes, quod illorum sunt perpetuæ, pœnæ, horum temporariæ, donec scilicet ab omni sorde & labe fuerint mundati, & nitidiores facti meruerint Angelis comitantibus in patriam reuerti. Differunt, etiam hi alia ratione à peccatoribus, quod ipsorum pœnæ, ueluti purgatoriæ possunt supplicationibus, ieiunijs, elemosynisque uiuentium amicorum subleuari, quod non illis contingit, quorum culpa perpetua est atque indelebilis. Sic tamen habeto utrorumque pœnas ad eò esse infestas, quod dicuntur, excedere sui grauitate supplicia, quæ hac in uita quisquam passus est, aut pati posset: maxima & intolerabilia quodammodo nonnulli ex Martyribus pro Christo pertulerunt, inferiora tamen illa fuerunt, quàm quæ alio in sæculo pro peccatis persoluantur, sicuti grauissimi auctores tradiderunt, quæ sanè omnia facilius credi debent à nobis, quibus hæc diuinitus innotuerunt, quum nonnullos Philosophorum, & hos, qui inter eos fuisse præcipui, lumine tantum utentes rationis, eadem uidisse cognouerimus: nam & purgatorias quoque pœnas induxerunt, & uehementissimas esse existimauerunt, dum tunc animos nudos, nunc uestitos, flagellari dixerunt. Nec renuo
tamen

tamen quin possit ille, qui infinitam habet sapientiam, paremque potentiam, erucere ab inferorum pœnis quoscunque uelit, & alio loco alijs pœnis affligere: nullis enim astringitur legibus ille, qui sibi lex est: cuius uoluntas iustitiæ est regula: hoc tamen, quod dictum est, si non semper, at frequentissimè contingit, si modò diuinis statueret literis, magnisque eorum interpretibus. Dices, quid paruulis fiet, qui nondum sacri unda Baptismatis abluti fuerunt, & tamen nullum habentes rationis usum delinquere non potuerunt, sed eos tantum culpa comitatur originis, num & hi torrentur igni, uel num ab omni pœna uacui? uel si eos pœna tenet, quæ & quanta in illis est? damnatos esse certum est, (nam, ut inquit in Euangelio Saluator) qui non crediderit, iam damnatus est, & nisi quis fuerit renatus ex aqua & Spiritu, non potest ingredi regnum cœlorum. Cruciantur ergo isti, qui per se non deliquerunt cum peccatoribus, & semper pœnis pariter tradentur incendiis? durum uidetur. Itaque frequentiori Theologorum nostrorum calculo inferna quidem illos habitare receptum est, sed superiore loco, quàm damnati, nec affici pœna ulla, quæ percutiat sensum, sed sustinere illam duntaxat, quòd priuatur bono, quo sanctæ animæ in cœlestibus saturantur: uolo uti hac in re illorum uerbis, quæ nequaquam absurdè se habent. Perferunt isti (inquiunt) pœnam priuatiuam, quòd est damni, non positiuam, quòd est sensus. Augustinus autem in enchiridio mitissimam omnium asserit esse pœnam in infantibus, qui nullum aliud præter peccatum ferunt originis, ita ne à pœna quidem eos liberat, nisi fortasse mitissimam uocat pœnam bono summo carere: quam nos nuper damni pœnam nuncupauimus: quam tamen pœnam quidam acerbissimam esse, & omnes alias superare dixerunt. Sed, quid de his dicemus, qui pueritiam egressi, nati rationis usum Christo: non agnito cum uirtute uixerunt, si tamen uirtus esse ulla potest sine pietate? Attamen rectitudinem quandam uitæ tenuerunt, naturalem sequentes æquitatem, quales è Philosophis extitisse nonnullos traditum est, & quosdam rerum pub. Rectores? Num ipsi quoque pœnas, quibus sensus affligitur euadunt? durior horum causa, quàm infantium non ablutorum, nam hi per ætatem peccarunt, quum nullius uita immunis sit à peccatis, & inter honestos numeretur ille, qui minimis urgetur. Sed quomodo illa minima abolere poterunt, quum non contingat remissio peccatorum, nisi in fide, qua illi carent: in sanguine agni, quem non agnoscunt: in ecclesia Christi, quam non ingrediuntur? Multi tamen asserunt eandem istorum esse conditionem, quam diximus esse puerorum. Sunt, qui putent impios etiam nullas sentire pœnas in inferis ad sensum permanentes. Nam si ibi est (inquiunt) ignis, necesse est, ut corporeus sit: quomodo autem corporeum aliquid potest quicquam in incorpoream naturam? nam non possunt se mutuo tangere, quorum extrema non iunguntur. Verè hæc dicerentur, nisi de Omnipotentis Dei iudicio, carcere, pœnis, tortoribus ageretur. Ille enim penes se naturam ualere non patitur,

De Immort. animi

tur, ubicunque uisum est, nec mirum, quia ipse cunctam condidit naturam, & is potest tollere, qui condere potuit. Quod tam contra naturam, quàm ignem refrigerare; attamen tres illi pueri, qui contempserant adorare auream statuam Babilonici Regis, missi in caminum ignis ardentis senserunt in medio flammæ uentum roris stantem, sicut in Daniele legimus. Inspice Heliam, qui quum in contentionem cum Prophetis Baal uenisset, composito ex lapidibus altari imposuit super ligna holocaustum & quum iterum & tertio perfudisset omnia aquis, ita ut current circum altate, & fossa aqua ductus repletetur. Ecce de cælo otante Helia cecidit ignis, qui (ut scriptum est) uotauit holocaustum & ligna & lapides, puluerem quoque & aqua, quæ in aqua ductu fuerat lambens. Sic ignis Infernus diuino iussu potest acumine suo penetrare in animas incorporeas, & creare dolorem, qualem nemo hominū hic experitur. Nescio hac in re an testimonia desiderentur, sicut in iudicijs fieri solet, sed si quis ea quarat, multos inueniet sanctissimos uiros, quibus Deo sic disponente animæ defunctorum igne uallatæ apparuerunt: alia pœnas suas ostendentes, & de damnatione sua confitentes: alia opem orationum ab his suppliciter postulantes: hæc plerique irrident, & sibi nimis arguti uidentur, dum nungantur, quis unquam inferos uidit? quis è mortuis reuersus est, ut renuntiare potuerit, quæ illic fierent? quem unquam legatum uiui misimus ad mortuos? quem exploratorem habemus? O stultitiam singularem, non credere Prophetis, non Apostolis, non Martyribus, qui Euangelij ueritatem non nudis uerbis, sed profuso sanguine testificati sunt, non sanctissimis uitis, qui paupertatem duritiemque uitæ sequuti, solis se inferuerūt diuinis. Quod si hæc eos non mouent, quæ sunt maxima, moueat omne ferè gentium & nationum opinio, quæ ab initio usque orbis conditi huc usque perducta est, & in posterum mansura uidetur, quæ nam hæc? malos apud inferos malè torqueri. Nolint credulitatem hanc in id tempus differre, quo rem ipsam experientur, tūm quum id credere nihil illis sit profuturum, nam hoc ipso mali sunt, quod non credunt, ut mereantur credulitatis huius extorquendæ gratia illis proijci tormentis. Et de impiorum quidem pœnis hætenus. Restat, ut de piorum dicamus præmiis. Nam de his iucundior fuenit sermo. In primis cogitandum, quod hoc, quod præmia nobis largitur Deus, non id bonitati nostræ, sed suæ ascribere debemus: nos enim nunquam illa promeriti fuimus, quæ amplissimè nobis sine ulla (ut sic dicam) avaritia dilargietur, & ipse quidem Deus magis se liberalem dici, quàm iustum amat. nam liberalitas, quæ in bonos utitur, magis illi conuenire naturæ putatur, quàm iustitia, qua fontes flagellat, quanuis in illo paria sint omnia, sed ita tamen dicimus, quia dum liberalitate utitur, facit, quod se est dignum: dum punit, quod dignum est peccatis nostris: finis liberalitatis est summa illius bonitas, finis iustitiæ hominum sunt delicta: utrunque tamen ab eodem fonte proficiscitur. Non puto autem te existimare piorum esse præmia Elysum campum, aut alias

alias fortunatas insulas, in quibus illi degant ludicra quædam exercen-
tes, & odoribus, aliisque uiræ huius delictis incumbentes, nã quum sum-
mi grauesque uiri hæc contemnunt, seu paruifaciant, quomodo illis exu-
tis iam corpore summa bona uideri possunt? hæ enim uoluptates ad cor-
poris sensus propriè pertinent, quibus carent, & acriori tunc sunt iudicio
quàm quum mole corporis premerentur. Pulchrum ne est igitur dicere,
quòd sapientiores effecti desiderant & magnifaciant, quæ ad corporis per-
tinent uoluptatem, & quæ corporibus obsepti non curarunt; aut si hæc
ipsi non amplectuntur præmia, inculabimus Deum, qui aut nolit, aut ne-
queat amicis maiora tribuere: agitur non de quorumlibet hominum præ-
mijs, sed iustorum præstantiumque omni uirtute uiro-
rum, his pro labori-
bus & erumnis exandatis & toleratis, quibus alios iuuerunt, proque eo,
quòd mores suos ad iustitiæ regulam composuerunt, & a ducibus irrepen-
tia uitia, nequitiasque cœlestes acriter Deo duce pugnauerunt, & nun-
quam à iure ad iniuriam protrahi potuerunt, his inquam talibus uiris ui-
rentia præta, frondosa memora floridos hortos, fontes uino & lacte sca-
rentes tanquam summa præmia proponemus, quasi hæc, quæ suauia sunt
sensibus, faciant sælicem, uel ipsi in priori uita hæc prima habuerint, aut
etiam sine ullo corporis instrumento his perfrui possint. Ignosci potest
ueteribus Poëtis illa fingentibus, quia uidebant uulgos, cui carenter,
ne in mortuis quidem ullum bonum, nisi quòd de corpore penderet,
ponere, quanuis corpora eorum cremata, aut humata scirent, quapropter
ne Heroës & alij magnanimi uiri in inferis positi omni essent orbi bo-
no, quod uirtuti eorum parum conuenire uidebatur: his corporeis deli-
ctis eos referferunt, quia uulgos impotens sensus deserere, ita etiam sen-
tiebat, & Poëtas seruire populi auribus oportebat. Res denum ita tem-
perata est, ut nescias, utrum Poëtæ magis uulgos, an uulgos Poëtas de-
prauarit. Sed nolo de his plura, quanquam si contra has ineptias dic-
rem, facundus esse possem. Illud magis uidendum, an uera sit Pythago-
reorum, Platoniorumque sententia, animos corporibus elapsos ad æthe-
ream regionem ascendere, ibique locum naturæ suæ congruum, compa-
remque stellam nactos conuiuiscere. Sed hanc sententiam superiori im-
probauimus sermone: ueriti ne animi illic agerent ociosè, quum ipsi à
stella nihil accipiant momenti: nec stella ad motum illis egeat. Nam
quòd subdunt animos illo loco sublimi positos capere spectacula cœle-
stium terrestriumque rerum, ea cognitione plurimum oblectari, hic ui-
dendum est, quid sit ultimus humanarum actionum finis. Vltimum uo-
co, qui non habeat posteriorem. Ego homines omnia agere & moliri ex-
istimo, ut beatitudinem nanciscantur: nemo est, qui non omnibus op-
tet uotis beatus effici, idque adeo perspicuum, ut non necesse sit interro-
gare aliquem cur hoc uelit. beatitudinem autem diffinio, ut ueteres, sta-
tum ex bonorum omnium congregatione perfectum. nam si uel aliquo
malo, quantumuis minimo quis attingitur, uel aliquo careat bono, mi-

De Immort. animi

ser est, nec beati nomen illi couenit hanc beatitudinem non posse cuiquam in hac uita contingere, ijdem Pythagorei Platoniciq̃ue, quibus cum hæc disputatio suscipitur, aperto ore fatentur.

Sed scilicet ultima semper

Expectanda dies homini est, diciq̃ue beatus

Ante obitum nemo, supremæq̃ue funera debet.

Multa enim inscitia, plurimi dolores, assidui labores, nonnulli casus fortuiti, non sinunt optatam fœlicitatem in humanis uersari. Nemo possit promittere sibi fœlicem uitam: nam, ut priora rectè, ceciderint, posteriora incerta sunt: & in metu futurorum non potest absoluta contingere beatitudo. Itaque expectandus est obitus (ut Poëta inquit) iustis pijsq̃ue hominibus & summa uirtute præcellentibus, ut beatitudinem cōsequantur, ne frustra natura parens hunc affectum humanis mentibus indiderit. Sed num (obsecro) cognitio mundanarum rerum hanc tribuet beatitudinem? fac aliquem scire creata omnia nullo præterito, nouerit numerum stellarum, arenæ, fluctuum maris.

Quæ sunt, quæ fuerint, quæ mox uentura trahantur.

Num ea cognitio eum faciat beatum? Illud quidem manifestum, beatitudinem, si qua contingere nobis potest, in ea parte uersari, quæ in nobis sit optima: ea porro posita est in animo, unde cognoscimus, intelligimus, iudicamus. Sed quomodo mundanarum rerum cognitio beabit nos, quum ea omnia longè hominis animo inferiora sint? nam quod beat alterum, necesse est, ut superius atque adeò longè omnium beatissimum sit. Nam magna beatitudinis pars alium facere beatum. Stultissimum est ab irrationabilibus, & nihil intelligentibus rebus ob earum cognitionem expectare beatitudinem, qui nobilitate intelligendi diuinum (ut quidam dixit) genus & origo sumus, qui dignitate creatis omnibus antestamus: exceptis Angelis, quibus aliquando in patria erimus compares. potest quidem ordo rerum, qui est admirabilis, earumq̃ue species, quæ longè est pulcherrima, oblectare animos, ubi his intenderint, sed non usque eò attollere, ut reddant beatos. Sunt humani animi capacissimi, adeò, ut eorum appetitus nequeant rebus creatis exauriri. Possumus pulchriora quædam nobis effingere, quàm hæc, quæ perspeximus, possumus huic mundo, qui certis circumscriptus est limitibus, longiores addere cogitatione limites, & iterum atque iterum producere: possumus alios optare mundos, nec mirum sit optare, quum Democritus mundos etiam dixerit esse alios innumerabiles. Ille etiam Macedo urbium expugnator, pulorum raptor, in membris adhuc situs mortalibus, alios quærebat mundos, non quos cognosceret, sed quos gladio superaret: unde dictum est.

Vnus Pelleo iuueni non sufficit orbis,

Sicut igitur nec honores hi, quos cernimus, multiplicati, & alij super alios ingesti, sic, ut nec multitudo opum, diuitiarum, potentia, gloria, assidue affluens unquam potest profundissimam illam humanæ cupiditatis

tatis

tatis lacunam implere, pari ratione nostram hanc sciendi cognoscendiq; auiditatem nequaquam poterit mundi huius cognitio explere: quum animus extra hunc mundum cogitatione sua progredi, & ulteriora ad cognoscendum petere possit. Nullus enim numerus, nulla mensura, cui humana mens non adicere, nullum finitum, quod cogitatione non ualeat augere: ex quo colligitur non ultimā subministrare nobis tunc quietem, quæ certis finibus conclusa sunt, quum in alia progredi & cognitis addere optando possimus. Illud præterea considerandum, quàm manca & debilis sit cognitio hæc, quæ de rebus habetur, ut habeatur de omnibus, nam non modo omnia, sed ne multa quidem simul & uno (ut aiunt) conspectu cognoscere ualemus: nisi multa illa cohæreant, & ueluti partes referantur ad totum. In reliquis uerò distractis & separatis accedimus seorsum ad singula, & unum post aliud ad cognoscendum arripimus. Quo circa non potest hæc cognitio, quæ paulatim fit & succedaneo motu contingit, beatitudinem suppeditare: beatitudo enim tota simul aduenit & firmiter commoratur, aut beatitudo non erit: de uera enim & perfecta loquimur, non de qualicunque beatitudine. Plato ipse uniuersales quasdam posuit singularum rerum species, quas ideas uocat, has æterna uoluit esse exemplaria eorum, quæ naturaliter sunt, incorporeas ponit, immutabiles, inuiolabiles; ex his fluere reliqua omnia arbitratur, ueluti ab unico sigillo impressa: has solas res ueras esse putat, deteriora uerò esse hæc, quæ similem formam ab his suscipiunt. Harum contemplatione idearum censet animos, ubi exierunt, esse beatos, quasi ueritatis inspectionem tunc suscipiant. Hoc dicit eo in libro ubi de immortalitate animi agit, & alibi sæpius, quæ tamen omnia incurrunt in eodem scopulo & cautes, quæ modò superiori cognitioni obijciebantur. Nescio enim uidere quomodo beatitudinem præstare magis queat idearum conspectus, ut eas esse concedamus, quàm cætera, quæ ad earum similitudinem finguntur, præsertim quum ideæ non propter se ipsas, sed propter illa sint. Quid? quòd extra mentem artificis nullæ sunt? improbatæque ab Aristotele, & ut intelligatur non tam ambitiosè, quàm uerè ideas abijcere, exclamat: Amicus Socrates, amicus Plato, sed magis amica ueritas. Quod igitur erit negotium animorum ubi fuerint dissociati? quæ illorum opera? ubi beatitudo? nam si ea est, suscipit ipsam intellectus, qui præcipua pars animi est: nam memoria & uoluntas intellectum subsequuntur: non enim meminisse possumus, nisi intellecta, nec uelle nisi cognita: intelligat ergo animus necesse est, ut sit beatus, sed quam rem intelligit? quid ei obijciatur ad contemplandum, quòd ubi intellexerit, intelligat se pariter beatum esse? Dixi cognitionem rerum creaturarum non posse beatitudinem præstare. Reliquum est, ut ad Creatoris cognitionem confugiamus, nam hanc nondum attigimus. Illic (ut meam dicam sententiam) necessariò inuenitur, aut nullibi est. Sic enim dico necessariò illic inueniri, quia res perinde est, ac si in amici domo

De Immort. animi

rem nobis à Domino promissam esse sciamus, & inuenire cupiamus, ut eam auferamus. Dominus autem domus patefactis foribus per conclauiam omnia, per cubicula, undique demùm querere arbitratu nostro permittat, si peragratis omnibus domus partibus non inuenitur: reliqua adhuc una sit, ubi scrutari oporteat: nonne dicemus necessarium fore, ut quod queritur, illic sit? Et ut planius res ad huc intelligatur, alio utemur exemplo, de loco ad personam transeuntes. Fingamus gemmam pretiosissimam annullo inclusam aureo nobis charissimam multis astantibus uiris ac mulieribus ablatam fuisse: & in alicuius eorum sinu delitescere: si omnibus excussis præter unum non inuenerimus, nonne necessario sequetur unum illum, qui nondum excussus est, habere? Similiter quum beatitudinem esse constet, eamque nobis promissam, & pro ultimo fine expetitam inquirere oporteat ubi sit, ut inuentam nanciscamur: & quum eam non alia re, nisi intellectu apprehendere queamus: non inueniatur autem in cognitione creatarum rerum, nonne dicemus necessarium fore, ut in altera rerum parte inueniatur? reliqua autem pars est creator, quæ in diuisione opponitur creatis. Intelligis (ut opinor) me Deum dicere, in Dei dico cognitione beatitudinem nostram consistere. Certissimum autem est, ita se rem habere. Nam Saluator in Euangelio fidelibus promittit uitam æternam. Hæc autem uita (inquit) æterna: ut cognoscant te Deum uerum: beatitudinem uocat uitæ nomine: quasi illa carere mors sit. Nunc opto, ut adsit mihi ille spiritu oris sui, de cuius magnificientissima dignitate, & gloria dicturus sum. Nam si ne hæc minima quidem sine Deo explicare non ualemus, Deum ipsum sine Deo, quomodo explicabimus? nec tamen me fallit, quòd nullo sermone dignè explicari potest; satis forsitan possumus, quando de mundo, & de his, quæ ille continet, tractandum est, ea, quemadmodum se habeant, sufficienter exponere: at ubi huc uenitur, ut de diuinis mysterijs, deique ipso Deo dicendum sit, tunc omnis angusta & muta quodammodo redditur oratio, gerere se nimis sordidè, nec habere dignitatem aut gratiam ullam uideretur. Transcendit illa tanta Maiestas amplitudine sua cuiuscunque eloquentiæ facultatem. Quamobrem ueniam peto, si non omnia explicaro, satis erit quædam indicasse, per quæ appareat ex tantæ Maiestatis conspectu plenam animis nostris beatitudinem parari. Quid enim ipse est? & quantus? ipse se quadantenus manifestauit famulo suo Moysi, dum ei in rubo apparuisset, & mandata ad alios dedisset, & querenti quis esset, & à quo se missum diceret. Ego sum (inquit) qui sum, hoc docuit, hoc uoluit responderi. Vocat se ens, quasi cætera non sint, sed ita se ipsum uocat, quia solus absolutum ens, non ens aliquod, solus habet ueram substantiam, quum per se subsistat, cætera, quorum ipse est conditor, nec per se subsistant, sed per ipsum. Quemadmodum enim ficta, sculpta, coelataque omnia differunt à fingente: sic & eo amplius creata hæc omnia differunt ab eo, qui ea condidit & effinxit: quid sunt hæc, quæ animis

animis solis corporumque sensibus prospicimus, nisi parua & tenuia simulachra fabricantis Dei? statua hominis uera est statua, non tamen uerus homo. Similiter mundana entia sunt uera simulachra, non tamen uerum ens, quamuis eius referant imaginem, sed imperfectissimè uerum est ens, qui illa effinxit, sicut uerus est homo fingens hominem, non qui effinctus est. Sed non modò uerum ens est Deus, sed etiam ens est infinitum. nam quum non se ipsum genuerit, sed sponte sua extiterit ex omni æternitate, relinquitur, ut sit infinitum: nemo enim se ipsum certis coarctat limitibus, nemo circumscribit: omnia præterea in se continet bona, imò ipse omne supereminens bonum. Est igitur ueritas, iustitia, sapientia, uita, potentia, clementia, liberalitas, amor, magnanimitas, pulchritudo, & alia denique bona, quæ fingi, cogitarique possint, & ea omnia in se ipso, & ipse in omnibus. Ipse principium rerum omnium, & finis, carens omni principio & fine. Si tam summi perfectique entis frui contingeret spectaculo, quis non arbitretur summam illam esse felicitatem, qua nulla possit esse maior? Vt enim quædam sint bona, quæ faciât possessa felicem, quæro quid hoc bono possit esse melius, quid hac felicitate felicius? Tum plena erit felicitas, quum ei, quod optimum est in nobis, obijciatur, quod optimum est in rebus, ita ut coniungantur: nihil autem melius in nobis, quàm intelligentia, nihil in rebus, quàm Deus, ergo applicatio intelligentiæ nostræ ad Deum operabitur nobis pacem, quietem, gaudium, suauitatem, uoluptatemque immensam, eam denique felicitatem, quam uotis omnibus expetimus. Vt enim oculi mulcentur colore, aures sono, sic intellectus noster ueritate. Quid quum Deum contemplabitur, qui summa est ueritas, à qua quæcunque uera fluunt: quid aliud de tali conspectu sperare quis potest, nisi mellis uo beatitudinis torrente undique inundari? summam possidet ille beatitudinē, imò ipse est illa perfectissima beatitudo. Quis autem beatitudini copulatus non efficiatur beatus? Plura autem se offerunt, quæ impediunt ne animus noster in cognitione creaturarum rerum quiescat, de quibus antea dictum fuit, quæ in contemplatione diuinæ naturæ absunt omnia. Primum est, quòd oportet id esse superius, quod alteri beatitudinem præstare queat, Deum uerticem tenere rerum, imò supra omnia creata sedere longissimo interuallo nemo dubitauerit. Alterum est, quòd ficta sunt mundana omnia referencia qualencunque effigiem diuinæ substantiæ, ex eo, quòd sint. Nemo autem æquè fictis ac ueris oblectatur. At quicunque ad conspectum illum beatissimum accesserimus. Deumque uiderimus non uelatum, ut nunc, sed manifestum, & diuitias gloriæ suæ pandentem, ueram uidebimus substantiam, quam nunquam antea uidimus, nec qualis sit possumus cogitare. Certum est illud, quod quæcunque uel oculis uel acie mentis conspiciamus, fines habent certos, & finitis adjicere possumus cogitando, & auctiora reddere, uel forma, uel modo, uel numero, uel mensura: quo circa mouetur adhuc appetitus animi & in ulterio-

De Immort. animi

ra ire pergit, tanquam nondum sit in termino. At non uereor, ne quis in supremi Dei cognitione, quæ uerissimum erit & suauissimum animum nostrorum receptaculum, quum infinitum sit ille bonum, & nunquam ad extremos beatissimæ illius naturæ fines perueniatur: quærat alia mens, in quæ tendat, quum infinito bono fuerit repleta. Etenim infinitum, nec transcendendi, nec augeri potest. Saturabimur ergo, nec saturitas hæc afferet fastidium, sed ibidem simul habebitur & desiderabitur. Prohibet quoque illud, ne cognitio mundanarum rerum plenam afferat quietem, quòd ea paulatim sibi ipsi succedit, nec undique semel omnium uno conspectu scientia arripi potest, sed unū post aliud se se intelligentiæ nostræ offert. Sed quum Deum spectabimus, & si sola illius cognitio foelicissimos faciet, tamen si hæc etiam inferiora spectare uoluerimus, omnium uno tempore erit perfecta cognitio. Illic & rerum genera; & partes singulis generibus subiectas, uimque & proprietates rebus ipsis inditas, ipsum denique uniuersum ordinem clarè perspicimus: nec ea multiplici & uariato aspectu, sed unico, eoque assidue manente complectemur: quod ex eo continget, quia omnia in arte, in qua facta sunt, conspiciuntur. Vbi beatissimum illum Archetypum uiderimus figuratorum simul omnium erit cognitio, nisi quòd unum prius, quàm aliud fabricatum fuisse, intelligemus. Stultum est si dicam dolorem & laborem & molestiam aliquam illuc ascendere, quum ne imperfectum quidem ascendet aliquod, uel si ascenderit non imperfectum remanebit, sed perficietur. Omnis ille ciuium celestium conuentus, ut purus fuerit, & sine ulla macula & ruga: ita & ab omni asperitate & defectu securus. Hæc omnibus non contingent, sed electis tantummodo Dei, qui dum hic agerent, Deum sequuti sunt, & dilecti dilexerunt, & quos ille ab æternitate sua dignatus est ad tam immensa præmia uocare. O quantum illuderit gaudium, quàm dulce pabulum illuc ascendentibus? Iunget enim se Deus illorum aspectibus. Ille amantis in morem dilectos suos in sinum recipit, fouet, amplexatur, nudatumque se ad intuitum apprehensionem quæ præbet: ea denique dilargitur, quæ (ut dicam cum Apostolo) ne oculus uidit, nec auris audiuit, nec in cor hominis ascendunt. At non modo intellectus fuerit scilicet, sed etiam uoluntas: hæc enim quicquid uult potest, quoniam illi Deus potentiam suam communicat, nam sicut Deus uoluntatem suam implet per semetipsum, sic sancti animi suam per coniunctissimum sibi Deum. Intelligendum est etiam humanas animas non posse uiribus naturæ suæ assurgere ad sublimissimam illam Dei uisionem, nisi quòd in illas lumen quoddam transfundit Deus, quo sublata habiles tanto sunt spectaculo: & quum lumen id à Deo nullo intermedio proueniat, Deus est. Deus igitur, & quod uident, & quo uidetur. Si quærat ergo, quid agant animi soluti? Responso manifesta est, operantur suam ipsorum beatitudinem diuino intuitu se ipsos assidue saturantes: nullo utuntur motu, nisi intimo, quod quietem illorum sanctam non excludit.

cludit. At quo in loco? Respondetur paucis: in Empireo cœlo: hoc cœlum, quid, & ubi, & quomodo, & quando creatum, & quæ causa nominis, declarandum est: sic enim auferetur argumentatio illorum, qui negant animos esse immortales, propterea quòd ubi piorum animi constant, non inueniunt. Possumus mundum hunc totum contemplantem mortalia omnia & immortalia in tres diuidere Orbes facilioris demonstrationis gratia: unumquenque eorum à situ nuncupantes. Erit igitur primum infimus orbis, deinde medius, postremò supernus. Infimum ponimus, qui infra lunam est, quacunque illa progreditur usque ad terrarum imum locum, quod centrum nuncupatur. Medium facimus à Luna sursum usque ad summum illius cœli uerticem, à quo initium uitæ & motus ducitur. Supernus sit iste, quem cœlum empireum uocamus, in quo Rex cœlestis & suum & Angelorum & sanctarum animarum habita cultū collocauit. Quanquam Deus nullo includatur loco, sed ubique sit, certis tamen rationibus illic potius dicitur sedem suam aulamque collocasse. Ferunt sacri Theologi, quibus talia indagare curæ fuit, Deum initio quatuor simul creasse, cœlum empireum, Angelos, materiam primam, tempus, reliqua postea interuallis dierum: huius cœli ueteres Doctores uix meminerunt. Meminit penes nos Strabus, & Beda: & penes Græcos Basiliius, & sequuti hos Theologorum recentiorum quique præcipui, omnes tamen intelligebant cœlum esse quoddam sublime & luminosum, quod habitaculum esset præcipuum Dei & eorum, quos secum esse uellet, quanuis illo nomine empirei non uocarent; hoc uolunt esse corporeum: sublimitate, amplitudine, immobilitate, luciditate, magnificentissimum. De corpore ambigitur, nam plerique lucem tantum putant intelligibilem, sed frequentior sententia recipit esse corporeum, si quidem Beatorum corporibus, quæ resurgendo assumuntur, locus corporeus debetur, & hunc paratum esse à constitutione mundi conuenit. Circuit alios cœli orbes oberrantes immobilis ipse & superior, ex quo amplitudine & sublimitas dignoscitur. De luciditate autem nomen sortitur. Nam empireum uocatur, id est, igneum seu flammeum. Inferioris cœli huius orbes non ita luminis & fulgoris pleni, sicut ille est totus. Nam nonus orbis, qui primum mouetur, & causa motus est cæteris, nulla fulgens luce circuitum suum peragit. Reliqui octo partim lucent, partim minimè, propterea quòd raris locis radiatia continent sidera; quæ illinc eminent, non secus, ac in ligno clauus uel modus. Vnum hoc cœlum; quod cæteris supereminet, cunctis sui partibus circumfulget, idque probabili ratione factum, ut locus ipse suo fulgore responderet Beatorum claritati: sicut etiam è conuerso infernus locus tenebrosissimus conuenit tenebrosis animis damnatorum. Non tamen hoc cœlum in subiacentes alios cœli huius orbes lucis aliquid transmittit. Nam ad eam tantummodo rent ædificatum, ut foelix esset Beatorum habitaculum, non ut quicquam inferioribus corporibus conferret: & simul si id fieret, lumine illo suo micantissimo

De Immort. animi

canctissimo noctem de rebus auferret, qua terrena ad sui generationem & incrementum egerent. Supernus ille orbis lucidissimus sacrorum illorum intellectuum est sedes. O' quàm gloriosa dicta sunt de te ciuitas Dei? quàm plura dici possent, nisi excederent humani ingenij captum? Nam frustra exclamat Propheta. Domine dilexi decorem domus tuæ, & habitationem gloriæ tuæ. Hæc parria est Sanctorum, hæc domus, ubi (ut dictum est) operantur beatitudinem suam. An non hæc magna operatio? quæro, quæ possit esse maior? At ocij est (inquires) operatio: optime: non enim uituperatur ocium, sed commendatur, ubi pugnando ad uictoriæ uentum est, & ingenti transmissio pelago portus iam tenetur: motus sit gratia quietis, quæ ubi contingit, ea fruendum est: quemadmodum enim artifex præstituit sibi quendam finem operis sui, sic sancti uiri hic positi laborum & curarum suarum unum sibi præstituunt pro fine Deum: hunc sequuntur, cum hoc esse quamprimùm, cum hoc consistere cupiunt, hinc illæ uoces audiuntur. Cupio dissolui & esse cum Christo. Et in psal-morum uolumine. Heu mihi, quia incolatus meus prolongatus est. Et. Sitiuit anima mea ad Deum fontem uiuum, quando ueniam & apparebo ante faciem Dei? Et. Beati, qui habitant in atrijs tuis Domine: in sæcula sæculorum laudabunt te. Ne putes sanctas animas nihil illic agere, consonis cantant uocibus laudes Domino coronati, ueluti milites in triumpho. Idem propheta suspiciens supemè, & de maximis illis præmijs differens. Inebriabuntur (inquit) ab ubertate domus tuæ, & torrente uoluptatis tuæ potabis eos. Quis ergo iam honorum dissociationem animi & corporis, quæ mors dicitur, porhorrescat, ac non potius optet? & non magis sit in uotis, quàm à plerisque morientibus uita soleat rogari. In ista dissociatione corpus, quod uarijs fortunæ ictibus expositum est, quod proprijs morbis pulsatur, quod turbat omnia meroribus, terroribus, falsis lætitijs, uanis libidinibus, tunc omni carens sensu, iacet immobile, nec ultra quicquam molitur, ueluti terrena moles in sua principia unde uenerat soluendum. Nihil à se ipso, nihil ab alio patitur asperum, nec pati potest. At id, quod familiare est uirtutibus, amicis, disciplinis, studiosum pietatis, sequax recti, subditum Deo, auolat in sublimi uiuaci agilitate, maximoque & eminentissimo illi coheret bono, quo nihil maius, aut melius dici, aut cogitari potest: Cum hoc consistit à quo cognitionem ducit, cuius genus (ut inquit ille) sumus: hoc unum amplexatur tanquam exundantissimum fontem, qui cœlicolis omnibus effundit torrentem uoluptatis, largiterque poros prouocat ad cantandum tantæ beatitudinis præconia. Dixi ab initio sermonis huius immortalitatem animi magnum esse solamen in obitu propinquorum & amicorum, dum eos non extinctos esse, sed uiuere arbitrantur. Hoc magis atque magis confirmandum est, postquam cognitum est, cuiusmodi uitam uiuant. Ergo Christianus uir spem habens futurorum, ubi uiderit mortuum ante oculos iacentem, qui rectè & è uirtute uixerit, non lamentatur,

tatur, nec afflicatur, ut multi, sed gratias lætus agit Deo, quod à miseris illum eripuerit, & ad se reuocauerit: mortem illam non putat esse mortem, sed migrationem & cursum ad meliora: reputat secum præmia, coronas, bona ineffabilia, quæ non modò sensibus ullis, sed ne cogitatione quidem percepimus, his se ille solatur, his attollitur, his armatur, ut dolorem mœroremque omnem abijciat, quem incutere abientis desiderium conatur. Sed uis ne quanta sint illa bona, quæ sanctæ fidelesque animæ in cœlo percipiunt, aliquo modo contemplemur? Omittamus, quæ explicari nequeunt, & quorum non est cognitio. Illud scire possumus, quid optent omnes, optant sanè gaudium sine mœrore, requiem sine labore, dignitatem sine obsecratione, opes sine amissione, sanitatem sine languore, copiam sine defectione, robur sine imbecillitate: hæc in patria uberrimè contingent, ubi summi Regis Maiestas conspicitur, cuncta sui lætificans uultus lumine, sic illic agunt sanctæ animæ, ut nihil detestari possit, quin absit, nihil optari quin adsit. Eodem optant peruenire quoscumque Christo renatos, quibus solis patet illud atrium: eueniunt eos socios habere gaudiorum, quos fidei eiusdem uident commilitones: non enim illa imminuitur beatitudo, si plures accesserint, imò potius augetur, quoniam quo plures eam capiant salutem, eo magis lætatur, & is rex est, qui benemeritorum ciuium frequentia delectatur. Cohortemur igitur nosmetipsos inuicem, & eos, qui familiaritate nostra & amicitia fruuntur, ut supremum Deum pio cultu & omni mentis affectu uenerentur, sanctissimæque eius mandata studeant custodire. Substantiam quidem Dei, quæ beatos facit, cognoscere non possumus; possumus tamen quadam ex parte potentiam, sapientiam, bonitatem, clementiam, uoluntatem. Hæc si ignorauerimus, num spes erit salutis Deo ignorato? Minimè, nam nec amare, nisi eum cognouerimus, nec habere, nisi amaauerimus, possumus. Cognitio igitur huc tendit, ut amemus, nam hoc faciet, ut nos ille post exitum huius uitæ beneuolè quoque excipiat, & ut dilectos suis ornet donis. immortalis est profectò animus, ut superiora aptè lateque docuerunt, uiget uigebitque semper in utranque partem, & ad præmia, & ad supplicia. Sed quomodo de immortalitate animi gloriari possunt, qui supplicijs destinantur, re, loco, tempore ingentibus? Immortalis quidem natura animus est, sed efficiamus eum quodammodo mortalem sceleribus proprijs atque peccatis, sicuti sonat illud, quod scriptum est. Anima, quæ peccauerit, ipsa morietur. & illud quoque ex Euangelio. Sinite mortuos sepelire suos mortuos. Hinc corpora peccatorum non absurdè dicuntur sepulchra esse mortuorum. Nam animi uita Deus est: desertus igitur à Deo, mortuus est habendus, & hæc eius prima mors est. Altera deinde succedit, quum ad inferna dimitteitur supplicia qualibet morte duriora. Cupit se extinguere, nec potest, natura non deficiente. Mors autè hæc est atrocissima mori uelle nec posse: erit ipsi (ut sic dicam) mors sine morte, ideo grauior erit illa mors, quia peccatum

De Immort. animi

tum eam facit, non natura: melius esset non uiuere, quàm sic uiuere: melius nunquam fuisse, quàm in præsentia sicadesse. Hec uitalem mortem, quàm misera es? quanto digna luctu fores, si diuinæ iustitiæ reluctari liceret? Hanc secundam mortem admonet Saluator noster, ut caueamus, dum præcepit discipulis, ne terreantur ab his, qui occidunt corpus, & post hoc non habent amplius quid faciant. Offendam (inquit) uobis, quem timeatis. Timete eum, qui postquam occiderit, habet potestatem mittere in geennam: pluris est humana anima, quàm uniuersus mundus: hinc eodem illo beato ore dictum est. Quid prodest homini si uniuersum mundum lucretur, animæ autem suæ detrimentum patiatur? aut quam dabit homo commutationem pro anima sua? Non igitur gaudere possunt impij de immortalitate animorum, ideo nec eam plerunque credunt. Hoc piorum est gaudium, qui uident, quod ubi elapsi fuerint corporibus, uigebunt, & alteram adipiscuntur uitam hac longè potiorem: uiuent enim in Deo, qui uera est uita: hic multa aduersa, illic læta omnia. Enimuero quum Deus se ipsum pils mentibus patefaciet & uideri attentatiq̃ue permittet, tunc uerè uiuemus nulla interpellante molestia: omni gaudio, quod intellectu percipi possit, affluente. Nescio autem quomodo Christiano uiro uenire possit in dubium animi immortalitas, cui resurrectio corporum credenda proponitur, res sanè admirabilis, & quæ omnem superat humani ingenii facultatem: attamen diuinis oraculis prænuntiata, quæ maiora sunt humanis testimoniis: nihil impossibile Deo, cuius immensæ potentix inditium est, quod stellas condidit, sapientiæ, quod non aberrans uocat suo unamquamque nomine: charitatis, quod eas commodis nostris seruire uoluit. Multa alia admirabilia eius opera commemorare possem, ergo uitam corporibus elapsam reddet in fine sæculi, sicut pollicitus est, nec dubitare decet, quia nobis cum tam potente, sapiente, amante Domino futura res est. Animas uerò quomodo perire patitur, qui extinctorum etiam corporum curam habiturus est? Magnum certè præbet documentum immortalitati animorum, hæc clara, & toties prædicata corporum resurrectio. Quid porro sibi uolunt, qui se totos morituros arbitrantur? Quid dicam cæteros talem orationem inuitos audire? necesse est, ut sibi ipsis aliquando displiceant, quum cogitant se quandoque ad nihilum esse deducendos: insuauis uel horribilis potius cogitatio non existentiæ ei, qui in aliquo tolerabili sit statu. Animis certè uim naturæ suæ præflagam indidit Deus, ut de se ipsis præsentirent in posterum: augurioque futurorum sæculorum acti melioris uitæ cupiditate flagrarent: sed fuerit istorum, qui mortem animorum tenuerunt, non probanda sententia. Nos autem immortalitatem eorum tenentes, studeamus ita uitam ducere, ut corporibus elapsi superno in orbe æuum agitemus, ubi æterna est felicitas, maxima præmia, ingentia gaudia. Hoc, quod nunc speramus talia, iucunditate

ditatem quoque affert : non enim potest spes tantæ lætitiæ esse sine lætitia, non remuneratio modò, sed expectatio quoque ipsius remunerationis gloriosa est. Quodd si bonis omnibus & uotis claudendus est sermo; diuinæ charitatis Clementiam imploro, petoque, ut benigno respiciat intuitu, & præstet, ut quod nunc spe tenemus, te aliquando experiamur.

IN DOMINI NATALIS

O R A T I O.

ANNO DOMINI MDCCLXXIII. DIE VIGILANTIAE. HIC EST



IN DOMINI NATALIS O R A T I O. ANNO DOMINI MDCCLXXIII. DIE VIGILANTIAE. HIC EST

L. MARC



MARCI ANTONII

NATTAE ASTENSIS,

IN DOMINI NATALE

O R A T I O.



QUANTUM inter ingenuas artes & egregias disciplinas à pueritiz finibus ad hoc usque ætatis meæ robur, studia semper nostra cucurrerunt, nullumque tempus sine optimarum literarum cura atque labore præterfluere mihi paterer. Nunc tamen quum temporum nostrorum calamitates, scelera, flagitiaque recorderer. Viderem ecclesiam undique impijs hæreticorum dogmatis oppugnari, populos his ferreis afflictos bellis, quæ compulsantibus se Gallis & Hispanis geruntur, spectaremque insuper inter has contentiones effero Turcarum Tyranno locum datum, ut opportuna oppida interciperet, & Italiz claustris armatus immineret, decreueram silere, nec in tanta rerum accerbitate Christiano populo summis difficultatibus affecto oratoris uocibus, sed luctu & gemitu utendum putabam. Nihil denique noui operis moliendum mihi arbitrabar. Fregit hoc meum consilium huius diei eximia pompa, insignisque lætitia, quæ Christianorum omnium mentes peruadere meritò debet, quandoquidem illius temporis memoria renouatur, quo Deus ipse mortali hoc nostro amictu graui solidoque se contexit, qui quoddam humanos animos clarissima suæ diuinitatis uoluit esse specula, colendus perpetuò nobis atque peramandus: sed non minore gratulatione excipi debet effectum hodie fuisse, quoddam quemadmodum diuinam homines antea, ita humanam Deus formam postmodum ostentaret. Voluit hodie cum seruis Dominus non mensam, non domum, non familiam, sed naturam habere communem. At qui Dominus? cui incredibilis Maiestas, infinita potestas, summa sceleritas, singularis æternitas, qui denique supra omnia est, à quo pendunt uniuersa. Nunc pauper fieri uoluit, deiectus, uilis, mortalis. Quid ita? ut paupertate sua nos ditaret, deiectione sublimaret, uilitate honoraret, morte uiuificaret. Possumus Propheticum illum uersiculum ouan

ti gutture canere: Rex noster Deus ante sæcula operatus est salutem in medio terræ: salutem operatus est in medio terræ, dum terræna apprehendit membra, & in eis cunctis gentibus & nationibus æternam uitam salutemque profudit. Denique eo deuentum est, ut ille, qui unus est increatus, qui generat omnia & nascendi leges cunctis præscribit, ipse quoque (quod indignissimum est) sub generationis leges ueniret, & de fœmina natus iure diceretur; sed nullam ille indignitatem nostri causa recusauit. His de tantis tamque magnis mysterijs, quæ hodiernus dies tulit, quum deinceps mihi uideam esse differendum, proponendum primo uidetur distinctius, quibus potissimum rebus immorari uelimus, quòd audientibus gratum, dicenti etiam aptum. Ita enim dilucidius accipientur omnia & facilius enucleabuntur, si terminis & ueluti cancellis quibusdam circumscripta oratio huc, illuc temerè haud fluat, sed certa quædam spectet, quæ sequatur. ordine autem quantum collustrare mentis acie possum, hæc querenda & inuestiganda uidentur. Primum quomodo Deus uenerit, humanamque carnem diuinæ glutinari substantiæ. Deinceps quibus ad id causis ac rationibus impulsus, si tamen contingere potest, ut tanta numinis æterni Maiestas causis ac rationibus impellatur, ac non potius impellat. Postremum erit, postquam duos idest Deum & hominem in una carne positos dicimus, atque ita effectum fuisse, ut Christus nasceretur, cuiusmodi natiuitatis huius pompa fuerit, ac species. Hæc quæ tria sunt numero, si quis secum, aut cum alio rectè cognoscere instituerit, inueniet in primo expressa Deū infinitæ potentie signa dedisse. In secundo, uim caritatis suæ maximam effudisse. In tertio, incredibilis eius sapientiæ exempla Orbi intulisse. Mihi in hac triperita uarietate non uno modo de omnibus dicendum uidetur, propterea quòd in quibusdam fides mihi uestra imploranda erit, qua fixa mihi opus fuerit & tanaci ad credendum ut uera, & tenendum ut certa, quæ sanctarum scripturarum nobis tradidit auctoritas. Quod ubi facillimè à uobis impetraro, quippe à Christi cultoribus, in reliquis procluius curret oratio in quibus tùm pietas mentium uestrarum poterit incendi, tùm uiuendi ritus, mos, disciplina exornari. Igitur recurrente annua temporis huius uice magni hodie nobis memoria sacramenti renouatur. Pronum dictu sed cogitatu arduum, iunxisse se homini Deum, idest in unam eandemque personam diuinam humanamque substantiam conuenisse: non enim de sinebat esse Deus, quum utique fieret homo, sed maiestatem retinens suam, humilitatem attrahens alienam, naturali formæ aduentitiam copulauit: ita ut utraque unum essent, & neutrum esse posset sine altero; non quòd substantias confunderet, sed quòd glutino coherere uellet sempiterno. Sed quo nam nodo fortitudinem imbecillitati, copiam inopia, immensitatem exiguitati, uitam morti, lucem caligini, innexa dixerim? quibus uinculis? quò fabro? Maxima nunc rerum miracula aperiantur, quum Deus nullis circumscriptis finibus tantulis se intulerit huma-

In Domini Natale

næ formæ spacijs. Idem tamen, dum hæc agerentur, stabilis & immotus orbem moderabatur: nõ enim dũ humana membra susceper, diuina opera deseruit, potuit ille matris uterũ assumpto corpore fecundare, & de si nu patris nõ emigrare: hinc ad oculos humanos exire, inde menres Angelicas illustrare; hinc ad terras procedere, inde coelos extẽdere, hinc homo fieri, inde homines facere. Incredibilia ne hæc sũt? Incredibilia prorsus, si hominis ingenio facta dicerem, nõ Dei, cuius omnipotentia nihil clausũ, nihil non facile ac paratũ. Vrgent Prophetarũ oracula, Euangelij, Apostolorũq; testimonia, ut hæc facta credamus. Itaq; credimus: quomodo autem, & quibus itineribus progressa fuerint illa omnia, ne quærẽdũ quidem uidetur. Quid enim quærã super his, quæ nõ minori potestate, quàm facilitate à Principe Deo gesta naturæ regulas exorbitare conspiciamus? Nam magna in domo serui, & si sciant quæ gerantur, tamen per quos, aut quomodo, grandioribus præsertim in rebus sæpius ignorant, ne que ulterius exquirunt, contenti sunt eo, quod uident: non enim in consilio adhibentur à Domino. Eadem nostra est causa: quis enim supremo Deo tanta in re cõsiliarius fuit? quem ille aduocauit? cuius hominis ingenium prudentiamque requisit? Vix scimus, ac ne scimus quidem quomodo humanus animus tantam uim ferens ingenij & rationis illigetur corpori, ut persona hominis inducatur, & cogitabimus intelligi posse quomodo Deus iunxerit se homini, ut excellentissima fieret persona Christi? Tantum enim id est miraculum tamque stupendum, ut alia miracula facta fuerint, ut id unum crederetur: non enim aliõ pertinent, quæcunque gessit mirabilia in Euangelij prædicatione Christus, nisi ut se Deum ostenderet, nam hominem esse omnes uidebant, quorum sanè miraculorum rationem, si quis quærat, nullam inueniet, propterea, quod naturæ huius nobis notæ longè terminos excedunt. Eodem pertinent, quæ de Virginis salutifero foetu traduntur. Fœmina Israëlitiæ pubis absque uirili contactu, nullo semine, puro utero diuinam sobolem concepit, & infractis pudoris claustris in lucem effudit. Magnum, quod nasci uoluerit Deus, nam quod de Virgine, tam et si mirum, congruebat, scilicet Dei uerbum, cupiens hominem induere mutua corporum duorum libidinem, ac non potius sua ui, suo spiritu intra materna uiscera fingeret sibi & fabricaret, quod esse cupiebat? Quomodo porrò Mariæ uterui sanctitatis templum sanctissimo in opere esse potuisset, si uirum experta Virginitatis florem posuisset? quomodo mater Domini delibata dux & princeps cæteris ad perpetuæ castitatis delectum fuisset? datum hoc igitur parenti diuini uerbi, cæteris cunctis altius præhonorandæ, ut indensorata mater inueniretur. Datum hoc etiam cœlesti Patri, ut uerus eius & naturalis filius non alium haberet patrem, quàm ipsum, qui ab æternò æqualem eum sibi genuisset. Datum Filio, ut absque carnis peccato in conciperetur, qui peccatum facturus non erat, & per quem peccata omnia tollerentur. Datum temporibus nouæ legis, ut Spiritu sancto aucto-

re conciperetur, qui eundem esset spiritam largè orbi illaturus, & qui plures filios non ex sanguinibus, neque ex uoluntate carnis, sed ex Deo Ecclesiæ suæ creaturus. Ergo nouo more nullo exemplo uirginitatis candori puerperium idest, laus & decus nuptiarum arrogarum. Non est quodd obijciatur de reliquis matribus, quoniam unam hanc tantum excipimus puellam, sanctam fide, sanctam opere, sanctam ab omni iniuria cõ cubitus: hanc decuit de Deo concipere, quæ Deum meruit procreare. Quodd si fortasse nondum cernitis, quid tali in re faciendum fuerit, fingite, quo melius doceamini, quodd adeat Deus ipse mortalem foeminam, & ab ea petat, ut uiri iungat se amplexibus sui caussa, quo scilicet illa opera formatum hominem suscipiens, ipse utranque copulet naturam, hominis & Dei. Etenim indigna Deo hæc esset postulatio, iureq; responderit mortalis: Quid me captas æterne Pater? Non sorde ulla candidos mores meos infecero. An gratior tibi fuero uiolata posito Virgineo pudore? Tu de ornamento postulas esse parenti, hoc Virginis nomine, quo nunc sum tanta erepto? Tu sanctissimus matrem habere potes pollutam? Dei genitrix fuerit, cuius utero uitium additum sit? Cur non potius efficias, quodd potes, ut uirum sine uiro concipiam? Iusta & officij plena ex postulatio. Dicitur uirile semen esse in primis uiuificum, & maximè animale summusq; artifex & sapiens architectus foetus ipsius, id absuit modò, & nihilominus uirgo hæc concepit & peperit, quodd tam mirum uideri debet, quàm si tellus ab omni cultu uacua, atque, ut ita dicam, casta frumentariam segetem efferreret, uel flores stirpes, gramina daret Solis, & Lunæ, & coeli ipsius efficacibus motibus repressis. Sed hoc præstare posset Deus, qui de nihilo creauit omnia, & nunc quid mirum hominem ab illo sine semine conditum, qui sine seminibus ipsa condidit rerum semina. Non ratio, non pietas, non fas ullum permittit, ut naturæ scita impingamus Deo, quæ ille nobis non sibi creauit. Itaque firmiter tueri, uel uenerari potius diuina acta debemus, & eo enixius, quo maiora clariora quæ sunt. Ita enim Euangelica prodit lectio, Deum sapientissimè spirantem concipiendi uim & foetificandi puellæ præcordijs intulisse, id sepositis naturalibus causis extraordinaria Dei potestate perfectum. At uide-te quàm sapienter. Oportebat, quodd, qui nascebatur Christus ostenderetur, quomodo uerus erat Deus, uerus homo, hoc ostendit eum esse uerum hominem, quodd è communi hominum consuetudine natus est ex foemina: illud ostendit Deum, quodd supra naturæ humanæ conditionem natus est de Virgine. hoc consilium uidetur fuisse Dei, ut in unitate personæ copulans sibi utranque naturam solita sublimaret insolitis, & insolita solitis temperaret. Si enim omnia ageret ut Deus, non ostenderetur ueritas humanæ naturæ, sin ut homo, non crederetur esse Deus: ergo in Natali hoc & reliqua uita omni sic egit Christus diuina opera humanis, & humana diuinis miscendo, ut utriusque naturæ copula in eo eluceret. Considerate illud insuper, quàm mirificè ex eo, quodd Christus natus est

In Domini Nantale

ex ſœmina, uterque ſexu fuerit exaltatus, uirilis in ipſo: ſœmineus in tre. Illud uerò, quòd ex ſœmina Virgine natus eſt, præſtitit, ut omnis generationis humanæ diuerſitas completeretur. Nam primus homo productus eſt de limo terræ ſine uiro & ſœmina. Eua producta eſt ex uiro ſine ſœmina, cæteri homines nafcuntur de uiro & ſœmina. Quartum, quod ſupererat nafcendi genus, quaſi proprium relinquebatur Chriſto, ut produceretur ex ſœmina ſi ne uiro: Putate ex perſona Spiritus ſancti uerba illa ab Eſaia prolata. Acceſſi ad prophetiſſimam, & concepit, & peperit filium. Cui etiam illud Hieremix congruit. Nouum creauit Dominus ſuper terram, ſœmina circundabit uirum, & de humana quidem generatione, quam ſuſcepit Deus, Deo natus: hæc dicta ſint, diuinam autem eius generationem (ut dicam cum Propheta) quis enarrabit? nam, quum Dei Filius uſque eo ſeſe dimiſerit, ut pariter fieri uoluerit hominis filius, ſortitus eſt utrinque parentes admirabili modo, nam quum duplex iam ſit & biſormis id eſt homo & Deus, duplex quoque illi obigit generatio, unde Deus eſt, Deum habet patrem, unde homo, hominem matrem, patrem in cœlis, matrem in terris, patrem ſine ſœmina, matrem ſine uiro: à patre, cui par æternitate eſt, genitus ante ſæcula, à matre, cui impar æuo. fuit, in ſæculo natus, unde patrem reſert, anterior matre, unde matrem, poſterior patre. Illud quòd Dei filius fuit, naturæ ſuæ aſcribitur, hoc quòd hominis fuit filius, utilitati noſtræ fuit tributum: unum neceſſitatis fuit, alterum uoluntatis. De his egregiè Ioannes Damascenus. Duas (inquit) Chriſti natiuitates ueneramur, unam ex patre ante ſæcula, quæ eſt ſuper cauſam, & rationem, & naturam: & unam, quæ in ultimis temporibus propter nos, & ſecundum nos, & ſuper nos: propter nos, quia proptet noſtram ſalutem: ſecundum nos, quia natus eſt homo ex muliere & tempore conceptionis, ſcilicet nouem menſium: ſuper nos, quia non ex ſemine, ſed ex Spiritu ſancto, & ſancta Virgine ſupra legem conceptionis. Ex his manifeſtè liquet geminam Chriſti eſſe natiuitatem, Chriſtum bis eſſe natum. Hoc uidit Apoſtolus Ioannes, atque addèd hinc Euangelij ſui duxit exordium, nam ut Chærintiorum, & Ebionitarum hæreſim reſelleret aſſerentium Chriſtum non fuiſſe priorem Maria, nec cum natum Deum, ſed hominem tantum, poſtea meritis diuinitatem adeptum. In principio ait fuiſſe uerbum apud Deum, & hoc uerbum fuiſſe Deum, & per hoc uerbum omnia facta fuiſſe: deinde concludit hoc uerbum ad nos ueniſſe & carnem fuiſſe factum. De hoc uerbo, de quo Euangelij auctor tanta dixit, ſi libentibus animis audire uolueritis, planius aliquid diſſeram, ut huius Euangelix dicta in eccleſiis hodie reuocata melius percipere ualeatis, ſimul ut etiam de diuina Chriſti generatione, quam ille paucis attigit, latius aliquid dicatur. Sed quibus uerbis unicum illud uerbum eſſari potero? eſt enim ineffabile, nihil tamen prohibet uel rudibus lineamentis id utcumque eſſingere. Verbum non illud ſolum ſignificat, quod humani oris uoce eſſectur, ſed id multo magis,

magis, quod intra se mens concipit, & inductis cogitationibus secum euoluit. Hoc manifestum esse potest cuique in se ipsum intuenti, sed sacram quoque literarum testimonio (si quis id cupit) satis ostenditur. Nam in libro sapientiæ capite secundo legitur. Dixerunt apud se impij cogitantes non rectè. Exposuit quid sit, dixerunt apud se, cum addidit, cogitantes. Huic simile est in Euangelio, quòd quidem Scribæ, quum audissent à Domino dictum paralytico: Confide fili, remittuntur tibi peccata tua: dixerunt intra se, hic blasphematur. Quid est enim, dixerunt intra se, nisi cogitando? Denique sequitur: Et quum uidisset Iesus cogitationes eorum dixit: Vt quid cogitatis mala in corporibus uestris? Sic Matthæus; Lucas autem hanc eandem rem narrans apertè posuit cogitationem. Cœperunt (inquit) cogitare Scribæ & Pharisei, dicentes: Quis est hic, qui loquitur blasphemias? Et de illo diuite, cuius ager uberes at tulit fructus, ait ipse Dominus. Et cogitabat intra se dicens. Gaude anima mea & cætera. Hoc igitur uerbum, quod intra cordis penetralia sit, fons & origo huius exterioris, quod sono uocis effunditur, habet etiam Deus. Sed operæpretium est Dei uerbum nostro conferre, non exequan di causa, stultum id enim & temerarium, sed, ut quum cognouerimus quanto intervallo disiuncta sint, tum demum nostri uerbi humilitate perspecta alterius excellentiam & dignitatem magis miremur. Ac primum illud quidem animaduertere licet, quòd humana uerba, & dum uoluuntur interius & exterius erumpunt, oriuntur in tempore, & tempore complentur, & unà cum ipso tempore effluunt, & alia alijs obruuntur, & uarias mutationis patiuntur uices: quiescunt sæpe numero, & in obliuionem transunt & silentium. At Deus unicum tantum habet uerbum, immutabile, eodem modo se habens semper, quo ille loquitur assidue: est hoc uerbum illi cœternum, ita, ut quibusdam ociose nimis queritantibus, quid ante ortum mundi ageret Deus, respondere uerissimè possimus, quòd beatissimo illo sermone secum loquebatur. Quid deinceps? Num nos, qui multis cogitationibus, pluribus etiam uerbis abundamus, ueritatem rerum satis assequimur, aut eloqui ualemus? minimè uerò: nam primum acie mentis habeti utimur ad res perspicendas atque intelligendas: non enim intimè res ipsas cognoscimus, sed ex causis earum & euentis iudicamus; non etiam ultimos earum fines perspicimus, ut quid inter unum & alterum intersit, exactè teneamus. Rectissimè quoque illud dictum caligare humanæ mentis oculos ad ea, quæ in rerum natura, prima sunt ac præcipua, non secus ac nocturæ ad clarissimam solis lucem. Quantulum est præterea, quòd notitiæ nostræ (qualiscunque sit) subdatur. Quis unquam hominum terrestria cœlestiaque se nosse omnia opinatus est? An non illud etiam rectissimè dictum maximam eorum partem, quæ scimus, minimam esse eorum, quæ ignoramus? hanc tantam nostram ignorationem multi sæpius deserunt. Sed illud quoque infauustum nobis contingit, quòd cogitationes, quas de rebus habemus

In Domini Natale

(qualescunque sint) non sermone sufficienter exprimere ualeamus. Additur hoc ad imperfectam cognitionem, quod ne pluribus quidem dictionibus eam aptè repræsentare ualeamus: melius cogitamus quàm dicimus. Itaque inepti Oratores nos ac penè nihili sumus. Quid illud? Num semper nostrum uerbum de scientia procedit? Minimè, nam sæpius ea dicimus, quæ falsa sunt, uera tamen esse opinantes: sæpius etiam dubitamus cogitationibus huc illuc fluctuantibus, & quicunque dubitat, fatetur se uerum nescire: hoc tantum scit, quòd dubius est, quod non satis est ad ueritatem percipiendam. Quid dicam nunc de Deo? quàm magnus eloquitor ille? quanta pollet uerbi latitudine? qui quicquid est, fuit, erit, ad ueritatem naturæ uniuscuiusque unico hoc tantum uerbo nulla interpellante quiete recenset, ne capillus quidem humani capitis ipsum latet, quippe, qui etiam numerum arenæ teneat, & stellæ suo unamquamque uocet nomine. denique quum uniuersa, ut dixi, recenset præsentia, præterita, futura, qualia sunt in se ipsis, summam illi & perfectissimam rerum omnium cognitionem concedimus, & intelligimus, quàm magna sapientia assuere, qui orationem Dei unico illo conceptam uerbo inspicere posset. hoc etiam habet Dei uerbum, quod non potest falli nec fallere: ut potè, quòd summa sit ueritas, neque hoc, quod non potest, putanda est infirmitas, sed firmitas. Potenter non potest mutare formam, & se ipso deterius fieri. Sed & illud conceditis mihi aliud esse hominem, aliud hominis uerba, siue de externis loquamur uerbis, siue etiam de internis: non enim quicquid animus noster intelligendo concipit, est ipse animus, imò ne res quidem uera est, quam concipit, sed rei similitudo. Itaque homo intellectus non est uerus homo, sed quædam similitudo hominis ueri intelligendo apprehensa. Fingamus tamen effici arte quadam posse, ut uerba essent similia his, quæ ea proferrent seu conciperent, tunc uerba ab hominibus prolata, seu concepta, homines essent, & quot quisque uerba diceret seu conciperet, totidem numero filios effunderet. Hic quanto cum credereris donatum munere, qui assequutus fuisset, ut animantia uerba sui simillima posset effingere, & hoc modo liberorum fieri pater. At Deus hoc, quod tantum esse diximus habet, quia uerbum illud, quod protulit, sui simillimum per omnia effundit potestate, bonitate, æternitate. Itaque Deus Deum genuit, & Dei uerbum meritò Dei filius nuncupatur. Verbum autem illud gignit Deus se ipsum intelligendo, nihil à generante distans, nisi sola origine: non enim aliud in Deo intelligere quàm esse Deum, ita ut intellectus à se ipso Deus sit uerus & unus Deus. At non ex superioribus tantum, sed uel ex eo pernosci maximè potest, quàm uerba nostra iaceant collata huic supremo uerbo, quia illa à factis plurimum differunt, & iusta, fortia, remperata dicere cuiuslibet hominis est, opere uerò explere non iam cuiuslibet, sed magni tantum & potentis atque prudentis, demum ocij uidentur esse uerba, uirtutis res gesta. Itaque his honorem deferimus, illis non mul-

multum tribuimus. At non ociosum Dei uerbum, nec à factò recedens: quicquid hoc uerbo profatur Deus statim apparet. nam quum antea res nullæ extarent in mundo, ac ne mundus quidem esset, nihilque Deus inuenisset paratum ad eius fabricam, statim hæc tanta apparuerunt uerbo diuino ea fieri iubente. Quale hoc uerbum? per quod coeli sublimitas, terræ fecunditas, maris mobilitas, æris tenuitas, ignis leuitas, siderum luciditas emicuit? Hæc uidentur. Quid illa, quæ non uidentur? Angelos dico, sedes, dominationes, potestates, reliquas substantias spirituales, nonne & ea per ipsum condita? Nulla forma, nulla compages, nullus motus, nullum tempus, nullus locus, nullum pondus, nullus numerus, nulla mensura, nulla denique res, quòd hoc uerbum non efficiat, effecerit. Quomodo igitur maius aliquid excellentius uè hoc uerbo inueniri potest, quod à Deo genitum unà cum generante unus est Deus, immensum, omnia condens, instaurans, regens, componens, quid sublimius aliquis excogitabit? attamen hodierno die se ipsum deiecit & humilem ire uia institit, Deus inquam hodie uerbum suum reddidit uile, & uerbis nostris propemodum exæquauit: nam mens hominis uerbum cogitando gignit & effingit, id corpore uocis per membra syllabarum digesto includit, & auribus illud insinuat, scribendo etiam literis alligat, & quasi uideri permittit, idque dum fit, uerbum ipsum, quod intra mentis penetralia è dignitate sua illic manebat, tum ueluti corporeum redditum uilescit. Similiter Deus uerbum suum formam suscipere hominis, & concretum etiam corpus induere uoluit, & hac ratione spectandum omnibus audiendumque præbuit. Verbum (inquit loanes) caro factum est: non est illud uerbum in carnem conuersum, sed carnem assumpsit manens id, quod erat, & attrahens ad se, quod non erat: sicut nec uerbum uostrium, quod interius in animo uersatur, ubi foras apparere nititur, uox fit, sed in sua manens sede uocis sonum assumit. At quòd Dei uerbum nostram carnem assumpserit, id præter dignitatem tanti uerbi factum esse dignoscitur. Hinc magna insurgit admiratio. Venit ad nos Dei uerbum, Deus ipse. Cur nos non potius ad illum? nos enim egemus illo, non ille nobis, sed nec consuetudo est, ut maiores inferiorum petant limina, si quid impetrandum fuerat, id ab eo precibus erat postulandum, qui & habet quod det, & dat nemo largius, attamen iste tam magnus tamque potens, ut ostenderet quanta sit illi cura de nobis, & ut præberet indelebile charitatis suæ documentum, humillima quæque suscipere, & ad uilia & angusta nostra descendere non recusauit. Et nunc quidem causas ipsas, cur nam id factum sit, quod secundo orationis meæ loco dicturum posueram, ingredior. Quis enim non nouit quemadmodum Adam stirps generis nostri, dum diuinis iussionibus obuiam ijt, prolem tanta macula & reatu illo infecerit, hinc delicatissimo de hortulo in inferiora hæc detrusus loca infelicitatis exuuias secum attulit, idest, crummas mortalis huius uitæ: parum hoc, nisi quòd post corporis mortem den-

In Domini Natale

fissimæ tenebræ, tristissimi mœrores animis ingruebant, obstructo aditu ad diuinæ claritatis & lætitiæ loca. Nam ubi iniuncta confregisset Adam affectans exæquare se Deo, audire meruit. Abi, quoniam melliflua bonitate Dei: cuius potentiam fœde nimis petebas, haud frueris. Ta buerat humanum genus hæreditario illo malo, & quid faceret, quomodo mortifera eriperet se ex plaga nõ habebat. Voluit homo per arrogantiam ad diuina conscendere, quod remedium præter illud, nisi ut deiiciens se ad humana descenderet Deus: ergo uerbum Dei æternum cœquale parenti, exhaustit se & exaniniuit, imbecillitatis nostræ appingens sibi formulam, deiiciens se non minus, quàm quantum ille generis nostri parens intumuerat. Magnæ illi arrogantia, quæ de terris ad solium usque Dei se ipsam inflauerat, reddita par humilitas, quum de diuino folio ad terram usque depressit se Dei filius, & homo factus obedientia iugo recepto acerbissima quæque & durissima perpeßus est, sed gratior hæc humilitas cœlesti parenti fuit, quàm odiosa illa fuerat superbia. Itaque reddidit hæc, quod altera abstulerat. Adam ab humo eodem artificio excitat Deus, quo hæc cœlestia, terrestriaque spectacula perfecerat. Illum ingenii magnitudine armauerat, multarumque uirtutum dote illustrauerat. hic est, à quo sylua omnis humani generis descendit, quis primi parentis eluere culpam, quis Adæ magni uiri peccata corrigere deberet, nisi qui maior illo multò excellentiorque foret? Ergo homo iste prodijt, qui pariter erat Deus, maior excellentiorque persona prodire non potuit? reddita est per hunc nobis salus, æternæque uitæ felicitas. nam quo dependerentur supplicia culpæ debita, mortale corpus poenis quibuslibet obiecit, labemque genti inustam tali tantaque sine labe uictima in ara crucis expiauit. O' quàm immensas & immortales gratias agere debemus huic puero, puero inquam, qui & si nondum re, animo certè crucem iam tollit. Enimuerò ab eo dic, uel ab eo potius temporis puncto, quo se carnis nostræ seruitute obuallauit, ad illam insignem pœnarum summam semper affectu tetendit: nec ullum interfluxit tempus, quo non sitienter appeteret patibulum, seu potius Trophæum, quo ante lato humanâ prole cœlesti Patri cõciliare parabat. Itaq; desideriorû crucem hausit animo alterâ, dũ uera crux ab fuit à corpore, hæc deinceps crucem tempore suo cupidè utraq; manu cõplexusest, & quàm cupidè fuerit cõplexus, illud ostendit, quod clauis etiã infigi illic uoluit. nã illâ spõte se se offerentem, pietas sua & miseratio nostri infixit, nõ Iudæorû furibunda proteruia, quæ frustra aduersus diuinam potestatem insultasset. Quis contagionem iam ullam humano generi imputer, fluuio diuini cruoris tanta charitate erumpente, undique inundante, turpia, fœdaque cuncta diluente? Quis humanos animos à coelo arcere, ab æternis illis templis depellere audeat, quorum salutem & uitam uideat tanti stetisse, tam magno redemptam. Non iam Adæ amplius mentionem perhorresco, non iam uulnus horreo tunc inflatum, postquàm tanta fuit medici medi

cinæque

cinæque nobilitas. Erat unicus ille Dei patris natura filius, attramen, ut nos, qui nihili sumus, filios Deo faceret adoptione, & in coelestis hæreditatis portione secum coniungeret, (non enim uerebatur angustias etiam si plures possedissent) humillima quæque subire uoluit usque eò, ut sanguinem animamque pro nobis profunderet, non sine grauissimo cruciatu. Versantur in hominum uita flagella, sputa, irrisiones, uulnera, spinæ, crux. Hæc mala nostra suscepit ille, ut nos bonis suis ditaret. Magna Dei clementia, qui hominem per se, & tot per pœnas seruare proposuit. Magna hominis dignitas sic seruati. Si gloriari uoluerit nunc homo, iure id licet, non quòd sit aliquid à se ipso, sed quòd tanti eum fecerit, qui fecit. His cognitis minus mirandum est, de his, quæ hodie gesta recolimus. Infantulus est enim hodie Dei uerbum nobis. Ita ne uerò tam tenex est, qui est omnium fortitudo? quomodo antea nouem mensium claustra in aluo pertulit materna is, qui nullos unquam nouit fines? Quomodo lacte nutritur, qui cibum solidum præbet cunctis animantibus? Quæri item potest cur sustineat paulatim progredi ætate, & ab infantia ad pueritiam à pueritia ad adolescentiam, ab adolescentia ad iuuentutem prouolui, qui æternitatem habet, & summa rerum omnium est perfectio? Sed hæc minus iam mira uideri possunt cogitantibus, quòd sponte nostri causa iste tam magnus uoluit se attenuare, hæc tam uilia & abiecta excipienda illi è naturalium institutorum ratione fuerunt, aut ne ut homo uenisset, quomodo tamen ueniendum duxit, ut quod unius uitio contractum fuerat offensionis, alterius officio lucretur. Illud magnum & omni admiratione plenum, quòd qui Deus erat, homo fieri uoluit. Reliqua iuxta ordinis consequentiam succedunt. Nihil ne præterea aliud inuenire possumus muneris, quod attulerit Deus carni nostræ sociatus? Fortasse enim quibus iter ad supera patefecit: nullis præceptis datis uiuere permisit, quod abest à diuinorum operum perfectione plurimum, ut hominibus ad tam magna præmia excitatis non plenissima ratione lex conderetur. Narra obsecro, qui religionis cultus ante Euangelicæ legis prolationem. Erigebantur inter gentes fictiles dii, ad hos uenerationis causa adibant homines, non excordes minus & examines, quàm simulachra, quæ colebant. Nam si illa sensu & mente uiguisent, nunquam tulissent homines sibi genu posito supplicantes, sed talem hominibus honorem ipsa ultro habuissent, quòd sese expoliuissent, & è rudi materia ad insignem ornatum & eximiam pulchritudinem deduxissent. Homines profectò miseri qui quò essent ipsi uiuacia Dei simulachra, inania signa mortali manu fabricata uenerarentur: at felices fictores, qui artificio digitorum Deos gentibus faciebant. Statuas enim suas Deos uocabant, idque ad eò huius artificij putabatur esse proprium, ut quoscunque statuarios Græca diædione *θεοποιεῖν*, idest Deorum factores nuncuparent. Hinc olim conductus Phidias nobilissimus arte fingendi, ut Atheniensibus cuius suis Deam faceret Mineruam, & certatum tunc fuit in populi concione, an ebur-

In Domini Natale

eburneam faceret, uel marmoream: ipse marmoream malebat, quia mar-
mor splendorem diutius retinebat, uicit tamen ebur, & uisum sui nobi-
litate dignius, quòd coleretur. Hæc nos scilicet ridemus, sed non minus
ipsi ueteres Deos suos irridebant, quorum unus Iouem aduocantem si-
bi concilium Deum omnium atque etiam semideum facit in re commu-
ni dubia atque trepida, eo in confesso diligenter obseruatur à Mercurio,
cui id muneris iniunctum fuerat à Ioue, ut aurei dii argenteis præpone-
rentur, & isti æneis, & qui opera erant Praxitelis uel Phidix aliis, qui igno-
bilium artificium manu fuerant dolatu. Quòd si cæteros credere uolue-
rimus, uel ingenia opificum, uel rerum pretia insulse miratos statuas pul-
cherrimè fabrefactas diuino cultu dignas putasse, nihil temerè aut per in-
scitiam fecisse uidebuntur Scythæ, qui Martem solum Deum habentes,
enses pro simulachris colebant, nimirum si deinceps apud huiusmodi si-
mulachra humanis hostijs litabant, quod pigeret asseuerare, nisi magno-
rum auctorum literis fuisset comprehensum. Erant nonnullæ nationes, quæ
reiectis simulachris omnibus, ea tantum pro Dijs habebant, quæ oculis
cernerentur, reliqua aspernantes. Ergo erat illis præcipua Solis & Lunæ
ueneratio, quæ una ex omnibus maximè uidetur, nec erat cur lippitudo
oculorum alicui immunitatem diuini cultus præberet. Mitto Aegyptios
qui crocodilum, fælem, canem, & nonnullas alias bestias sibi consecraue-
rant, sed Romani urbis suæ conditorem Romulum propriè colebant, qui
in Deorum numerum non uenisset, aut certè minor fuisset Deus, nisi ira-
trem regni consortem interemisset: ijdem Deæ febri templa posuerunt.
O rem furiosam habere pro Deo uitiosum motum sui corporis: quid ti-
mebant? ne noceret, quomodo? quum duos medicos patrem & filium
haberent, quibus pingues uictimas immolabant: quid Apolline & Aescu-
lapiò præsidentibus medicinæ à febre timendum fuit? Cybele mater
Deorum omnium dicebatur. An hæc etiam Aegyptijs Deum peperit ca-
nino capite? & Afris alium taurino uultu? porro quale illud est, quòd ex-
cèti huic Deæ sacra facerent, quum per innumeros concubitus tantam ip-
sa Deorum prolem genuisset. At enim tellus propter sui fecunditatem
colenda est, quis negat? sed ferro colenda est, non thure, & ceruice bo-
uum, non quæ collisa securibus templa cruore spargat: sed quæ aratrum
intra glebas traijciat, hoc enim modo redditur fecunda. Nullam diuini-
tatem habent elementa mundi, quæ si instituta sunt propter homines, de-
bent illa humanis usibus seruire, non homines ea adorare. Quapropter
non mediocriter etiam illi errarunt, qui uidentes uana Deorum esse si-
mulachra, ea ad naturæ significationem reuocabant, ut Vulcanus ignem,
Iuno aërem, Neptunus aquam exhiberet. Sed quorsum hoc? nam sicut
non in statuis, ita nec in elementis illis ulla inesse potest diuinitas. Hinc
forsitan obijciat aliquis illos è gentibus uiros, non ad eò rudes fuisse, ut
colerent simulachra, sed coluisse Dæmones, qui simulachris insederant. Ita
ne uerò Dæmones colebantur? O rem pessimam, mitior fuerat uacua si-
mulachrorum

mulachrorum ueneratio. Videre iam licet caliginem temporum illorum; quum de tam detestabili Dæmonum cultu non uulgares homines, sed qui prudentia uidebantur excellere, gloriarentur. Nam Mercurius Aegyptius, qui suo ueteri speculum habebatur sapientiæ, & ob eam rem ter maximi cognomen accepit, sicut (inquit) Deus Dominus ac pater omnium Deos fecerat æternos sui similes, ita homines illius imitatione Deos sibi facere ex sui uultus similitudine efficit, sed homines, quum animas facere nequeant, Dæmones euocare, & illos sacrorum ritibus & obsequijs delinitos corporibus simulachrorum ad humanam speciem fabrefactis illigare, atque includere, ut conferre bona mortalibus placati & dubijs rebus salubria petentibus responsa efflare possint. hoc enim modo Deos ab hominibus fieri interpretatur, & ea de causa propter statuas animatas præscias futurorum imbecillitates hominibus facientes easque curantes, gaudiorum & ægretudinum pro meritis importatrices, censet Aegyptum imaginem cœli præ se ferre, imò uerius eœlum in Aegyptum descendisse, nullum pulchrius humanum opus uideri uult, quam hoc Deos sibi faciendi, quod tum ueluti temporis huius præsagus sublatum iri aliquando ingemiscit. Retuli huius Aegyptii sententiam suis penè uerbis, quam sequuti sunt Pythagorei primùm, mox Platonici, quorum inter Philosophos nomen magnum olim atque illustre fuit. Etenim istarum familiarum duces Pythagoram & Platonem Aegyptum lustrasse & illis disciplinis imbutos ad propria remigrasse constat. Hi Dæmones, medium quoddam genus inter Deos & homines posuerunt eosque colendos censuerunt his ritibus, sacrificijs, nominibus, quibus se cœli mandassent, ne nocerent irati, & bona propitij suppeditarent. Hæc faciunt ut credã facilius, quæ de Numa Pompilio Rege Romanorum secundo tradita sunt, nam hunc Pythagoreum quoque fuisse fama circumtulit. Lucus erat asper ac densus arboribus, cuius in medio fons. Huc traiciens Numa ac stans in fontis margine Dæmones fertur euocasse, eorumque imaginibus in aqua relatis accepisse ab eisdem sacrorum ritus, per quos illi humano generi bona traderent, mala remouerent, & tunc quidem Rex ille sacrorum institutor celauit po. Romanum quid ageretur. Veruntamen his de rebus confectos libros diligentissimèque obſignatos altius humi condidit, quos multis post sæculis aratro patefactos Senatus censuit ad publicas religiones dissoluendas pertinere. Ita eius consulto uix leſa in concione publicè exuſti sunt. Certè ille nobilis è gentibus Poëta hunc Numam narrat carminibus Iouem elicuisse de cœlo, & ea de causâ à posteris elicium uocitatum; quem Iouem obſcœro, quæ Elicium? quæ fabulæ? nam si ad ueritatem accederet, Dæmoniacum diceret spiritum elicitum cæteris nequiores in arte statem aëris huius caliginosi: hunc enim incolunt illi mundi locum: hinc Iupiter ille ne suis mendax sit insignibus, fulmina uibrat, tempestates contorquet, quamquam huius nepos Aesculapius ueritatis etiam aliquid habuisse dicitur. Nolu it, quoniam

In Domini Natale

niam medicinæ erat præpositus fallere. Ex Epidauro Romam accersitus anguina specie ostendit se legatis: atque ita circumuectus ab illis & Romanis mœnibus illatus. Etiam ne eum, qui ut anguis uenerat colere oportebat: sed nihil Aesculapio obijci poterat quando dignissimam naturæ suæ formam susceperat, hunc si reliqui dii imitari uoluissent, minus erroris fuisset in causa, sed illud argumentum certissimum fuisse illos sociosissimos Dæmones, quod Deorum illorum, quorum personas induerant, prælia, cædes, sacrilegia, stupra, fraudes, libidinem, Poëtarum carminibus celebrari uellent, quod sacra ipsa obscœnis & uocibus & ritibus peragi cuperent, quod humano nonnunquam cruore irata numina placari mandabant: qui hi quæso spiritus, qui talia ab hominibus exhiberi sibi cupiebant, habent sanctitatis? quid non potius scditatis? at quanto cum tumore, arrogantia, nequitia, humanos sibi animos prostituebant, dum ab eis exigerent religioſum illum cultum uni Deo deditum, hi nisi perditissimi fuissent spiritus, homines nunquam à uera religione auertissent, & ad se colendos conuertissent? Ita siue gentes simulachra colerent, aut beluarum, aut hominum mortuorum, nihil stultius, siue Dæmones in illis, nihil iniquius, è quorum duorum altero optabile magis fuerat uanam ridere stulticiam, quàm improbam superstitionem accusare. Hic dies omnia ista pessundedit, hæc uana, fallacia inimica discuffit, correpti ex errorum uoraginibus homines & in portum ueritatis relati, nec pauci quidem illi, sed infiniti. nam ubi nouæ legis sacratissima mysteria de Iudææ sinibus euecta externarum gentium oras peragrauissent, confluere undique mortales ad illa præclara, & gregibus aduentare confractis idolis, damnatoque impio Dæmonum cultu: & quam uis illis primis temporibus ui atque armis notaretur Euangelium, tamen disciplinæ ueritate aduersus truculenta omnia constitit, inuictumque se præbuit, demùm potentissimorum populorum & regum sibi colla subegit. Hanc legem, quæ inter cædes stragesque fidelium excreuerit, tantum illo ipso reſecta sanguine, qui interceptus erat, quæ tam paruo semine effuderit se tam latè, quæ aduersus uim, pericula, formidines steterit, omnia perſregerit, uicerit, quisquam putabit excogitaſſe hominem & induxiſſe, ac non infantuli huius humeris delatam, in quo una opera, diuina humanaque omnia coaluerunt. Neque uerò institutis gentium deiectis insultare Iudæis permiserim: illis enim exempla tantam ueri quædam prodita, ideo cæteris altiores, nobis bistanto atque etiam amplius humiliores, quod exemplaria tenemus. Illi rem hebent cum umbris, nobis cum res est. Quantum interuallum inectum est inter duas leges, & si illis inest germanitas quædam atque affinitas? Quid enim est lex uetus, nisi uerbum iræ, doloris, perditionis, edictum iudicis in reū, pœnarum aduersus peccata intentatio, inquietudinis præconium. Quid Euangelium è nempe indulgentiæ paternæ uox, salutis pollicitatio, peccatorum dimissio, ianua Paradisi, pabulum & reſectio ſanctarum animarum

rum

rum. In lege ueteri præcepta cum Hebræis ueluti cum seruis ponebantur, quorum custodia poenam tunc effugiebat, at in Euangelio à nobis fides, ut ab amicis quaeritur, cuius meritum spe nunc ingentium præmiorum ornatur, terrena, mortalia, imbecilla bona carnis oblequio indulgentiæq; accommodata illac uideo facere, hic coelū, hic uitæ æternitas, hic ad speculā Dei aditus, hic spiritus erigentis se quotidie inexplicabili gemitu libertas. Merces rerum terrenarum dabatur cuestigio Hebræis rectè facientibus, perinde ac si cum eis, ut famulis uel operariis ageretur, quibus diurnum persoluitur salarium. Nobis uetò nunc non terrena pollicetur Deus sed aduocans à presentibus futura iubet bona exquirere, in quibus cum unigenito coheredes facit, ea potissimum ostentans præmia, quæ deceat eos accipere, qui filij Dei facti sunt. Memorant Hebræi se Deo quondam auctore Aegyptum deseruisse. Mosemque ducem in solitudinem sequutos. Illum de monte Syna digredientem colloquutum ipsi Deo tabulas lapideas ab eo retulisse duas, in quibus legis iussu adnotata fuissent. Hæc uerè proferunt: non tamen cum his, de quibus nunc agitur conferenda. Tunc mortalis homo descendit de monte refertens Dei mandata, nunc de supremis coeli oris, de medio diuinitatis sinu Dei sapientia, fulgor, proles defuxit sua afferens iussa. Audiendus olim erat Dei Legatus, nunc Deus ipse præsens spiritu, præsens uerbo, præsens & corpore. Ille diuinam legem multa præcipientem atque mandantem tabulis in sculptam protulit. Hic monita æternæ salutis cordibus fidelium impressit. Multum autem inter hæc duo interest, & res longè alia est hæc ac illa. Nam littera legis externæ prolata nunquam homini iustitiam traderet, sed iustitiæ opera poena, uel præmio extorquet: at ubi fidem suā humanus animus obtulerit Deo, tunc ueluti ceris præparatis digito illic Spiritus sancti diuinæ gratiæ lex inciditur, qua ducente superans cupiditates carnis implet diuinā mandata studiosè: non enim timore conterritus ille quisquis est, sed amore Dei ardens, ob idque iustus redditus ad opus accedit, ideo quæcunque sunt, magna & præclara & cælo digna habentur, quicumque autem metu poenæ peccare metuit, huic non peccatum, sed poena displicet. Is autem uerè peccare metuit, qui peccatum ipsum peius poenis omnibus odio habet. Hoc perfectum peccatorum odium flagrantemque illum amorem diuinæ iustitiæ non legis præbere potest scriptura, quæ minis tantum agit & terroribus, uel ostentatione præmiorum, sed rectissimè talem affectum imprimit humanis cordibus spiritus gratia diuinitus immissi, quem auctor nouæ legis Deus ubertim effudit, quum in ueteri lege penes paucos tantummodo fuisset. Sed dura quoque & aspera multa fuerant seruitio prioris populi imperata, ueluti circumcisio, ciborum delectus, sabbati custodia, septimi anni quies, tot festi-dies, tot uictimatum oblationes, & plura alia cæremonialia, quæ quoniam posita fuerant in figuras & signa eorum, quæ temporibus nouæ legis uentura erant, ideo illius aduentu cessauerunt, quia non est opus fig-

N mento,

In Domini Natale

mento, ubi res uera apparet; abierunt illa omnia & nos à graui illo & rigido cæremoniæ iugo Legifer noster liberauit; uerùm non quomodo cæremonias depulit, ita in his, quæ ad mores pertinent, quicquam remisit, imò arctiora posuit præcepta, quàm antea fuerant, quia ea magis ad uitæ faciunt sanctitatem. Iubemur nunc non solum à cæde, sed ab omni contumelioso uerbo, nec solum ab adulterio, sed ab impudico quoque conspectu, nec à periurio modò, sed ab omni iuramento temperare, nec amicos tantum, sed cum his inimicos quoque diligere. Nò uxores plures ducere permittitur, sed unam tantum, nec hanc unam repudiare licet, quoties libet, imò omne repudium improbatum; indignari nò possumus iure uel terreri, quòd districtius præcepta fuerint nunc quædam longioresque cursus propositi nobis, quàm olim ueteribus, quia maiora quoque adfunt subsidia & maior cœlestis spiritus afilatus, sic melior reddita uita sanctioribus præceptis, nec difficultate onerata addito cœlesti præsidio. Hæc non dicerem, tam & si plurimus de his mul-
torum esset sermo, si uerba tantum ac non res gestæ loquerentur, nam innmeri reperientur uiri, postquam lumen gratiæ huius refulsit, qui non modò superiora illa, quæ fuerant iussa impleuerunt, sed alia quoque longè excelsiora, quæ ad perfectioris uitæ culmen tendentibus tantummodo suadentur. Hoc quo melius doceatur inspicendum est, quomodo se res humanæ haberent ante Euangelicæ legis prolationem, & quomodo postea se habuerunt, & nunc habent. Olim iciuniorum usus uix cognitus, at post cognitum Euangelium quot mortales quotidiana ieiunia per omnem uitam duxerunt? non apud nos tantum, uerùm apud Scythas, Thraces, Persas, Indos, & Barbaros omnes. Quando unquam relicta urbium frequentia, ablegata ciuili societate homines tanto studio & tam magno numero antea, rupes, nemora, arenas tenuerunt, nisi ubi Euangelium orbi resplenduit? hinc Monachorum illustre nomen, quibus tam acris paupertatis cura fuit, ut nihil præter tegmen haberent, nec habere uellent, idest uestem è palmarum folijs intexam, & casulam lutcam, nam hæc quoque ad tegendum spectat, supellex ferè nulla uel librorum aliquot tantum sacrorum, hanc forsitan copiosorem habebat, cibum omnem lautiores aspernabantur, pane aut oleri bus uictum transigentes: nam de potu minus laborabant, quem facili de fonte & riulo quolibet sumebant, rara olim tanta pauperies fuit, quæ in Christi grege per innumerabilia capita tam latè cucurrit. Pauci quondam religionis studio uitam profuderunt. At pro Euangelio quot millia procubuerunt ex omni ætate, sexu, ordine in omnibus urbibus & agris, non studiosè modò, uerùm etiam sitienter. Non possumus numerum Martyrum æquare dicendo, nec ardorem: illud breuiter dici potest, quòd hæc una religio plura absumpsit corpora, quàm multa Regum & populorum bella in unum collata: sed illa inuitos rapuerunt, hæc uolentes & sponte se se offerentes perdidit. Vnde hæc tot & tanta, quæ in Christiano populo
abun-

abundarunt, & penes alias nationes & gentes uix apparuerunt? Nempe horum omnium semen, auctor, causa illud fuit, quod postquam Deus in societatem uenit humanæ sortis, Spiritum suum hominibus largius impartitus est, quo correpti nihil penitus habebant, modò Christo se commendarent, legemque ab illo datam explerent. Ille ille Spiritus fuit, qui rararum magnarumque uirtutum feraces animos tulit. Virginitas antiquis ignota temporibus uel potius neglecta, quanto hodie in dominatu locatur. Maximum sanè opus & omnium difficillimum hominem in carne locatum aspernari carnis suaues iucundasque motiones, & tanquam spiritale animal sit absque corpore, solo spiritu gaudere: perfundit illecebris corporeos sensus intestina uoluptas, titillatque blandè membra, his haud acquiescere motibus turpibus & indecoris, quin potius ingemiscere, detestari, repellere, uiri est impolluto calle foeda transmittentis. Cætera externa, ueluti opes, dignitatem, potentiam, facilius abjicere possumus, at intestinum pudicitiae hostem cum eximia serpentem suauitate frangere, raræ cuiusdam uirtutis tanquam pugnas hominem tollas. Verùm hac animorum munditie, quæ inter ipsas pugnas magis enitescit, quid præclarius, magnificentius, ornatius? Virginitas Angelicam uitam hominibus reponit, cœlique, (ut ita dixerim) mores exhibet terris. Itaque uirginum choros ducere instituit, quis? ille ipse, de quo antea audistis, qui in cœlesti generatione caruit matre, in terrena, patre: cuius pater foeminam, mater uirum ignorat; quem enim alium putatis? an non ueniebat etiam in mentem Virginis matris, quæ huius propositi Dux & princeps fuit? Hos duos Iesum scilicet & Sanctissimam eius matrem miro studio emulati multi, uel innumerabiles potius ex utroque sexu uirgines extiterunt, quod ante illos uel nullum, uel rarum decus fuit. Nondum tantæ rei dignitas innotuerat gentibus, quæ postmodum in ecclesia perspecta est, postquam sola uirginitas uisa est digna, quæ Deum pareret & sæculo portaret. Sed quid perspectam dico? parum id esset, nisi addere possem ab innumeris cœlesti fauore innundante certatim fuisse appetitam; quod eo magis admirabile est, quia nemo ad id cogitur. Virginitas enim suadetur, non imperatur: quicumque huius militiæ uoluntarius professor est, accedat, nemo inuitus dat nomen: si tantum tueri munus potest, summa uirtus, magna præmia: sin grauatur, aut etiam apertè detrectat ueritus oneri succumbere, nemo ei molestus est; habet quo confugiat, unde inferiorum ordinum signa sequatur. Hinc cogitandum est utrum aliquando lex ulla fuerit hac melior, quæ maxima quæque partim præcipit, partim suadet, & nihilominus utraq; implentur à legis cultoribus, quoniam is legis fuit auctor, qui non commostrare tantum, sed etiam uires ad implendum commonstrata poterat subministrare. Deinde illud magnum, quod is eam tulit, cuius sapientia dubia esse non potest; antea homines pleni Dei uerbo loquebatur; nunc ipsum Dei uerbum nobis profatur. Dissentiebant inter se olim mor

In Domini Natale

tales de bonorum malorumque finibus, alijs summum bonum uoluptas, alijs uirtus, alijs scientia, alijs indolentia uidebatur, & summa mala horum contraria. Opinabantur denique uaria homines, non rudes modò literarum, sed etiam periti, ueluti Poëtæ, Oratores, Philosophi, Legum latores nulla certa scientia, aliud alijs uidebatur, quodlibet hominum genus de istis non sermone modò, sed moribus certabat. Maxima uerò illa erat ambiguitas utrù humanus animus superesset post mortem, & quæ superstiti uita, & quæ ad loca proficiscendum esset, optabant in tantis tenebris aliquando nonnulli, qui erectiores erant animo, Dei aliquod audire uerbum, quo innixi ueluti cymbula quadam firmiori uitæ huius truculentissimos fluctus tutò transmeare possent, humanis iudicijs diffidebant: inter hos Plato fuit, qui inter Philosophos maximè emicat, Is difficillimis in quæstionibus nihil ferè diffinit, sed innitendum dicit diuino uerbo, si quod haberi possit, idque tenendum. Ecce nunc tibi maiora optatis, non Deus extrinsecus aliquod uerbum effudit, quo doceret, sed unicum illud uerbum, quod erat apud Deum, & Deus est, ad nos uenit humana carne assumpta: & ore (ut aiunt) ad os hominibus loquutus est, ostendit rectam semitam, quæ ad ueræ felicitatis & beatitudinis fines perducit, ostendit: nulla iam subesse potest captio. Habent nunc homines aliorum dogmata, quæ uarijs diffusa sunt sermonibus & literis, ad quod referant examen, ad diuinæ scilicet legis institutiones, quæcunque cum his conueniunt, approbare oportet, quæ minimè, rejicere: imparat quippiam diuinus sermo: faciendum: uetat, abstinendum, minatur, extimescendum: suadet, credendum: pollicetur, sperandum. In omnibus denique sequi oportet, quid enim obijciat quispiam cur Deum non sequatur rectè loquentem, nisi forsitàn illud, quod recta loqui facilè sit, præstare difficilè: qui sermo, & si cauillatius est: non enim iusta causa est, non aggredi rectam actionem, propterea quod, qui præcipiunt, ab ea recedunt, hunc tamen sermonem Dei filius non alio sermone, ne adhuc diceretur id esse facilè, sed opere ipso, quod difficilè putabatur, refellendum putauit: nam quæcunque alijs ostendit faciendâ, ipse princeps largiter expleuit. Verbum hoc summi æterni patris deposuit se de cælo, non, ut loquendo tantummodo præciperet, sed ut faciendo præiret. Tradiderunt ueteres Philosophi, inter quos idem Plato Deum esse in medium, uirtutum omnium exemplar, præclara sententia, quam inuenerunt homines naturalium rerum studiosi, usque eò progressi, quo ad humani ingenij facultas ferebat, attentissimè illos multa uideo speculatos, nec sanè obesam mentem, uentremque habebant, ut profluuiio sanguinis sagina foret leuanda. Itaque, ut in alijs multis, ita & in hoc ualde mihi extollendi uidentur. Illud tamen assero, si sententia hæc uerè fidem unquam habuit, nunc eò deductam, ut uel conuiuentibus oculis perspicua cognoscique possit. Nam postquam Deus in humanis egit, uelut unus è nobis uestigijs insti-

tit perfectissimæ uitæ, induxitque sæculo charitatis, obedientiæ, humilitatis, patientiæ præclarissima exempla, uita omnis doctrinæ eius admirabili consentanea fuit, quia, ut nemo docuit meliora, sic nec sanctiora gessit, nec acerbiora tulit. Contempsit omnia terrena bona, omniaque terrena sustinuit mala, ne in alteris quæreretur felicitas, & in alteris infelicitas timeretur. Natus est de matre inopi, natus in exiguo oppidulo, ne quispiam ob generis aut patriæ claritatem multum sibi sumeret. Pauper factus est, cuius sunt omnia, ne beatiore cæteris uideretur, qui diuitias possiderent. Noluit Rex ab hominibus creari, quum posset, ut humilitatis iter doceret, & honorum curam & solitudinem auferret. Exuriuit, qui omnes pascit, sitiuit, qui cunctis potum ministrat. Fatigatus itineribus, qui rerum omnium terminus est & quies. Supplicia sustinuit, quæ cæteris debebantur, exoluens, quæ non rapuerat. Mortuus est, qui mortuos suscitauit. Hic est ille, qui peccatum non fecit, in cuius ore non est inuentus dolus: qui quum malediceretur, non reddidit maledictum: quum percuteretur non reperiussit: quum crucifigeretur, pro crucifixoribus orauit. Nullum maius infelicitatis genus, quam si ubi iustissimus sis, omnium à iniustissimus habere, & eo magis si id circa diuina contingat. Hoc tum per se grauissimum est, tum ex alijs, quæ necesse est ferè consequi: talem enim sequentur infamia, opprobria, flagella, uerbera, mors fœda, horribilis cruciatus. Istud, quod diximus pessimum esse infelicitatis genus, Christus perpeffus est cum confectariis pœnis. Ostendit non esse aliquod iniustitiæ genus subeundum, ut mors euitetur, sed pro iustitia durissima quæque & asperrima (si res ita ferat) silentio subeunda. Cæteros mortales imitari periculosum forsitan uideretur, de quibus inferri posset quæstio, utrum imitatione digni. At de Deo ne dubitatio quidem relinquitur, quin eius gesta imitanda sint. Est hoc pulcherrimum sanctitatis signum, quod sibi habent proponere, & ad id se exercere quicumque ad ultimam rectè uiuendi speciem animo contendunt: sed non tantum his, qui summa capeffere student, signum id per utile, uerum etiam alijs, qui infra supremum gradum cogitant consistere secundo aut tertio loco, quia intelligunt se à perfectio uitæ genere tanto recedere longius, quanto id deterius imitantur. Postremum illud est, ideo de cælo se deorsum ducere, paremque se nobis forma facere uoluisse Deum, ut coram & proprius contemplati honestatis salutisq; nostræ rationem habentem magis magisque diligeremus, totamque animam in æternum benefactorem effunderemus. Poteramus forsitan existimare, Deum remotum esse à coniunctione hominis, humana negligere uel contemnere excelsa incolemem mundi loca à tetrastam procul, nisi ille tantus & homo fieri, & terras incolere uoluisset; sed dico illud à nobis credi forsitan potuisse, quasi non antea id fuerit creditum à plurimis & asseueratum, non esse curæ Deo humana. An non Democriti omnes & Epicuri olim tales? à quibus illud Poëticum natum.

Nec

In Domini Natale

Nec curare Deum credis mortalia quemquam.
Scilicet is superis labor est, ea cura quietos
Solicitat

Et illud

Videte caliginem temporum illorum, existimabāt plurimi Philosophantium Deum se ipso contentum, non respicere aliena, ipsum nihil habere negocij, nec alteri exhibere: non esse apud eum irā, nec gratiæ locum. Sed Auerroim nouimus ferē omnes, (magnus enim fuit Philosophus) qui putauit diuinum uilescere ingenium, si ad hæc inferiora cognoscenda descenderet. huc pertinet, quod ausi sunt etiam è uetustioribus quidam intonare, quod Deus homini non miscetur, non quia uellent excludere hodiernum diem, quem uenturum, ne per somnium quidem suspicati sunt, sed illo sermone significabant Deum humanis non interesse negociis. Elisa nunc hæc est oratio, & euerſa funditus, nam quomodo dici potest Deum humanis non interesse negociis, qui hominum causa ipsam etiam humanam animam carnemq; suscepit: pudet nunc dicere, non respicere Deum ad mortalia, qui mortaliū causa mortalis factus est. Deus non miscetur homini. Quid ais? imò miscetur retenta etiam propria uerborum significatione. Mitto afflatus diuino Spiritu, intremus magis. Ille qui diuinæ naturæ humanam addidit seruata utriusque proprietate, is tibi non uidetur homini Deum miscuisse: ille altus, nos humiles, quid rum? non enim ui deiectus est à nobis, sed illum sponte charitas sua ad nos usque deiecit, ut nobis cælum imò se ipsum, in quo summa felicitatis nostræ consistit, restitueret. Quæremus etiam, cur Deus homini se copularit, quasi non pateat illum hoc facto spem nostræ quoque beatitudinis armasse, altitudo cœli à terris nunquam prudentes commouit uiros, quin crederent diuina moderante prouidentia inferiora hæc omnia gubernari. Illud magis potest terrere, quod maximo uel infinito potius & immenso spacio distare utranque naturam uidebamus diuinam & humanam, attamen illa sola felicitas est homini, si Deo in cœlesti regno iungatur, beatificoq; illo conspectu fruatur. Hanc coniunctionem non omnino impossibilem fore, ut ostenderet pariter Deus, se ipsum prius homini iunxit: Noluit nos interstitium naturarum metiri, sed quid ipse uellet, & quantum posset, huncq; dedit potentia suæ & uoluntatis arrabonem, quod ipse prior suæ naturæ nostram agglutinauit, nunc sic licet meditari: Si Deus humana, cur non homines eodem Deo auctore diuina capescere ualebunt? O miram diuinæ charitatis flammam, se humilem ille tantum reddidit, ut quantum nos amaret, iam oculis propè uideremus, proximus sit nobis nullo armatus terrore, sed ab omni munitus benignitate. Ferunt gentes quondam, quum nimbos, tempestates, grandines, procellas, terremotus, uasitatem, pestilentiam perspexissent, & sæpe fremitus quosdam occultos, sæpe hominum pecudumq; portenta, tum faces cœlestes, tum telluris hiatus animaduertissent, his & similibus de causis suspexisse numen diuinum atque horruisse: hinc Deorum, quos

quos colebant alium fulmine, alium fuscina, alium arcu, alium alio telis genere armauerant, unicuique potestatis suæ insignia arrogantes. Sed quid gentium memini, quas falforum Deorum cultus occupauerat? Ipsos inspicimus Hebræos, quibus luculētam sui cognitionem induxerat Deus. At quā terribilem se ijs ostendit, dum legem ferre, & præcepta dare uellet, quis uocem ferre poterat loquentis? quis consistere proprius audebat? Videbant & audiebant mira quædam & horrenda in monte Sy na, quo descendisse dicebatur, uoces scilicet & fulgura & tonitrua & clangorem buccinæ paulatim crescentem in maius & prolixius se extendentem, totumque montem fumantem. Tremefactus & pauore concussus populus obstabat Mose, ut personam ipse adeundi ad Deum suscipere. Loquere (inquiunt) tu nobis & audiemus: non loquatur nobis Dominus ne fortē moriamur. Tanta illos formido inuaserat, tam terribilia erant, quæ tunc fiebant. At quas mandatorum notas Moyses detulit ad illos? quā horridas, quā seruales, quā coecas & obscuras? testaceæ quædam formæ illis præbitæ fuerunt, quibus uterentur, alimento solidoque cibo introrsus recepto atque celato. Idem Deus quā iræ paratus? quā subitus facinorum uindex, ut heri imperio obsecundari sibi in cunctis uolebat? Nunc uertisse rationem omnem uidetur, non metū, sed amorem exculpere de cordibus nostris meditatur, quia non quā potens imperio, sed quā ardens charitate ostendit, non imbecillitatis illum nostræ, non deiectionis tædet, quid est hoc? Deus, ut homo hominum causam tractauit, breuiter quidem perstrictum, & certis uocabulorum rationibus, quicquid est, succinctè diffinitum, sed si paulò latius explicare sententiam, & rerum pondera exquirere uouerimus: inueniemus Omnipotentem imbecillorum causa imbecillum: immortalem mortalium causa mortalem: quictum laborantium causa laboriosum factum fuisse: eum denique, qui semper fuerat, eorum gratia, qui quandoque non fuerunt, aliquid, quod non erat sumpsisse. Quemadmodum enim uehemens amor homines sui iuris esse non permittit, sed mente illos excedere cogit, & extra se rapit in ea, quæ amant transferens, sic Deus ob maximam erga homines charitatem à supremo illo statu se dimisit, & (si fas diu) extra se quodammodo factus est, dum ueluti oblitus altitudinis suæ humana nostra assumpsit; sicut tanta illa Maiestas bonitate pariter & amore concitatur. An forsitan illud quoque poëticum uerum est.

Quid deccat non uidet ullus amans. Etrursus

Non bene conueniunt, nec in una sede morantur

Maiestas & amor.

Sic est, nec tamen huc rem traho, ut intelligi uelim indecens quippiam fecisse Deum, quod omnino illi naturæ impossibile est. Illud tamen dixerim, maiestate sua retenta & in sua sede manente, impulsus fuisse charitate nostri, ut infimam humilemque naturam nostram suscipere non de dignaretur

dignaretur. Quid deinde quum humanam indutus est speciem, quæ gesta sunt? gregi applicuit se nostro, cominus & ueluti ex æquo præcepta hominibus salutaria dedit, nec sermonibus solum beatissimi oris, sed uitæ etiam exemplo commonebat, Spiritu itidem sancto dimisso præceptor noster erudiebat, legis ueteris obscura aperuit, umbras discussit, sacramenta expleuit, & ex illo fumo, qui multis annis antecesserat, lucem insolitam extricauit: denique simulationem ueritate, seruitutem libertate, formidinem charitate mutauit: sed quid in ipsa morte? Nonne tunc maxime declarauit, quantum amaret, quum ad illam crucem orbis liberatricem tam cupide tetendit, quid hic egit illud, nisi, ut genus nostrum non modo à suscepta peccati labe & infesta Dæmonum tyrannide liberaret, & ueluti ingenti onere depressos subleuaret: uerum etiam ad cælorum regna reduceret, immensisque præmiis collocupletaret? At una resoluit plaga? imò cruentus & lacer totus in crucis distentus patibulo, hoc tanto uulnere suorum dolore quanti nostram salutem & incolomitatem fecerit, assidue testificatur. En telum, quo Deus noster armatur, quo sanè telo non minatur, sed solatur, imò minatur piorum animis, quòd eo telo amoris uulnus ipsis infiget. Quis enim non commouetur ad peramandum eum, quem pro se tam dira uideat tolerasse. Nihil beneficio suo de mortalibus emere habebat. Quid enim supremæ beatitudini cum nostra imbecillitate? quid illi Maiestati addi à nobis, aut corradì poterat? Verum quos gratis condidit, eisdem gratuitum salutis beneficium impendit. Ostendens hoc factò quantum ardeat ex amore, nos ueluti iniecta manu compellit amoris iugum secum pariter ducere. Etenim si amore amor elicitur, quemadmodum ignis igne, hanc Deus artem diligentissime est persequutus, dum nullum tempus aut locum fructu uacuum beneficio sterile abire permisit: nam quæcunque erant in eo maxima hæc ad nos detulit. Omnipotentis est de nihilo creare, creati sumus, summæ sapientis præceptis instruere, instruxit: magnæ charitatis collapso seruare, seruauit: egregiæ benignitatis ad præmia pulcherri ma uocare, uocauit: eximie liberalitatis ingenti donare munere, seipsum munus dat, quo nihil est ingentius. Si maiora sunt alia, concupiscamus sed non inueniemus: hæc quorum magnitudo æstimari nequit, ad nos ultro delata inflammare singula gelidum pectus queant: collecta uerò & in unum commixta, quem non mouerint, nihil unquam mouebit. Satis superque docuisse uideor, cur Dei unigenitus splendor & figura substantiæ paternæ humanam uoluerit carnem induere, & mortalitatis nostræ fieri particeps. Ita enim se contulit, primum, ut salutem conficeret nostram cælo reddito: id enim antiquissimum illi fuit, deinde, ut uitam nostram muniret præceptis, præcepta domestico uitæ suo testimonio roboraret: postremo ut humana corda ad se pelliceret tam larga beneuolentia suæ erga nos significatione. Hæc enim omnia diligenter oratione prosequutus sum. Superest nunc, ut natalis ipsius contemplemur speciem, quod

quod in diuisione mea posueram tertium. Non possum narrare aptius, quam ipso declaretur Euangelio. Non satis, quod Dei filius tantum se deposuit, ut filius hominis pariter fieri uellet. Mater (inquit) pannis eum inuoluit, non auro aut purpura. Quid deinde in præsepio reclinauit, nõ atrio regali, quibus astantibus et iumentis (inquit) duobus, Asino & Bœue. Quid expectamus aliud dignum tanta pompa, nisi ut pastoralis conuentus ueluti amicorum beatorum cohors ad gratulandum concurrat. ne id quidem defuit, ne qua humillimi ortus solemnitas desiderarentur. Vbi sunt hi, qui paruulos eorum census quotidie querelis laceffunt? Ille mundi Dominus, rerum imperator in nullis diuitijs inuenitur, pauperiem tulit, ac ne tulisset quidem, nisi quod appetiuit. Magnum uideo exemplum mortalibus propositum egestatis haud detestandæ, quæ tanto fuerit affectu comprobata, quanta hæc humilitas. Mitto iam hoc, quod Deus ad homines uenit, & hominum causa homo factus est. Quid illud? quod per pauperem delecta est familia, ex qua carnem traheret. Diuersorium, stabulū, præsepe, iumenta, panni, pastores, quibus nascens excipitur, quid aliud sunt, quam summæ exiguitatis & inopiæ nomina? Quod enim aliud Angelus dedit pastoribus indicium nati Saluatoris, nisi quod eum pannis inuolurum, & in præsepe iacentem inuenirent. Ita ne uerò, qui mundum hunc uario uestit ornatu, hic uilibus obuoluitur pannis? Cuius sedes est cœlum, terra scabellum, hic in angustissimo iacuit præsepe. Non uenit huc horribilis tremefaciens tellurem, sidera concuiens, & fulmina uibrans, sed non nisi summam indutus humilitatem: licet hoc loco meditari, quàm dissimillimus hic noster fuerit Adæ, illi primo humani generis parenti. Ille beatissimis in hortis locatus, diuinis obedire mandatis neglexit. Hic obedientiæ gratia nullas locorum angustias recusauit, & tamen Adami simulac exortus est, adeo facundus apparuit, ut singulis rebus nomina traderet. Verbum Dei, quod omnes gentium linguas disertas facit, nunc mutum iacebat, ac ne matrem quidem suo nomine saluabat. At nixit postmodum laute, cuius quum propria essent omnia, si Deum cogitemus, non habuerit, ut ipse dixit, unde caput reclinaret: occubuit etiã gloriôsè, qui crucem in morte inuenit. Poterat ab initio ad calcem usque uitæ plura sibi commoda parare, & externis bonis sese munire quantis uellet, neque hanc facultatem sibi concessam ignorabat. Is enim est ille, qui ea habentibus dilargitur. Attamen paupertatem, inedia, labores, supplicia, contumelias delegit, hæc uilia & ingrata adipisci metarique uoluit, quò nobis sublimia & grata forent. Magna est enim scrui gloria iisdem calcatis uestigijs Dominum comitari. Ac ne fortasse Dominum omnino projectum putetis, Scitote natale istud humanis quidem ornamentis caruisse, at diuinis abundasse. Mirimini licet, puer iste hodie natus (ita enim recolimus) sapientiæ omnis plenissimus est undique, siue ipsum ut Deum, siue ut hominem spectemus, sed non offenderit, donec ætate progressus uirile robur membris.

O indua-

In Domini Natale

induatur; Quantis præterea miraculorum insignibus corruscauit? ut de-
tur intelligi pro diuersa conditione parentum iactatum & subleuatum
fuisse, quorum alter terrenus & mortalis tenui & inopi, at immortalis &
coelestis locuplete præclaroque cultu nascentem excepit. Primum qui-
dem eius aduentus per multam sæculorum seriem exoptatus fuerat at-
que prædicatus. Illum longus Prophetarum ordo clarissima percinen-
tium buccina antecessit. Simulachra etiam futuræ eius uitæ de ueterum
patrum expressa gestis prælata fuerunt; nec inter ludæos modò, sed in-
ter gentes quoque prænuntiata noua de cælo uentura progenies, quæ
auram gentem terris inferret, & cuncta humani sceleris uestigia abole-
ret. Hoc deinceps, quod de Virgine nascitur, quantum est? Quis enim
non intelligat esse plus homine aliquid in illo, cui illo modo nasci con-
tigit præter naturæ fas atque leges. Ille mundissimus ortus, qui sine ul-
lo foedo pudoris tactu, sine ulla originis labe contigit, perhonorificus
sanè fuit. Ad hæc quum inter medias noctis tenebras de materni uteri
augustij in auras prodisset, finitima puero loca noua luce canduerunt:
Angelus demissus è cælo pastores excitauit, ut natum orbis Saluatorem
conspicerent & adorarent. Ignobiles attraxit uiros, quid aliud in eis se-
quutus, quàm innocentiam uitæ & cordis simplicitatem? An potius ad
opes & honores respiceret, & tumidam sæculi sapientiam, quæ Christus
nunquam sibi sumpsit, hoc modo de Angelicis cohortibus unus, Quid?
reliqui ociosè cessarunt? non'ne nato Dei filio hymnum apertissimè &
natalitia eius cecinerunt? Intelligebant enim ad pacem humano generi
conciliandam mitti, qui à mittente patre nunquam potest dimitti. Sed
natale hoc quoque exitit per id tempus, quo omne mortale genus sæ-
licitate quadam præcipua pacem agitabat. Iam enim Cæsar Augustus
pacatis cunctis gentibus, quæ Romano imperio suberant, septingentesi-
mo ab urbe condita anno Iani Fanum clauserat, quod indicium erat om-
nia undique bella compressa fuisse. Finitimæ prouinciæ armis positis pa-
ce gaudebant: eadem erat conditio longinquarum? Nulla gens, nulla
natio contra Cæsarem. Quin etiam ad eum Scythæ & Sarmatæ extrema
terrarum incolentes miserant amicitiam petentes. Traditum est etiam
Indos ab ipso cæli torrido seruire diuulsos, eadem de causâ uenisse cum
gemmis & margaritis, Elephantos quoque inter munera trahentes, &
dignos se Cæsaris amicitia censentes, non solùm quòd priores, uerùm
etiam, quòd de tam longinquis regionibus eam appetiissent: quadrien-
nium enim iam impleuerant in uia, & hominum ipsorum color ab alio
penè orbe eos uenisse arguebat. Parthi quoque ultra Euphratem sine bel-
lo relictî rapta Crassiana clade signa ultro retulerant. Sic ubique per ter-
rarum orbem pax fuit, aut paxio. Hac pacatissima tempestate natus ille,
qui supra omnes pacificus fuit, cuius insigne dilectio, qui uenerat, ut
ima fummis conciliaret, qui pacis præcepta suis posuit, qui pacis secta-
tores sui præsentia inuisere dignatur. Denique pax illius sæculi resulget
in

in ortu Saluatoris, siue, ut aduentum eius ornaret, seu potius, ut ab eo ornaretur. Hoc iam prædictum Esaia ore. Constabunt (inquit) gladios suos in uomeres, & lanceas suas in falces. Non leuabit gens contra gentem gladium; Psaltes quoque diuinus. Orietur (inquit) in diebus eius iustitia & abundantia pacis. Sed quid istis immoror? Ecce tibi noua è cœlo flamma emicat cœlestis uiri ortum denuntians, cunctis illustrior, pulchriorque sideribus, & quæ interdiu etiam rutilaret nulla obruta solis magnitudine, cuius præuio fulgore attracti tres Magi, idest tres insignes sapientiæ nomine uiri, & eo tanquam duce uia usi de longinquis regionibus ad pastorem casam pertexerunt, & infantulum cōspicari adorant corporibus, honorant muneribus, uenerantur officijs; non illic ebur, non aurum, non purpura, non diadema fulgebant, nulla famulantium pompa, nullus armati exercitus terror, ac ne ætas quidem ea erat, quæ sentiret obsequium. Cur ergo colebant? An stella, quæ perduxit, eloquura fuerat de cœlo illic inesse Deum? qui potuit stellæ unius radius id efficere? ac ne multa quidem sidera in unum collata id facere potuissent. Igitur uidentur & antea sacro afflati spiritu, quid stella noua portenderet intellexisse, & tunc in re præsentī eodem spiritu magistro, qui illorum mentibus omni sidere splendidius relucebat, sic cogitauisse. Iacet angusto in stabulo, quis? Ille scilicet cui elementa cuncta obediunt, cui astra famulantur, qui solo nuru orbem temperat, intra quem cœli uoluuntur. Vilibus obuolutus est hic pannis, idem tamen, quicquid diuitiarum est, habet in potestate, & cæteris erogat, omnia sciens dare, quicquam nesciens accipere, at natus de foemina matre, uerum sed de foemina uirgine, & matrem suam ipse creauit. Hæc cogitasse illos uiros apparet, propterea quod genu flexi auro, thure, myrrha coluerunt, professi his oblati muneribus uidentur mortalem esse factum, qui Rex summus esset & sacerdos: quoniam myrrha humandis apta corporibus, rhus sacerdotali ministerio, aurum regali conuenit dignitati. Sunt tamen, qui uoce stellæ commotos putent. Tradunt namque Magos animaduertisse in stella flammam pueri formam & ab eo admonitos Regem sæculorum in Iudæa natum, quò proficisci deberent, ut adorarent. Variant etiam sententiæ unde uenerint. Euāgelium, dilucidè ab Oriente uenisse tradit. Veruntamen Orientis nulla est per se positio, nam quòd unis populis oriens est, alijs erit occidens, alijs meridies. Quamobrem non desunt, qui astruant à Perside Caldæa uenisse, quæ mari contigua est, & ab oriente Iudæam spectat, ubi etiam magorum nomen celebre, & unde Camelis ascensis paucis diebus iter illud conficere potuerunt. Afferunt alii stellam hanc in Perside longè ante Christi ortum illuxisse, ita ut de longinquo mouentes illi possent ad diem occurrere, puerumque recenter natum sub Tugurio uidere & adorare. Horum magorum factum prælusit quodammodo genibus, quæ postmodum intraturæ erant ad Christum, & ut huius ingressus omen suscipi poreat. Ipsi nanque primi è gentibus crediderunt,

In Domini Natale

& se ipsos ueluti primitias gentium Christo consecrarunt. Et de miraculo quidem hoc præstantissimo magorum satis dictum. Fontem Romæ crasso ac tanquam oleario liquore illo die longè lateque stagnasse ferunt. Tèpla & simulachra falsorum Deorum, quibus exitium parabatur, inulta multis locis fœde corruisse. Horum & plurium aliorum miraculorū, quæ tunc emicuerunt, semen ac origo maius illud miraculū fuit, quodd Deus homo fieri dignatus est. Hic enim naturæ leges in immensum retrocesserunt, nam qui antiquior fuit omni æuo, posterius natus est, puella auctorem suum genuit: Filius matrem creauit: sed quid matrem hanc fecisse putamus ubi filium peperit? Licet enim mente contemplari, quod oculis non possumus, quò inquam erupit? quid gessit? quæ mens fuit? cogitatio? uoluntas? genuflectit, adorat. Quid agis Habrææ gentis mulier, Virginum semper gemma? Si filius hictuus est, cur adoras? si Deus, quomodo genuisti? responsum dato. Arrider, & se non diuinitatem quidem, sed eum, cui annexa fuit diuinitas, genuisse confendit. Per tibi hunc (inquit) castissimum uterum deitatis templū, Deus est hic, quem genui, penè dixi, qui genuit, quoniam utrunque pariter conuenit mihi genitrici & filiæ. Credimus tibi. Sed quid agis inquam mulier? tollis gremio, quem coelum sustinere nequeat; oscularis, cuius uultum infera trepidant, supera uerentur; ah cohibe lacertos, quid uulnis innectere uis secum omnia trahentem? quomodo portas eum, à quo totus orbis portatur? Vbera nudas, cur? an ut alas eum, qui cunctis animantibus alimenta subministrat, tacentem contemplaris. O rem quoque miram, tacet ille, & est tam magnum uerbum, nihil ille de te hauit nisi suum; tractas enim & componis his manibus, quas tibi formauit, lactis suggeris fontes, quibus ubera tua irrigauit; hæc tibi facere dulce est, & nullum gaudio imponis modum: hodie nanque occupasti titulum altissimæ mentis tuæ deuotioni delatum, quem uotis petijs finimum fuerat, ut sancta Dei Genitrix habearis & dicaris: & nunc etiam fortasse tibi subuenit ad cumulum lætitiæ, quodd susceptus tibi iste pudori non fuit, nec gestatus oneri, nec effusus dolori. Fœlix Maria, quæ uirginali utero Christum, fœlicior, quæ intimo cordis affectu plus omnibus gestasti. Nos uerò & tuo nomine multum & nostro non mediocriter gaudemus. Intelleximus enim quantum Creatoris bonitas humanam naturam magnificerit, quantum eius laudi & gloriæ indulserit, quum eam diuinitati suæ copulauit. Hanc tantam tamque nobilem coniunctionem esse factam non statim celebratum, sed non nisi multos post annos in ipsius Euangelij prædicatione, nam tunc Iesus, ut ex Iosepho natus uulgo cernebatur tanquam ex altero mortali parente: ita, ut Maria quoque mater compellens illum duodecimum iam agentem annum diceret. Ego & pater tuus dolentes quærebamus te. At ubi effulsit tempus nouæ legis dandæ, præmissus tunc Ioannes, qui palàm prædicaret, Deum humana assumpta specie inter homines uersari. Ille (inquit) qui post uenturus est, ante

ante me factus est, cuius non sum dignus soluere corrigiam calciamenti. Ipse Vnigenitus est Dei filius. His & talibus uocibus sanctissimus Ioannes Dominum nostrum Iesum mox pandendum indicabat, ueluti auro-
 ra solem præcurrrens. Ipse postmodum sequutus Iesus in Euangelii præ-
 dicatione, nunc de se humilia loquitur quale illud est, Pater maior me-
 est. & tristis est anima mea usque ad mortem. hæc de se ipso, ut de ho-
 mine satur, quandoque usque eo attollit sermonem, ut nihil possit esse
 sublimius, ueluti quum dicit. Ego & pater unum sumus, & omnia, quæ
 habet Pater, mea sunt. Idem factis quoque ueritatem utriusque naturæ
 in se ipso subsidentem astruxit: nam quod fleuit, infrenduit spiritu, tri-
 status est, timuit, efuriit, fatigatus est de uia, & uulneratus, & demum
 mortuus; in his se hominem esse testatus est. At quòd propria potestate
 languidos curauit, defunctos suscitauit, uentis & fluctibus imperauit
 Dæmones de humanis corporibus excussit, & letho datus reuixit, & ad
 extremum coelos conscendit: in his & talibus se Deum esse apertissimè
 denuntiavit. Copulatus igitur Deus homini glutino sempiterno: nam
 quod semel Deus apprehendit, id nunquam dimisit. Nunc indissolu-
 bilem hunc Dei atque hominis nexum spectantes, & quia quicquid hu-
 manum est in Christo, substat in Dei uerbo, dicere possumus, hominem
 cælum & stellas condidisse. Nunc demonstrato Christo uel aliter intel-
 lecto dicere possumus illum hominem esse omnipotentem. Præclare
 Dionysius in libro de diuinis nominibus. Propter mutuum (inquit) prop-
 rietatum communionem Deus erat infirmus, & homo infinite potens.
 Delectare nos plurimum debet quòd non ex Angelicis cohortibus, sed
 ex hominum numero unus tantum euectus est, ut sedeat solus ad dexte-
 ram Dei Patris cunctam possidens in cælo & terra potestatem: unde ue-
 niat in mundi clausula uiuos omnes & mortuos iudicaturus, & unicui-
 que pro meritis redditurus: Iudicium quoque illud extremum cuncto-
 rum gesta complectens, pijs uenerabile, impijs terribile, ante hominis
 tribunal exercebitur, quanquam non purus ille homo, sed homo tamen.
 Hanc tantam attulit hominibus gloriationem hodiernus dies, quòd
 Deus suæ nostræ naturæ idest potenti & sublimi infimam inualidamq;
 adiunxit. Nunc penè fraternitatis cuiusdam cum Deo iunctæ gloriari
 ualemus. Audite nunc aliud. Nemo est, qui non intelligat quanta sit
 excellentia in Christo, qui Deus & homo est. Sed quid ex hoc sequa-
 tur, non omnes fortasse animaduertunt: dicendum igitur fuerit quo-
 rundam causâ, & ut in laudatione eius finiatur oratio, qui supra est om-
 nem laudationem. Sæpius est dictum, idque uos audisse arbitror, ho-
 minem esse nodum & copulam rerum omnium: nam quòd cætera possi-
 dent separatim, ut proprium possidet ille in se uno collectum mixtum, ha-
 bet communem cum Angelis mentem, cum brutis animantibus sensum,
 cum stirpibus & arboribus alimoniam, cum cælo, lapidibus, & alijs ui-
 ta carentibus creationem. Nunc quod ex Deo & homine compositus est
 Christus,

In Domini Natale

Christus, est copula ille non solum creaturarum rerum, sed etiam increatarum, non temporalium duntaxat, sed etiam aeternarum, non finitarum modò, sed etiam infinitarum. Vna denique persona Christi, omnia, quæ dici cogitarique possint complexa est, nihil scrutari possumus in rebus, quod tibi non inueniatur. Explicui proposita, plurima euolui, terram iam ex magna iactatione prospecto, si languidi fuimus & remissi, si non satis parati instructique processimus, si non ex dignitate tantæ rei eloqui sumus, quæ uestra est facilitas atque humanitas ignoscetis. Nunc de te bone I E S U, Superest, ut precemur obtestemurque, omnes, qui adsumus supplicibus uotis, uberibus, cordis lacrymis, per sanctum illud Natale tuum, ut exaudias. Tu è sinu dilapsus parentis mortale genus tibi ipsi summo Deo conciliasti, sædus cruore tuo sanxisti. Effice (potes enim) ut in unum confluant Regum ac populorum uota, ne provinciæ tuo nomini deuotæ hostilibus odijs se se mutuò insequantur. Vides collectam discordiarum rabiem in loca nostra effluere, huc ex omnibus oris & gentibus innumeras armatarum copias confluisse. Italix agros esse, qui diripiantur, exhauriantur, incendantur, nec sacrosanctam ullis esse perspicis corporum nostrorum libertatem. Fac amare nomen tuum, non fraudes libeat: fraudes enim interpretamur, quicquid tuum, non est, & à te aliò deducit. In primisque illud præstare spera Turcarum proles ualida & audaci manu hæreditaria legitimorum bona inuadat. Mitto iam Italiam, sed ne Ecclesiam tam ualide tibi dilectam opprimat atque disperdat. Si sine præsidio tuo ne leuiora quidem possumus, quomodo te remoto tam efferatas bestias poterimus coercere præsertim quum altera ex parte immincant hæretici, qui cum falsis eorum dogmatibus, propter quæ ab ecclesia fuerunt eieciti, in ecclesiam irrumperere conantur: intus & foris hostes, quorum hi corpora ferro, alteri truculentius animas perdunt malæ doctrinæ ueneno: utrique in te contumeliosi: alteri te non agnoscetes ex professo sunt impij, alteri agniti sub specie pietatis produnt. Reuoca errantes utrosque, & in uiam deduc salutis: homines enim à te conditi. Tu altissimus quum esses, hominum causa humillimus fieri uoluisti. Tu homine assumpto germanitatem quandam nobiscum inire dignatus es, quo fit, ut ad te, non ut ad Dominum tantum, sed ut ad Dominum Fratrem confugiamus. Respicias nos igitur, nec te omnino implacabilem præstabis aduersus delicta nostra, quorum ut obliuiscaris rogamus. Tua te nobis propitium reddat benignitas. Tua hæc pro nobis suscepta commendet natiuitas. Quam sanè natiuitatem dilectissimi fratres, ut ianuam humanæ salutis, ut clarissimum monumentum diuinæ erga nos charitatis, ut insigne humilitatis exemplar, cum cæremonijs alijs multis, tum solerti animorum uestrorum pietate perpetuò celebrate.



MARCI ANTONII

NATTAE ASTENSIS,

DE QVADRAGESIMALI IEIVNIO

O R A T I O.



QVADRAGESIMA iam adest, quæ superanda est nobis, nunquid tristes estis? non opinor ad rationem rem reuocans: debemus enim constanter ciborum delicias contemnere, nec sanè causa est, cur aliquis nostrum ullius rei uentri gratiam faciat, quando ille nunquam accepti gratiam habet, sed assidue plus poscit, ideo ueluti ingratum quædam creditotem substringere & coercere debemus. Si qui autem sunt qui carniū esum nulla idonea de causa intermittere nolunt, his uenter nimis curæ est, & ea quoque forsitan, quæ uentri adiacent. Volunt pleni & distenti Paradisum ingredi, non cogitantes, quòd primus ille parens generis nostri de eo deiectus fuit satur, dum cibum uetitus sumpsisset, qui, ut pœnam uidit, malè secum actum illo cibo arbitratus est, & maluisset ieiunus fuisse: ille enim inauspicatus cibus nō ipsum solū, sed & posteritatem cunctam pessundedit, & in tanta detrusit incommoda, quanta nunc expetitur: quod si meminerimus, erit causa cur cunctanter & circumspectè ad cibum accedamus, neque temerè in quaslibet epulas irruamus. Et profectò seu mores animi rectos, seu ualitudinem corporis secundam spectare libeat, ad utranque rem omnino inutilis nimia facietas, quæ expellitur nunc procul indistò ieiunio, de coquis conqueratur è iuuentute? quandoquidem inedia aptissimè ferant mediæ ætates, mensæque frugalitas uegeta magis corpora, ingeniaque reddat. Magnæ certè auctoritatis hoc quadragesimale ieiunium, quod ab Apostolis, (ut aiunt) traditum, tot sæculorum successione in Christiano populo seruatum est, & à sanctissimo quoque rigidissimè. Ignatius tertius Antiochenæ ecclesiæ à Petro rector Ioannis Euangelistæ discipulus ad Philippenfes scribens quadragesimæ meminit, nec non maioris hebdomadæ, qua Christi passio celebratur, hortaturque eos, ut quadragesimale ieiunium diligenter seruent, quoniam continet imitationem eius, quod olim Deus agens in terris gessit. Vult etiam eosdem quarta & sexta

De Quadrag. Ieiunio

sexta feria ieiunare, reliquias pauperibus porrigentes. Sunt qui hoc quædragenarium ieiunium, quod ante dies Palchales in ecclesia ducitur, institutum fuisse dicant Telesphori, qui annum centesimum circiter, & septimum post Christi mortem Romæ Pontificatum gessit Antonino Pio imperante. Veteres Monachi, qui Aegypti Syriæque vastissimas incolabant solitudines, & assidue tenui uictu agebant, ita ut tota eorum uita continens ieiunium dici posset, attamen quadagesimæ temporibus aliquid atque adeo multum pristino uitæ rigori addebant, quod nunc etiam (ut optimè) religionum ordines observant. Incumbunt enim his diebus in corporis afflictionem toto studio, & maioribus propositis cursibus continentia uela laxantur. Nobis autem detrahere quicquam naturæ necessitati non præcipitur, sed moratum tantum indictum ieiunium, de quo tamen est, quod disceptari possit. Sunt enim qui putant in die pluries cibum capere posse, si id parè fiat & exiguum: & id facere omnino uirtutis est specimen. Arbitrantur tamen alij ecclesiam, quum pro diuersa hominum ætate & ualitudine non posset quantum, quoties edendum esset præscripsisse: & ita non geometrica, sed arithmetica ratione statuisse, ut semel tantum comedatur, quod mihi saluberrimè institutum fuisse uidetur, ne plus quam semel quolibet die cogitatio nostra ad curam corporis referatur, subtrahit igitur sibi prandium, quicumque ieiunat, & ita ad cœnam accedit, ut post eam ab omni abstineat ferculo usque in crastinum, quod si quæritur, cur cœna potius quam prandium conceditur, nam nisi decantatis uesperis non licet epulari, aiunt, id inductum fuisse, quod ecclesia cupit nos undique Christi uestigiis (quantum fieri potest) insistere, nec ab hoc exemplari desistere. Ille autem quadraginta dies, & totidem noctes ex ordine uacuas ab omni cibo & potu peregit, sed quoniam quod uir ipse diuina perfecit, id nos moliri natura non sinit humana, quæ quotidiana refectio sustentanda est & regenda: quod in illo uerè factum fuit, id nos ficta imitatione explicamus, sicut possumus: nam noctu comedendum non est, in die duramus ieiuni usque ad uesperas completas, post quas, dies intelligitur extinctus, quum nullum aliud in ecclesiis officium restet diurnum. Sic ista simulatione non improba Christum dominum referimus ieiunantem, eximentes à die postremam eius partem, in qua ieiunium soluimus, fumentes aliquid de mensa frugaliter & sobriè ad refectioem uirum: nam unica tantum cœnula contenti esse debemus. Sic enim ecclesiastica lege sancitum est, ut semel tantum & non iterum cibus à ieiunante assumatur, atque ita determinatum est, quoties, quali etiam cibo utendum sit, id quoque non relictum, sed determinatum fuit, at non quanto, sed id in arbitrio cuiusque relictum, ita, ut æquum & moderatum debeat esse arbitrium, & quale à bono uiro proficisci solet. nam in legem committit, qui ieiunans una tantum absumit cœna, quantum antea solebat in prandio & cœna: hoc enim non est relinquere luxum, sed mutare. Non equidem dico periclitandum esse fame, sed nec refer-

tis

vis epulis infarcire uentrem, nec largifluo potu uenas irrigere oportet, nostro nobis nunc succo uicandandum est. Cur enim carnes animalium? Cur lac, quod alio colore sanguis est? Cur oua, quæ liquidæ sunt carnes, nunc à mensis remouentur? nisi quia illis plurimum firmitatis inest, & plurimum alimenti. Hac de causâ etiam Gregorius marinas beluas, quarum exuberantia sunt corpora à mensis constitutione sua detrahit, quod tamen usu receptum non est. Itaque adhiberi possunt: magna est enim uis consuetudinis, cui facillè obfisti non potest, attamen istis leuiter immorandum est. Quid de his dicemus, qui ieiunant, ut rumulos hominum aucupentur? quorum nonnulli uultus quoque suos exterminant & demoluntur, ut officiosiores cæteris propter magnam ieiuniorum uim uideantur, certè operam perdunt. Quid enim attinet uentri subducere, quod non Deo, sed inani gloriæ præbeas. Nullos nreperire datur, qui rixando ob uentris ingluuiem dies digerunt? at quàm multos? qui magis essent in officio, si saturi quiescerent, ac de oblatiis Deo gratias haberent. Magnum uideor dicere quin aspiciate quàm sim morosus, nam quum debeat ieiunans, parcè admodum cibum capere, ne si hæc illi parsimonia proffit, uideatur nouam quæstus rationem instituisse, uelim quod ori suo subtraxerit, id proximo præbere, neque nunc dico proximo, qui iuxta accumbat, sed (ut Christiani moris est) alteri, qui egeat, cuius misera fortuna nos proximos illi faciat, atque adeò uisceribus pietatis includat. Non est iniquum te ipsum esurire, & abste alium saturum discere, imò nihil æquè conuenit, quàm quenquam sibi esse parcum & rigidum, ut largus aliis & benignus esse possit. Etenim hoc tempore, quo delicta nobis à Deo remitti postulamus, elemosynam ualde opportunam duco: quomodo enim ferri potest, ut te hominem peccatis sordentem respiciat Deus, si tu ipse homo hominem alium egestate laborantem despexeris? at ubi pauper in Christi gratiam beneuolè excipitur & misericorditer tractatur, credo quoddam Christum tunc ungimus, mirum si deinceps delinitus non se uel peccantibus propicium præbeat. Sit ergo sobrietas nostra egenis lucrosa. Verùm, ut omnia ista fiât, & ieiunet quis parcè, studiosè, liberaliter, haud scio an non ieiunium pondus habeat, nisi maius illud & generale uitiorum ieiunium intercedat quod nihil attinet perexiguo cibo attenuare corpus, si immensa superbia animo intumescimus, non prodest non calere uino, si ira incendimur, non opus est pallore ieiunii, si inuidiæ liuore corripimur. Omni tempore à peccatis cauere debemus, & quotidie hoc uitiorum ieiunium perfoluendum est, à quo nemo immunis, non ætas, non sexus, non morbus, non peregrinatio, non operis labor excusat, semper & omni loco abstinendum à uitijs: sed nullum tempus, quo moneamur magis hoc facere, quàm hoc quadragesimali, in quo quum prohibeamur à carnibus, quæ cæteris temporibus permittuntur, quid credimus à uitijs, quæ nunquam conceduntur? Hoc uitiorum ieiunium præcipua cura nobis amplectendum.

De Quadrag. Ieiunio

dum. Etenim si sola gula peccauit, sola ieiunet. Sin autem & reliqua membra pariter peccauerunt, cur non & illa ieiunent? ergo ieiunet oculus à petulanti conspectu, manus à rapina, lingua ab obsecratione, aures ab inanibus fabellis. Denique abstinemus à qualicumque opere, quod uel paululum læferit officia membrorum, quò minus sancta habeantur. Et ne quispiam fortasse possit dicere. Nescio an hæc mihi agenda sint, ideo dum res fiet diuina, hæc loheli uerba ex persona Domini prolata cantari audimus. Conuertimini (inquit) ad me in toto corde uestro, in ieiunio & fletu & planctu. O aurea uerba: Conuertimini ad me. Si nihil aliud dictum fuisset, poterat quispiam corpus statim conuertere, & libere respondere: Factum est, iam aliud propone mandatum, sed subditur, in toto corde uestro: queritur enim totius cordis conuersio, quæ non una aut altera die, imò ne tota quidem uita rectè expletur. Attamen quoniam etiam in his, quæ ad corporis uictum pertinent, aliquid conuersa ratione fuerit agendum, ut qui antea largis epulis fuerant excepti, nunc inopiam sentiant: sequitur, in ieiunio, sed est cibus quidam, quem nolo uos præterire, imò quo uos eximie oblectari decet, cibus unquam lacrymarum & ecce subinfertur, in fletu & planctu uestro. Vult nos Dominus hoc omne tempus in luctu traducere: non satis habet si à cibo abstinentes uentre lugeamus, nisi etiam ingens eruperit lacrymarum uis de corde deque oculis recollectione peccatorum, quæ confiteri nunc sacerdotibus oportet, recollectione quoque acerbissimæ passionis suæ & mortis, quam tulit ipse, qui uita erat, ut nos cunctos, qui morti addicti eramus, uitæ redderet. Quum olim Iudæi ieiunarent, iidem tamen in sceleribus permanerent, nec ad meliora uerterentur. Non est hoc (inquit Dominus Esaia ore) ieiunium, quod elegi, etiam si in circulum caput circumduxeris, etiam si cinerem & saccum prostraueris, non erit gratum id ieiunium. Quale igitur uis? Dissolue (inquit) uincula iniquitatis, noli cum aduersario contendere iurgijs & clamoribus, noli impiè pugno percutere, noli cupiditates tuas implere: debitores ne repete, & eos, qui confracti sunt libera: nemini oneri fueris, frange esurienti panem, egenos uagosque in domum inducas: quum nudum uideris operi eum, carnemque tuam ne despexeris. Hæc & his similia olim Iudæis Dominus. Nos tamen non illis tantum, sed nobis quoque dicta putabimus, cauebimusque prudenter à quibuscunque peccatis, ne postea conqueramur quemadmodum illi, nos in ieiunio non fuisse auditos à Domino, sed despectos, imò & magnis calamitatibus affectos: disputans enim tunc Dominus ostendet se iure iratum fuisse, nec huiusmodi ieiunia recepisse. Ipse qui offensus est (O mansuetudinem incredibilem) ipse inquam, quem ror contumelijs affecimus, uocat prior ad reconciliationem. Conuertimini conuertimini ad me (inquit) Si hæc uox mansuetudinis paternæ parum mouer, moucant minæ. Nam, ut canror diuini spiritus cecinit, Nisi conuersi fueritis, gladium suum uibrauit, arcum suum tetendit,

terendit, & parauit illum. Conuerſionis autem modum Paulus Apoſtolus breuiſſimè depinxit, ad Romanos ſcribens illis uerbis. Sicut (inquit) exhibuiſtis membra ueſtra ſeruire immunditiæ & iniquitati ad iniquitatem, ita nunc exhibete membra ueſtra ſeruire iuſtitia in ſanctificationem. Hodie de more ſacroſanctæ Eccleſiæ aſpergit ſacerdos diuinis iam peractis uniuſcuiuſque caput cinere cum illis uerbis. Memento homo, quia cinis es, & in cinerem reuerteris. Quum hæc uerba, tum factum ipſum, admonent nos officij noſtri: nam meditatio mortis abducere faciliſſimè poteſt à peccatis: Scriptum eſt enim. Memorare nouiſſima tua, & in æternum non peccabis. Quòd cinere caput aſpergimur, id admonet nunc nobis in gemitu & luctu eſſe uerſandum, & pœnitentiæ arma induenda. Olim ſub ueteri lege homines ubi graue quid & triſte imminabat, & ira Domini uidebatur placanda, in ſacco & cinere uolutabantur. Sic Heſter in magno totius gentis diſcrimine legitur pro uarijs unguentis caput cinere & ſtercore impleſſe, & in ieiunijs humiliāſſe animam ſuam. Sic in metu Holofernis, qui cum ingenti exercitu aduerſus Hieroſolymam proſecturus uidebatur, quicunque in templo holocauſta offerebant, præcinti cilicio id agebant: & erat (ſicut ſcriptum eſt) cinis ſuper capita eorum. Iob autem illa dicebat. Ago pœnitentiā in ſauilla & cinere. Et idem alio loco. Saccum conſui ſuper cutem meam, & operui cinere carnem meam. Rex quoque Niniuitarum audita Ionæ prædicatione, quæ ciuitati extrema minabatur, ſurrexiſſe de ſolio ſuo legitur, & ſacco ſe induiſſe, & in cinere ſediſſe. Signum doloris id erat maximum, aſperſiſſe ſe ipſum cinere. Hinc illa inuitatio Hieremiæ prouidentis uenturam perniciem. Filia populi mei (hoc enim nomine Hieroſolymam appellat) accingere cilicio & conſpergere cinere: luctum Vniuerſi fac tibi planctum amarum, quia repente ueniet uaſtator ſuper nos. Et rurfus. Vlulate paſtores & clamate: & aſpergite uos cinere optimatēs gregis, quia completi ſunt dies ueſtri, ut interficiamini. Et in lamentatione idem Propheta. Sederunt in terra: conticuerunt ſenēs, filia Sion conſperſerunt cinere capita ſua, accinſi ſunt cilicijs. Multa ſunt huiusmodi in lege ueteri, ſed quid illa memoro? Quum ipſe in Euangelio Saluator de Tyrijs & Sydonijs dicat, quòd ſi inter eos factæ fuiſſent uirtutes, quales & quantæ in Iudæa, iam olim in cilicio & cinere pœnitentiā egiſſent. Aptus igitur conuerſis & pœnitentibus cinis, quo tamen nos, ut ſigno utemur, quaſi eo indicetur humilitatem animi hoc tempore ſumendam, & ingentem luctum de peccatis tollendum. Nō enim magnum eſt cinere ſordidari, ſed bene magnum ea peragere: quæ illo cinere ſignificantur. Vocatur autem hic primus quadageſimæ dies, cinerum dies de more Chriſtiani populi. Cur autem ita uocetur mediocriter arbitror demonſtratum fuiſſe. Verum, ut ad corporum ieiunia reuertamur: de quibus inſtitutus fuerat ſermo. Sunt nonnulli, qui ſeu quòd uentrem male motatum circunſcrant, ſeu quòd ita ſentiunt, aiunt hoc quadagen-

De Quadrage. Ieiunio

rium ieiunium non rectè & ordinè institutum fuisse: nam quum in eo abstinentum sit à carnibus, lacte, ovis, casco, & huiusmodi rubustioribus cibis, qui pinguius corpora & plenius alunt, & confugere hoc tempora ad olera, poma, legumina oporteat, hortus denique summo in honore sit habendus, nisi forsitan piscina, aut proximus fluuius auxilietur suggerens pisculenta obsonia. damnant illi hanc ciborum discretionem, qua hoc attingere licet, illud non licet, quasi per hæc ad Iudaicæ legis servitutem reuocemur. nam illi populo ciborum quædam genera præscripta, quibus uescerentur, alia penitus interdicta, & horum altera, ut munda, altera, ut immunda habebat. Quum autem Christus morte sua antiquæ legis cæremonias soluerit, ac ociosas reddiderit, non de buisse populum Christianum similibus institutis onerari, quem iam Dominus liberasset, præsertim quum ipse Dominus iam dixerit, quod intrat per os, non inquinat hominem, sed quod exit ex ore. Et Apostolus Paulus Dominum sequens. Regnum Dei (inquit) non est esca & potus. Et rursus: Omnia munda mundis, & nihil reiiciendum, quod eum gratiarum actione percipitur. Idem quasi diuinans futura hæc, quæ nunc sunt, uel ceu è specula prospiciens impendens, denuntiat uenturos in nouissimo, qui prohibeant nubere & uesci cibis, quos Deus creauit ad utendum. Hæc quidem à nonnullis iactantur, qui quoniam non rectè loquuntur, perspicuum est eos non intelligere scripturas, quas proferunt: non enim fieri potest, ut scriptura rectè & qui eas intelligunt perperam loquantur: admonendi sunt igitur, ut rem diligentius explorent, deposita omni contentione. Etenim quæcunque in lege ueteri dicta sunt de mundis & immundis animalibus, ea ad significationem quarundam rerum dicta, imò & iussa fuere, quod ne ipsi quidem Iudæi inficiantur, qui symbolicè legem eorum conscriptam affirmant, sed Iudæos omittamus. Ipse Apostolus Paulus, qui melius cæteris legem intellexit, & cuius dictis istorum causa potissimum inniti uidetur, hoc euidenter expressit, cuius hæc sunt uerba. Ne quis ergo uos iudicet in cibo aut potu, aut in parte dici festi, aut neomeniæ, aut sabbathorum, quæ sunt umbra futurorum. Ecce quomodo cibum & potum, unà cum reliquis ueteris legis umbram uocat futurorum, quæ iam discussa est luce uenientis Saluatoris. Ea enim, quæ illis præceptis & obseruationibus fuerunt adumbrata, euauerunt, postquam pleno ueritatis lumine cunctæ perfusa sunt, cessare habet imago ubi res ipsa inducitur. Si quis igitur nostrum credat aliquid esse immundum de cibis, quos Deus humanis usibus creauit, cum Iudæis faceret, imò & in hac parte Iudæus esset, si credit obseruationes legis antiquæ necessarias ad salutem, hoc uetat nos facere domini uox negantis hominem inquinari cibo, & uox illa facta ad Petrum, quæ ostenso linteo animalium pleno iussit, ut manducaret, nec quicquam illorum immundum putaret. Contra hoc uigilant Apostolicæ literæ clamantes, omnia munda mundis, & nihil reiiciendum, quod cum gratiarum actione percipitur.

& regnum Dei non esse escam & potum. In nullo arque uidentur laborasse Apostoli initio nascentis ecclesiæ, quàm, ut obseruationes illas Iudaicas populo nouo non necessarias deicerent, reluctabantur enim tunc hi, qui à lege ad Christi fidem se conferebant, quos magnum erat à legis litera & à pristina consuetudine reuocare, & ad Euangelii uiuificum spiritum adducere: sed futuri quoque erant postmodum in Christi grege nonnulli, qui eorum sententia abstinentiam quorundam ciborum tanquam necessariam saluti indicerent, quales Taciani fuisse dicuntur, Scueriani, Manichæi, Priscillianistæ, hos tanquam digito prænotauit Apostolus, dum uenturos ait in nouissimo, qui prohibeant ueloci cibis ad utendum creatis: quorum omnium dogma ecclesia tanquam pestiferum & sanæ doctrinæ inimicum reiecit. Sed si qua lex nunc prodeat, aut iam prædierit, quæ continere iubeat à nonnullis cibis, non propter immundiciem, quæ nulla est, sed, ut homines mente magis constant, & à uitiiis cautius declinent, non debet similis uideri Iudaicæ legi, quæ ad significationem quorundam nonnulla ciborum genera statuit esse immunda, & his uescentes uoluit contaminari. Licet enim utraque lex idem iubeat, abstinentiam scilicet quorundam, non tamen eadem mens utriusque legis, nec eadem uetandi causa nec idem modus: hæc enim cibum, à quo contineri iubet, non damnat, ut malum & impurum, quod altera facit. Demum in animalibus terrestribus inspicere fissa ne sit ungula, & animal illud ruminet, & in aquatilibus pennas ne habeant & squamas quis non meritis irriserit hanc tam tenuem ciborum differentiam? quod nisi Iudæis id iussu esset ad prænuntiandum mysteria quædam, & ideo habitandum illis etiam tunc fuisset in corpore literæ, puderet me, (ut uerbis utar Origenis) dicere hanc legem à Deo datam. Videbuntur enim, (ut ille inquit,) magis elegantes & rationabiles hominum leges uerbi gratia Romanorum, Atheniensium, Lacedæmoniorum. At ubi abstinentia iubetur à carnibus & uino, quia nimis alunt, & ad uitia procliuio res reddunt, nemo reiicere ualeat hanc legem tam prudenti consilio prolatâ, digna certe lex, quæ à quibuscumque populis suscipiatur. Causa igitur & diuersa iubendi ratio & præcipiendi modus has duas separat leges, ut nequaquam similes dici possint. Vide si Iudæum adducere possis, ut cibum uetitum sumat, nunquam adduces, morietur citius, quàm si illæ edat aut leporinam: nihil enim habet dicere, cur si immundum diglutiuerit, ipse immundus non sit, nulla est in lege exceptio, quæ eum protegat. At lege hæc, qua interdicitur carniū esus, non alligatur ætas puerilis, aut senilis, & mala uoletudo, his enim personis opus est pleniori alimento: sed si quis ui hostili compulsus edat his diebus carnes, uel ut mortem euitet, uel aliud magnum corporis malum, peccaturum non arbitror, quoniam quæ uenia datur comedenti carnes si malè sit corpore affectus, eadem debetur ei, qui iuste timet, ne si carniū esum fugerit, uis eius uitæ afferatur, & incolumitas corporis amittatur. Cur hæc ita? quoniam non dam-

De Quadrag. Ieiunio

nat lex hoc tem pore efum carniū, quia immundæ ſint carnes, nec quia bonum corporis habitum auferre uelit, ſed quia ſuperfluum alimentum demere uult reſiſto neceſſario. Ipſe Apoſtolus Paulus, qui clamabat omnia munda mundis, à carniſus tamen & uino temperabat. Dixit enim bonum eſt homini non comedere carnes, nec bibere uinum. nam quod cæteris proponebat ut bonum, proculdubio ipſe præſtitit. Nec quiſquam noſtrum ſtruere nunc calumniam Apoſtolo poteſt, quòd uinum reiſerit, ut immundum: non enim, quia immundum, ſed in uino inquit, eſt luxuria. Itaque Timotheo diſcipulo præcepit ne aquam ad huc bibat, ſed modo dico utatur uino propter ſtomachi imbecillitatem & ægri tudines frequen tes: hoc nunquam mandafſet, ſi uinum, ut impurum quiddam deſectatus fuiſſet. Sic ualde reſert, an uitetur cibus aliquis ac potus uirtutis ſtudio, & ut magis cautum ſit nobis, an quia immundus ſit. Hoc non cadit in Chriſtianos mores, ut aliquid credatur alimenti genus eſſe animis im mundum. Illud uerò aptiſſimè cadit, ut credatur prægrauari anima ſolidiore & pleniore alimento. Quamobrem quum Apoſtolus dixerit. Bonum eſt homini non comedere carnes, nec bibere uinum, ex his duobus alterum, quod dixit de carniſus, in cluſum eſt lege ad breue quoddam tempus finitimum Dominicæ paſſioni: alterum de uino relictum, nec for taſſis expediebat de illo in his frigidi oribus regionibus idem decerni. In dicitur nunc eccleſiæ decreto multorum dierum ieiunium, ſed non id de cretum paſſim quemlibet apprehendit, ſed conſiderari permittitur quali quiſque ſit corpore, ualido ne & ſucculento, an tenui & infirmo, & ex eo æſtimari uires & colligi, ſuperſeſſe ne poſſit tantum ex ieiunio, quòd corpus commo dè ſuſtineat. Itaque nimia alimenti detractio in corporibus etiam ualidis uituperatur, quia non inutile & tanquam emortuum corpus ſed modèſtum magis & quietum præſtare ieiuniū debet. Nemo puerum ad ieiunium uocat, nemo ſenem, non etiam grauida mulier huc uocatur, cui uni duo corpora ſuſtentanda ſunt, non etiam nutrix, cuius eadem eſt cauſa, quæ grauidæ mulieris. Aegrotati quodlibet permittitur, imò eum cibum ſumere iubetur, quo citius conualeſcat, ita ut reddita ualitudine redditum ſibi quoque ieiunium putet: hoc effecit, ut ſtultum uideretur propter abſtinentiam alicuius cibi in ægri tudine diutius hominem detinere: qui eo cibo ſumpto ualidior factus, poſſet deinceps melius & ſortius ieiunare: non enim tam faueret abſtinentiæ, qui ſic faceret, quàm aduer ſaretur. At nec ieiunare compellitur agricola, nec metallorum foſſor, non ferrarius aut tignarius faber, non nauta, non uiator, quo uires ſufficere operi & labori poſſint. Et ſunt, qui ob hæc ieiuniorum inſtituta, eccleſiam non ut parentem piam erga fideles honorent, ſed ut impiam nouercam in ſeſcentur, quum ea non exigat plus, imò ne tantum quidem, quantum facere poſſimus. Duabus de cauſis (ſi uerum exquirimus) ieiunium præcipitur, una ut uitia frænentur: non enim ſolùm, ut eſt penes Comicum, ſine Cerere & Baccho friget uenus, ſed friget quoque iracundia, obtrac tio,

tio, liuor, petulantia, fastus, & multa alia ad perturbationes animorum facientia: sed præterita quoque peccata ieiunio redimuntur, nedum futura suppressuntur, quò sit, ut utrisque & peccantibus, & peccare metuentibus aptum sit ieiunium. Ergo hæc una ratio instituendi ieiunij, altera, ut mens solutior & liberior efferatur ad contemplationem supernorum: pinguis enim uenter, ut est in Græcorum proverbio, non gignit sensum tenuem. Si quis autem nihil imminuens de pristina eius uitæ consuetudine uitiosa imminuit sibi tantum cibum ac potum, is fateatur, oportet, quod nescit ieiunare: si ideo tantum ieiunat, ut ieiunet, nec respiciens longius cogitat, quò ieiunium ferre eum debeat. Non enim adeò immitis & asper Deus, ut delectetur afflictione corporis nostri, si ex eo nihil sit maius prouenturum. Delectatur ieiunio, non quia ieiunium est, sed quia instrumentum uirtutis. Illi probatur ieiunium, de quo efflorescit frequentior oratio, mens purior, syncerior in Deum affectus, contemptus sui, & sæculi, cœlestiumque amor, humanitas in proximum, atque clementia. Hæc ut assequamur maxima & diuina bona, inopiam cibi atque potus persequimur, nam ubi de nimia cibi & potus copia corpus redundat humoribus, tunc prægrauata mens nihil spirare potest purum atque cœleste, sed uergit ad corpus, eique maxime inhaeret: tunc enim confirmatur & corroboratur, id, quod in nobis est mortale atque irrationale per huiusmodi luxum & abundantiam ciborum: ea autem pars animi, quæ rationis particeps, debilitatur atque conficitur. Hinc omnis sensuum libido ardet. Hinc cupimus, irascimur, inuidemus, gestimus, efferimur, dolemus. Hinc opes & honores, hinc & sanguinem sæpius ciuium & eadem sitimus. Appetitus enim animi ualidior effectus his ciborum delicijs, rapit nos undique per inuia & deuia, nec freno reuocantis rationis cohiberi potest. Hoc non modò nos Christiani uidimus, sed & omnis antiqua sensit Philosophia, quæ semper maciem saginæ, abstinentiam luxuriæ, inediã saturitati prætulit, omni autem studio esum carniū reiiciebat: arbitrabantur enim, quòd pinguescens corpus animum quodam modo redderet corporeum, ita, ut non possit deinceps spirare in liberas auras, perq̃ sublimia se attollere. Itaque augeri nolebant corpus; per quod impediretur iter ad mentem, ne proprio fungeretur munere in perspicendis, contemplandisque diuinis, quapropter foelicem uocabant eum, qui ad minimum ac penitus necessarium alimentum redigeret corpus, atque utinam (inquiunt) ne minimo quidem egeremus, quo statim rebus optimis coniungamur, neque ab his unquam discedamus. Vetus est, animum habere se ad corpus quemadmodum ad equos aurigam. At equos cernimus nimia carne fluentes, difficiles habere motus & multa aurigæ præbere negocia. Sic intelligi pariter datur carnosum hominis corpus ad omne uirtutis opus reddi penè inutile, nec faciliè regentis animi gubernaculo parere. Iam uerò ad sanitatem nihil melius facere probauerunt, quàm superflua in corpore non congregare. Itaque non natura alimentum ual-

lentius

De Quadrag. Ieiunio

lentius assumendum, sed id tantum, quo ipsa natura fiat ualentior. Et hæc quidem à ueteribus Philosophis habemus, qui sermonem quoque hunc uita prosequuti sunt. Nam Pythagoram, Pythagoreosque omnes, item & Aegypti sacerdotes, item & Persarum magos, item & Indorum gymnosophistas animalibus abstinuisse palam est, nolentes alienis carnibus corpus suum prægruari. Clamabant illi, ut est apud insignem poetam.

Heu quantum scelus est in uiscere uiscera condi.

Congestoq; auidum pinguescere corpore corpus.

Alteriusq; animantem animantis uiuere leto

Et cætera quæ sequuntur.

Sed ut à Philosophis discedam, ferunt eos, qui sub Saturno, id est, aureo in sæculo fuisse: quo tempore innocentia magis inter homines floruit, frugibus tantum & pomis, & alijs, quæ sponte humus funderet, uictum tolerasse: quod Ouidiano quoque carmine testatum est. Vitam ducebant tunc homines puro & simplici alimento.

Contentique cibis nullo cogente creatis,

Arbuteos fœtus, montanaque fraga legebant,

Cornaque, & in duris hærentia mora rubetis.

Et, quæ deciderant patula louis arbore glandes.

Nulla tunc erat domi altilium sagina. Nulla uiuaria. Nullæ piscinæ. Alites tantum dulcisono cantu aures mulcebant.

Et præter pennas nihil in pauone placebat.

Ostreaque in conchis tuta fuere suis.

Ferunt etiam sub Pigmalione, qui in Orientis regnauit partibus, esum carniū ignoratum. Nonne etiam homines accepimus ante diluuium animalibus pepercisse, qui tamen longæui fuerunt; ne quis fortasse putet esum carniū humanæ uitæ necessarium, ac non obsonij gratia receptum, & obsonij quidem delicatioris, quum alia multa suppeditaret tellus, quæ obsonij usum præstare possent. Persarum uictus à Xenophonte describitur, quos nihil ad panem adhibere solitos asserit præter nasturtium (herbæ id hortensis genus) nisi in uenationibus, si quam sciam cepissent ipsi uenando, & tenuissimi eorum uictus ea argumēta affert, quod turpe sit apud eos spueri & emungi, & status uideri plenos, Lacedæmoniorum mensæ, quàm tenues, quàmque efrugales fuerint, & idem Xenophon & Theophrastus, & plures alij Græci scriptores prodidere. Notæ est Platonis uox, qua uituperans Syracufanas, Italiasque mensas negat sibi placuisse bis in die saturum fieri, neque unquam pernoctare solum, quod sanè indicat Athenienses & reliquos Græcos non nisi semel epulari in die consueuisse, uel tenuitatem prandij ad cœnam attulisse: quod aperte Plutarchus in simposiacis confirmat, dum ait, ueteres Græcos in prædio panem uino tantum tinctum sumpsisse, uel quodlibet aliud, quod præ manibus erat nullo apparatu pani iunxisse. His auxiliatur Galenus

in re

in re medica post Hippocratem princeps. Is libro de tuenda valetudine, sexto, inquit, ubi meminit prandij idest, cibi antemeridiani, se nunquam eo usum, nisi ubi serius lauandum sibi esset, & tunc solum panem sumpsisse sine potu, quosdam autem asserit mella & oliuas & reliqua eiusdē generis adhibuisse, simulque potasse. Hic conijci datur, illos interdum uel nullum, uel leuem & facilem cibum coepisse. Sed Isidorus libro ethymologiarum uigesimo prandia in usu non fuisse, testatur. Et hæc quidem antiquæ frugalitatis argumenta sunt. In templo Eleusinx Cereris Hieronymus scribit Xenocrate in sequutus tria tantum præcepta inscripta fuisse, honorandos parentes, uenerandos Deos, carnibus non uescendum. adiicitque Orpheum esum carniū carmine detestatum. Dies deficiat, si singula dicere uoluerō, quæ uiri sapientes in gentibus quondam fecerint & scripserint, ut detererent homines ab edacitate. Nam medici ueteres nouique admonent, ita nos à mensa discedere, ut nulla sit sacietas cibi atque potus, sed auuiditas adhuc utriusque supersit, quò euitetur cruditas origo penè omnium morborum. Vbi enim necessarius cibus sumitur tunc planè nutrit, quoniam confici potest. At ubi superfluis aggregatur, non modò non nutrit, uerùm etiam inquinat & corrumpit, ad morbosque innumeros perducit. Quamobrem uilis tenuisque mensa sanitatis est custos, eam asserens iucunditatem, quam necesse est in bene ualido corpore morari, cui non aliud corporis bonum conferri potest. Ipsi cerre Medici primis diebus tenuissimam dietam præscribunt ægrotantibus, & hac sola sæpius grauem morbum discutere, ut dubitandum non sit, quin ea faciat plurimum ad retinendam bonam corporis ualetudinem, per quam amissa instauratur. Damnant etiam nimis plena & obesa corpora quasi natura capax uiuendi non sit, nisi habeat, in quod possit crescere, simul & quia superans materia lædit, quam detracto etiam per uenas sanguine imminuere conantur. Audietis præterea probari ab eis cibos, in quibus non sit multa superfluitas, sed mediū aut tenuis succus. Hinc placent aues non pingues, & parui pisces de petrosis eruriuulis, & tenera animalia, quorum pascua sint in desertis & aridis locis. Reliqua autem nimia pinguedine suffarcinata ex copioso nutrimento, nec sibi ipsis, nec aliis uescientibus sana esse arbitrantur. Et quoniam dictum est superius carniū esum ante diluuiū interdictum fuisse, quæret fortasse aliquis, cur factò diluuiū fuerit diuina lege concessus. Hoc discutiendum uenit, & latius quomodo id se habeat aperiendum. Adæ primo humani generis parenti, ubi diuinum miser contregisset mandarū, dictum fuit, quod in sudore uultus sui uesceretur pane suo, & herbas terræ comederet, qui si in præceptis mansisset, de arborum tantum illarum pomis & baccis uiram fuisset toleraturus, non de terræ frugibus, de animalibus nihil dictum: ex quo conijcitur esum carniū in uultu runc non fuisse, nisi postremis temporibus, quibus Deus inferre diluuiū ob scelera undique erumpentia meditabatur.

Q nes in

De Quadrag. Ieiunio

nes in omnem prolapsi sceditatem, hoc etiam addiderunt, quod animalibus interdictis uesciebantur: diluuium iam factum loquens ad Noe Deus dicit se omne, quod mouetur, tradere hominibus quasi olera uirentia, quod neutiquam dixisset, si animalibus uesci antea licuisset. Causa concedendi uidetur fuisse (quantum ego sentio) quoniam prouidebar, quod homines post uenturi non abstinere ab animalibus sicut paulo ante diluuium non abstinerant priores, ideo maluit ne peccarent concedere, quemadmodum quoque post diluuium libellus repudij propter duritiam ludæorum concessus fuit, quum antea nihil tale fuisset. Ergo indulgens cupiditati humanæ Deus esum carniū tradidit, & tanquam id parum esset, uini pariter potum eisdem donauit: Nam eo ueteres fuisse usos non constat, & illud etiam indicat quod post diluuium Noe primus dicitur uitam posuisse & coluisse, & uini deinceps uicium impudicæ iacuisse, tum quum irridere Cam uno ex filiis, alij duo mellis cogitantes intrauerunt ad eum auersi, nudataque patris scemina texerunt. Illud autem asfertur, cur uino ebrius sit factus, quia antea uir sanctissimus uini potentiam incognitam inexpertamque habuisset. At quod olim licebat assidue nulla dierum distinctione, nunc moribus nostris quandoque non licet: quanquam non omne, quod licet, idem semper expedit. Audistis quot sæcula, quot ætates, quot populi, quot uirorum ordines carniū esum rececerint, & quam uixerint abstinentes, & quantum id conferat ualitudini corporis, rectisque moribus & sapientiæ percipiendæ. Sed quid has ratiunculas, quid externa profero exempla? si quidem mos ecclesiæ, auctoritas patrum, gesta maiorum sufficere sola debent. Est hoc quidem ita. Veruntamen, ut calcar adderetur quoque currentibus, ostendendum fuit hæc eadem gentibus placuisse, nam si illi lumine tantum mentis induci exiguitatem & uilitatem ciborum probauerunt, quod magis & corpore & animo ualerent: quid nobis faciendum, qui sapientiæ cœlesti imbuti, qui maximorum sacramentorum participes effecti sumus, quibus hoc præcipue propositum est, ut Deo placeamus? quis non labor, quæ non opera sumenda, ut accedamus ad diuinæ charitatis complexum? quæ mox illis nos immortalibus & cœlestibus præmijs bearit. Deo autem placuisse ieiunia tenuemque uictum, illud ostendit, quod quum magnis editis miraculis eduxisset ludæos de Aegypto in uastas solitudines Moise duce, populum illum pascebat manna tantum cœlesti, & aquis de petra fluentibus, quumque postmodum desiderassent carnes & ollas Aegyptias, & stomacharentur super manna, tanquam leuissimo cibo, immisit illis Deus coturnices ad saturitatem, sed magno eorum malo, nam adhuc carnes in dentibus, & percussit eos Dominus (ut scriptum est) plaga nimis magna. Iterum exorto murmure contra panem illum cœlestem, renouatoque carniū desiderio, immissi ignei serpentes, qui noxio assatu multitudinem peremerunt. Helias quum fugiens Iezabel iram & minas perrexisset in desertum uiam unius diei, cumque iam ui-

tz pœniteret, & demum sub Iuniperi umbra lassus quiesceret, fuscitatur ab Angelo, cuique dicitur. Surge & comede. Respexit, & ecce ad caput eius subcineritius panis, & uas aquæ. Quid? non poterat huic Deus fercula per Angelum mittere copiosa & uoluptuosa? poterat, sed non uult ille suos talibus delectari ferculis, non etiam sanctus ille uir lautioris mensæ consuetudinem nouerat. Similiter poterat Deus, Danieli inter Leones sedenti de regia mensa epulas mittere opipare instructas: nihil fecit huiusmodi. Abacuch diligitur, qui homini ferret messorum prandium, agreste scilicet & rusticanum. Et ne sigillatim omnia enum erando sermonem nimis producā. Christus rex & regula humanorum actuum ieiunauit. Ieiunarunt, qui cum præcesserunt Prophetae, & qui mox sequuti sunt Apostoli. Ipse Paulus in catalogo laborum suorum ieiunia multa recenset. Ioannes Baptista Euangelii præcursor, quo nemo inter mulierum natos maior surrexit, tam arctè se se exhibuit in eremo, ut dictum sit à Domino uenisse eum, non manducantem nec bibentem. Et quando eremum sermone iam intrauimus, quis monachis nostris eremum incolentibus uixit districtius? quorum erant quotidiana ieiunia in pane & aqua, aut in paucis oleribus, aut arborum baccis, quorum plures sine ulla refectiōe biduum aut triduum continuum, plerique & solidas hebdomadas trans mittebant. Xerophagiam autem maxime probabant, id est non iurulentum, non uuidum, non unctum, sed siccum & aridum cibum, cui sententiæ accedere uidetur Hieronymus noster, qui fortissimum ieiunium asserit esse panem & aquam. Dicit uix potest, quanta monachorum examina id ieiunium per omnem uitam impleuerint. Ut enim reliquis uirtutibus ita & in hac parsimonix laude Christiani reliquos omnes mortales superauimus. Nemo autem dubitat, quin hi, qui sibi ieiuniū uerterunt in naturam, (obtinere autem consuetudo naturæ uicem) fuerint cæteris fortiores, atque adeo feliciores, quia maius est non egere, quàm plura habere, quibus egeas: non enim utendum alimento, nisi ut quotidiana corporis ruina fulciatur, quo remedio, qui non eget, uel leuiore eget, fortunatior censeretur debet. Quæ quum ita sint, hortor ego quoscunque, qui integra & ætate sunt & ualetudine, & quos durioris operis labor haud exhaurit, ut sacratissimum hoc quadragenarium ieiuniū Christi exemplo institutum, ab Apostolis traditum, consuetudine populorum retentum absoluant. Magna ieiunii uis ordine & ratione tolerati, ingens meritum, immensum præmium. Nullum ferè in ueteri lege ac noua arduum aliquod inuenietur opus patratum, nisi præmissò ieiunio. Nam Christus ipse, cuius nunc ieiunium effingimus imitando, non ante ad Euangelij prædicationem accessit, quàm illud ipsum ieiunium quadraginta dierum & noctium impleisset, & actione sua consecrasset. Moses lapideas tabulas duas detulit de monte ad populum Dei digito notatas, in quibus lex continebatur, sed antea tamen hoc eodem dierum numero ieiunarat. Helias quoque quum se totidem dierum ieiunio præparasset,

Q 2 uidet

De Quadrag. Ieiunio

uidet Deū in monte Oreb, audiuitq; ab eo, quid hic Helia? Multò familia rior (inquit Hieronymus) ista uox, quàm illa ad Adā facta. Adā ubi es? Illa pastum terrebat & satura: hæc ieiunanti famulo blandiebatur. Habere omnino uidetur in ieiunio peculiare quiddam quadragenarius hic numerus, quem & duo hi maximi uiri in ueteri testamento & in nouo Saluator seruauit. Sed quid non impetrat ieiunium? equidem nihil tantum arbitror, quod non possit. Nam Anna Helcanæ uxor diu sterilis ieiunio meruit, ut conciperet, atque ita uentrem cibo uacuum filio impleuit: & hoc quidem uoto unius profuit mulieris. sed ecce tibi alia mulier, quæ ut Holophernem, uniuersasque eius copias prosterneret, ieiunio se aduersus illum armauit, nec frustra, ut mox apparuit: nam uirtute unius foeminae & caput ipse amisit, & exercitus eius cæsus fugatusque est, & ciues obsidione liberati. Quid Hester, non ne ieiunans mentem Asueri regis inflexit ad elementiam & populum Hebræum iā neci destinatum seruauit, & poenam in caput auctoris retorfit? mulieres loquimur Hebræorum. Quid populus uniuersus quoties aduersus hostes pugnaturus ieiunauit, & uictoriam consequutus? Itaque quos arma superare non poterat, hos ieiunia fregerunt. Ieiuniorum pro inuito imbecillitas fortitudinem egestas copiam, paucitas multitudinem superabat. Daniel quoque dum ieiunat à cibo, obtinuit ne se ipso ieiunos pasceret Leones. Tum primum prædam suam famelica Leonum ora timuerunt. Magnum hoc beluarum illarum ferociam humano ieiunio comprehensam & edomitam fuisse, sed maius illud, quod idem ieiunium iracundiam quoque Dei aduersus delecta nostra insurgentem mitigat, & sulmen iam iamque paratum abijcere cogit: quod exemplo suo Niniuæ ostenderunt, qui ruinam ciuitatis propheticæ ore clarè denuntiata squallore, sordibus, ipso denique ieiunio uitauerunt. Similiter Acab Rex impiissimus, ut ultio diuini iudicii comminata illum transiret, & transmitteretur in posteros, ieiunio impetravit & sacco. Sed amat nos Deus. Itaque faciliè permittit se superari afflictionibus nostris & superatus gaudet. Quid Dæmones, qui humano generi inimicissimi sunt non ne ieiunio tremefaciunt, & fremebundos de humanis reuellit corporibus? nam Dominus in Euangelio ait, quædam Dæmonum genera non nisi ieiunio & oratione eijci posse. Ergo ieiunium uim habet eijciendi tam feras tam uastas, tanque indomitas, ut sic loquar, bestias; quæ enim in terris potestas, ut Dæmonum potestati comparetur? & tamē tantam hanc potestatem humile frænat ieiunium, quid æquè mirandum, quàm quòd hi spiritus nequiores, qui non edunt ipsi nec bibunt quicquam, semperque sunt ieiuni, humana ieiunia ferre non possint? Omnis igitur pietatis ratio, omnis utilitatis cogitatio ad ieiunium uocat, hoc uirtus depellit, hostes superat, animum purgat, erigit, sustollit, & in macie corporis uberiorem spiritualium faginam ministrat: hoc orationes nostras gratiores Deo, hoc uota exaudibilia reddit, hoc denique ab isto ciectos sæculo ad cœlestem illam & immortalem, & beatam perducet uitam, cuius

ius nunc quidem est imago, nam illic omnis cibus atque potus corporeus cessabit: animus autem ipse saturabitur, sed latiore & diuiniore pabulo, quàm quòd nunc cogitare possimus. Hæc non mea, sed sanctorum uiorum est oratio. Verba mea fortassis plura, sed sententiæ omnes ab illis sunt. Ego enim, qui sum? ut rigidus esse debeam ieiuniorum exactor. Nihil est in me triste, austerum, tetricum, unde enim id esset? Sed quod ego dico, illi ante me dixerunt. Nullæ partes meæ in hoc sermone fuerunt, nisi colligendi, disponendi, & more meo pronuntiandi: & tamen tantibus reliquis, qui sunt mei ordinis, ipse quoque facilè reticuissem, nisi quòd non omnino inutilem futuram operam meam credidi, si quæ de tanta hac re per uaria iacebant uolumina, ipso uno ueluti fasce substringerem, & ea uobis exhiberem; hoc feci ne uererer, hoc nouo tanque insolito dicendi genere aures uestras occupare. Sed auditorium iam dimitto. Illud tantum admonco summatim, ad quod omnia respiciunt superiora, ne pigeat castè & continenter uiuere, & ieiunia uitæ sanctioris gratia instituta, & animo & opere assidue uenerari.



MARCI ANTONII

NATTAE ASTENSIS,

DE POENITENTIA

O R A T I O.



QVVM sæpe & sæpius considero ipse mecum, atque retracto, quæ nam reliquarum gentium, nationum quæ fuerit lex uitæ, qui Dei cultus illos tenuerit, quæ religio mentes peruasctit, è regioneque; specto quæ sub Christo effulserit disciplina, legitimi itinervis dux, nuntia ueritatis, ingentium præmiorum ostentatrix, Christiani populi incredibilem admirabilemque scælicitatem cogor quibuscunque omnibus antecelle. Etenim unaquæque lex tanti æstimanda est, quanti fuerunt illi, qui se ipsos legi totos addixerunt, atque tradiderunt. At qui ut de Christianis agentes de reliquis etiam non taceamus, nullos reperio mortales, qui æquè ac illi terrena abiecerint, calcarint, repudiarint: nullos, qui petulantiam corporis, libidinem sensuum uehementius fregerint, nullos, qui deserto rerum commercio uitam nudam, atque inopem solitudini, iustisquæ; mandarint, nullos, qui spiritum crexerint ad contemplationem cœlestium gaudiorum, nullos, qui miraculorum potestate naturæ imperitarint, nullos, qui supplicia ardentius expetiuerint diuina in causa, nullos, qui tolerantius exceperint. Hæc mira & maxima, quum à nostris gesta solis magnificè quæ expleta fuerint, legem illam, quæ in tantam uirtutum segetem suos mitteret cultores: quis non Dei ore effusam diceret? quis uirtutibus militaturus uexillum aliud sequatur? Verum quoniã singulis immorari nolumus, propterea quòd sermo nimium duceretur, illud attentis paulisper animis cogitemus, quanti sit, quòd nobis eadem hæc lex æternitatem uitæ, cœlorum regna pollicetur. Aliarum religionũ iura de cœlo obmutescunt, tetram & horribilem inferorum lacunam fato sanctis proponunt, tam & si paulò amenioribus & lætioribus campis bonorum innocentiumque manes excipi uelint, hæc uulgus noueraz, reliqui pauci doctrinarum studijs exculti in uarias se diffuderant sententias: horum non nulli interire humanos animos, & extincto homine nihil superesse arbitrabantur: sed quicumque inter Philosophos habiti sunt meliores,

res, hi piorum animas corporum uinculis laxatos perumpere statim cras-
sum hoc & concretum cœlum, quod infra lunam est, & facili ac leui lap-
su ad priores artheris partes subuolare ferebant: unde ex sublimi nulla-
rum rerum indigæ spectacula caperent, mundanarum rerum sideribus so-
ciatæ. Hebræi quidem patres, quibus uera Dei lex effulserat, morte o-
bita ad inferos descensuros propalàm testabantur, quippe foribus diui-
næ aulæ nondum patefactis. Has sententias, qui nouerit, non ne maxi-
mas & infinitas habeat Euāgelio gratias, quum tanta ueris fidelibus præ-
mia polliceatur? Fac pendere nos animis de euentu sollicitos, quem re-
nondum tenemus. Illud tamen iuuat, quòd non humili ac fordida, sed
gloriosa & inclita spe ducimur: oblectar interim hoc ipsum, quod Euan-
gelium pollicetur. Quid enim pollicetur? homines Deorum numero lo-
caturum, quibus in oris? non in mundi huius, quem cernimus suprema
parte, quæ & corporea est & finita, & mobilis, sed in illo cœli orbe, quem
diuinum iubar fundit candentissimum, corpore tenuissimo, maximo
ambitu, motu nullo. Hoc in templo iustæ sanctæque animæ uoti compo-
tes, uirtutum suarum donaria Deo suspenderint. Hic tota haurient bea-
titudinis fluenta, ex fonte manantia conspicuæ deitatis. Hic immenso-
rum obruentur gurgitibus gaudiorum, conspicient nanque eum, qui solus
ueram, solus immotam æternamque possidet substantiam, conspi-
cient uerbum illud beatificum, quo condita hæc sunt omnia, quod spe-
ctaculum tantam præstabit sceleritatem, quantam nunquam cogitare po-
tuimus. Etenim si in sæculo isto luctus mœrorisque plenissimo, in hac
exule ac tenebrosa sede, magnæ nonnunquam percipi uoluptates uiden-
tur, tum animis tum corporibus, non solum à iustis & bonis, uerum et-
iam à sceleratis & nocentibus, quātæ uideri debent hæc uoluptates, quæ
beatis in oris in fulgido ueræ patriæ domicilio delectis tantum sanctorū
ordinibus ab æterno numine tribuuntur. At parua nostra sunt merita. Quid
refert? Arbores ipsæ paruo semine uberes fructus suo tempore mortali-
bus fundunt, tellus itidem obsequiosa, pauca grana paucioribus men-
sibus sibi credita reddit multiplici cum tœnore: sic uirtutes nostræ mo-
dicæ in semine ingentes edent fructus cœlesti in patria suppeditante
Deo copiamque illis suam suggerente, amplior merces fuerit officio, an
non fluxerit tunc ille multitudinem infinita donorum ob quædam benefa-
cta nostra, qui nullo hominum opere expectato ad eorū commodū inani-
ma atque animata, tam multa, tam larga, tanque feracia profudit: stultum
est credere esse aliquos, qui uberiora assequantur præmia quàm hi, qui
Deum præ omnibus coluerint, & sanctissima eius mandata custodire stu-
duerint. Non enim Deus liberalitate à quoquam uincetur, qui & dare
maxima potest & uult: idque facturum speramus & prædicamus. Ut igitur,
qui mortalis ac terreni Principis obsequuntur uoluntati, sperant se
ab illo capturos præmia, mortalia tamen & terrena, idest exigua & finia,
sic æternis & immensis præmijs ditari expectant hi, qui æternum & im-
men-

De Pœnitentiã

mensum Deum sequuti sunt: quanquam studium & industria nostra, uoluntasq; rectè agendi nihil Deo conferant, ille tamen, quasi plurimum conferent, remunerare paratus, nec quid nos suscipere, sed quid illo dignum sit tradere, maxime animaduertit. Sed ecce de dignitate Christiani nominis, & de supernorum ciuium gaudijs dicentē & plura dicere parantem, repēte ab orationis meæ cursu repressit mulier oculis oblata mentis, squalida facie, lugubri palla, deiecto crine, fluentibus oculis. Hanc ego intueor attonitus, uos nondum uidetis, quæritis de me, quæ nam ea? quo nomine? unde sit? Dicat ipsa. Pœnitentia uocor inquit, iustitiæ proles, erumnæ ac doloris comes, ad cœlum, quod ostentas dux. Beatus Ioannes Euangelij antesignanus propinquantē iam fidelibus cœlesti regno me populis prædicaui. Me postea Dominus in carne ueniens sermonum suorum fecit initium, & ut à me cœpit, ita in me quoque terminauit, iubens Apostolis, ut pœnitentiam in omnes gentes prædicarent. Me Apostoli iussa Domini implentes lætè susceperunt, & undique uocibus suis insonuerunt. Me sanctus omnis uir, & quoque quisque sanctior, eo magis dilexit. Terreor (inquam) specie hac tua tam misera tamque lugubri. Ne terrearis inquit, nam ad illa læta & festiua ueniendum est per grauia hæc atque aspera. Magnus Christiani hominis honos est, ut à te dictum est. Magna dignitas, sed Christiani gementis, suspirantis, afflictantis se, & ut breuiter dicam, pœnitentis: demū sic habeto, quod quicumque uirtutis studio, uel delendi peccati gratia horrida quædam & dura suscipiūt, maxime esse commendandos, quia id rectè fiat. Sin autem malè fieri dicunt, quia laboriosè, reuocandi sunt talia opinantes, ut uideant leuissimorum laborum ingentem mercedem. Sic forsitan commouebuntur, & de sententia discedent, meque libentissimis animis aduocabunt. Audistis, quæ nam hæc sit mulier, quid uel loquatur. Nutu nunc significat, ut sui præconium faciam, & se uobis oratione conciliem atque commendem, ut deinceps uos bene cognitam studiosè recipiatis. An non uobis quoque uidetur hæc digna studijs nostris? digna, in qua operam diligentiamque omnem impendamus? Non enim pœnitentia cogitanda solum, aut prædicanda, aut exterius simulanda, quorum unum ignauorum hominum est, alterum uanorum, tertium fraudulentorum, sed ut Christianum decet, uerè & fortiter opere implenda. Rectè & sapienter humanis corporibus prospexit Deus; Ille quoniam inualida hæc essent & imbecilla, & in uarios prona morbos, medelas esse uoluit, quibus amissa ualētudo instauratur. Idem in animis effecit, quos quū cerneret, præsentium rerum illecebris delinitos, uitia ueluti morbos quosdā capturos, eisdem medicinæ loco pœnitentiam indulsit, quæ sanaret & restitueret tam & si inter uitia animorum & corporum morbos ualde intersit, propterea quod hi ingruunt inopinatò, & naturalibus de causis. Vitia uerò non nisi uoluntate contrahuntur, quum rationem de dominatu dei ieiimus, appetituique parere cogimus, non minori prodigio, quàm si intra nos beluam, & hominem

alere.

aleremus, & homini belus imperitaret. Veruntamen eam uim poenitentiz esse uoluir summus ille ac Clementissimus parens, ut omnem fraudem ac malitiam impiæ mentis exhaurire queat. Non est aliud poenitentia, quàm animi dolor ex peccatorum recordatione sponte susceptus. Si doleamus uerè animo peccasse, utemur animi dolore eam ad rem, cuius causa mortalibus illi concessit Deus. Non enim ob aliud concessit, nisi ob delenda peccata. hoc sic licet considerare. Credibile est Deum humani generis parentem non contulisse hominibus mordacem animi dolorem, nisi ut remedium quoddam. Remedia uerò inuenta esse dicendum propter eos morbos, quos curare possunt: non propter eos, quos non possunt. Veluti si unguentum quoddam ualeat duntaxat ad sanandos oculos, meritò dicant omnes id solummodo consecutum fuisse propter oculorum morbos, non propter stomachi aut iecinoris, aut alterius membri imbecillitatem. Transferamus id ad dolorem animi, mœsticiam, tristitiam, ægritudinem (ut eandem rem pluribus notem uocabulis) ubi inuenerimus, quòd ea nihil aufert cæterorum, quæ grauiora existimantur, unum duntaxat peccatum corrigit, certum erit ad huius sublationem tantummodo datam. Quid hic ostendam calamitates humanas non posse mentis mœrore extinguì? notius id quàm, ut dici debeat. Ecce tibi mulctatus est pecunia aliquis, affixit se & luxit diutius, num ideo mulctam emendauit? amissit ille filium, contristatus est, num mortuum suscitauit? flagellatus est alius, uel alapis cæsus, doluit, num contumeliam reuocauit. Correptus est quidam podagra, calculo, uel ardenti febre, propter quod concidit animo, & in grauissimo mœrore uolutatus est, num morbum sustulit? tantum abest, ut sustulerit, ut difficiliorem etiam reddiderit. Nihil igitur in his proficit animi dolor. Vbi autem proficit? In peccato, ubi quis affligatur, conqueritur, ingemiscit, quòd unquam auerterit se à Deo, & maximis sempiternisque bonis exigua & caduca prætulerit: ideo tunc assumendus tanquam ad hunc unum usum datus: nam aliis in causis frustra suscipitur, & nihil plus affert, nisi quòd auget calamitatis molestiam. Hanc uoluit uim doloris nostri esse Deus, ut per eum calamitas peccati, quæ est omnium maxima, auferatur. Non cum etiam, qui perirendi causam sibi præstiterit post regenerationis lauacrum, perire uult, sed uiuere respicientem. Damnentur igitur ab homine omnino peccata, ne pro peccatis homo ipse damnetur. Est baptismus quidem criminum omnium euerriculum. Verum quoniam hic iterandus non est, poenitentiam supposuit Deus, ueluti alteram in peccati naufragio tabulam, qua nixi euadamus. Audite quid Dominus Ezechielis uoce loquatur. *Viuo ego (inquit) Nolo mortem peccatoris, sed ut conuertatur & uiuat. Satis erat Deo affirmare pro salute nostra, quàm benignus esset. Ille etiam addidit iuramentum, quò magis impellat, ut credamus, & conuertamur ad salutem, nec in peccatorum sorditate iaceamus. Multis aliis diuinæ scripturæ locis clamat Deus. Conuertimini ad me. Agite poenitentiam,*

De Pœnitentia

tentiam, lugete præterita, caute futura, dimittam crimina, non recordabor amplius iniquitatum ueststrarum. Quid plura? id peti tanto studio, & tam crebro, & sub his attestationibus & pollicitationibus, ut parum absit, quin roget: & tamen si rogari expectamus, rogat nos pro eo Apostolus Paulus unus ex principibus cœlestis aulae. Ille scribens iterum ad Corinthios: pro Christo (inquit) legatione fungimur tâquam Deo exhortante per nos. Obsecramus pro Christo, reconciliamini Deo. Ecce quomodo iste, ut Dei legatus rogat de reconciliatione. Quanta hæc lenitas? Homo ubi læditur ab alio homine, excandescit, fremit, indignatur, non uult prior de reconciliatione uerba facere, sed aduersarii putat has esse partes, ut ad reconciliationem prouocet, & prouocatus sæpius non audit anhelans ad ultionem: Deus autem offensus ab homine uocat primus ad reconciliationem, misericordiæ ultro pandit sinum, obliuionem pollicetur præteritorum: ne sic quidem audimus, nolumus ad meliora conuertri. In nullo penitus errare ac falli cuncta exactissime prospicientem Dei solius est: at crimina effugere, præsertim grauius, hominis etiam esse puto auxiliante Deo. At non effugitaliquis, imò deliquit, non miror hoc. Video Angelos quoque peccauisse, dum improbiſſimus ille dixit, Ponam sedem meam ad aquilonem & cætera, & multos habuit sequentes. Si peccatum in cœlo, quantò magis in terra? Si delictum in his, qui solo uigent intellectu, quantò magis in nobis, qui sensum illecebris corporæque uoluptatis suauitate titillamur? quorum mentis acies carnis onere obtunditur & prægrauatur? Itaque non miror ego (ut dixi) si deliquerit homo, sed illud mirabor potius, atque adeò molestè seram, nisi deliquisse pœniteat: corrigat igitur dolore delictum: id enim homo ab homine petere potest, adeò tam ualde humana res est pœnitudo, potest aliquis, qui culpæ arguitur, dicere se non peccasse: sed si peccauerit, nunquam dicet non esse opus pœnitentia, quæ sola remedium peccati est. Etenim quicumque in peccato impudenter perseuerat, non tam in cauendo miser est, quàm in iacendo post casum. Nulla expectentur hæc in re scripturarum diuinarum testimonia, hoc ipsum natura humanis insculpsit animis: nihil nouit, quem huius rei notitia deseruit. Loquitur per Eſaiam peccatori Deus. Quando conuersus fueris & ingemueris, saluus eris, & scies ubi fueris. Quid est hoc? scies ubi fueris? nisi quia peccantium mens tantis obruitur tenebris, ut ignorent miseri quantis in malis uersentur. Si qui tamen ea uident, non clarè admodum uident, tunc perfectè intelligimus ægrotationis mala, ubi sanitas est consequuta, collatio unius ad alterum clariorem rei cognitionem præbet. Veruntamen quis habens aliquid hominis non intelligat, quàm fordeat peccatum, quàm sit scœdum, & quantùm coinquinet humanum animum. Veteres Philosophi lumine tantùm utentes mentis, nihil in omni uita pertimescèdum hominibus prædicabant, præter unum peccatum. Cætera, quæ uocantur mala, uel exigua, uel nulla esse arbitrabantur. Quanto hoc nos diuino

diuino instructi eloquio ualidius sentiemus? peccatum nanque ad uitæ deducit interitum, Dæmonum iungit consortio, & à sanctorum societate diuellit. Itaque hi moerent, illi exultant, quin etiam (si fas est dicere) sancta & indiuidua Trinitas in hominis peccato tota commouetur, quando dignissimum illud simulachrum Maiestatis suæ humanis iniustum mentibus scelere sentit pollutum, Etenim pater uirtutem subducit & fortitudinem, filius sapientiam, peccatoremque rueri sinunt in deteriora præsidio omni nudatum, hoc etiam amplius filius, quod passionis suæ fructum & ecclesiarum merita non sustinet illi ualere ad salutem: Spiritus uerò sanctus, quàm celeri se aufert gradu, ubi humani pectoris sedem, quam incolebat, è sanctitatis templo in scelerum officinam uerti conspiciat? quomodo ergo quisquam uiribus humanæ naturæ, quæ imperfecta est & mutila & imbecilla, quicquam aggredietur maius? quomodo confidere sibi poterit desertus à Deo? Nocuit Angelis peccatum cœlesti in regno collocatis. Nobis in hanc humilem & luctuosam detrufis uallem non nocebit? At hoc ipsum, quod huc tam miserabiliter detrufi fuimus è sublimi illo & florido habitaculo, primi parentis uitio, qui diuinum mædum confregerat, satis admonet quantum ueneni sit in peccato: si enim alienum peccatum, quod in ipsa pallulauit humani generis radice, tantum nocuit, quantum proprium, quod sibi quisque sponte contraxit, nocebit? Tantum autem nequitix & uirus est in hominum peccato, ut propter ipsum & tectis, & urbibus, & agris, & arboribus, & animalibus perniciem inferatur. Si cui hoc uideatur incredibile, meminerit obsecro diluuij sub Noe facti, quod dum immitteret Deus ab hominum iniquitatem, perdidit uniuersa, quemadmodum fuerat comminatus. Quanta enim tunc omnium rerum desolatio consequuta sit, quanta illata calamitas in omnem terram, quis non uidet? nam & deletæ urbes, & tectæ, & fruges, & arbores, animaliaque cuncta cœlestia atque terrestria: ea duntaxat seruata, quæ unius patrisfamilias studio, diuino iussu in arca conclusa fuerunt. Sed & illud ostendit brutis quoque animantibus perniciem inferri, ob hominum delicta, quod Deus protulit ad Ionam, qui nimis indoluerat, non euerit Niniuem quemadmodum prædixerat. Nam argumento dominus sumpto ab eo, quod circa hederam contigerat. Tu doles (inquit) super hedera, in qua non laborasti, neque fecisti, ut cresceret, quæ sub una nocte nata est, & sub una nocte periit, & ego non parcam Niniæ ciuitati magnæ, in qua sunt plusquam centum uiginti millia hominum, qui nesciunt quid sit inter dexteram & sinistram, & iumenta multa: Et iumenta (inquit) multa. Cur? nisi, ut ostenderet ea pariter cum hominibus peritura, si non scelerum poenitentiam egissent. Illud porrò quale est contrahere peccando offensam in tantam tamque insuperabilem potentiam? Si plebeius quispiam uirum alicuius nobilitatis, potentis, famæ, sui amantissimum, iniuria uiolasset, quas sollicitudines animo? quas molestias perferret? ne opprimeretur inimicis susceptis à po-

De Pœnitentia

rentiore, atque etiam nullo huiusmodi instante metu, si hominis adhuc aliquid in eo esset, amicitiam discissam doleret, quereretur communes amicos, per quos rediret in gratiam, supplicaret, ipsius etiam, quem læsisset uultum subiret, genua amplecteretur, petens errato ueniam. Nunquam flagitio suscepto de pectore auerterimus, fugauerimus, dieicerimus, elementa cuncta moderantem & bonorum omnium largitorem Deum, nihil curamus, non commouemur? Hæc maxima nobis debet esse pœna, hoc uehementer nos urere, quòd tantam Maiestatem, sapientiam, bonitatem læserimus. Ille Poëta, qui nescio quid in Augustum Cæsarem peccauerat, & ob id in Pontum relegatus fuerat, nonne illud protulit?

Maxima pœna mihi est ipsum offendisse, priusque
Venisset, mallem funeris hora mihi. Et iterum idem.

Nulla quidem sanæ grauior menti quæ potenti

Pœna est, quàm tanto displicuisse uiro.

Nos quis sit offensus, non cogitamus, quod maximæ pœnæ loco esse debebat. Possumus ne id negligere? Eïto, si non aliæ quoque immensæ & æternæ pœnæ à tergo imminent sceleribus nostris debitæ: has (ut uidetur) ne respicimus quidem, & (ò rem miseram nobis Diabolo quæ gratam) malumus in naufragio deprehensi culpæ, tartari inuolui gurgitibus potius, quàm pœnitentiæ tabulam retinentes, uicinam aliquam rupem natando petere, ubi locati peccata, ueluti falsos fluctus à pectore reuomentes spem salutis teneamus. Nihil tam odiosum esse potest Deo, quàm contumax ceruix, non insediens se ad dolorem peccati, & eo odiosior, si peccatum etiam ipsum diligitur. Primum quidem omnium inoffenso cursu uitam transmittere in omni sanctitate ac probitate. Proximum corrigere, si in quopiam offensum fuerit actitubatum. At flagitium tueri, perseuerare quæ in eo; deterrimè, quod malè cœperis, iam istud non est tertium, sed extremum malorum omnium & propriæ salutis demolitio, tam & si istis secus uideatur. Sunt autem nonnulli, quos pœnitet secus uixisse, quàm decebat, sed ad breue quoddam tempus: nam intermissa uitia ardentius non multò post repetuntur, unde egressi fuerant eodem reuertuntur. Quid ita? quia non acerrimo peccatorum odio tenebantur, nec satis illos Zelus Dei momorderat, uerissimum quæ illud, quod est apud Poëtam nescio quem. Malè sartam gratiam, ne quicquam coire. Quæ hæc enim hominis conciliatio ad Deum, quæ tam infirmis nixa radicibus tam citò diuellitur? Ecce tibi alij, qui differunt in horas pœnitentiæ tempus, quasi in eorum manu sit, quàm diu uiçuri, aut quo mortis genere perituri, aut etiam tutum sit in extremo uitæ halitu pœnitentiam inducere, quæ necessitate ipsa moriendi coacta & expressa uidetur, tanquam peccata magis deferant, quàm deferantur. Non enim potest anima humanis in labris existens libidines suas saturare, minus etiam ignibus proiecta sempiternis. Quid autem differimus in crastinum incertum, quod

quod hodie tuto licet? At uita longa erit, Ipsa longa bona fit. Cur enim diu in malis uersari uolumus? utique si longa erit, commendatior fuerit diuturnitate bonarum actionum, si breuis cōtigit, benefactum, quod ad uirtutem celer facta est conuersio. Multos ante canitiam, quam sibi promittebant, subita mors oppressit. Inde propria illos iniquitas tradidit Indici, Iudex ministro, minister, in carcerem. Non est sapientis facere cras, id quod si etiam heri fecisses, nimis serum fuisset: non dominamur crastino, nunquaque nitæ diem, ut postremum obseruare conuenit: & si non sit, quia esse potest: quamobrem, qui heri malus fuit, prosit sibi, quodd hodie uiuens possit fieri bonus, crastinum non expectet: primò quia forsitan sibi non illuxerit, nam ne illud notum quidem quid uespera secum ferat. deinde illud meminerit fuisse plures, qui dum assidue dicerent cras cras, tamen illud cras nūquā illis fuit inuentum, aut ad eos uenit tanquam in extremis terræ regionibus hæretet, aut alicubi longè esset petendum: quò enim quisque diutius progreditur in peccatis, arctius premitur ob longiorem peccandi consuetudinem. Frangenda sunt scmel hæc uincula.

Sed propera, nec te uenturas differ in horas.

Qui non est hodie, cras minus aptus erit,

Vt præclare Pelignus cecinit Poëta. Item alius Poëta dixit:

Non bene distuleris, uideās quod posse negari,

Et solum hoc dicas, quod fuit, esse tuum.

Fatemur uberem esse misericordiam diuinā, nullo excludi loco aut tempore: nunquam neque frequentia peccatorum neque peccantium multitudine delassari. Videndum est tamen, ne tanta lenitate abutamur, ne mora temporis, quæ ad salutem data est, frustra teratur, & difficultas respiscendi augeatur, aut supremus subito aduentet dies, qui non expectabatur. At sunt, qui illud proponant in latrone, qui à fauce itinēris aulus in crucem cum Christo pariter actus est, seram fuisse poenitentiam, nō tamen seram ueniam. Cur enim uenia esset, aut diceretur, si uocata non ueniret? Nolite uos met quæso istis consolari. Fuit enim nouo more actū illud, ut Christus à uiuentibus destitutus discipulum morientem moriens & ipse inueniret; nouo quodam genere poena cœpit in latrone, & consummatur in Martyre. Et diuinam quidem ueniam aduentare semper poenitentibus confido: sed uidendum est, an uerè poenitentes habendi sint hi, qui ad extremum usque spiritum pertrahunt emendationem culpæ, quo tempore non peccata magis hominibus, quàm homines moriuntur peccatis. At quomodo leues quidam uidentur diuinæ nimis pietati confidere, sic contra reperiēs, qui conterriti criminibus incipiant diffidere. Superiores spe ueniæ audacius peccant, isti audacia peccatorum ueniam desperant, sed nihil æquè fugiendum quàm desperatio: quoniam & summo animam affligit dolore, & Deo multum ingrata, cuius & natura misericors, & benigna uoluntas, & indulgentiæ sinus redeuntibus paratus.

Hæc

De Pœnitentia

Hæc autem quo uobis exemplo probaui? Sumam Apostolum Iudam hoc enim nemo nobis notior futurus est: quis enim negauerit pœnituisse criminis Iudam, qui pecuniam refert, fatetur peccasse se in sanguinis iusti traditione. At non resipiscencia erat illa, sed furor quidam potius cæci doloris. Videtur Diabolus, qui cor eius antea apprehenderat, ab eo paululum diuertisse, & locum dedisse criminis agnoscendi: uerum sicut muralis machina retroacta ualidius obuia disperdit, sic tali mercede Diabolus deseruerat, ut duriori peccato regrediens illigare. Nam agnito crimine præsto iterum illi fuit, & tristitia abundantiori absortum ad nullam spem ueniam impulit. Ergo desperans, & sibi ipsi nimio plus displicens laqueo guttur strinxit, & spiritum, quem claudere uidebatur, exire coëgit. Sic uitam scelestus profudit, & eo deterius factum, quod corporis morti grauiorem animæ interitum addidit. Magnum omnino crimen, quod liberalem in se Dominum & amantem sui magistrum tam multis antea beneuolentia significationibus editis, hostibus prodidit nummulis correptus, sed non eo cōtentus auget malè coëptum facinus eodem impellente Diabolo. Nunquam enim se ipsum de spe diuinæ misericordiæ omnino deposuisset, nisi illum antiquus hostis more suo circumduceret, priore facinore iam captum. Negauit Iudas omnino Deum ulla pœnitentia placari possentanto in crimine, & diuinam misericordiam uelut angustiore accusauit, tanquam latitudinem omnis peccati exorbere nequiret. Si quem igitur tenet ob multa magnæque delicta desperatio ueniam (potest enim id contingere) hortor ego, ut sanctos & religiosos adeat uiros, omniaque cum illis conferat, uidebit eorum lacrymas, preces pro se suas audiet, ex hominū miseratione, qui secum in peccatis colloborarent, quàm latior sit illa Dei, discere poterit, animum spe meliorum eriget, quod non fecit Iudas, qui gessus suos uertit ad Phariseos, ad consortes delicti, à quibus contemptus & reiectus confugit ad laqueum, scelus quod corrigere sanctis actionibus oportebat, ultus est scelere, ne illam sibi quidem ueniam dedit, ut uiueret, quia nec à Deo desperabat. Sed neminem uestrū credo tantum desperatione mortem cogitare. Illud potius aliquis secum uoluit. Quandoquidem plus deliqui, quàm ut mihi ignosci possit: fruatur uitæ huius uoluptatibus, ne amittam hoc sæculum, quod teneo, & illud aliud, quod credo: uiuam nunc ut uolo, pascam meas cupiditates. Iniquus sermo, detestandus, hunc alterum potius asseruat præclarum & salutare. Equidem grauius me habeo de sceleribus meis, sed ad quem confugio? nempe ad Omnipotentem, ad beneficentissimum medicum, coram quo nullus languor consistere potest: peccator sum teterimus, at pro talibus Christus est mortuus: quid ueniam desperem, quam ille crucifixoribus suis patrem exorauit? Ego animo quandoque proteruo patet atque oculis indomitis fui, erraui, lapsus sum, pœnitent, ueniam peto, si nemini id pollicitus, arroganter peto, sin omnibus, quicunque ueris cum lacrymis ad te suscipiunt: erige iacentem, porrigere dexteram, quam

quam spondidisti, dexteram (inquam) hanc tuam ceteris rebus inuictam, solo peccantis gemitu superabilem. Hæc esset oratio uerè se affligentis, & grauiter pœnitentis, propterea, quòd Deum ualde offendisset, & præcupiditate temporalium horum & exiguum bonorum sempiterna illa & immensa gaudia deseruisset. In peccatis (inquies) omnem contriui-
 tatem. Si pœnitentiam egero, putas, saluabor? Valde. Vnde hoc mi-
 hi liquet? ex multorum exemplis, qui quum grauissimè deliquissent, ad
 pœnitentiam conuersi, pristinam recuperarunt gratiam & habitudinem.
 Dicamus de uno Dauide plurimis noto. Ille adulterio iunxit homici-
 dium; geminum crimen & utrunque magnum, quod etiam augetur ex
 persona eius, quia talia patrauit. Erat enim Propheta, multa iam præ-
 dicta efferat, multis à Deo fuerat beneficijs cumulatus, nec tum ado-
 lescens, sed in grauiore ætate constitutus. His adiicitur, quòd adulteræ
 maritum idest, iniuriam passum, quòd amicum, quòd pro eo in acie con-
 tra hostes stantem interemit. Ergo siue crimen, quod commissum est, si-
 ue uirum, qui deliquit, siue eum, in quem peccatum fuit, inspicimus,
 grauissima hæc omnia illa in causa fuerunt. Attamen quum hæc essent,
 sperauit ille sibi posse ignosci, luxit & affixit se, uidit ad uirtutem redi-
 tum patere, uidit etiam lapso ad meliora mutationem concedi, non esse
 immutabilem malitiæ conditionem, nec immitem & esserum esse eum,
 cui pro uenia supplicandum esset: nec uana hæc eius cogitatio: nam quò
 audisset à Nathan Propheta, quàm ualde illa faciens peccasset, agnouit
 peccatum, doluit & reconciliatus est Deo. multi alij commemorari pos-
 sunt, quibus pro eo quòd seuerunt, moesti fuerunt, cilicium induerunt,
 dimissum fuit peccatum: sed protrahatur nimium, si id faciam, sermo.
 Non igitur peccatoribus intradabilis Deus, non inexorabilis. Amplius
 aliquid dicam, in medio eius furorè teneri potest. Nam quum Hebræus
 populus uitulum sibi aureum conlasset, & sacrificijs & alijs cæremonijs
 coheret, dixit Deus famulo suo Mosi in monte coram eo stanti. Valde &
 descende: peccauit populus tuus, amare dictum populus tuus, quasi di-
 ceret, non iam meus, & continuans sermonem. Dimitte me (inquit) ut
 irascar & deleam populum istum. quid est hoc, dimitte me? quis est iste
 tam magnus, tanque ualens, qui uim irati & furentis Dei non modò su-
 stinere, sed etiam coercere possit? & tanquam in occursum illius ueniens
 frænare. Certè preces lacrymæque seruuli impediabant, ut sibi uidere-
 tur Deus tanquam ualentioribus uiribus & lacertis confictus teneri, ne
 quò irrueret, ne impium populum perderet, meritaque morte mulcicaret.
 hinc illa uox, Dimitte me: at non dimittebat ille, sed largiores adhuc fun-
 dens preces & magis se prosternens arctius tenebat & coarctabat. Aut di-
 mitte eis hanc noxam: aut si non facis, dele me de libro uitæ. Videte
 quàm ardens fuerit orantis affectus, ut diceret malle se cum illis nisi igno-
 sceretur, perire. Sunt autem nonnulli, qui rem coniectura huc trahant,
 & ita interpretentur Deum querentem quomodo ad misericordiam se in-
 fleceret,

De Pœnitentia

ſpectaret, interpeſſaſſe Moſem ſilentio coram aſtante, ut dimitteret ſe ad ultionem iam paratum, quò ſcilicet Moſes anſam ſermonis arripiens pro populo ſe proſterneret & ſupplicaret: quod faciunt quoque interdum patresfamilias, qui nolentes filios uel ſeruos acerbis punire, admonet ſeorſum amicos, ut delinquentes de ſuis manibus eripiant, & pro illis ſupplicent, quò in iſſis timor creſcat ſupplicii, & flagelli dunties mitigetur. Sic ſibi ipſi miſericordiæ occaſionem quaſiuit tunc Deus. Nolens nanque nimia indulgentia relaxare populo licentiam iterum peccandi, oſtendit noxam illam Moſis precibus condonatam magna ex parte fuiſſe. Viſque adeò Clemens eſt ille, ut propter iuſti alicuius merita multorum peccantium miſereatur, nam dixit ad Hieremiam. Circuite, & uidete uias Hieruſalem, & quaerite in plateis an inueniatis uirum, qui faciat iudicium & iuſtitiam, & propitius eius fuero. Quin adeò mouet undique omnia & quaerit Deus, ut à pœna liberet, ut ſi neminem inueniat uiuentium, cuius meritis condonare queat aliorum flagitia, confugiat ad defunctos, & per illos aſſerit ſe remiſſurum peccata, quemadmodum dixit Ezechia. Protegam ciuitatem iſtam propter me & propter Dauid puerum meum. Quod ſi in tanta facilitate Dei & clementia Moſes tunc non fuiſſet, ſed alienis, non paucorum, ſed multitudinis peccatis ignoſci obtinuit, idemque poteſt unus aliquis iuſtus, non ſolum uiuus, uerum etiam mortuus. Quanta ſpes hinc eſſulgeat unumquemque pro ſe met ipſo placare atque exorare coeleſtem parentem poſſe. Scriptum eſt, ſepties in die cadet iuſtus & reſurget. Videte quomodo ne iuſti quidem nomen amittit, qui poſt ruinam reſurgit: nec moueat quenquam quòd ſcriptum eſt ſepties, nam ſeptuagies etiam ſepties delinquenti, ſi ingemuerit, peccata condonantur: firma amicitia eſt, (ut dixit quidam) idem uelle atque nolle. Quamobrem ſi peccatum noſtrum nobis diſplicet, hoc ipſum nos conſiſgit Deo, quoniam id, quod illi, idem quoque nobis diſplicet. At qui bus placet, amant id, quod odit ille. Sed non impune ferunt. Primum ipſius impietatis maculam (quæ grauiffima eſt pœna) ſuſtinent. Nihil ſordidius, nihil horribilius, nihil deformius peccato. Sin autem peccantes non ſentiunt, hoc aliud eſt ab eo, quod nunc ago. nam & ſi non ſentiunt, non ideo minus ſequetur eos peccati ſœditas: tantum autem abeſt, ut ſœlicitas ulla ex parte eos contingat, quia non ſentiunt, ut ſint eò inſœliciores, quò ſentiunt minus: nam nec in furore poſitus ſentit furorem, & eò minus ſentit, quò furit magis, ſed fac reſipiſcentem, agnoſcet deformitatem, & eius pudebit. Verum furenti ignoſci poteſt, quoniam furor inuoluntario contigit corporis uitio: non ſicut peccatum, quod animi uoluntario motu contrahitur. Exiſtimetur recto iudicio peccati ſœditas, grauior uidebitur, & intolerabilior, quàm omnis pœna, quæ inſiſgi queat corporibus. Hinc poëta ille, quem ſuperius docui ad Ponti hoſtia relegatum ob offenſum Auguſtum, reſpiciens ad peccatum ſuum clamabat.

Pœnitet ò si quid miserorum creditur ulli,

Pœnitet, & factò torqueor ipse meo.

Quumque sit exilium, magis est mihi culpa dolori.

Estque pati pœnam, quàm meruisse minus.

Sic agunt quicunque considerant, quàm scèdum sit à ratione discedere, & pauls innecti cupiditatibus: urit eos quàm acerrimè suo nomine impietas & criminis turpitude. Veruntamen si qui sunt, qui hanc contemnant, quia non intelligunt, (quis enim possit intelligens contemnere?) supplicia illa ad sensum manantia, quæ morte obita persoluent, re immensa; loco acerba, tempore infinita, nunquam, ut opinor, contemnent uel eludent, quanquam etiàm sceleratos plerosque præsens pœna diuino iudicio inflicta apprehenderit, quod temporà nostra, ut scelerum, ita & pœnarum scècunda nimis quoque testantur; ut nulla urgeat necessitas annales euoluere, & hac in re tanquam ignota uetustatis uti exemplis. Sed parua huius temporis caduci pœna, si quidem posteriori conferatur aeternæ. Equidem initio orationis meæ posui de præmijs celestibus quædam, sed tamen ut scitis, duobus locis censentur receptacula animarum post mortem (ut omittam de purgatorio interim dicere) longè inter se distantia maximeque contraria, quorum unus ubi piorum iustorumque animæ degunt, supra omnia mundi corpora locatus: alter, quem facinorosi & nocentes incolunt, profundissimam sedem idest, medium terræ, quod centrum uocant, obtinet. In supremo loco uirtuti & pietati pulcherrima præmia. In infimo sceleri & maleficio acerrima supplicia persoluantur. In supremo bonitas Dei affluit. In infimo iusta ultio sonat. In supremo admirabilis lux effulget. In infimo dēfissimæ tenebræ inundant. In supremo atrium suum Deus. In infimo carcerem locauit. In supremo latissima Angelorum: In infima scēdissima Dæmonum sociæ agmina. In supremo pax, amor, charitas, tranquillitas. In infimo odiū, ira, discordia, formido. In supremo gaudium, lætitia, uoluptas. In infimo luctus, mœror, ægritudo. In supremo denique nihil desideratur, quod non inueniatur. In infimo nihil inuenietur, quod desideretur. Nos igitur, qui uiuentes peregrinam hanc incolimus sedem, in medio positi, deligere possumus sursum ne an deorsum post mortem seramur: nam defunctis misero & fatali uitæ huius cursu salua sunt crimina: nisi quæ pœnitentiæ uis deleat. Itaque si pœnitentiam apprehenderimus, ubi ex his locis euaserimus, optimum & iucundissimum; sin aliter, teterimum & infestissimum domicilium nanciscemur. Non est quod quicquam deinceps irascatur Deo, quod in tam infesta supplicia dimittatur: Deus nanque uult saluos fieri, maxima nobis ostendat præmia, & quantum in ipso est, dare paratus. Quod si nos met ipsos his indignos iudicamus, dum malumus illo contempto ad peccata desistere, nec malè etiam gestorum pœnitet, conspicua tunc redditur Dei bonitas & nostra iniquitas: liberos creauit, & ut liberis legem amoris sui præscripsit, quam

De Pœnitentia

non implentes meritò pleamur. Minatur Deus æterna incendia, flammarum flumina, fœdissimum carcerem, indelebiles conscientia morfus, infestissima supplicia, nisi cauerimus. O maximam humani generis curam. O amantis Dei uocem. Nemo incitatus odio in aduersarium & percutere uolens clamat, caue caue, hæc uox eius est, qui inuitus descendit ad plagam, & mallet, si fieri posset, parcere: hoc exhibet hominibus Deus, iam tanto ante sanctissima scripturarum uoce denuntians, in quæ detrulerit acerba, nisi nunc cauerimus: quid ita? quia inuitus percutit, & molestè (ut sic dixerim) fert, quòd illum peccata nostra in pœnas ire cogunt. Ne igitur cunctemur. Nunc tempus est uenia obtinendæ, dum hunc spiramus aërem, & actionum nostrarum Domini sumus. Vbi uerò hinc migrauerimus, non plus iuuabit pœnitentia, quàm medicina ægrotantem mortuum, & ars gubernatoria fracta iam nauì submersum. Trahemur illuc ubi nec finis, nec modus ullus fuerit suppliciorum. Ille parens generis nostri in floridum illud Paradisi habitaculum inductus, propter unum utique delictum illinc detrusus, & tantis obiectus malis, quanta nunc cuncta eius sentimus posteritas. Nos uerò, qui amplioribus digni habiti sumus honoribus, quibus iam apertum est cœlum, quibus concedita hæreditas cœlestis unà cum unigenito filio, quam ueniam sperare possumus, si non modò delinquimus, sed ne delictorum quidem pœnitet: Adæ tunc dictum fuit, Terra es, & in terram ibis, & terram operaberis. Nobis uerò nunc, ex Euangelio non illa priora, sed exteriores tenebræ, insolubilia uincula, inextinguibilis uermis, indelebiles lacrymæ, horridi dentium stridores, igneæ fornaces proponuntur. Et merito quidem: nam qui inter tanta beneficia meliores redditi non sumus, iure summa illa & extrema tormenta experiemur. Deslenda hinc igitur peccata, ne alibi interminatam pœnam desleamus. At durum est cupiditates suas relinquere, tradere se lucibus, terrena despiciere, castitatem & ieiunia sibi inducere, eleemosynas nonnullas elargiri, quid ais? hæc dura & graui sunt, imò facilia ac penè mollia, si cogitare uoluerimus, quæ subeant homines, ubi pro capitis reo petitur, Imperator ut ignoscat, pecunia profunditur, maria transmeantur, procellarum incerta subeuntur, hi & illi blanditijs, precibus, muneribus, ut faueant, appellantur: timemus etiam inimicos ne id audiant & quouis modo rem impendant. Supplicatur deinceps per homines homini, & tamen incerti sumus an ille succedat, & ut bene succedat, mors corporis ad breue quoddam tempus uitatur, & hanc animi abiectionem multi contemnent. At è dignitate hominis est prosternere se Deo, & supplicans miser ille saltem certus est de indulgentia peccatorum, seque per eam assequi perpetuam animæ salutem, quod uel ipsa corporis morte rectè emeretur. Breui etiam res conficitur sine pecunia, sine impensa, sine rescripto, sine alterius impedimento. Deus etiam ubique adest, & præsens est, ne quis fortè dicat, non possum petere ueniam à Deo in Oriente, quia ad Occidentem profectus est,

est, aut non possum in Occidente, quia in Oriente uersatur: omnem implet ille locum, ut non sit necesse huius rei gratia tibi de loco decedere: ac ne illud quidem dicas oportet, non noui cubicularios, per quos mihi sit aditus, uel non habeo potentes aulae, qui me deducant, per quos concilier, tu tu ipse ingredi potes omni tempore ad summum hunc regem; non in luce modò, sed & nocte: tantumque abest, ut opus sit internuntiis ullis, ut ne uoce quidem propria tibi sit urendum, satis est corde ingemiscere de admissis, corde supplicare pro uenia, quoniam internos ille quoscunque hominis affectus prospectat, hoc si durum uidetur, quid fieret, si primis ecclesiae nascentis temporibus nasci contigisset, quibus publice poenitentia peccatoribus asperior iniungebatur? Extat Epistola Stephani quinti Pontificis maximi ad Astulphum, nescio quem uxoricidam. Quae te inquit (malum) res impulit, ut legitimo tibi iunctam thoro portionem corporis tui gladio necares? quam non insidiantem uitae tuae, neque cum altero nefariam rem facientem reperisti: ita ne agendum, ut filii tui te non parentem, sed praedonem putarent? quos tam foede omni bestia truculentior matre orbasti. At parum fuit spiritum & lucis conspectum miserimae mulieri abstulisse, nisi sceleris mortuam accusares, habes testem tecum facientem: Quid ergo? unius testimonium ualere debuit? non modò impediens legum sanctionibus, sed etiam aduersus gentium ius, diuinæ uocis auctoritatem, quod si uni credendum fuit, num etiam ei credi debuit, qui & adulter sit & homicida? Age poenitentiam & miserere animae tuae infelix, si fortassis Dei clementia refrigerari potest, & à tanto scelere recreari, antequam æternis gehennae prematur incendiis. Post hæc præcepit Pontifex, si quidem domi immorari suae decreuerit, ac nolit (quod utilius esset & laudabilius) monasterii claustris includi, ac abbatis manum relictae propriae uoluntatis libertate subire, ne latus unquam ense muniatur, ne carnes edat, aut uinū bibat, balnea uiuet, conuiuuiis ne intersit, à cōmunionem corporis & sanguinis Dominici præterquam in uitae extremo abstineat, flere uelie uberius, eleemosynas impartiri, largius porrectusque ante ecclesiarum fores sacco indutus orationes fidelium ultero citroque comitantium suppliciter postulare: denique intelligat perenniter in pane, aqua & sale sibi esse uictitandum. Satis ne uideretur iactatus peccator iste conuiuitio Pontificis? si tamen conuiuium dici potest uox grauitatis, constantiae, auctoritatis, uox plena salutis: posuit ante oculos homini Dei iudicium, terruit cruentam conscientiam, poenitentiam iniunxit, nemo id existimet crudeliter factum. Nulla est crudelitas Medici, qui ferro & igne uulnus aggreditur, ut hominem seruet, quem perderet, si uulnus palparet. Itaque ut foeditate & putredine uulneris iste aliquando careret, iussus est tenuitatem uicūs cultusque obseruare, quæ multi olim uirtutis & gloriae causa in illis etiam gentium tenebris susceperunt, acerbiora manerent, si carne posita cum anima nuda tantam labem expiare transitorio igne o-

De Pœnitentia

portet. Nec solùm in una hac dūtaxat caussa, sed in plurimis alijs uigebat bonis quondā temporibus in ecclesia tā elegans, tāq; nobile correptionis flagellum. Nā qui incestu se macularant, qui deierarāt, qui sacro manus admorant, hos oportebat ad salubrem pœnitentiæ medelam conuolare. Presbytero, qui se in aliqua effuderat libidine, durior adhibebatur ultio, quoniam decem annorum curricula in summa uictus egestate transmittere debebat, permittitur tamen gratiæ caussa, ut possit pisciculis, leguminibus, uino mensulam suam diē festo exornare: denique pro quolibet graui & infami crimine sanctorum Patrum institutis septennio pœnitendum erat, & ita, ut per singulas hebdomadas bis aut ter in pane & aqua ieiunia ducerentur: quin etiam in proditum est de illo, qui latronem sua rapientem aggressus fuerat, & huiusmodi Diaboli membrum interfecerat, ubi commodè comprehendi poterat, ut nonnullos dies pœniteret, non erubescerent pœnitere, qui pœnitenda committere non erubuerant. Nunc uerò (quæ temporum perueritas est & ignauia) nulla publicæ pœnitentiæ facies apparet, omnia seueritatis priscæ uestigia oboluerunt. Hic dicit aliquis, si reditus patet in gratiam, ubi agnoscens peccati turpitudinem ingemui, & tædūt uixisse secus quàm decebat, cur adhuc me pœna manet? quo enim hæc reconciliatio gratiæ, quæ ita molesta & importuna est, ut parva supplicij afficiat amicum non respondeo prius, quàm eum, qui hoc dicit & cogitat, interrogem. Cur Torquatus Consul filium aduersus edictum cum hoste conferentem manus, securi percusserit? An simulates pater cum filio ullas? cum milite Imperator gerebat? Incredibile est sine aliqua animi afflictatione ad supplicium sumendum uenisse. Stabant in conspectu hinc liberum charitas illinc militiæ disciplina. Accusat hæc iuuenem Imperatori, excusat illa patri, explicat hæc uirgarum fasces & secores, illa implicat, trahit una ad supplicium bellatorem, retrahit altera uictorem. Tandem illum, quem natura cogente diligebat, qui hostem singulari congressu lacerantem occiderat, quem eximie fortitudinis nomine à cuncto exercitu commendari uidebat, uita priuauit, ne ius legum, maiestasque imperij illo uiuente occideret. Maluit eam reip. partem unde Ro. Imperij summa stabat, quàm hæredem familiæ uidere incolumen. Maluit se ipsum filio, quàm iustitiam orbare suo decore atque fructu. Quid de Zaleuco, referam Locrensi, qui quum Legislator electus à ciuibz legem tulisset, qua adulteros utriusque oculi amissione puniebat, filiumque eius adulterij damnatum legis pœnā subire oporteret: eāq; pœnā tota ciuitas in honorem patris remitteret, aliquādiu repugnauit. Tandem precibus populi euictus, unū sibi alterū filio oculū iussit erui, ne publicæ uindictæ ius periret, & delictū suū lege damnatū impunitum relinqueretur: partitus pœnā inter se & filiū effecit, ne quid legi deesse uideretur: non enim aliena, sed domestica corpora pœnam illam sustinebant, & quamuis delinquens filius minus iusto fuerat punitus, ipse tamen plus, quia innocens erat. Ergo in magistratu hoc fecerint

fecerint patres publicam disciplinam priuato anteponentes dolori? Quid de Deo omnium genitore putandum est? à quo uirtutum omnium exempla manant: num iustitiæ tum suæ oblitum putamus aduersus illum, qui tot eius salutifera mandata neglexerit, contempserit, infregerit? nullam ne sceleris poenam deberi putabit? Iustum est enim, ut qui sibi cupiditatisque suis indulerit, plusquam debuit, patiatur aspera quædam contra quam cuperet: sic enim res redigitur ad æqualitatem, quæ iustitiæ propria est. Non respuit ingemiscentem Deus, pauentem, manusque ac os ad cælum tollentem, sed benignissimo intuitu miserrimum respicit peccatorem. Verumtamen in tanta clemenciæ uerbate iustitiæ pariter meminit, nec in tali unquam opere inferior homine reperietur. Quid enim obtendere contra potest aliquis iustæ, cur diuina iussa non impleat? num quia impossibile? an quia obscurè tradita? neque bene intellecta? uel num quia non habuerit ad implendum, quod temporis esset satis? uel forsitan, quia si ea impleuerit postmodum sine præmio discedet? nihil horum, quid ergo aliud fuit in causa, nisi quædam acris & indomita libido, quæ impulsit cornu sustulimus aduersus sanctissimam disciplinam, cuius summa est, ut Deum & proximum diligamus, ad quod trahimur omnes duce natura. Nulla enim, ut opinor, tam barbara, tam immanis, tam effera est natio, quæ non intellegat Deum præ omnibus amandum ac colendum esse, quæ non sentiat cum omni humano genere societatem sibi esse quandam, cuius iure alterum non lædere, sed iuuare potius deceat. Non factum est id, sed multa per iram, auaritiâ, cupiditatem, superbiam peccauimus, poenitet, ueniam petimus. Quid hic Deus? ueniam concedit ille quidem peccatam, per quam reconciliatio fit gratiæ, attamen iustissimi regis more maledici ultione digna censet, utque uirtutem hominis, pudorem, bonitatem assuetibus præmijs ditabit, sic iuuat illum in delicto aliquam animaduersionem nostram uidere, quam utinam in sæculo isto dum licet, sponte ad arbitrium nostrum subeamus, ne deinceps corporibus elapsi alio in loco, quod debetur, duriori conditione persoluamus. Est enim istud diuinæ prouidentię institutum, quo iste mundanarum rerum status pulcherrimè duceretur, ut peccatum semper poena sequatur. Hoc etenim deposcere uidetur ratio, quemadmodum de me nuper audistis, & sancti Patres literis tradiderunt, ut pro eo, quod quispiam egerit cupidè cum uoluptate, aliud patiat inuitus cum dolore. Ergo poenam delicto respondentem non remittit ille, idque ex nobilissimo suo instituto, quod edidit. Sed & illud quoque cogitandum est, quòd si peccata gratis remitterentur absque ullius poenæ solutione, leuiora ea arbitramur, & in deteriora interdies prolaberemur: Nunc si non ob aliud saltem de poenarum mensurâ peccatorum grauitatem magnitudinemque expendimus, cautioreque & uigilantiores efficiamur, ne post hac tale quid admittamus: nec uerò ob hoc imminui & uiolari gloriam Christi dicendum est, imò potius augeri, si iustitiâ suam ad ultionem peccatorum ualere patitur, & ignorat ne-

De Pœnitentia

motatisfactionem omnem, qua peccata eluuntur, in Christi sanguinem re ferri: nam extra ecclesiam positus nulla pœnarum supplicia ad redemptionem peccatorum sufficere notissimum est. Istud exemplo liquet Davidis quod diuinæ nobis proponunt literæ, de quo etiam antea dictum fuit. Is quum adulterio homicidium copulasset, correptus Propheta uocibus in gemuit & fleuit, condonatum crimen reseruata pœna: nam statim infantem amisit, quem ex adultera susceperat, & deinceps alium sensit rebellantem filium, uitæque suæ & regno insidiantem. Ipse Moses, qui placasse uidebatur in monte Dominum pro uituli adoratione, tamen ubi in castra descendisset, circiter tria millia hominum interfecit: sic enim pepercerat Deus populo, ut eum tamen aliqua animaduersione percuti uellet. Ergo si tanta fuerit interior cordis afflictatio, ut sit sufficiens ultio peccati is in quo illa fuerit, crimine liberatur. Sin uerò illa tanta non sit, nec præterea quicquid gestum est exterius sancti operis ieiunando, orando, misericordiam exercendo, quod satis sit in peccati uindictam. Deus, qui & peccatorum nouit & pœnarum pondera, & hæc illis uult respondere, idoneum adijciat flagellum: præponderant autem nunc minimæ quæque pœnæ uoluntate susceptæ his, quæ post alio in sæculo maximæ necessitate perfoluuntur. hinc nos non quoslibet, sed dignos admonet Euangelicus sermo pœnitentiæ edere fructus, qua in re unius cuiusque conscientia cõuenitur, ut qui plura & grauiora deliquerit, acerbior dolore mordeatur, uitam studeat futuram sanctioribus laboribus implicare. Promittitur eodem Euangelico sermone debitori è carcere exitus, sed non prius quàm reddiderit omne, quod debet usque ad nouissimum quadrantem: quo sanè sermone significatur minimorum quoque delictorum luenda esse supplicia. O uerè scelicem, cui libuerit uiuenti uetera obruere mala, nouorum multitudine benefactorum, qui quum inspexerit gembundus, & se cum reputarit, quàm scèdè iaceat, quanta ex dignitate propter peccandi uim exciderit, quomodo ueluti membrum à reliquo uitali corpore, cuius Christus caput sit diuulsum computrescat: appetet ecclesiæ uelut piæ parentis gremio condi, sistereque statim se uolet sacerdoti, ante cuius pedes locatus, uberrimis affluens lacrymis fatebitur quid in Deum, quid in se, quid in alterum admiserit, non patens iussionibus diuinæ legis: euomet inquam illo loco omnis nequitia suæ uitæ, deinde ubi ab eo discesserit peccatorum uinculo solutus, discutiet, quid alienum possideat, ut reddat, tum omni studio, ieiunijs, eleemosynis, orationibus uacabit, ut pœnam persoluat peccatis debitam, simulque uberiorem Dei gratiam promeretur, uirtutumque in se dona augcantur, nec iuuabit sic commissæ lugere, ut lugenda iterum committat, sed cautionem adhibebit in posterum summam ne labatur. Erit ille quidem placidus & quietus mente, secunda moderatè, aduersa lætè ferens, uultusque rigorem frontis obunbrabit, serenitas gaudebit de mentis dolore, quem pœnitentia delictorum inuulerit, ingemiscet tamen, quòd nullos illo nomine

mine antea gemitus edebat: cum omnibus idem bonis humanitatem, pudorem, modestiamque seruabit, bellum cum uitiiis unicum geret, acerrimè, nulla cum ijs pax, ne induciæ quidem. Iniquorum hominum, sibi que ipsi indulgentium familiaritates, & consuetudines, quibus antea implicatus tenebatur, declinabit fœminarum consortium impudicarum tanquam pestem quandam fugerit, illarum aspectum, tactum, sermonem repudiabit, nec ut auis impura ad cadauera, quæ semel dimiserit, reuolabit: oculos custodiet suos, ne quid liuidè & sordidè spectans, linguamque frœnabit ne uano sermone diffluat, ferculis & modicis & uulgaribus utetur, sibi uinum & se uino temperabit, quo uenerem continentix frigore repellat: omnia demum obseruabit rerum, temporum, locorum momenta, per quæ refricari animus, & ad uetera, quæ damnauit, compelli posse uideatur. Hæc ubi præstiterit ueteri squalore deposito, nouum hominem admirabili luce fulgentem induerit, nemo tanta morum mutatione facta agnoscat eundem: hinc nobis non rectè uidisse uidetur Prophetam Ionas conquerens Niniuem post quadraginta dies euerfam non fuisse, sicut prædicare à Deo iussus fuerat. Imò uerò O' Prophetam prænuntiata uenit euersio, uera loqueris, testis eadem, & moenia manent, at mutatos spectato mores, deleta est luctu & mœnore ciuitas illa uetus peccatrix, hæc noua est alia Niniue uirtute poenitendi instaurata. Et hæc quidem ad Prophetam solandi gratia dicta sunt. Sin autem Dei mentem contemplamur, noluit subuertere Niniuem, sed minatus est subuersurum, ut resipiscentes illi non subuerterentur. Vtinam Niniuitarum poenitentiam imitari uellemus, & postrati uolutaremur in lacrymis, in ieiuniis, in cilicio, in cinere, non tam acerba mala urbes agrosque nostros inundarent. Quando enim aduersus cunctam Italiam ira Dei acrius exarsit? ualida pestis populos exhaurit, debacchatur gladius bellici furoris uniuersa penè metens, tellusque ipsa, quæ communis dicitur esse parens, ceu infecta nobis, quòd eam toties humano cruore fœdauerimus, malignè frugum alimoniam ministrat, uisitat acerrimis his flagris Deus peccata nostra, ut est apud Prophetam. Quid ita? quia nos afflictionis corde & doloris oculis non satis ex dignitate illa uisitamus: non enim dici potest modica illa & exigua esse delicta: nam quum fames, pestilentia, bellum uno tempore ingruant, nonne res ipsa clamat tantos adolescere uitiorum morbos his in oris, ut ad illos obterendos parum fuerit unius generis hostem adhiberi? Illud omnino fatendum est, arduam esse poenitentiae uiam & laboriosam, sicut reliquarum uirtutum, eaque de causa terreri plures ne ingrediantur, sed si magnum est bonum exui peccatis, & diuinæ reddi gratiæ, aut negligendum est id bonum, aut si assequi curamus, suscipienda est omnis molestia, qua ad illud peruenitur. Similis est poenitentia baptismo, quia utrunque hominem innocentem statuit, sed dissimilis in eo, quòd baptismus momento id perficit omni sorde abluta, at poenitentia diutinum laborem desiderat, ut par satisfactio pro peccatis

peccatis reddatur. Itaque quidam ueteres non absurdè pœnitentiam laboriosum quendam esse baptisum dixerunt. Neminem autem tam rudem esse existimo, ut putet de uno crimine pœnitentiam agi & ueniam præstari, alio in delectatione retento, nec per confessionem exposito: nā quem peccare adhuc delectat, bonus nō est, & si bonus nō est, non placet Deo, & quā Deo nō placeat, quomodo ueniā impetrauit? Mihi uerò iam hæc impietas uidetur, si quispiā nō omnia peccata deserēs, sed in quibusdā adhuc permanens, audeat sperare ab eo, qui summè iustus est, de omnibus ueniā uel de quibusdā, quasi uenia diuidi possit: Deus autem aut totū dimittit, aut nihil, nec hominem partim accipit, partim reijcit, sed eū, qui nō stat totus pro illo, deserit; nec dignū habet, quē æternæ salutis præmiis adornet; potest aliquis, qui alteri plura harū externarū rerū debeat, impetrare salua amicitia à creditore liberationē unius aut duorū ex pluribus, quæ debet. Non idem in eo, qui pluries uel pluribus de causis apud eundem offenderit: ridiculus enim esset, qui in plurium offensarum accusatione unius tantum, aut alterius peteret ueniam reliquis prætermisiss. Simulata uideretur esse hæc ueniæ petitio: nam si uerè ex animo flueret, eandem de offensis omnibus oportebat esse petitionem, quoniam eadem petendī esset causa, quodd scilicet is offensus esset, qui minimè offendi debuit. Simulatam igitur dico eorum pœnitentiam, quos quorundam & non omnium pœnitet admissorum. Scio notatos à sanctis Patribus eos, qui patrata lugentes, iterum lugenda patrarent, tanquam ueniam non poscerent subditi, sed subsannarent superbi. Omnino nihil foedius, quàm canis rediens ad uomitum, & sus ad pristinum uolutabrum. Non enim ob hoc quis accipit ueniam præteritorum, ut existimare debeat peccandi licentiam sibi in posterum datam, sed interdictam. Si quis tamen quodam tempore de omnibus admissis uerè & fortiter pœnitentiam egerit, & postmodum similia, uel grauiora facere aggreditur, non est dicendum priora crimina, quæ semel dimissa fuerint & deleta, reuerti; nouorum tamen criminum reus tenebitur, ad æterna relegandus supplicia, nisi rursus pro istis ad pœnitentiæ medicinam sibi ipsi, uel peccatis potius iratus cō fugiat. Non enim semel tantum pœnitentia prodest; sed sæpius, si quoties crimina repetuntur, toties illa repetatur. Nullum unquam peccatum indelebile pœnitentia reliquit, magnaquē Dei benignitas, magnumquē in eo humanæ salutis studium, qui quoties hic hostis nascitur, toties illū hoc gladio iugulari permiserit. Ergo si quis etiam sæpius ceciderit, non desperet de salute, sed de pœnitentia confidat, & ad eius medelam confugiat. Non est tam graue uulnerari in prælio, quàm post susceptum uulnus se ipsum negligere. Mercator & si naufragium fecerit, non desistit à nauigatione, sed reficit rates quassas indocilis pauperiem pati; atque ita pristinas reuocare nititur diuitias. Multos etiam in certaminibus uictos cernimus coronam postmodum meruisse. Iam uerò miles, qui in acie uim hostium impetumquē pertimuit, & fuga se se eripuit, acrior sæpe redit

dit ad pugnam, uictorque discedit. Quod si isti conantur refarcire detrimenta leuioribus in rebus suscepta, quanto magis nos conuenit laborare, ut post multos etiam lapsus resurgamus, & dignitatem animæ recuperemus unâ cum salute, obrenta ab indulgentissimo parente remissione peccatorum. Ista est remissio peccatorum, quæ tantum fit in ecclesia ob Christi sanguinem: hanc Christus secum aduexit, & Apostolis tradidit prædicandam. Alijs extra ecclesiam degentibus peccatum quodcumque imputatur, quia quomodo illud delectant, non habent, nullum infidelitate nequius peccatum. Hoc uno peccato reliqua retinentur. Existimauerunt olim ucteres in illis gentium tenebris crimen homicidij purgari ablutione corporis, quos unus illorum Poëta increpat dicens.

Ah nimium faciles, qui tristitia crimina cædis

Fluminea tolli posse putatis aqua.

Crediderunt alii consecrationibus quibusdam & deuotionibus & sacrificijs solutionem fore scelerum, sacrificulos nescio quos, & uates & circulatores, & nonnunquam magos adhibentes, quæ omnia malorum Dæmonum arte illis fuerant inculcata. Illud tenendum, quod poenitentia delictorum fidelibus duntaxat sit salutaris, pro quibus Christus suum pretiosissimū effudit sanguinē & mortuus est. Hoc unum est sacrificium, quod cœlestis parentis irâ aduersus nos iam ab initio generis nostri commotum placauit. Hoc illud est, quod abluit sceditates nostras, sanguis scilicet agni illius cœlestis: huic uni remissio omnium delictorum nostrorū debetur. Nec me latet in lege ucteri animalium sacrificia pro peccatis oblata fuisse, sed eodem res redit, quia illorum sacrificiorum ministerio peccata tunc debebantur, propterea quod figuram gerebant huius ueri sacrificij, quo se Christus uictimam in ara crucis pro uniuersis generis salute obtulit. Quemadmodum olim statuae Imperatorum ad ipsas confugientibus erant contra iniuriam subsidio, non quod uis ulla inesset statuis, nam uel æs erant, uel marmor, uel ebur, uel aliud quid huiusmodi, sed quia referebant imaginem principalem. Sic sacrificia illa uetera opitulabantur, non quia ipsa per se essent aliquid, sed quia in similitudinem huius maximi & uerissimi sacrificij fuerant formata, cuiusque exemplum præferebant. Natura tamen humana adhuc ueluti ægra iacebat. Nemini ante Christi mortem ad cœli ianuam aditus fuit. Ut enim tempore ucteris legis diligeret Deus uiros sanctitate fulgentes, uniuersam tamen adhuc nostram oderat naturam, donec aduentauit iste, qui meritis passionis suæ hanc illi conciliaret. Cæterum ne quis tantum credat poenitentiam peccantibus aptam, Ioannes, qui præcursor Domini extitit & Baptista, cuique ab uteri usque materni latebris sanctitas diuinitus inusta fuit, ita ut capitale quicquam nec uellet nec posset admittere, qua tamen asperitate uictus Iordanis coluit fluuenta? ercunquē infudit? non alia ratione id uideri debet factum, nisi quia illa ad uitæ ornamentum pertinere uidebantur. At contrâ Paulus gentium doctor corpus

T castigabat,

De Pœnitentia

castigabat, & in seruitutem redigebat, ut uitis occurreret: uoluptatem metuebat titillantem, eiusque sensibus suauiter affluentem, quam ut pro sterneret, & laborabat unus plurimum, & uigilabat: & continuata idem ieiunia ducebat. Ex quo apparet non modò his, qui corruerunt, sed si qui stare cupiunt & in uestigijs innocentie permanere, salutrem his etiam esse pœnitentie modum, quem sancti etiam uiri, ab omni grauiori crimine agentes procul, ad illustrandum tamen eorum uitam arcte tenuerunt. Lætitiâ uerò in cœlesti regno ingentem agitari inter Angelos super peccatore pœnitentiam agente, Euangelico sermone patefactum est: suâ igitur stationem, uigiliam, præcepta monitaque salutis sæpius ingesta ualuisse, patriamque cœlestem nouo ciuium incolatû exaugeri lætantur. Vtinam eorum explere uotum tamque sancto frui consortio, & unâ in beato illo regno diuinæ Maiestatis potentiam, bonitatemque collaudare mereamur. Parum mihi uideor dicere, si dicam, quòd tunc regnabimus, sed uerbi causa ita dicatur. Nunc non huc intrauimus, ut regnemus, sed ut sub diuo trepidisque in rebus, duremus, & aduersus antiqui serpentis insidias, sensuumque illecebras pugnemus, & ita uiam ad futurum regnum nobis paremus. Legi in tractatibus quibusdam nonnullos dicere sine lacrymarum decursu & fluxu perfectæ pœnitentie munus expleri non posse, nulla re melius, quàm lacrymis interceptam reddi astruunt salutem, quasi lacrymarum undæ de oculis ubertim cadentes æterna incendia peccantibus supposita restinguant, seu quasi apud Deum, ueluti in codice annotata sint crimina, spongia autem quædam animi sit dolor, quæ fletu turgida literas nostræ turpitudinis abstergat. Laborauit inquit pœnitens Propheta in gemitu meo. Videte quales & quàm crebri gemitus, propter quos laborasse se dicit: non est satis, quid in posterum polliceatur, audiamus. Lauabo per singulas noctes lectum meum, lacrymis meis stratum meum rigabo. quod stratum? quem lectum? nempe, ut opinor, libidinis suæ uolutabrum. Ecce pium Prophetam irrigui lacrymarum fontibus sordes abluentem suas. Ecce cuius oculi continuis noctibus à fletu nunquam conticescunt, donec ira, fororque & minæ cœlestis Iudicis conticuerint. Hoc Princeps præstitit Apostolorum Petrus, qui abnegato Christo egressus foras fleuit amarè, hoc & Maria Magdalene, quæ dolore concitapeccatorum super conuiuantes ingressa est, & lacrymas Domino inter epulas obtulit. Ad has lacrymas, quoscunque peccatores uocant, siue in risu sint, siue in fletu: monendo alteros, ut risum lacrymis, alteros, ut lacrymis lacrymas, uel lacrymarum potius causam commutent. Quid ego hic asseram, nisi illud Poëticum?

Et lacrymæ profunt, lacrymis adamantæ mouebis.

Rectèque Hieronymus, qui lacrymarum uim insuperabilem, & ad omnia impetranda efficacissimam penès cœlestem parentem arbitratur. Satis durus uidetur, cuius mentis dolorem grauem fluentes oculi non declarant. Veruntamen multos suspicor his auditis illud Plautinarum literarum

rarum allaturos in medium, Pumex non æquè aridus est, sicco culum genus nostrum semper fuit. Clamabit hic quispiam, quò me uocas? quò impellor? non mihi putres possunt esse oculi, non uuidum pectus, lacrymarum defluxu, arent mihi hæc loca, num me naturæ uim asserre iubes? At illi lacrymas petendas suppliciter & enixè à Deo dicunt, quas tribuet si tanto munere dignos iudicabit, eliciet impulsus diuinus ex lapideo corde lacrymarum flumina, sicut & eodem auctore petra quondam in deserto Moysi uirga percussa euomit sitienti populo undarum fluentia, quod, si quum omnia fecerimus, lacrymula exprimi nequeat, hæc sitienter appetere, harum ardore flagrare, non minoris meriti esse putant, quàm interdum illis abundare: quibus omnibus, & si assentior, ut quæ ab illis prolata sunt uiris, qui & uitæ & doctrinæ sanctitate fulserunt, attamen istud, ut non contemnendum, sic non tam magnum esse arbitror. Non enim solum dimittuntur peccata, si quis luctu, lacrymis, lamentatione se ipsum confecerit, aut etiam ieiunijs & abstinentia carnem macerauerit & arefecerit: sed multis quoque alijs rationibus remissio delictorum in ecclesia contingit. Nam in baptismo & in passione martyrij dimitti quæcumque peccata, dubitat nemo. Similiter in eleemosynæ largitione, dicente Salvatore, Date eleemosynam, & omnia munda uobis erunt. sed si peccata ex corde fratribus nostris dimiserimus, peccata quoque nostra dimittet nobis cœlestis Pater. Item quum peccatorem quispiam ab errore impietateque reuocauerit, non solum animam illius, uerùm etiam suam saluam faciet. Credibile est etiam per abundantiam charitatis fieri remissionem peccatorum: nam ipse Dominus dixit. Remittuntur ei peccata multa, quoniam dilexit multum. Et Apostolus. Charitas operit multitudinem peccatorum. Hoc fit ubi quis inimicum dilexerit, eumque beneficio prosequutus fuerit. Vel si pastorale gerens pedum posuerit animam pro ouibus. Arbitror quoque dimitti peccata illi, qui mala humanæ uitæ tanquam à Deo iure sibi insiditæ æquanimiter tulerit. Non enim frustra dictum est à Domino. In patientia uestra possidebitis animas uestras. Videtis quor & quantis modis poenitentes redimere queant peccata non adeò truculentus Deus, ut non multipliciter languentibus subueniat; licet his, uel illis uti medelis, quemadmodum occasio tulerit: alia alijs meliora. In primis ego censeo (si quis me uti uellet consiliario) ut uerè poenitens propriæ mentis motus, per quos tanquam per effrœnes equos in deuiam raptum & attractum se uidet, studeat abiicere penitus ac præcidere, ut nihil illorum super sit. Alexandrum magnum Macedonum regem, dum per iracundiâ & uinolentiam in conuiuio familiares quosdam suos & amicos trucidasset, postquam se collegisset, ferunt id factum tam ægrè & acerbè tulisse, quòd sibi ipsi manus penè inferre uoluerit: quod si fecisset; non cruore suo unâ cum uita effuso culpam eluisset: sed malum facinus deteriore facinore cumulasset. Non in corpus scruendum erat, sed in mentis libidinem, quæ ad facinus impulerat. Debit ille igitur per-

De Pœnitentia

ſpecta & pertractata ſcleris ſui natura, odio teneri a cerrimo humanæ nequitie & imbecillitatis, quo odio ueluti fulmineo gladio armatus uoluntatis ſuæ motus capite mulceret, ita ut ea parte animi immortalis Alexander nihil appetere, nihil concupiſcere poſſet, ea tantùm faceret & tractaret, quæ mentis ratio, quæ diligens diſquiſitio, quæ prudentiores amici cenſuiſſent. Sic faciendum bonis omnibus, & his præſertim, qui iam offenderint, ut uoluntate propria abiecta, uel odii potius illius, de quo ante dixi mucrone tranſuerberata, nihil agant aliud, niſi quòd mandata Dei loquantur, non habere arbitrium mentis ſuæ putent, ſed operarios tantùm ſe intelligant diuinæ uoluntatis: quod minatur Deus, timeant: quod poſtulabit, tribuant: quod immiſerit, ſuſcipiant: quæ i-re iuſſerit, eant: quæ relinqui mandauerit, abijciant: & demum, quæ præceperit, exequantur. Multi profitentur ſe ſe mortuos eſſe peccato, qui deinceps inuident, cupiunt, rapiunt, ambiunt, ſuperbiunt, irascuntur, quorum nihil mortui faciunt, nec facere poſſunt. Atrem tam neceſſariam, tamque utilem re ipſa non nudo tantùm nomine habere oportebat. Fruſtra teritur corpus inedia, fruſtra facultates bonorum eleemoſynarum gratia exterminantur, niſi ſenſus motusque mentis noſtræ ſeculi carnisque blanditiis immoriantur. Cogitandum aſſiduè crebraque meditatione uoluendum, quàm uanum, quàm inutile, quàm fœdum, quàm inſanum peccare honorum, pecuniarum, uoluptatis cauſa: contra, quàm honeſtum, nobile, fruſtuolum ſequi toto peſtore Deum, qui uirtutum omium ſons & origo, qui tum ſingulis, tum uniuerſis hominibus tot & tanta dilargitus eſt, quanta & difficile eſſet cogitare, & arduum enumerare dicendo: moriamur ergo nobis metiſſis: denuntiemus amicis & familiaribus noſtris nos eſſe mortuos, uitam noſtram totam iuxta Pauli ſententiam in Chriſto abditam & incluſam manere; ſi quærant, illic inuentores, eosque ut idem faciant, adhortemur. Cætera multa, quæ proponuntur ad ſalutem, partem eorum diſſerre, partem omittere poſſumus, hoc unum à peccatis reſpiſcendi & Deo ſe ſe ipſum iungendi ſtatim & neceſſariò arripiendum; & omni ſtudio amplectendum, ita ut nunquam dimittamus, ſi modò, qui nunc terrigenæ ſumus, calicolar aliquando ſicri cupimus: & uerè illius immortalitatis immenſis perfrui gaudiis cogitamus.



MARCI ANTONII

NATTAE ASTENSIS,

IN FESTVM PASCHATIS DIEM

O R A T I O.



INDEM illuxit & ad nos redijt ille dies, qui Paschatis nomine signatus ad meliora assidue transiundum docet, & gratissimarum nobis rerum memoriam instaurat, & qui dies Domino dicatus octava quaque luce renouatus gratissimum sui conspectum mortalibus exhibet & ostentat. Nulla rerum mentem inficere hoc tempore molestia debet nulla aliqua esse cura, quæ conturbare possit. Et animum, & uultum, & sensus, domosque totas exilare oportet, & clarissimum hunc diem diuino donatum munere cum coniugibus & liberis omni lætitia & comitate celebrare. Nam si immortalitatem animorum nostrorum auidè complectimur, de quæ ea re tam libenter credimus, & audimus, quòd aduenientè fato extingui meliorem nostri partem nolumus: non minore lætitia, ac gratulatione spem resurrectionis corporum nostrorum hodierno die oblatam retinere debemus, atque haud scio an prope maius istud debeat esse gaudium: propterea quòd animi nostri perenniter uiguerant, nec ad interitum peruenerant, corpora autem à morte sœdata corruptionem inducant, quæ ad officia uitæ reuocari proponuntur. Quòd si ante actis diebus propter memoriam Dominicæ crucis ingentem animo dolorem hausimus, ac in acerbissimi luctus mœrore uer fati sumus, præ quæ lacrymæ squalentia per ora fluxere, miserantibus nobis, quòd innocens & æterna persona mortalium causâ, & alieni secleris nomine tam grauiâ tamque acerbâ pertulerit. Vberem meritò & summam ac inauditam lætitiâ afferre debet is dies, quo Christus amor delictorum nostræ inferno iam exhausto ac perditò à sepulchro uiuum se efferens de uicta morte triumphauit. Fides, quæ moriente Domino unâ cum illo de fecerat, nunc pariter cum eodem reuixit, & quam sœdâ & infamis crucis mors abstulerat, hanc ingens & inauditum nouæ resurrectionis miraculum retulit atque etiam auxit, uberiorem quæ multò & ornatorem effecit. Quodque quadragesimali ieiunio palluimus, nunc largioris uictus remissione

In Festum Pasch. diem

remissione uti possumus, quin etiam ubi lucere cœpit, in sanctissimis delubris, inter ipsa nitentia altaria, ante augustissimas diuorum effigies cœlesti pabulo saturati sumus. Ac mihi quidem cùm festa omnia summæ religionis ac pietatis colenda uidentur, quorum initium non mortalium cogitatio, sed diuina iussio attulit, tum maximè istud quo ad sacratissimæ mensæ dapes admissi sumus, sanctissimum ac religiosissimum uideri debet. Quod si quotannis summo atque eximio studio ac apparatu, atque ingenti populorum concursu Hierosolymis quondam hoc tempus Hebræa gens celebrabat, quò hostias offerre in templo & sacrificare, & agnū per domos solemniter manducare solebant: quanto nos ardore succendi, quanta animi pietate impelli oportet, apud quos uera omnia extiterunt, quorum illi simulachra tantum ac formas tenebant: quin etiam sanctissimi iam ante Prophetæ, quum istum diem aduenientem præuidissent, exultauerunt, ut eximium & salutarem futurum. Nos quiprehendimus & tenuimus, quo mentis iubilo, qua spiritus dulcedine, quæ nunc gesta sunt, conuenit uersare atque contemplari. Hic dies ingentem attulit lætitiæ Angelicis choris, hic sanctis Patribus de inferno lacu erutis; hic Mariæ, hic Apostolis, discipulisque Domini; hic infinitis alijs Christi cultoribus summa pietate præditis, cum quibus nos decet gaudia copulare, non de re gesta solum, sed de illorum quoque gaudijs uoluptatem capientes. Mihi uerò non uos tantum & reliqui fidei alumni, sed animata cuncta & inanimata, quæ oculis menteque circumspicito, commouere se lætitiâ, & in gaudium quoddam prorumpere uidentur: ridet templi huius parietes, hæc arx, ridet cœlum, ridet aër, iste purissimus, ridet ipsa quoque tellus uernans iam floribus, Sol quoque ipse, qui moriente Domino obscurior factus est, mihi nunc uidetur solito fulgidior illuxisse. Neque uerò ego in hoc cōuentu, qui & dignitate amplissimus, & frequentia celeberrimus, & iudicio eruditissimus est, mihi nunc assumo, ut explicem, quæ in resurrectione Dominica sunt gesta, quemadmodum inuestita & perfricta Hebræorum gens sepulchrum Christi lapide, lapidem custodibus munierit, ut terremotus factus, perterriti illi discesserint. Angeli mulieribus cadauer quæritantibus se ostenderint, resurrexisse nuntiarint quomodo deinde Christus ad Apostolos processerit, contrahendumque sese præbuerit, atque etiam cum eisdem sessitaret, cibumque unà sumpsisset, quò ad omnia certiore nouatæ uitæ fidem facerent: hæc enim iam uobis Euangelica lectione innotuerunt. Attendere tamen licet, ne quis à quopiam ficta, uel temerè credita posset criminari, iccirco & à pluribus uisum Dominum IESVM, & ab eodem plurima ueræ resurrectionis argumenta allata. Ille enim qui tam admirabile opus uno tempore effecerat, uariè hæsit fidelium cordibus, & mulieribus quidem cito, maribus tardius resurrexit. At mulieres illæ, quæ cito crediderunt, sibi multum, posteris parum consuluerunt. Apostolorum & discipulorum cunctatio, & curiosa disquisitio calumniantium ora obstruxit, effecitque, ut nihil erro-

tis interuenire posse uideretur in causſa tam diligenter ab illis cognita & explorata. Ipſum nanque Dominum quoties uiderunt? quoties audierunt? nonnulli etiam tangere uoluerunt. Non poſſum hoc uobis narrare planius, quàm ipſa Euangelica prodat lectio. Venit (inquit) Ieſus & ſtetit in medio eorum, & dixit. Pax uobis. Ego ſum, nolite timere: Et quum conturbati & conterriti illi exiſtimarent ſe ſpiritum uidere, dixit eis: Quid turbati eſtis, & cogitationes aſcendunt in corda ueſtra? Videte manus meas & pedes, quia ego ipſe ſum. Palpate & uidete, quia ſpiritus carnem & oſſa non habet, quæ me uidetis habere. Sed huius quoque rei Ignatius, qui tertius à Petro Antiochenam rexit eccleſiam, in epiſtola ad Polycarpum Smirneorum Episcopum præbet teſtimonium (quemadmodum à Hieronymo quoque relatum eſt) Aſſerit nanque ſe Chriſtum in carne uidiſſe etiam poſt reſurrexionem, & unà aſſuiſſe cum Petro & alijs, quum dixit. Ecce me. Palpate & uidete, quia non ſum Dæmonium corporale. Et ſtatim tetigerunt eum, & crediderunt. At non ſemel, ſed ſæpius id factum, ut dixi. Illorum ergo obtutus, noſter obtutus fuit, noſter etiam auditus, noſter quoque attactus, ſi quidem per ea, quæ nunc geſta ſuere, tantæ rei neceſſariò credendæ fidem hauimus certiorẽ. Hæc eſt gloria fidei noſtræ, quòd is, qui in æternum extinctus credebatur, tertio reuixit die, tanquam non mortem, ſed ſomnum induiſſet. Mortuus eſt, quia uoluit, ſurrexit, quia potuit: quorum alterum immenſæ clementiæ, alterum inuictæ uirtutis fuit, utrunque fuit in eius poteſtate. Ipſe iam antea ad diſcipulos loquens dixerat. Poteſtatem habeo ponendi animam meam, & poteſtatem habeo iterum ſumendi eam. Mortuus eſt quando uoluit, cuius rei argumentum eſt, quòd quum emiſit Spiritum uoce magna exclamauit, quòd hi, quos infirmitas ad mortem compellit, facere nequeunt: uirtute ergo propria poſuit animam, rursus eadem uirtute re, cepit. Hanc reſurrexionem ueteres Prophetæ cecinerunt: nam in Pſal-morum opere legitur. Ego dormiui, & ſomnum cœpi, quoniam Dominus ſuſcepit me. Quid? Putamus Dauidem regem eundemque Prophe-tam, ſicut magnum aliquid pronunſiaſſe, quòd ſomnum cœperit, & deinceps exurrexerit, quòd quotidie contingit omnibus, ſtultè proſecto ita loquutus fuiſſet, niſi ad corporis mortem, eiudemque reſurrexionem illa uellet referre, quæ tranſpoſitis nominibus ſub imagine ſomni & exur-rexionis dicuntur; nec de ſe illa loquitur Propheta, ſed per eum hanc uocem emittit homo ille, quem Dei uerbum ita ſuſcepit, ut unà cum eo fieret Deus. Et alibi idem Propheta ex eiufdem perſona loquens. Propterea lætatum eſt cor meum, & exultauit lingua mea, inſuper & caro mea requieſcet in ſpe. Quoniam non derelinques animam meam in inferno, nec dabis ſanctum tuum uidere corruptionem. Hic apertè canitur deſcenſus Chriſti poſt mortem ad inferos, ut non ſit illic futurus perpetuò, utque corpus eius in ſepulchro iacens more cæterorum cadauerum non corruptetur. Non mortuum colimus, quod olim infideles re-ligionis

In Festum Pasch. diem

ligionis nostræ hominibus exprobrabant, sed uerè uiuentem, imò ipsius uitæ auctorem, qui facilius de sepulchro mortuus, quàm alius de lecto surgeret soporatus. Non expressiore ullo signo Christi diuinitas comprobata est: Veteres Prophetæ alios quosdam, at non se ipsos, & illos non in perpetuum, sed ad breue quoddam tempus à morte reuocarunt. At se ipsum Christus restituit iam mortuum in perpetuam uitam, quod effici non potuisset, nisi ab eo, qui Deus planè & homo fuisset. Hinc quærentibus quandoque Iudæis, ut manifestissimum aliquid afferret Christus; quò se filium Dei ostenderet, ad futuræ resurrectionis miraculum illos reiecit, insinuans id tunc magis, quàm proloquens apertè: dixit enim quod nullum traderet signum, nisi Ionæ Prophetæ, qui triduo beluæ præ cordiis retentus, postmodum integer effusus est. Rursus soluerent templū illud, quod triduo ipse reficeret: De templo autem corporis sui ille dicebat. Ionas uerò ita fuit in uentre Ceti, ut depositum & non præda esset: Sic Christi corpus terræ utero receptum fuit, ut custodiretur ad breue quoddam tempus, non ut etiam absorberetur. Triduo antea pendente in cruce Domino Iudæi caput agitantes dicebant. Si filius Dei est, descendat nunc de cruce & credimus ei. Noluit descendere, quod poterat, ne conuictorum dolore commotus, uideretur illud fecisse. Nunc quid possit, ostendit, nam quàm faciliè non moreretur, nisi uellet, qui iam mortuus, ubi uoluit reuixit? uoces infanas Iudæorum antea patientia, quod potentia superauit. Ostendit se Dei filium, non de cruce surgendo, quod illi quasi uictis illudentes poscebant; sed quòd est admirabilius, de sepulchro. Apollonius Tyanæus, quem è gentibus quidam ausi sunt impiè Christo domino comparare, ob mirabilia quædam, quæ fertur effecisse: Is apud illos tantus, tamen non solum se ipsum, sed ne alium quidem quenquam in pristinam uitam reposuit. Sed quid unius Apollonii memini? Nunquam in gentium literis legi, quenquam Deorum suorum ope ab inferis retractum, sicut in codicibus nostris Dei summi inuocatione à Prophetis & alijs sanctis uiris factum legimus. Orcum irremediabilem esse dicebant, & Plutonem inferorum regem inexorabilem, ut quenquā remitteret, & priori uitæ redderet: quanquam Plato finxit quendam reuixisse, finxit uerò, ut ex eius persona narraret, quæ apud inferos fieri ipse putabat; maximum certè opus resurrectio, soli diuinæ potentie assignatum. Hæc paucis isto in sæculo contingit, quæ in fine sæculorum omnium omnibus dabitur, ut forsitan inferius disceretur, Deo maximo illud peragente, Dæmonum autem, aut alterius cuiusuis potestas ad eam rem concipiendam, inualida est penitus & inepta. Sed, ut ad Christi resurrectionem redeam, uidetur ille non subobscuris tantum sermonibus, sed apertis prædixisse sæpius Iudæis, quòd morte illata, in diem tertium resurgeret. hinc illa addita custodia sepulchro usque in tertium diem, ne ablato cadauere resurrectio fingeretur. At prænuntiata explens ille tam uiuus de tumulo hodie prodijt, quàm olim de matris utero, tam & si in-

ter illam natiuitatem & hanc resurrectionem plurimum differat: natus enim cum mortali corpore doloribus obnoxio, resurrexit cum immortali & incorruptibili, quod opus solius est Dei. Nunquam id antea factum: nunc primum humanum corpus immortalitate circumfulgens apparuit, & in conspectum multorum oculis se dedit: ergo clarissime nunc diuinam ostendit suam, & spem etiam resurrectionis corporum egregiam nobis tendit. Hebræis tanta in re, quid faciant non habentibus, neque se rectè explicantibus. Nam si factum affirmant, quod nos factum pleno ore asseueramus, diuinitatem Christi resurgentis & mortem ipsam, ut ita dicam, perdentis agnoscant necesse est, sin negant, quod facere uidentur, reddant Christianis petentibus & omni conuitio efflagitantibus cadaver, imò re tunc recenti proferre, & uulgo ostendere debuerunt: nam ne clam surripi, uel apertè eripi possit, tumulum obsignauerunt, horribiles armatorum custodias circumdederunt. Accidit peropportune, quod nemo antea illo sepulchro conditus fuit, ne qua dubitatio nasceretur, quoniam ibidem sitorum surrexisset. In petra etiam excisum illud monumentum, nam si humatus Christus fuisset, exacuenres ingenia Hebræi fingerent fortasse discipulorum quosdam subterraneos ad tumulum egisse cuniculos, suffosaque humo per oculos meatus auerisse. Ar enim milites (inquiunt) illic positi nobis renuntiarent ipsi dormientibus uenisse discipulos, & clam corpus tulisse. O præclaram uestram responsionem Hebræi, risu publicitus eiiciendam. Quid est hoc? Dormientes testes producit. Verè ipsi magis dormiebatis, quum somniculosi hominibus custodiam delegastis, nunc etiam stertitis, qui postulatis iis credi, qui in somnio uisos sibi discipulos in sepulchro uersari retulerunt: nam uigilantes, ut dicitis, illa non uiderunt. Quid præterea illa uolunt sibi lintamina & sudarium illic relictum? An non facilius potuit à discipulis, si furtum meditarentur, corpus uinctum unà cum linteis auferri, quàm mortem sibi ipsis necere in soluendo? quum surum sit properare, ne deprehendantur. Adde quòd ne faciliè quidem forsitan fuisset auelli lintamina à corpore myrrha & aliis unguentis delibuto, sicut erat tunc mos Iudæis sepeliri. Tota igitur res committita nullo probabili clauditur exitu, quòd si de fraude discipulorum adhuc querantur, mirabor, si misericordia ducti in illos animaduertere noluerunt, qui inuisum cadauer tot custodiis septum furto amoliti dicerentur. Quam pro se uocem potest ueritas fundere clariorem? Christum mortuum esse omnes uiderunt: nam mors eius publicè spectaculū præbuit. Itaque nō possunt Iudæi dicere, quòd clā alicubi uiuus occultatus morte simulata triduo postea tanquā rediuiuus prodest, quin etiā sepulcrum fuisse, negare non audent. Nam Iosephus & Nicodemus uterque ex hebræa gente, ambo iusti, ambo cogniti, illud pietatis munus impleuerunt, denique ipsi, ut sepulto custodiam addiderunt, mox die tertio sepultus resurrexisse palàm nuntiatur. Quid facere oportebat eos, qui fidem eleuare huius resurrectionis uellent? Nonne

In Festum Pasch. diem

proferre in medium cadauer sepulti, qui de uulneribus, deque tot plagarum uestigijs faciliè agnosci potuisset, uel si qui furto subduxisse uiderentur, nonne tanti criminis reos ad magistratus suos producere, iudicio persequi debuerunt? Cur non compulsos ipsum fateri furtum, atque adeo prodere, ludibrio habuerunt, uel potius exterminarunt? Quum nihil horum hi fecerint, qui religionem istam extinctum iri cupiebant, quod faciliè factu fuetat, quum ciuitatis essent Principes, & magistratus obtinerent: res ipsa indicat resurrectionem uerè factam, cui nemo aduersariorum, nisi nudis uerbis repugnare ualeret. Cur autem id diligentius exquirere & examinare noluerunt? Illud profcò in caussa, quòd timuerunt, ne hæc resurrectio, tanto certiore fidem caperet, quanto uehementiori studio explorata fuisset. Itaque silentio & obliuione eam tegere & paulatim euanescere malebant; sed non id passi Discipuli, non Apostoli, qui iussi à Domino fuerant hanc resurrectionem cunctis gentibus prædicare. Testimonium ferebant illi undique, quòd Christus resurrexisset, nam post crucem, postq; triduanam sepulturam uiderant uiuentem: Res autem cuenit ipsis contrà, quàm putabant, quin perpassi sunt, quod perpeti solent plerunque hi, qui diuinæ prouidenttiæ reluctantur: nam per quæ reluctantur, ijs prouidentia sibi locum facit: sicut in his, quæ circa Ioseph olim gesta fuerunt, apparet. Venditus fuit à fratribus ne illum adorarent: at ea uenditione factum est, ut adorationi præuisa esset locus. Sic isti nolentes resurrectionem fingi, monumentum signauerunt, custodes adhibuerunt: at ea fuit caussa, ut nullo modo ficta uideatur: nam si neglectum fuisset, & incustoditum cadauer, potuissent altiloquo sermone dicere fuisse illud furatos discipulos & occultare, idque illis fuisse faciliè non signato lapide, nullo adhibito custode. Nunc tam diligenti solertia armantes se aduersus discipulos, nihil in illos obijcere ualent, & relinquunt illud factum, ut resurrexerit Dominus, cui rei latissimum Apostoli & certissimum perhibebant testimonium, ut potè quod ipsi uidissent & tetigissent: & quanuis uniuersa non crederet multitudo, crediderunt ex Iudæis tamen plures, nam quum Petrus Apostolus concionatus apud eos esset de hac resurrectione, uno die tria hominum millia, altero quinque millia ad Christum conuersa sunt. Iosephus quoque Hebræus, qui uelisdem temporibus, uel non multò post fuit, in duodeuigesimo antiquitatis Iudaicæ libro Iesum fuisse Christum in lege prænuntiatum faceret, eiusdem prædicans resurrectionem: nam hoc maximum miraculorum omnium fuit, idque Christi diuinitatem potissimum, ut dixi, ostendit: commodius fuerit ipsius Iosephi uerba recensere, describens nanque ea, quæ in Iudæa sub Tiberio contigerant. Fuit (inquit) iisdem temporibus I s s v s sapiens uir (si tamen uirum eum appellare fas est) Erat enim mirabilium operum effector, & doctor eorum hominum, qui ueritatem libenter audiunt. Multos quidem ex Iudæis, multos etiam ex Gentibus sibi adiunxit. Christus hic erat. Hunc quum accusatione primorum

morum nostræ gentis uirorum Pilatus in crucem egisset, non deseruerunt
 hi, qui prius eum dilexerant. Apparuit enim eis tertio die iterum uiuus,
 prout hæc & alia plura de eo stupenda Prophetæ diuinitus elati prædi-
 xerant. Videtis ne quemadmodum iste doctrina & ingenio præstans in-
 ter Hebræos ueritate compulsus, non potuerit tacere aduentum Christi,
 & quomodo eiusdem resurrectionem palam asseueret, quam etiam præ-
 uisam dicit & Prophetarum ore prænuntiatam. Dicebant Apostoli Chri-
 stum resurrexisse: Dicebant unà cum his plures alij, qui uiderant: (nam
 ut alias eius manifestationes omittam) semel uisus est plusquam quingen-
 tis fratribus simul, res occultari nullo modo poterat, credita ab his tan-
 tum, quibus datum fuit desuper, ut crederetur. Hanc Christi resurrectio-
 nem, quod maximum est miraculum, & fidei nostræ caput, tanti fecit ec-
 clesia, ut Iudæorum sabbatum remouerent, & primum hæbdomadæ diē,
 quo Christus resurrexit, summis cæremoniis, summaque animi pietate
 omnem per annum celebrari mandauerit: hoc enim die ad templa pro-
 peramus, Euangelicam repetimus lectionem, cœlestique intersumus sa-
 crificio. Donique festum hunc diem læti agitur uacuis animis omni
 serui opere remotos nec mansit uetus nomen: nam qui erat gentibus So-
 lis dies, nos qui illum Domino consecrauimus Dominicum appellamus:
 ut uel ipsa appellatio nominis nobis diem ipsum commendaret, ita ut nō
 quæ Apostoli post mortem Christi prædicabant, quàm hanc resurrectio-
 nem. Quomodo quod dicebant incredibile uideri poterat Iudæis? pe-
 nēs quos Pharisei opimum & populare sacerdotum genus hanc corpo-
 rum resurrectionem ponebant. Saducæis tamen reclamantibus, ita ut nō
 mediocri inter se odio iracundiaque certarent. Nobiscum commodius
 agitur, quibus non quiduis, sed aliquid unum pro certo tenendum. E-
 tenim ut multa alia, quæ sunt magna, pulchra, admirabilia, ita & carnis
 nostræ resurrectionem fixo & immobili dogmate profitemur: & quod ali-
 ijs pugna fuerat, nobis fidei est articulus. Num etiam Philosophorum
 aliquis lumine utens rationis, de hac resurrectione uerba fecit? Demo-
 critus quidem fertur & plerique alij; sed premittitur Democritus conuictio
 Philosophorum urgentque in primis illum omnes hac interrogatiuncu-
 la, cur non resurrexit ipse? Vellem idem Philosophi a desent, ut intelli-
 gerent aduersus Christianos nihil hac argumentatione conclusum. Chri-
 stus caput & norma fidelium resurrexit: idem nos sectatores, & qui hu-
 ius capitis membra sumus, exspectamus. Quemadmodum Christus homini-
 bus similis effectus est olim mortali in corpore assupto, sic homines simi-
 les efficiuntur postmodum Christo immortali in corpore reasumpto. Ho-
 mines nasci & mori notissimum erat, quod assidue cernitur, resurgere nun-
 quam morituros difficillimè credebatur, quia exemplo carebat. Ecce
 præcessit Christus in hac resurgendi uia. Ille corpus ostendens gloriosum
 erutum de mortis laqueis dicit omnibus dandum, quod sibi ipsi iam de-
 dit. Si simulachrum, si exemplum tantæ rei quaeritur, non deest. Mor-

In Festum Pasch. diem

mus est Christus post multos, resurrexit ante omnes: Quid ita? quia quod cuncto humano generi naturæ lege impendebant, satis erat quancumque subire. Sed quod effici non potest, nisi diuina ui & fieri non posse multis uidebatur, eratque si fieret, magnum & gloriosum, id ipse Princeps opere impleuit, nec mirum uideatur, si ipse primus sit tanto donatus munere, quoniam ipse quoque primas laborum omnium & dolorum partes tolerat, ut humanum genus à peccatis erueret, & ab exilio ad patriam reuocaret. Legimus Apostolum Paulum, quum Euangelicum semen per orbem terrarum spargeret, ut fidelium multitudinem tanquam segete efflorescente illam deinde tam pretiosam annonam in cœli horreo collocaret. Sed illum Græciæ oram peragrantem legimus Athenas florentissimum disciplinarum omnium domicilium diuertisse. Illic uir cœlesti doctrina imbutus cum Philosophorum gregibus pedem dicitur contulisse. Idem ad populum productus nouas res audire cupientem, quum Christum à Deo missum pro mundi salute diceret crucifixum, hunc uerum esse Deum & colendum asseueraret. Athenienses mirari, & Paulum dicere nouorum Dæmonum inuentorem, nec iniquo tamen animo talia audiebant assueti colere multitudinem Deorum? At ubi unumquemque consurrecturum è tumulo, & ad carnem suam rediturum, atque ita ossibus, neruis, uenis compaginarum, artuatum denique, ut tunc esset futurum ostendere cœpit, enimuero subsannabant alii, & simul discedentes de hac re, te (inquiunt) aliàs audiemus, alij contineri non poterant, quin stomacharentur, uel apertè irriderent. Homines Græci humana tantum luce præditi hanc nouam corporis instaurationem non tulerunt: nos facer Dei populus diuinis præmoniti oraculis, quauis mortalem carnem circumferimus, de eius tamen immortalitate præsumere audemus: Etenim quòd collapsò caduere nobis uidetur esse cinis in seâ pulchris, id humana est caro Dei notione: non enim mirandum est; quod perito unum, aliud imperito uideatur. Veluti si quis rudem aliquem & imperitum adduceret inter eos, qui uenas montium rimantur, increparet forsitan illos; quòd terræ effodiendæ gratia tantos exciperent labores, at qui effodiunt, non terram, sed auri, argenti, uel æris metalla eruerè se intuentur. Sed non quicquid tantum de humanis corporibus in puluerem collapsum est: Sed quicquid ignis rapuit, fera absumpsit, humor eliquauerit, aurarum spiritus exhalationibus collegerunt, reddetur omne Deo summo qualia ea sint internoscençe, & singula quæque ad loca propria conglobari iubente. Arduum opus prorsus si ab homine ac non ab omnipotente Deo factum diceretur. Mirum uidetur si emortua corpora ope diuina sublata in ueterem formam redigantur. At arbores uidemus excisas iterum pullulare, & easdem hieme aridas, uere ineunte reuirescere, quis credat nisi usredoctus malum, quod sterile uiderat inter pruinas, mox alio tempore ueluti ubertate quadam inuentæ reuocatum iri: quod primùm gemmis turgescet, deinde ornabi

tur floribus, uestietur & frondibus, postremo pomorum sætu exuberabit, atque ita in pristinam redit faciem solitumque nitorem. quod si hæc mira resurrectionis species in arboribus humani uictus causa inducitur, quo tandem studio uitam corporibus nostris elapsam Deus redditurus est, & pristinam speciem concessurus? Quid granorum semina, quæ mortali manu sparguntur in agros, non ne prius putrescunt intra ipsius terræ uiscera & corrumpuntur, sed uiuificantur postmodum: nam radices primum emittunt, in uirentem herbam deinceps consurgunt, & in segetem mox efflorescunt, & tandem in aristarum culmos euadunt, & per tot circuitus exhibent se grana, qualia prius fuerant: nec minor de humanis corporibus cura Deū tenebit, nec plus naturam per se infusam rebus, quam se ipsum ualere patietur. Et forsitan id rationi uidetur consentaneum, ut animis propria reddantur corpora, è quibus ui detrusi eiectionque fuerunt: animorum enim proprium est hæere corporibus: ad hoc enim creati fuerunt, ita etiam primo tempore collocati: urgentur deinceps fatali quadam necessitate deserere suas sedes, destituere carnis societatem, poscit animorum causa, poscit, ut aliquando eò restituantur, unde decedere coacti sunt. Nullum enim uolentum, (ut quidam dixit) perpetuum. Hinc aliud quoque argumentum futuræ resurrectionis ducitur, si quidè ponimus, quod negat nemo, quod sapiens hoc & solers & prouidum animal, quod homo uocatur, non ex animo solo, nec ex corpore solo, sed ex utroque simul iuncto constituitur, equitis instar, qui pariter ex duobus id est ex uiro insidente & equo componitur. Si igitur animis à corpore iam seiunctis corpus iterum non reddatur, non erit amplius homo ille, qui prius fuit, iam dimidia tantum ex parte animal istud relinquetur: quod si absurdum est dimidiatum esse animal & non integrum, societatem carnis animis restitui dicendum: quemadmodum & equum latrocinio ablatum quilibet diceret equiti restituendum, ut munere ille suo fungatur. Falsum igitur illud magni Poëtæ, qui quum morientem quendam in acie bellatorem describeret, addidit: In æternam clauduntur lumina noctem: imò quisquis ille fuit, si modò fuit, pristinis aliquando hauriet oculis lucem, quin etiam: cruorem omnem in acie fufum recuperabit. An non peruersum est uobis capillos capitis uestri esse numeratos, sicut Euangelicus fert sermo? Si capilli numerati sunt, puto facilius in numerato esse ossa, & dentes, & reliquas corporis particulas: frustra autem numeri ratio haberetur, si aliquid ita pereat in corpore, ut non idem reddatur. Saluator de inferno loquens dixit, Vbi est fletus & stridor dentium. Erunt igitur illic corpora animis iuncta. Ego enim nunquam uidi aut audiui, quod animus dum nudus spiritus est flet, aut dentibus strideat. Veniet (inquit Saluator) hora, in qua qui in monumentis sunt, audient uocem filij Dei, & procedent. Audient scilicet auribus, procedent pedibus. Cætera scripturarum testimonia quid refer colligere, quum uulgo nota sint, & tam clara etiam & aperta,

In Festum Pasch. diem

ut nec mea nec alterius interpretatione indigeant. Nonnulli tamen ex nostris hominibus è Philosophorum scholis prodeuntes huic uno articulo de corporum resurrectione tardius adhibent fidem, quam negant naturalibus rationibus comprobari, quasi potens sit usque eò Deus, quò ad naturæ rationes, quas ille rebus indidit, ferant, & eisdem finibus & cancellis circumscrip- tus sit, de cuius uirtute & immensitate illud uerissimè dictum est, Deum esse locum omnium, & omnia non esse locum Dei. Hic tu mihi quæris rationes plausibiles, & ad naturæ partes ualde accom- modaras, quibus ostendatur futurum, ut resurgant corpora. Quid? si nullas habeo, ideo ne minus erit resurrectio? quàm multa herbarum & radicum genera, quàm uaria animantium membra ad medelam apta & leuationem ægritudinum? quorum tamen causâ & ratio, si disquiratur, nulla inueniri potest. Fontes perhibentur esse nonnullæ admirabili natu- ra, quarum una in Aphricæ ora meridie gelida, sole oriente & decedente reseruescit. Altera quicquid mergitur lapidescit, & ad silicis rigorem per- ducitur. Fuit & tertia in Dodone, quæ incensas faces extingueret, extin- ctas incenderet, his de fontibus plures auctores tradidere. Quis scit, uel scire potest unde hæc fiant, & plurima alia, quæ diuersis in locis miran- da conspiciuntur? Illis nos uoluit uti Deus, causas, quæ illa mira partu- riunt abdidit, sed nulla causarum ignoratio facit, quin uim suam illa re- tineant & prodant, Nec ob hanc ignorance commouemur, ut ea fal- sò literis prodita opinemur. Similiter resurrectionem à Prophetis præui- sam, sacrarum literarum eloquio exhibitam atque monstratam amplecti debemus, etiâ si in illius prospectu deficiat omnis humana ratio. Nam si naturam intelligimus occulta & ignota mortalibus uia progredientem multis locis, magnis in rebus ad mira quædam peruenire. Cur non hoc magis ui diuinæ uoluntati quæ tribuatur? Etenim tanta res, quanta resur- rectione uidetur, humanam rationem ut ulneat, diuinam nunquam superâ- bit. Cælum terram, mare, deulorum acie, at quomodo quum antea non fuissent, subito emerferint, ne mentis quidem lumine uidemus? Unde e- nim hæc deductæ? quomodo fabricata dicemus? quum nulla materia præ- iaceret, nulla rerum forma species uel extaret. Hæc cœli tanta pulchritu- do, quam interdiu sol flagrantissimo lumine incendit, & noctu uarij astro- rum splendores exornant, quibus effici potuit machinis, ferramentis, ue- sibus, ministris, sunt hæc tam uasta & grandia, ut humanis nequeant ex- minari ponderibus. Ne sit igitur cœlum, nec terra, nec mare, nec mun- dus denique sit nullus, quoniam hoc opus, quomodo & unde tam repente emerferit, nescimus, quum antea non fuisset. Nemo ea hominum fieri ui- dit, nemo ratione perspicere ualet, quomodo de nihilo aliquid effici po- test. Quodd si dicis solo Dei uerbo condita, sicut sanctæ scripturæ docet auctõritas, & fides habet cunctorum, assentiar libenter, & illud addatui posse Deum eodem illo uerbo corpora mortua excitare, & ad ueterem formam reuocare, si quidem maius est nulla subiacente materia omnia condere,

condere, quàm quædam condita, mox dilapsa componere, & ad partes suas reuocare. En illud est, quod sæpius est dictum, & verissimè dictum, nos non tam magnis quàm nouis & insolitis commoueri. Hanc orbis speciem, hunc ornatum, hæc elementa nemo ab ipso summo Deo facta miratur: maximum sanè opus & admiratione dignissimum; sed huic assueuimus. At ubi resurrectio corporum proponitur ab eodem formanda Deo; admiramur, & forsitan tunc animis pendemus; non quòd maioris speciei resurrectio, quàm illa fabrica: sed quia alterum iam factum est, & assidue oculis occurrit, alterum nondum contigit uidisse. Cogitate quàm iniqui æstimatores rerum sumus, & quàm absurda sæpius fiant. Nam ut communem resurrectionis causam relinquam, si nunc unum aliquem eorum, qui à uita desierant, reuixisse dixerò, id què possim ostendere, quantum id uideretur omnibus? quàm admirandum? quanta omnium prædicatione celebraretur? quum tamen interim tot homines, qui antea non fuerant extare, & uitæ limen ingredi nota dignum non ducatur: & tamen operosior uideri debuit hominis creatio, quàm instauratio. Ego ingenuè fateor mihi magis admirabile uideri, quomodo humanus animus, qui omni prorsus caret materia, huic tam graui terrenæque moli potuerit illigari, quàm quomodo dissipati illi, (ut ita dicam) numeri, qui compositione sua hominem antea faciebant, rursus ad eandem ueterem summam explendam redire cogantur. Facilius quippe fuerit semel institutum opus contexere, quod defluerat, quàm diuersissimæ substantiæ res duas nodo uno copulare, & tamen istud, quia assidue fit: (homines enim nascuntur quotidie) contemnitur: alterum de resurrectione, si fieret, magnum quiddam & præclarum uideretur, & si minoris sit operæ, quia raro factum. Nos autem (si sapimus) recto utemur nunc iudicio, æstimabimusque artificis potentiam & magnitudinem, non ubi sunt noua, sed maxima: deinde illud uidebimus eum, qui maiora præstiterit, posse minora, ubi uisum fuerit, præstare. Quanquam hîc mihi uideor errare uerbis, qui de Deo loquens facilius aliud, & aliud difficilius, maius opus & minus pono: habet enim Artifex iste latissimam potestatem nullis circumscriptam finibus, ut eadem facilitate ab eo cuncta tractentur: Solo enim nutu tractat, & annuere non opinor difficile, nec impossibile quicquam, quod ille posse uoluit. Verùm illud est: nos enim uitioso quoddam more ex humana facultate diuinâ sæpius metimur: modica, breuia, angusta, temporalia conferimus his, quæ sunt maxima, latissima, immensa, æterna. Videmus inter ipsos homines quantum periti distant ab imperitis, nam quod illis facile est factu, istis non modò difficile, sed impossibile redditur. Similiter à uiris plurimum distant pueri, quia quod ipsi præstare nequeunt, ac ne cogitare quidem possunt, illi præstant facillimè: Sic quodcunque impossibile est hominibus, id facillimum Deo, imò uerò nō sic, quia maiore intervallo distat ab hominibus Deus, quàm inter homines ab imperitis periti, & à pueris uiri. Occurrat igitur illud

In Festum Pasch. diem

illud de resurrectione cogitantibus non fieri illam humana ui, sed diuina, quæ specimen sui præbuit in condendo hoc opere uniuerso, quo continemur in creandis cunctis animantibus, quæ uidemus. Simon magus, qui baptismo suscepto crediderat, postea à fide desciuerat, contendit Romæ cum Apostolis Petro & Paulo resurrectionem mortuorum prædicantibus, nec contendit modò uerbis, sed etiam libris super ea re editis. Verùm ut Dionysius tradit in libro diuinorum nominum, demeritissimè sentiebat, quamuis sapientem se existimaret: non enim oportere, qui rectè sentiat, manifesta sensuum ratione pugnare contra omnipotentissimam rerum causam, sed omnia ei concedere, ubi de uoluntate non dubitatur. Est resurrectio quidem mortuorum contra naturam hanc scilicet rebus creatis inditam, sed non contra diuinam naturam: ipsi enim nihil contrarium. Habet resurrectio sufficientem sui demonstrationem, immensam scilicet promittentis potestatem. Omnes inimicos Christus suis subiciet pedibus, siue homines sint hi, siue Dæmones, omnes perduelles domabit: nouissimum autem omnium hostem mortem destruet. Enimuerò animi non impiorum modò, sed illorum quoque, qui splendide uicerunt mundum, & nunc foeliciter cum Christo regnant, mortuorum hominum sunt, nullus inuenitur, qui non spoliatus fuerit corpore, quem denique mors non uicerit; omnes tyrannidi adhuc mortis subiiciuntur, hanc prosternet, euellit, dissipabit Christus redditus unicuique propriis corporibus. Sic hostis hostem gloriosè uincit, ubi illum iugulans spolia ante amissa recipit. Poterat Christus mortem subire, eiusque cursum frænare, & efficere ne quenquam post eius crucem attingeret, sed quò magnificentior splendidiorque foret uictoria, permessa est mors absorbere omne mortale genus, ut sic deinceps ex eius ritu omnes eruerentur. Maioris enim uirtutis iam ab hoste captum atque detentum se explicare, prosternereque iam uictorem, quàm intra præsidia castrorum stantem, aut loco tuto se tenentem incolumitate potiri. Peccatum Adæ corporis mortem (sicut nostis) cunctis intulit. Hoc peccatum quum Christus morte sua deleuisset, tandem mortem quoque, ut opus ipsius peccati soluet, nec plus Adæ peccatum, quàm sui gratiam ualere patietur, ergo resurgent pii & impii receptis suis corporibus: sed pii ad præmia, impii ad pœnas: licebit his, qui uocati sunt ad æternam uitam, illo die splendide exclamare. Vbi est mors uictoria tua? Vbi stimulus tuus? Christi morte mortua es ò mors, certè iam in nos nihil habes impetii, non iam amplius tui iuris sumus. Et ita quidem nostra habent se dogmata. Quòd si ad Philosophos ueteres res reuocatur, eorumque iudicio standum asseueratur, dico id fieri minus oportere, quoniam illos à diuinorum mysteriorum cognitione procul positos fuisse scimus: & nihilominus si humanam consulamus rationem, probabile magis, quod à nobis, quàm quod ab illis dicitur, uideri debet. Excellentissima auctoritate inter Philosophos Pythagoram & Platonem fuisse constat, & posterores

riores, qui horum disciplinam tenuerunt: reliqui horum splendore ob-
fcurantur. Isti animos hominum post mortem elapsis aliquot annorum
spacijs affueverunt reuolui in alia corpora atque alia, non hominum mo-
do, sed etiam bestiarum, & hunc circuitum assidue procedere, ut ex uiuen-
tibus fiant mortui, & ex mortuis uiuentes. Suscipiunt isti isti in hoc qua-
stionis genere, id quod difficillimum est animos scilicet reuerti ad corpo-
ra, reliquum est, ut discutiamus hoc suscepto, utrum credibilius sit re-
uerti eos ad propria semel, an multoties in aliena. Sed quis tam mentis
inops, ut non uideat concedendum magis esse, ut suum; quod deposue-
rant repetant, & regrediantur unde discesserant, quàm ut quicquam no-
ui moliantur, idque honestius, ideo potius credi debere, præsertim quod
hoc diuina oracula, illud ora protulerunt humana. Aristotelici hanc cor-
porum resurrectionem nulla ratione concoquere ualent. Putant necessa-
riò consequi: mortuus est, igitur non reuiuiscet, quoniam à priuatione
non sit reditus ad habitum. O stultitiam singularem, hoc argumento
contendere aduersus Deum, qui sæpius cum per sanctos suos multos, tum
per Dominum Iesum cæcis uisum, surdis auditum, mutis loquelam, clau-
dis gressum, & mortuis demum (si hoc audire expectant) uitam reddidit.
Prælusit ille (ut mihi iam uidetur) resurrectioni omnium futuræ, dum
quosdam è mortali hac uita elapsos in eandem restituit uitam, & pristi-
num eis munus resignauit. Mortuum (inquit) semel est corpus, ideo non
resurget, imò nisi mortuum fuerit, non resurget exemplo frumenti, de
quo antea dictum est, quod in terras sparsum moriatur prius necesse est,
ut in lætam segetem resurgat. Memini, quòd quum olim adolescens, de
his, quæ in fide traduntur, uerba facerem cum Aristotelico quodam ho-
mine erudito & prudenti, dixit ille nobilem; grauem, elegantem sen-
tentiam, dignam, quæ in quolibet conuentu audiatur, ideo eam uobis
notam esse cupio: Dixit enim non oportere, nec debere, nec fieri omni-
no posse, ut ad fidei mysteria naturales rationes adducantur: proprijs e-
nim & suis argumentis unamquamque rem esse exquirendam & demon-
strandam. Hæc autem diuina, quæ à mortalium sensibus posita sunt pro-
cul, percipi & cognosci diuinitus uel applicatione puræ & castæ mentis
ad Deum, uel sacræ scripturæ testimonio, quæ prodita fuit ad tardiores
quosque edocendos. Quicquid illic tradatur de Deo qualecunque sit,
id pro certo tenendum, quoniam nihil refert utrum Deus loquatur, an
is, qui Dei correptus fuerit spiritu. Deum autem pro arbitrio quacun-
que commouere, flectere, inuertere, qui omnia condidit, cunctis infi-
det rebus, qui de se uniuersa pendentia uidet. Ad hunc modum, quem
solidum esse & uerum & germanum censebat, dixit fidei dogmata inue-
stiganda, errare autem & delirare, obliquoque & deuiò itinere progredi,
quicunque his manufactis ad illa uolunt deuenire, possumus tamen,
(inquit) in his etiam diuinis naturæ pariter adhibere significationes, si-
cut doctissimi olim patres fecerunt, sed non ut illis innitamur, uerum

In Festum Pasch. diem

quò facilius ueluti quibusdam gradibus scandentes ad maxima illa tolleremur. In sunt namque in rebus his creatis similitudines quædam diuinorum illorum mysteriorum, sed rudes & impolitæ, & imperfectæ denique, uerum ab his imperfectis ad perfectissima illa scandere ualemus, nam si in naturalium rerum progressu mira quædam effici sæpius cernimus, quid de diuinis existimandum? Hæc illum dixisse memini, mihi quæ persuasit, etenim neminem nostrum ad tam diuina tamque altè petita mysteria per somnum euehi posse, aut quò de Ganimede Poëtæ tradunt, raptu Aquilæ conuolare perspicuum est. Opus est proiecto corpore, contemptisque terrenis assidue meditari diuina, hisque toto seruire pectore, deum diuino numine afflari, sic forsitan ea per nos ipsos inspicere quomodo possemus. Si tales sumus, rectè est, sin aliter, habenda his fides, qui inspexerunt, ne incredulitatis pœnas luamus, quæ enim excusatio obrendi poterit? Nos de his, quæ longinquis in oris posita non conspeximus ipsi, aliis credimus, qui uiderunt, & quamuis sint talia, quæ à regionis consuetudine procul abhorreant, adhuc tamen talibus fidem nostram mandare æquum putamus, nec solum nostrorum, sed etiam aliorum corporum sensibus plurimum scientiæ nostræ additum fatemur, quid de his, quæ animis sentiuntur: est enim etiam illis suis sensus, unde sententia nomen accepit, nonne sanctos uiros audiemus? quorum mentes diuino collustratæ lumine illa maxima & admirabilia perspexerunt, nec perspexerunt tantum, sed sicuti solent orbem peragrans, quæ noua & singularia penès exterarum nationes apprehenderunt, scripto persequi, & memori manu notare, sic illi, quæ flante Deo acceperant, uel in illo clarissimo uniuersitatis speculo deprehenderant, literis mandauerunt. Resurrectionem corporum Prophetæ prædixerunt, Apostoli prædicauerunt, quin Christus ipse pollicitus est: Illud uerò iam opus non uerba, quòd prior ipse exempli gratia resurrexit, & cum eo unà plures. Hæc sacris mandata literis credere dubitamus? si testimonia hominum accipimus, quantò magis diuina, quæ grauiora firmioraque sunt? quòd si de præteritis futura æstimare uolumus, sicut illa iam impleta sunt, ita & ista implebuntur. Quicquid ad Christi conceptum, natale, uitam, mortem, resurrectionem, ascensionem pertinet, prædictum est antea & impletum credimus, prædicta sunt ecclesiæ tempora, quòd reges & populos primum iratos haberet, mox fauentes. Vtrumque impleuit, & Martyrum infinita pœna, & quæ sequuta est orbis ad fidem conuersio, prior ætas pro idolis aduersus Christum, posterior pro Christo aduersus idola pugnavit. Non tacuerunt prophetæ, quòd ecclesia domestica hæreticorum seditione laboraret, quòd nunc etiam fieri oculata tenemus fide, prædicta quoque corporum resurrectio in mundi clausula, uenturumque iudicium, quòd digna dignis tribuentur: & boni bene, mali malè excipientur: tam id nõ deerit, quàm nec priora defuerunt. Si quidem eiusdem spiritus afflatu pronuntiata sunt omnia. Ergo resurrectionem corporum crediderunt,

qui

qui nos præcesserunt fideles, & credimus, qui nunc sumus, & credent postmodum, qui consequentur. Hæc resurrectio credita effecit, ut minus timerent Martyres in eculeos, in ardentem laminas, in ungues ferreos, in flammam, in cruce, in quolibet demum cruciatus ire. Videbant enim sanctissimi illi, nunc etiam felicissimi, quod corpus proprium, quod tunc patebat ad laniatum carnifici, aliquando reciperent, non incolumem modò, uerùm etiam grandi dote ornatum, & eò ornatus, quò tetriora fidei causa perferrent. Huius resurrectionis fides illud etiam præstat, ne in charissimorum morte nimio mœrore defluamus. Quis uestrum non aliquem sibi charissimum defunctum eluxit? Hic parentes, propinquum alius, alius amicum: nemo non alicui morienti lacrymas doloremque suum præstitit, atque haud scio an non rectè: non enim amisistis, sed breui temporis curriculo à uobis dimisistis. Nostis nanque animos nostros post mortem superesse, & immortales manere. Caro eadem illis aliquando reponetur, ita, ut nihil desideretur. Quamobrem eosdem habebitis, eosdem suis rigentes nervis, propria obductos cute uidebitis. Non enim mors corpus occidit, sed medium tantum quoddam spacium occupans priorem eius futuramque uitam discriminat, quasi somnus quidam nocturnus inter hesternum crastinumque diem coniectus. Itaque inualuit in ecclesia consuetudo de sacris ducta literis, eos, qui de hac uita decesserunt, dormientes uocare nomine, quasi iterum cum corporibus ad uigiliam alteram suscitandi sint. Gentes quoque olim de mortuis pari sermone utebantur, ut dicerent eos somnum coepisse; sed eum unicum atque perpetuum: non enim resurrectionem expectabant. Tale illud est, quod legitur penes Virgilium.

Olli dura quies oculos, & ferreus urget

Somnus, in æternam clauduntur lumina noctem.

Et apud Horatium illud quoque lego.

Ergo Quintilium perpetuus sopor Urget.

Rursus alius Poëta cecinit

Nox est omnibus nna dormienda,

Huiusmodi plura in Gentium literis reperiuntur, quæ tamen minus propriè ab illis dicuntur, nam si nulla est corporum resurrectio, & erepti semel sensus corporis nunquam restituuntur, non est dicendum homines in morte obdormiscere, sed animo tantum superstite animal ipsum concidisse: sed si ad proprium redditurus est corpus quicumque hinc à nobis discesserit cum immortalis animo, ita ut pristino more copulatus uigat & sentiat, tunc uerè existimandus ille non occubuisse moriens, sed dormisse, tanquam sensus corporis non fuerint ei erepti, sed ueluti somno in tercepti, & consopiti. Hinc Saluator in Euangelio, de puella mox suscitanda dicebat: Non est mortua puella, sed dormit. Eadem significatione dixit. Lazarus amicus noster dormit, sed uado, ut à somno excitem eum. Apostolus Paulus, idem quod ipse nunc proponebam persequens,

cenſet non eſſe lugendos mortuos ob ſpem reſurrecciónis, eoſque dormientes uocat. Nolo (inquit) ignorare uos fratres de dormientibus, ne contriſtemini, ſicut & cæteri, qui ſpem non habent: Hæc in epiſtola prior ad Theſſalonicenſes. Alijs locis paſſim uocat mortuos ſub dormientium nomine. Et Chriſtum appellat primitias dormientium in reſurrecciónis myſterio, quòd primus omnium reſurrexit. Inter eſt tamen inter hunc ſonnum & uigiliam, quam quotidie induimus, & id quod tunc fiet, quoniam hæc duo nunc alternant, & ſibi ipſis inuicem ſuccedunt: nam de ſonno ad uigiliam, & de uigilia ad ſonnum tranſimus: at ubi ſemel cum corpore reuiuſcere, & reuigilare (ut ſic dicam) cœperimus, nunquam deinceps amplius dormiemus. Vos igitur ad ſepulchra adhuc flebitis? non facietis, ſi memineritis illa eſſe cellaria; è quibus chariſſimorum rediuiua corpora proferentur. Hoc ſic habere, uel unum illud, quod circa lob geſtum eſt, acutè cernenti oſtendit: nam quum huic uiro Deus ob ſingularem patientiam eorum, quæ antea poſſederat, duplicia omnia reddidiſſet, oues, camelos, boues, aſinos, & reliqua, filiorum tamen numerum non duplicauit, ſed eundem reſtituit, quaſi quos prius habuerat non amiſiſſet, ſed ad reſurrecciónem præmiſiſſet. Nemo tamen exiſtmet communi uita tunc uiuendum eſſe, & unicuique ad lares proprios & ſua ueluti poſtliminio quodam eſſe repedandum, ſicut olim in terra Mediolanenſi contigiſſe dicitur, nam illic quidam lætali ægritudine detentus, quum impelleretur à Monachis, ut propriam domum eorū eccleſiæ legaret, negauit ſe facturum, quia nollet, quum reſurgeret aliena tecta, mercede habitare. Hæc ille aut credidit, aut finxit credidiſſe, cum ſummo omnium, qui aderant riſu. Quando igitur hæc fiet reſurrección? quid uè tunc agetur? Non obſcurum eſt id euenturum in ipſa penè temporum conſuſione, quandoquidem non multò poſt uniuerſus hic rerum ſtatus, totuſque mundus, uelut rogo illatus ardore deſlagrabit, tunc uiuorum & mortuorum Iudex Apoſtolico Senatu comitante Chriſtus ſedebit. Illo tempore, quum reſurrección corporum deſinet mirari uideri, quoniam æquè omnibus continget, ad beatiffima cœlorum præmia iuſti & pij uocabuntur, reliqui impij, nocentes, qui aut in ſe, aut in alterum, aut in eum, quem ſibi iratiſſimum præſentem facinorum uindictam uidebunt Deum, iniuſti quicquam perpetraverint: nec ea crimina poenitendo deleuerint, æternis flammis incendijsque tradentur. Dubitate etiam nunc ſi poteſtis reſurrecciónem futuram, nam quum ad diuinum iudicium uniuerſis ſpectantibus progredi neceſſe ſit, nonne idem homo exhiberi debebit? equidem quum nouiſſimum illud tempus ante oculos pono, exhorreſco: fiet enim tunc acerrima diſcuſſio de ſingulorum factis atque dictis: non enim quæreretur, utrum huius urbis domus, quas ueluti teſtas quaſdam ad nos contegendum compegimus, ſaluæ futuræ ſint, ſed ſigulus ipſe rebus omnibus nudatus in extremum diſcrimen pertrahetur: ne illud quidem poſcemur, ut dicamus, cur cœlum

hum contrario motu aliter atque astra feratur. Cur flumina perpetuo cursu manantia, per multa terrarum spacia in mare deinceps omnia tanquā in immensum laticum quandam uentrem diffundantur: quæ sidera in cœlo, feræ in syluis uoluantur. Illud dicendum potius quàm pij, quàm religiosi fuerimus, quot pereclitantes fame saturos dimiserimus, quot æximus nudos, quot collegimus uagantes, quot subleuauimus iacentes quot demum egenos opis & consilij, fraterna charitate recreauimus. Multa nūc honorant, quæ tunc forsità grauiter premēt, ueluti diuitiæ, genus, amicorū cunei, populi fauor, magistratus, imperia, ingenij uis, memoria felicitas, doctrina ingēs, & exūdans eloquentiæ fons, hæc inquit tunc fortè lædant, quibus nunc iuari uidemur, quia uel ea malè ceperimus; uel non ita usi fuerimus, ut oportebat, & diuina eloquia flagitabant. An putatis, quòd in illa turba gloriabuntur sic homines? Ego in sæculo agens tot iugera terræ possedi. Alius, at ego Philosophus excellens. Tertius, at ego, quod superat omnia: Pontifex maximus fui. Nemo hæc pro se efficeret, nisi dum haberet, spectauerit in his, & Dei laudem, à quo suscepit, & hominum salutem, quibus auxiliari tenebatur. Olim fuere multi, & nunc forsitan sunt nonnulli, qui diuinam de rebus auferūt prouidentiam, uel de ea malè existimant, dum uident mansuetè, & castè & iustè uiuentes calumnijs premi, inuadi, torqueri, diripi, lacerari, & eorum plurimos uix necessarium uictum habere; sæpe etiam morbo longo & graui macerari, & demum omni carere subsidio. Et è diuerso maleficos & pollutos homines planeque flagitiosos affluere diuitijs, deliciarum, nitidis uestibus amiciri, longam clientulorum cateruam post se trahere, magistratus gerere, multa à regibus dona prouilegiaque referre. Hæc ubi uiderint, indignabundi exclamant. Vbi nunc est prouidentia illa? Vbi iustum iudicium? Sobrius & innocens malè agit, intemperans & sceleratus feliciter. Hic uenerationi est omnibus, ille contemnitur, hic uarijs fruitur uoluptatibus, ille summis affligitur angoribus. Horum omnium sic clamantium ora obstruit supremus ille resurrectionis dies, in quo & lætissimis iusti præmijs, & tristissimis iniusti afficientur supplicijs. Non enim res humanæ æstimandæ sunt solum ex his, quæ in hac uita contingunt, sed ex illis multò magis, quæ in altera, propterea quòd diuturnior est, uel potius sine omni carebit. Præsentia sunt iustis uiris certamen & ueluti stadium quoddam angoris luctusque plenissimum. Futura uerò, quæ è nihil tale, sed horum contraria, præmia, coronæ, gaudia, honores. Itaque oportet illos ut athletas hic & in sudore, & puluere, & æstu multo, & uarijs in laboribus æumnisque uitam agitare, & cuncta perferre uiriliter; existimantes pro his immensa sibi reposita fore munera & stemmata. Si quos uerò impiorum conturbat præsens & momentanea felicitas, hi perpendant quales & quantas in posterum daturi sunt pœnas. Enimvero & hîc uidemus fures, latrones, sicarios, falsarios, prædones, antequam ad Iudicem trahantur, multis perfrui delicijs iam locupletes &

abun-

In Festum Pasch. diem

abundantes ex aliorum calamitatibus effecti : at ubi uincti audiunt Iudicis sententiam, & extrema excipiunt supplicia, miseros illos & infœlices iudicamus. Sic qui nunc uidentur foeliciter agere impiè uiuentes, ubi unigenitus federit Dei filius nouissimo die, cunctosque mortales ante il lud horribile tribunal adducet : cernemus istos falsa nunc foelicitatis opionione corruptos, summis calamitatibus ærumnisque premi, dum cunctorum exortes bonorum in flammis proicientur sempiternas. Nemo unquam extitit tam uehemens diuinæ prouidentiae accusator, qui non aperitissimè tunc intelligat cuncta consilio gubernari, quum uiderit rectissimo iudicio & iustos post graue certamen coronari, & impios post illicitas uoluptates affligi. Hoc præstat cuique nunc intelligere, ut iam uideat, quid magis expediat, & simul ne audeat impium quicquam aduersus Deum proferte : nam rem factam stultus etiam intelligit, tunc quum nihil admodum prodest intellexisse. Illud uerò egregium, quod nihil omnino latebit eorum, quæ aut ritè aut perperam dicta fuerint, gesta, cogitata, palàm erunt omnia, etiam illa, quæ in tenebris & solitudine tractantur. Quid ita ? quia non peregrina aduersus nos proferentur testimonia, sed nudati ipsi ante omnium ora sistemur, unusquisque conscientia sua tantum pro tegmine quodam utetur : non uacabit tunc alia de re disceptare aut alteri suffragari : causam inspiciet quilibet propriam, & de ea sollicitus erit. De Iudice dictum est : Iudicabit enim iste resurrectionis nostræ auctor, & qui in ipsa resurrectione nos tam longè præcessit, demum, qui & homo pariter et Deus est, cuius sanè iudicium nemo aut pecunia corrumpet, aut acumine circunueniet, aut mendacio fallat, aut ui perfringat. O miseros illos, & plusquam dici potest miseros, quos premet conscientia sui ipsius accusatrix. Illo supremi Iudicii die miseri illi & infœlices fugient uultum iratissimi Iudicis, nec tamen effugient ; nihil erit in illis, quod non horrore, formidine, trepidatione quatiatur, nusquam consistere poterunt, pauebunt undique : ne furorem quidem diuinæ iræ, quo torquebuntur, audebunt deprecari, ac ne optare quidem, ut remittatur. Quid deinceps fiet, quum Iudicis tanti ore in loca ultima, tetra, formidolosa detrudentur præmij loco pro facinoribus susceptis ? ubi uberrimi fletus & lamenta sonant immensi doloris, ubi supplicia nec modum nec tempus norunt, ubi nulla fatigatio, nec tormenta, nec tortores tenet, nec tortus deficit : quid hinc aliud, quis dixerit, nisi in uita illa mortem esse acerbissimam, morte tamen carentem. Hoc triste est & seuerum quoddam orationis genus, quo forsitan tam læto & celebri die uti non debuiquam quam nō omnia protuli, quæ infœlices peccatores in infernis perferrēt ; nam uel illud pessimè eos uret, quod uidebunt se à conspectu Dei longè latèque proiectos uero bono caruisse & in æternum carendum esse. Sed iam desino. Illud admono sic fingendos nunc mores & componendam uitam, ut non quolibet resurgentes, sed non nisi in bonorum grege collocemur : hoc enim ualet non solum ad fugiendum molestissima illa, ue-

rum

rùm etiam ad assequendum beatissima. Nam si in bonorum parte steterimus, illud primùm aderit, quòd uenientem Iudicem non modò non metuemus, sed inter nubes sublatis tenuatis corporibus in occursum eius ueniemus. Attendite nunc & considerate, ut inualidis & imbecillus humani corporis sit status: quem morbus deicit, uis & ferrum labefactat, mors diripit, labor atterit, dolor affligit, fames ac sitis affiduè uexat, ipsa denique dies post medium ætatis culmen imminuit, ac per singula penè carpit momenta. quid hæc crassitudo terrena, num mediocriter in corporibus offendit? quæ ab omni luce muta, rardirarem motus consequuta, in imum deprimir, ut nos, quorum gratia hic mundus & cœlestis ignium ornatus effectus est, ne sideribus quidem, quantum ad corpora attinet, simus pares, quæ immenso fulgore nitida & leuitare ipsa sublimia incredibili celeritate mouentur. At Bearorum corpora ubi confluent, si splendorem quærimus, sole ipso lucidiora, si subtilitatem, uim assequuntur subtilissimorum corporum; ita nec erunt oneri, & per quælibet densa facillimè introrumpent, quid dicam de agilitate, propter quam penè subito, ac penè sine temporis intervallo uniuersum cœli ambitum transmittent, ut stultum sit tigridis cursum, sagittarum autem uolatum, & si quid his fugacius, conferre. Ad hæc nihil laboriosum, nihil asperum, nihil contumeliosum patientur, nec ullo cibo potu ue egebunt, quo corporis ruina fulciatur, quia incorruptibile fuerit & immutabile, animi tantum nostri cibum & potum requirunt, qui fuerit illis in Deo paratissimus, hoc reficientur, de hoc uluptatis fonte potabunt. Non celebrabuntur nuptiæ, quia nulla noua proles supponenda fuerit nemine moriente, & omni humani generis numero ad suam summam perducto. Postremò nulla intercurrent uerustas, quæ pulcherrimis corporum illorum ornatus dilapsus occidat. Illa erunt corpora cœli digna habitaculo, illo se gaudebit animus domicilio collocari. Est natura quidem insitus amor nobis erga corpus, isque minimè nequit auelli, adeò ut sanctorum animi Dei intuitu iam beari adhuc appetant carni suæ sociari, illiusque ueluti reddito connubio lætitiâ suam perfici. Nunc uerò quis nostrum odio corpus suum prosequitur? Non enim si minus illi indulgemus, & laboribus assuefacimus, id ullo fit odio, sed ut corpus ipsum obsequijs animi reddamus habilius, quòd si etiam sunt, qui dicant se malle omnino carere corpore: ij non sentiunt, quod loquuntur: non enim corpus, sed imbecillitatem huius & grauitatem detestantur. nam si interrogarentur an corpus agile, nullis obnoxium offensionibus habere uelint, scio, clamabunt omnes id esse, quod optabant, tale autem resurgentes habebimus in iustorum partem traslati, quale ne possimus nunc quidem uoto melius optare & sermone scèlicius depingere. Vidi plerisque mirari corpus cuiusdam mulieris, quasi omnem pulchritudinis legem teneret. Tale olim Venus habuisse dicitur, quòd quum Momus culpâre non posset, ne tamen & ipsa sine reprehensionis morfu discederet,

cuius

In Festum Pasch. diem

eius fertur culpasse sandalium. Helenam Iouis & Ledaë filiam tradunt fabulæ mulierum omnium fuisse pulcherrimam, ut meritò propter tantam pulchritudinem Asia atque Europa uenerint in certamen, diutinoque bello conflixerint. Sed quid hæc pulchritudo ad illam, quam iustorum recipient corpora illo ipso resurrectionis suæ die? Nonne quicquid pulchritudinis hic in corpore haberi potest, uile erit & exiguum, & turpe quodammodo, si ad ingentem illam beatorum corporum pulchritudinem cōseratur? Si cui pulchritudo curæ est corporum, istam præuidere animo & prospectare debet, & dare operam diuinis parendo nunc mandatis, ut postmodum resurgens in se ipso assequatur: non enim magnum est aliena mirari bona, sed magnum, ipsum ea possidere. Rectè loquutus est, quicumque dixit, omnia diligentibus Deum cooperari in bonum. Corpus mortale, quale nunc nos gerimus, & si sit oneri, adiuuat tamen gloriam nostram, dum in tali corpore uirtutis opera exercemus: mortuum nihil uiuat, sed exonerat animum, quem premebat, fuscitatum delectabit, nec amplius oneri erit: nam regentis animi imperio facilè obsequetur. Sunt nonnulli, qui in proposita resurrectionis materia quæstionibus se se inuoluunt & impediunt. Quomodo (inquiunt) infantes, qui decesserint? Quomodo iuuenes? quomodo senes resurgent? an una in ætate omnes? Ergo recipiunt aliud, quàm quodd fuerunt, uel si in diuersis resurgunt ætatibus, erit in infantibus & senibus aliquid infelicitatis. Dicendum his ex sacrae scripturæ testimonio, quòd in ætate perfecta erit resurrectio, pulcherrima nanque futura sunt beatorum corpora quemadmodum dictum est. Nihil indecens his fuerit aut ineptum, quin si quæ antea fuisset deformitas, hæc auferetur, nec dici potest recipere eos aliud, quàm fuerunt, si qui in infantia uel senectute discesserint, in iuuentute resurgent, quoniam senes iam antea iuentyre fuisse constat. Infantibus quoque aderat iusta illa ætatis magnitudo ueluti in semine, licet nondum per articulos temporis euoluta. Quo præterea (inquiunt) dentes si nihil cibi molendum? quòd stomachus si nil concoquendum? quo genitalia si matrimonia non ineunda & proles non suscipienda? quasi uerò non præmij id sit loco, quòd is membrorum officijs carebimus, quæ nunc etiam multi probi uiui nituntur non implere, uacantes ieiuniis & castitati. Nec existimandum ea corporis membra fore superflua, quæ faciunt ad uitam & figuram humani corporis: nam eos etiam, quibus execta sunt genitalia minus habere spiritus, & uigoris, & facilius extinguì perspicuum. Quærunt quid opus sit dentibus, stomacho, intestinis, genitalibus, si neque cibis, neque concubitu utemur? Ego contra quæro, quid opus fuerit cibis & concubitu, si resurgent incorrupta corpora, & iustam sortita magnitudinem, & humanum genus quoto numero constare debuit, hunc fuerit assequutum: ut delectemur (inquit aliquis) atque ita his delectationibus beatitudo illa perficiatur: hoc nimirum est illud, quod hanc pugnam commouit, quia plerique nimis corporis sensibus dediti sumus, & nullas ferè

ferè nouimus uoluptates præter eas, quas corpore percipimus, in quibus hæc ciborum & uenereorum uoluptates præcipuum obtinent locum. Quapropter Iudæi & Sarraceni harum uoluptatum copiam refurgentibus suis pleno ore proponunt. Nihil de uanitate huius sententiæ dicam, nisi quòd ridiculum est quærere corporeas oblectationes, in quibus nobiscum animalia bruta communicant: ubi expectantur maximæ aliæ uoluptates, quæ nobis cum Angelis fuerint communes. non enim etiam Angelos imperfecta dicent frui beatitudine, propterea quòd careant uoluptatibus, quas sensus corporei ministrant: certè melior & ordinatior uita esse debet illorum Beatorum, quàm ea, quæ hic ducitur. At uitiosum est nunc cibum uel concubitus ob solam oblectationem, ac non aliter petere corporis sustentandi, alterum prolis substituendæ gratiæ: natura enim his in rebus, quæ necessitas uitæ huius requirit, uoluptatem immisit, ut hac ille agamus quæcunque agenda sunt in talibus, non autem ea nos agere uoluit, ut uoluptuemur. Et ut summatim dicam harum rerum actio non instituta fuit propter uoluptatem, sed uoluptas propter actionem. Itaque temperantiæ uirtus in his elucet, qui abstinent ab escis & uenereis, nec plus apperunt quàm quantum fas ratioque permittit, quòd si ita abstinemus tanquam hæc altero in sæculo habituri copiosius & paratius, iam nulla esset uirtus temperantiæ, uel non esset sincera uirtus si quidem hac ratione & impudica castitas, & gulosa essent ieiunia. Er de his quidem satis. Vellem datam mihi fuisse longiorem temporis moram percrutarer omnes quæstionum sinus, discuterem libenter singula & prouiribus explicarem. Nunc missa facio, ne abuti uidear aurium uestrarum facilitate. Multa enim iam dicta sunt, uidendumque, ne tædio sit orationis prolixitas, sed quicumque hæc & talia quædam (incidunt, ut uerè fatear, in quæstionibus plurima) scire expetit, ne in errorem dilabarur, aut hæresim, ne ue animum suum in rebus leuioribus agnitum ad hæc excutienda minorem incassum delasset: Theologos censeo adeat, qui nimis acri studio hæc sibi inuestiganda duxerunt, quibus etiam multa diuinitus innocuerunt. Non enim hæc tanta humani ingenij luce perspicui possunt, & tam multa ambigüe & obscurè in sacris literis elata sunt, ut non mediocrem curam, diligentiamque requirant. Atque ego haud sum nefcius, quia initio orationis meæ dixerim omni iucunditate hunc diem esse celebrandum, quin multi domum reuersi obruant se uino & epulis, præsertim quòd tam diu à carniū esu abstinerunt, atque ita accipiant se iucundè uixisse, perinde atque illi, qui quum ornate intellexerint procedendum esse festo die, auro atque purpura nunc fulgent, quasi uerò magnum sit ornari eo, quo & simulachra manufacta teguntur, & parietes uestiuntur. Verus est enim hominis ornatus uirtutum quidam decor, qui in animis positus non nisi animo cerni potest. Vtinam mortalium oculis pateret, non tam hunc externum & aduentitium quæreremus nitorem, quem & si ego non aspernor, in uiris præsertim summæ dignita-

In Festum Pasch. diem

18
tis, uberioris fortunæ, attamen intelligendum est, si tam sacratio die mundi lautique corpore esse debemus, id in animis multò potius requiri. Nunc etiam priores illos appello & rogo ne me existiment uentris & gutturis patrocinium suscepisse: & si iucundè dixerim modo esse uiuendum: intelligo enim iucunditatem esse suauem quandam animi motionem, nihil sanè ad corporis sensus attinentem, quam lætitiæ & gaudium & uoluptatem apello, propriè an secus, nihil ad nos, neque ad hoc tempus: Grammatici uiderint, quorum est superbissimum, ne dicam uentossimum iudicium, qui ne tam bono quidem die à litibus abstinerunt: illud inter se certantes, an Pascha uel phase dici debeat, quum tamen apertè diuina scriptura multis locis eorum serulas contemnat, mihi satis est, quòd uel hoc, uel illo nomine transitum significari intelligo, siue quia Christus de morte ad uitam transierit resurgendo, seu ueteris festi nomen retinere placuit, quod quum Christus esset passus, celebrabat Iudæorum gens ob eius temporis memoriam, quo Mose duce Aegyptum Pharaonemque fugiens medium pelagus siccis uestigijs altrinfecus retentis fluctibus perambulauit, & ad alias orbis partes penetrarit. Rex ipse Aegyptiorum profugos inlequens eodem pelago coëuntibus rursus aquis cum uniuersis copijs intercepit & arrogantis sue meritis poenas dedit. Hieronymus autem hoc nomine ab Hebræis factum illud notatum putat, quòd quum Angelus Domini percuteret primogenita Aegyptiorum, uidens tinctas agni sanguine Israëliitarum fores, eos pertransierit; nec unà cum cæteris percusserit, hoc causam nomini dedisse ille autumat, quòd sacræ quoque nos docent literæ. Habuistis per quadragesimale hoc tempus, quod iam effluxit, diuini uerbi concionatores, homines & religione & sacra doctrina imbutos, qui sæpius detonarunt, & aduersus multorum delicta uelut ense stricto infrenduerunt, ego nihil huiusmodi nunc facere meditor, audebo tamen uos ardentes, ut spero, ad ueram uiuendi normam & rectum uirtutis iter adhortari pro frequenti consuetudine horum temporum, quibus multi inueniuntur nihil facere & omnia præcipere. Etenim si homines muneris huius tuendi gratia natos esse & in lucem editos constat, ut Deum toto pectore diligant, uerissimum bonorum omnium fontem; cur non id implemus, quum id fieri nostra interfit? & eò magis, quòd ab illo ad hanc præclaram uim amoris excitati sumus, qui nostri causa carnem induerit, uersatus sit in terris, & aræ crucis se ut hostiam obtulerit, peccataque gentis sustulerit. Si nos tam mirè dilexit Deus, cur nos malumus amare mundum? si amare piget, saltem perspecto illius in nos amoris igne libeat redamare. Ille salutem nobis dedit, semel cum uniuersis, quum humanum genus peccato originis oblitum, & Dæmonum constrictum cathenis supplicio uulneribusque suis redemit. Postea singulis sæpius atque adeò nuper, quum peccantes, & diuina illius mandata contemnentes, quia ingemimus, & confessi sumus, respexit in gratiamque recepit, neque illorum, quæ

impie

impiè admisimus memorem fore pollicetur, atque adeò non memorem, ut cœlum etiam daturus sit. Si pergimus lædere, si redemptos adhuc peccare iuvat, quæ tanta improbitatis, turpitudinis, inconstantiae poterit esse defensor? Eriam ne cœlum ab illo oblatum recusamus? O cœca mortalium pectora. O Dæmonum artem. Cœlum inquam & antiquam illam ac beatam patriam pudentem iam ultro limina, & ad se se uocantem spernimus; & his falsis, caducis, mortalibus bonis inhæremus. Nonne etiam hodierno die Christus animi nostri recta sui præsentia luceque inuisere dignatus est, hospitemque se nobis præbuit? hospitem dico? imò & in epulum se ipsum dedit. Rem sanè nouam, atque omnibus sæculis inauditam: matres pleræque filios, quos in utero laborantes enixæ sunt, non suis, sed aliarum nutricum uberibus tradunt alendos. Non sic Dei filius, non sic, sed quos ipse in baptismo genuit sibi filios, hos proprio pascit corpore & sanguine, ut eos sibi quàm maximè coagmentaret. Non illum mouerunt sordes peccatorum nostrorum: uenit antea cum peccatoribus mortali in corpore manducare, nunc immortalis factus uenit à peccatoribus manducari. At qui ita uenit manducari, ut sit idem conuiuia & conuiuium: comedens, & comestus, comedit nanque is cibus epulatorem suum: & non se illi, sed illum sibi assimilem reddit. Hoc est purum & immaculatum corpus, quod summæ illius diuinitatis est particeps, quod in terris agens multa edidit miranda, quod humanum antea mortuum genus uiuificauit, quod inferorum ora abstruxit, & cœlorum ianuam fidelibus referauit. Quanto igitur munere affecti sumus, quòd id nobis in cibum præbuit? Iam uerò, quòd à mortuis resurrexit, quid aliud facit, quàm quòd monet, ut nos itidem à uitijis resurgamus. Videre quàm inter hæc non multum intersit, & si non est mei propositi conferre causas, sed ille impijs aduersus patibulum corpore sustinuit; nos grauiorem animorum mortem induimus à uero bono auersi. Ille exanguis mandatur tumulo, satellitibus circumfessus armatisque custodibus. Nos grauitate uitiorum inferno addicti, ab impia Dæmonum multitudine obfessi tenemur. Vnū remedium salutis, quod Paulus ad Romanos scribens, præcepit, ut omni ueteri nequitia reiecta nouum hominem induamus, & unà cum Christo resurgamus. Antea terrena & mortalia cogitabamus, nunc diuina meditemur, & in diuinis semper simus, quamque mentem ambitio inflauerat; odium efferauerat, luxuria coinquinauerat, hæc eadem castitati, patientiæ, humilitatiq̃ dedatur. Incontinens erat aliquis, nunc est pudicus: Auarus, nunc est misericors: Inflatus, nunc humilis: Truculentus, nunc mansuetus. Hic facta est resurrectio, illius scilicet futuræ præuia. Sed ita resurgere conemur, ut nunquam post hac cadamus, id est peccemus: Stipendia enim peccati mors. Si resurgemus à peccatorum morte, immortalis sit hæc resurrectio, quemadmodum & Christus ad immortalitatem resurrexit, & nostris quoque in corporibus immortalis futura est resurrectio. Vbi audimus ab Apostolo nouum hominem

induendum, intelligamus multam illic uitæ mutationem magnamque innouationem requiri. Ego ab obsequio sui ipsius, indulgentiaque discedatur. Seruiamus Paradisi gloriæ; denique nihil æstimemus antiquius rectitudine & sanctitate uitæ. Sic imis relictis supera petemus. Sic resurgenti Christo associabimur. Sic illo nouissimo die corpora, iam pridem posita humique demandata, mira specie pulchritudineque decorata reducemus. Immortales toti effecti sumus diuino innere, siue animos spectare libeat, siue corpora, & utrique parti immensæ dotes additæ; quicquid autē ægri & mali acciderit, id culpa acciderit, propterea quòd iniustus terrenorum commodorum amor scedaque corporis uoluptas sui scabie illexerint, nosque hand repugnantes duxerint ac deprauarint. Aliis gentibus & nationibus ignaris diuinæ legis, nec respicientibus in tanta præmia, quid uis dicere & facere, facilius conceditur; nec mirandum si postmodum contingent iis tristitia, quibus extra ecclesiam statibus non est salus. Populum uerò Christi aberrare fas non est, quem Dei sapientia instruxit, nec præcipitari ad infera decet, cui supernæ regis fores patent. Vos autem, qui huc conuenistis, quos nam dicam? Num animantia rationis expertia? Mentiar? Barbaros? qui possum in hac urbe genitos? at infideles? contumeliosum esset ita uocare. Contra habetis summas, ut opinor, gratias Deo, quòd homines genuerit, quòd in Italia, quòd in fide Christi: sed quid refert, si deterius infidelibus, imprudentibus Barbaris, immanius beluis uitam agamus, nec cogitamus quàm scedum, iniquumque sit homines natura genitos inhumanos scelere inueniri, & fideles Baptismo effectos ingenio esse infideles, & in Italia natos præter leges fasque agere, & Christiani demum nomine retento Christo opere resignasse. Resurgamus ergo à uitiorum & nichro quot quot peccatores sumus, atque ita duplicis resurrectionis diem festum agitabimus: unius, quæ in animis nostris, alterius, quæ in beatissimo Christi obtigerit corpore, bina hæc erunt gaudia, sicut trina cogitantibus, quòd resurrectionem hanc animorum nostrorum illa postmodum glorio sa corporum sequetur, quæ in extremis mundi huius ruinis, æterno illi & specioso coelestium pho animos corporaque simul consecrabit; & quia perfectissima illa erit resurrectio, unicus tantum eius festus dies, sed perpetuus agetur. Sed iam cessandum est, finisque orationi nostræ imponendus, si prius pauca quædam, quasi de fama mea dixerò. nam si antiqui Oratores ingenio maximo præditi, usu & exercitatione robusti, & ad forensis dictionis genus penè facti, quum moralium causas agerent, sæpe metu exalbuerunt, atque omnibus artibus contremuerunt. Ego, qui non tanta eram peritia, & qui diuina, & quæ in diuinis erant maxima, tractare instruebam, iustius comoueri debebam, & de rei ipsius euentu animo pendere, ne temere tantam causam, quantam nemo unquam populari oratione attigit, in gressus uidere, nisi fortasse magis confidere potui, quòd non ut ueteres illi cupiditate laudis, aut alicuius pecunia aut gratia adductus, huc uerba

facturus

facturus processit: sed quia & pietati meæ & religioni uestre conuenire cre-
didi, si quam materiam huius diei celebritas requirebat, hanc ipse oratio
ne exponerem, auribusque uestris, infunderem. Nec me tamen eius late-
bat profunditas & amplitudo, sed hoc, quod terrebat, ne tantum munus
susceperem, idem, si susceptum minus commodè explesem, spem uenire
pollicebatur: quod enim magis uenia dignum, quam ingentia complecti
uoluisse & nequiuisse? Est etiam in honestis rebus eisdem magnis cona-
tus probabilis, quamuis ad summum non perueniatur, nec sanè tam lato
tempore in tanta animorum uestrorum hilaritate quicquam infausti, ac
sinistri à uobis mihi fuerat metuendum, quod etiam re ipsa sum exper-
tus. Vobis enim magnæ agendæ, maiores etiam habendæ gratiæ, quòd
quam diu uolui & potui dicere, me ipsum benignè & diligenter audistis.
Quæ dicendi potestas si sæpius fieret doctoribus uiris, meliora noscere-
mus, quàm nunc noscimus: animosque nostros facilius à uitiorum labe
teneremus.

¶ ¶ ¶ ¶ ¶



MARCI



MARCI ANTONII

NATTAE ASTENSIS,

De fuga sæculi & religionis studio,

SEV DE CHARITATE DEI,

Ad nouitum monachum.

LIBER.



V M humanæ uitæ cursus bipertito findatur, alijs humana, alijs diuina tractantibus, quorum unum in turba sit, frequentiaque populorum, alterum solitudo persequitur, non possum iudicio tuo non eximè gaudere: qui id posterius uitæ genus sequutus es, quod & salubrius, & fructuosius & portuosius, & quod (ut uerè dicā) dignitate & amplitudine meritorū maximè antecellit. Nam Cisterciensis ordinis Monachus effectus reiecto retrorsum cū ornatu uano delitijsq; fallacibus sæculo, iure contempsisti mortalia, quando immortalitati eras natus: iure affectas cœlestia, postquam terrena tibi non debentur. Quod si in sæculo elucerent iustitia, pietas, fides, religio, continentia, liberalitas, fortitudo, reliquæ uirtutes, laudabile foret te humanis relictis ad diuina contulisse. Nunc eò scelicior, quod offusis undique tenebris, dominante latè uitiorum turba, non prudenter tantum optima suscepisse, sed etiam hæc quæ sunt pessima ac prope deplorata, diffugisse uideris: qua enim in ciuitate, qua in gente uideas probitati, industriæ, pudori, rectis artibus relictum esse locum? Nonne ambitio, scelera, fraudes, atque doli uirtutum præmia occupauerunt? quàm immensam uideas hodie feruere in principibus quibusdam avaritiam? nec solum ut sua tenacissimè retineant, ita ut nusquam ullum liberalitatis uestigium appareat, quod tamen ipsum quoquo modo concedi possit, sed etiam prædonum in modum rapiunt, quæ possunt. Illud facilius toleratu, quod quæ non possunt, sædo affectu concupiscunt. Quid non erit illis uenale, penès quos officia omnia & magistratus appenso palàm auro distribuuntur. Si Principes tales, quid de comitatu sperandum est? aurum enim ubi imperarit, nunquam ægre ferret, si in eius curia argentum iudicaret. At crudelitas quanta? Nonne offenso

offenso qualibet de caussa Principis animo carceres, catenæ, tormenta sonant? exilium imminet & publicatio bonorum? Quid de ecclesiarum dicam pastoribus, quos in suis ouibus nihil deceret, nisi pascua & cubilia meditari, at nonnullos uideas, qui præter lac & lanam in ipsis nihil quarunt: sed clericorum quoque reperiuntur plures, qui non mediocriter student numismati, nec mirum, admonet crucis imago, quam deuotè complectuntur: ecclesia capere aurum dicitur, non ut teneat, sed ut eroget, honesta sanctio: quid enim honestius esse potest ea lege, quæ clericum iubeat moderato uictu contentum, reliqua in egentium usum conferre? hanc legem amplectebantur, antiquitus penè omnes, ut non lex illorum hominum esse uideretur, sed temporum, quid nunc? ualet hæc lex penès quosdam, quos ut in magna laude pono, sic improbo eos, qui sacras opes uel custodiunt tenaciter, uel absumunt turpiter, Hæc quæ dicta sunt de Principibus urbium & ecclesiarum pastoribus & reliquis Sacerdotibus, non de omnibus dicta intelligi uolo, sed de quibusdam duntaxat, sicut posui: nec ea de caussa ordines insector, licet cupiam eos, qui delinquit ad monitos emendari, cur autem insector? Stultum est enim ob quorundam delicta totos ordines summa ratione institutos exterminari uelle. Non etiam de me quisquam conqueri potest, si generaliter uitia carpo: nam generalis sermo neminem tangit, nisi cum, qui de se prius fateatur, & talem se esse agnoscat, quod quum fecerit, conuenit ipsi meliora sectari, non alium accusare: Denique (ut dicam cum Poëta quodam)

Hunc seruare modum nostri nouere libelli,

Parcere personis, dicere de uitijis.

Sed iam istis omiſſis spectemus reliquos. Vos uos appello Virgunculæ, quæ in teneris adhuc annis crinem fingitis & uultum, & oculorum flagrantiam circumsertis, & libertate sermonum congaudetis, quæ hæc cura placendi alienis uiris? Cur non pudicos mores potius persequimini, qui magis placerent incorruptis animis? sed uos eos non geritis incorruptos, nec habitat in uobis uirginum pectus, ideo pudorem proiecisti, & significatis inuitas & nolentes pati castitatem. Has, quæ incestos amores de tenero ineditantur ungui, quisquam credat maritis iura thori intemerata seruare? Erat matrum officium imbuiere filias optimis & castissimis moribus: hoc enim non solum eis profuisset, uerum etiam uiris, quibus nupſissent: nec solum uiris, sed etiam liberis, quoniam fieri uix potest, ut iusta soboles degeneret à uirtute parentum. Nunc per quot gradus ruina deuoluitur, dum illæ teneræ adhuc & sequaces ad omnem fingentis habitum malè instituuntur. Multa tunc peccant, & hinc magis progrediente ætate, ubi matrimonio fuerint copulatæ. Non illis lex dicta est ulla, nec maritus unus, nam cum, qui legitimo nodo copulatus fuerat, uos fide pacta matronæ destituitis. Aut enim pretio palam dato superatis, aut clanculum imponitis, aut in eodem hæſitantem luto contemnitis. Vidi non nullas foecundiores calices uiris sedulo propinare, quo illos uino deponerent,

De fuga sæculi & relig. studio

rent, & putres oculos ad arbitrium illuderent. Ludus nunc uideretur Virgines conſtruprare, adulterijs nuptas inquinare, quoniam tam crebrò patrantur, ut hæc quodammodo licere exiſtimentur, peccantium multitudo peccandi licentiam ſubminiſtrauit. Vtrum deteſtabilius nudum ambulare, an ſupra & adulteria committere? nemo dubitat, quin hoc illo peius, & tamen ſponte audet nemo nudus ambulare ignominiam ueritus: ſupra uerò & adulteria committere audent omnes, nec audent modò, uerùm etiam exoptant. Vnde hæc uarietas? niſi quia conſuetudo nuditatem corporum non admittit, recipit autem ſupra & adulteria, quæ aded in quotidiano ſunt more, ut penè pudeat ea non admiſiſſe. Et de his quidem, quæ cum fœminis geruntur, minor querela, ſed maiora portenta ubi mares mutuos in amplexus inardeſcunt, quum inter ipſos nullam natura corporum copulam eſſe uoluiffet. O miſeram puberum illorum conditionem, qui maſculi nati fœmineæ ſortis patiuntur uices, & peragunt nihilominus ſecundum id etiam, quod nati ſunt, quomodo hos appellem neſcio, niſi quod ambiguum quiddam in illis cerno. Sunt penès Grammaticos nomina, quæ illi incerti uocant generis, propterea quòd maſculinum & fœmininum ſuſcipiant genus, ſic iſti inter homines in incerto ponendi uidentur genere, utraque ſede proſtantes, & utrobique uerſatiles, dum & auerſi maribus ſuccumbere & aduerſi fœminis incumbere norunt, nec dum tamen ad extremum uenit libidinis ſcabies, quum alia ſuperſint impudicitix exempla, tetriora quidem & turpiora, quàm ut pudenti lingua liceat nuncupare. Sed ne diutius ſingulis nimis immorantes prolixiorẽ edamus tractatum, tendamus ad reliqua. Volo enim iam ſcire, quibus nam artibus diuitiæ comparantur. Licitum eſt iure civili contrahentibus ſe inuicem circūuenire, & quod pluris ſit, minoris emere, & quod minoris, plutis uendere: num id tamen officium boni uiri eſt? minimè, imò ne leges quidem id permittunt, ſi calliditate quis & dolo alterius deceptus fuerit, quæ præterea hæc eſt peruerſitas non agere, quod probetur, captare tantum, ſi in aliquo humanæ leges ocij conſeruandi cauſſa conniueat. Decebat quidem hominem uel hoc ipſo, quòd homo eſſet, non inferre alteri homini iacturam, nolle quicquam iniuſtè in ſe nec in alium admittere: ſed (O nimis acrem, nimisquẽ uiolentam diuitiarum cupiditatem, imò uerius. O nimis ſtultam diuitiarum admirationem) Vix reperies iſta tempeſtate, qui contrahentem ſecum nolit ferri præcipitem, imò qui non in errorem ſi poſſit impellat, nihil iam in hominum commerciis bona fide geritur, nec quid æquum bonumquẽ uelit, ſpectetur; ſed quid in præſens utile apparet, quiſque augere queat rem familiarem. Non pudet humanæ ſocietatis iura diuinæquẽ ſimul leges uiolare: id naſcitur omne ex immodica (ut dixi) diuitiarum admiratione. nec mirum ſi quicunque conſtituerunt ſibi ſolùm illum finem, ut plurimùm habeant, nihil deinceps referre putant unde habeant. Dicitur mercatorum explorata eſſe fides, attamen quam

quàm multa isti inculcant mendacia lucelli sui caussa. Si quid appendendum est & metiendum, ut in eo ipso fallunt? Hæc fraudem & fallaciarum germina in tantam eunt latitudinem, ut per singula discurre nequeat.

Quis enim singula hominum & artificia & negocia memorarit, etiam si mille corda cum totidem linguis habeat? omnibus, qui arripere nequeunt, antiquissima semper cura fuit fallere: si qui autem rapere possunt, minus curant callida commenta. Ergo, aut ui, aut fraude res geritur, præterquàm à fœneratore. Nam hic non fallit: non enim dissimulat improbum se quæstum petere, sed profitetur, ac ne dissimulans quidem lateret, uim autem nullo modo adhibet, ut qui de mutuo dando soleat rogari, ac ultro peti, & tamen ob fœnus magnam ad se se trahit pecuniam, sit celeriter multarum ædium & plurium fundorum dominus. Non locatur nunc quidem argentum mutuum fœnore palàm, uerùm huiusmodi contractus, ut nihil, aut non multùm differant à fœnore. Emptio, conductio, depositum celebrantur, atque inter hæc tam præclara naturæ nomina, dum aliud uerbis agi uidetur, grauiores re ipsa usuræ extorquentur, & egentium facultates miserorumque absorbentur. Ita lepidè se rem quærere putant, quasi usurarum nomen ac non factum ipsum sit detestabile: quærunt etiam prouidi uiri, qua ratione usuræ prohibita: non enim æquum erat illorum iudicio. Si Euangelica lex præcipit, si delapsus in terris Deus illud edidit ueritatis oraculum, gratuitum fieri pecuniæ mutuum oportere: quid quæris amplius? non tanta te cohibet auctoritas, rationem magis flagitas. Quid ergo? tu te hominem arbitraris, qui ex alterius hominis necessitate tam auidè prædaris? quantò illud æquius, recipe quod dedisti, nihil amplius, & beneficium tuum inco-lume maneat. Quòd si non tam, quid humanitas suadeat, quàm quid natura postulet considerandum est, isto acquirendi modo non minus natura uiolatur, quàm humanitas: non enim natura nummus nummum parit, ac ne ob id quidem inductus, ut pater fieret, sed ut commutaretur pro rebus, & pretium esset omniũ distrahendorum. Multæ prohibendi causæ, sed haud scio, an maxima illa sit & iustissima, quòd pecuniæ usus sub fœnore menstruo uel annuo non subleuat, sed atterit potius inopiam. Itaque ubi ornatum aliquem patrimonio uideris usuris se subiecisse, (licet enim uidere quotidie plurimos,) insusurrare ei id potes, quod Flaccus in amatorem detorsit. Ah miser quanta laboras Caribdi, res omnis ab ita se exulatum, non ad lenonē, (ut Plautinus ille conqueritur adolescentulus,) sed ad auarū diuitem. An leue auaritiæ crimen ducam, cuius nomine rei capitalis diuino in foro damnamur? Quodque Apostolus Paulus non in feriori loco & ordine inter peccata duxit, ut plerique uulgari sensu, sed altius ille incedens opposuit primo præcepto decalogi, quo alienos habere Deos uetatur, dum auaritiæ idolorum astruit esse seruitutem. nam quod quisque amat uehementius, plenoque animi affectu, id illi est Deus, præcipuè autem illo sermone uidetur Apostolus notare eos, qui-

De fuga sæculi & relig. studio

bus non usus placet nummorum, sed forma, nam qui signata numismata, qui monetata æra altius animo suo inseruit, quasi religio sit illis care-re, quid aliud quàm idola, idest, simulachra & sculptilia uenarari creden-dus est? quemadmodum autem idolatra non audet idolum suum tange-re, nec mulctatum cum capite aut aliquo membro uidere uult, sed eius potius cultum exaggerate conatur: sic nonnulli ubi semel æra signata ar-cis incluserunt tanquam idola auaritiæ suæ, non audent deinceps manus iniicere, ut utantur; nec imminuere audent ea, sed summa addita assiduè augere moliantur. Iam uerò quid nephanda pecuniæ cupiditas pa-riat, longum esset memorare, & fortasse superfluum, quis enim uberri-mam mali messem de huius cupiditatis semine surgentem nescit? Quo enim proditioes spectant? quo latrocinia? Quo iniusta iudicia? Quid porro sibi sicca & uenena uolunt? Quid testamentorum suppositiones? Quid falsa testimonia? nempe cogit in hæc mortalia pectora auri sacra fa-mes, ut Poëta dixit, quæ si nulla esset istis temporibus, ne crimina qui-dem essent illa, quæ passim uigent: effecit hæc uesana plus habendi libi-do malis cuncta replens, ut ciuitates nihil ad habitandum solitudine sint meliores. Deceueram de furto tacere, sed commouit me quino capite prodicus monstrum: Primum est furtum simplex, quod est paupertatis cuiusdam & indigentiae, Proximus huic decus & titulus summatum pec-culatus, sequitur diutius longè & grauius sacrilegium, quartus pastoralis ipse abigeatus, ad extremum plagiatus, ut non sit mediocriter miran-dum, uel dolendum potius uni improbae rei tot nomina, tot gradus, tot capita addita, atque inuenta fuisse. Faciunt hæc, ut sibi profint, sed num prodesse est se ipsos perdere, & in extrema dimittere supplicia? Quid enim ait Euangelium? Omnis arbor, quæ non facit fructum bonum exci-detur, & in ignem mittetur. Horret animus hanc tractare sententiam, & hunc uersare dicendo locum. Nam si in ignem mittetur sterilitas, quid sibi speret rapacitas? si sic ardebunt, qui desides nullum fructum extule-rint mortalibus, quid recipient, qui proximis damna & pauperiem per fraudes intulerint? Si iudicium sine misericordia reddetur in illos, qui non fecerint misericordiam, quid erit eis, qui fecerint & sauitiam? Si maledicti uocabuntur extremo iudicij die, qui esurientem non aluerint, qua asperitate notabuntur, qui maleficio ipsi & scelere pascuntur? Si in æternum ire ignem iubentur, qui nudum non uestiuerint, quomodo: qui uestitum nudauerint excipientur? Hæc cogitat nemo uel uanè chartis Euangelij illita credunt. Itaque si ullo unquam sæculo, hoc certè magna prædandi cupiditas humanis pectoribus infedit. Nonnulli illud afferunt pro excusatione, se parum quid rapuisse, quasi uerò uoluntas non sit in cri-mine. Nemo modica contentus est præda, sed eam nihilominus intercipit, ne frustra maiorem expectet: quicunque inuadit æs alterius, libentius aurum & argentum diriperet, si possit. Spolians latro uiatorem pau-perem quantò audius grassaretur in diuitem, si eius sibi fiat copia? Quæ deinceps

deinceps est hæc excusatio accusatione digna? Ita ne uerò diluitur crimen non ex propria innocentia, sed si ostendatur modicitas delicti, & dicatur alios peiora fecisse? Rectè sancti & religiosi uiri admonent à leuibus cauendum esse peccatis: nam si leue etiam peccatum sit, non tamen nullum, leue quippè comparatione dicitur grauioris, atque haud scio an leue dici possit, quod contra diuina præcepta admissum animam interimit, æternisq; tradit incendijs. Ita enim quod interdicatur, transgredi mors est, si cuti facere, quod iubetur est uita. Visu & gustatu nihil uidetur esse leuius aut inanius. Veruntamen ille primus generis nostri parens in sublimi constitutus Paradisi sede, quia uetita gustauit, in hæc ima detrusus, seque & posteritatem totam magnis incommodis affecit. Vxor uerò Loth, quia respexit unde uetebatur, uersa est in salis statuam. Non igitur tam ponderandum est quantum sit, quod præcipitur, quàm quantus sit, qui præcipit, & ita intelligitur præceptum nullum, quamuis minimum neglectui habendum. Nondum opere completur scelus, & iam animus de cogitatione fit reus: quòd si cogitatio tenetur in crimine, quid ubi uel modicum additur opus, dicendum? quicumque fratri dixerit, fatuè, damnatur de sententia Saluatoris. Si sermo non est innoxius, quomodo securus quispiam impellet manu alterum, & de loco detruderet? quantò minus licebit colaphum incutere? quantò adhuc minus ungue cutem lacerare? & quum hæc, quæ uidentur esse leuia, atrociter puniantur, quid fiet grauioribus, quæ passim admitti à singulis conquirebar? At si priuatis peccatur in domibus, respublica saltem commodè administratur. Age, expedi, qui ciuitatum status, quæ forma rerum publicarum. Nulla Italix ciuitas, quæ in factiones non sit secta duas, quarum uera pudet reuertere nomina: sed perindere est, ac si alteri albos se dicerent, alteri nigros discretionis notandæ causa. Esset bonorum ciuium illud agere, ut patria opibus firma, copijs locuples, laude gloriosa, uirtute esset honesta. Isti uerò tristissimis contentionibus & grauissimis odijs inter se afficiantur, & alteri alteris superesse cupiunt, ut queant arbitrio suo res ducere, nec certamina ista æquitare ulla, sed funeribus exilioque multorum sæpius diiudicantur. Nam qui armis plus pollent, ex aduersarijs alios necant, tanquam nimis tardante lethi necessitate, alios expellunt profugosque esse iubent, tanquam angustus ibi sit ad manendum locus, atque ita summam rerum tenentes libertate populis erepta licentiam factionum omnium fautoribus suis tradunt. Vidi quandoque in ora aliqua factionem alteram ciectam, quid facerem non habebam; ingemui tamen, carebat nobilis urbs magna nobilium parte, carebat populosa ciuitas magna popularium manu, hoc qui è rep. factum dicunt, illud quoque dicant fieri ex usu nauis, ut dextrum sinistrumque remigum latus inter se concertent, utrum ipsorum remis impellere nauigium debeat, quasi commodius agatur alterutris ciectis, & non si in remigando conspirarint. At qui tantum prodesse concordiam, quantum obesse discordiam dicunt

De fuga sæculi & relig. studio

est sæpius, & forsitan ab omnibus cognoscitur. Illud tantum dicam breuiter, melius esse patuæ ciuitati, quæ concordēs habeat ciuium animos, quàm magnæ, quæ discordijs agitetur: illa enim crescet affiduè, & è parua fiet magna; hæc imminuetur in dies, & è magna uertetur in patuam. Illa sufficiet ciuibus, hæc deficiet. Quodam tempore Athenienses, qui tunc Principes erant terræ Græciæ, ciuilibus seditionibus & domesticis malis afflictabantur. Venit ad eos Leo quidam Bizantius à ciuitate missus, Philosophus (ut aiunt) egregius, cuius tamen corpus nimia adipe mirum in modum exuberauerat. Itaque ubi suggestum conscendisset legationis exponendæ causâ, mirari primum populus formam hominis tam obesi, & in tantum dilatati, postea tacitè cum gaudio spectare, tandem cachinnos tollere, quo animaduerso, ille, quid est inquit Athenienses? quid ridetis? An quòd in hoc homine tantam corporis copiam uideatis? at qui domi uxorem habeo bis tanto corpulentiorē, quàm ego sim, còcordes tamen lætulus unus ambos capit, discordes, ne domus quidē tota. Parum ne declarauit uir prudens in tempore coniunctis animis quælibet grata & magna, disiunctis ingrata omnia & irrita fore: at tantum hoc discordiarum malū, quod efficit angusta quæcunque, etiam quæ latissima sunt, reperire nunc est undique in ciuitatibus. Quid hæc bella à Carolo & Francisco potentissimis Regibus iandudum suscepta, nec dum confecta, quam calamitatem, perniciem, miseriam, tum singulis, tum uniuersis non intulerunt? Credo uidisse Deum scelera delictaque nostra, & uelle, ut posterior quæque hora antecedente sic calamitosior. Tunc irarum nubes collecta ab his, quos modò memoraui regibus, in hac Italiæ parte diffusa sunt, & increpucrunt hybernū. Etenim uastati agri, urbes diruptæ, ædificia incensa, fana spoliata, uirgines ingenuique pueri uiolati, alij uitam pretio redemerunt, plures gladio finierunt; uidit hæc ætas tot mala, ut ludus uideatur fuisse superiorum temporum calamitas, & si plura quis dixerit, adhuc tamen superesse sibi sentiet orationem, uincit omnem sermonem procellæ magnitudo. Hac miseranda bellorum sorte; quæ iam per tot annos uisceribus infedit, huius cisalpinæ Galliæ pulchritudo deformata est, fecunditas exhausta, robur excisum. Non agam argumentis, sed ut in iudicijs solemus, testes citabo. Testes igitur sententiarum mearum Mediolanum, Papiæ, Alexandria, Nouaria, Asta, Comum, urbes olim florentissimæ, nunc penè urbium cadauera: Videmus prostratas passim domos, uacuas ciuium uias, incultos horrere agros, feracium camporum desertas latitudines, rara stabula, pauca pecora temerè oberrantia & agrestium inopiam. Superfundere se quondam Italiæ, tum uariæ, tum feræ gentes ab extremo orbis cardine reuulsæ, quæ per multarum sibi urbium excidia has sedes paruere. Si reuiuiscerent tempora illa perpeffi, similem ferè nunc Italiæ squallorem agnoscerent. Illud uerò egregium, quod bello aliquando ex his oris depulso & transalpes immisso, ualida pestis consequuta est, quæ plures extinxit, nec pepercit his, quibus bellum

lum pepercerat. Superest annonæ penuria, quæ minimè defuit, quæ res sanè indicat tantos uitiorum adoleuisse morbos his in regionibus, ut ad illos obterendos non sufficeret unum hostium genus, sed plures fuerint diuerso in genere immittendi: ruunt omnia, ut ruant peccata, quæ tamen in plurimis, non nisi cum uita extinguuntur, nulla ex pœna emendatio, imò quasi ex calamitatibus malitia hominum prouocetur, crescit quotidie, quod puniatur. Denique nihil mitigat malitiam nostram, nondum tot flagellis meliores effici possumus, magis autem nolumus. Non defuerunt, nec defunt quidam uiri sancti, qui populos quotidie admoncant in concionibus, & exhortentur, ut se à sceleribus reuocent, & continentia, iustitia, pietati, reliquisque uirtutis tradant partibus, sed non audiuntur. Illi uerò contempti ingemiscunt: quorum sanè gemitus Deum pulsât, qui statim prouolans contemptores legatorum suorum corripit acerbius immissis tristibus, nec aliter agitur, quàm ubi pedagogus nihil proficiens ad monitionibus in puero uocat nutritium, uel patrem, qui deinceps seuerius puerum aggreditur, & docet illum malo suo, quanti sit padagogo non parere. Ergo egregiè ipse & sapienter fecisse putaris, quòd ut tantam hanc scabiem & colluionem morum ac temporum uitares, in monasterij claustra declinaris: laudarem etiam, si feruidas arenas, scopulosas rupes, densissima nemora uastæ & spaciosæ solitudinis persequutus esses, ne hæc, quæ fiunt quæque impendent, uidere uel audire cogaris: quanquam alior quædam (ut arbitror) ratio mentem impulit tuam, ut te totum monasticæ uitæ mancipares. Illud enim institutum est tuum, ut humana seposita ratione Angelicam uitam duceres in terris, idest quantum fieri posset, te à corpore sagregares, mentisque acie Deo copulares. Etenim Philosophi ipsi profitentur sapientem, si liceat totam uitam in contemplatione positurum. Nam reliqua, quæ sibi uendicant homines, sunt illis penè cum mutis animantibus & rationis expertibus communia, in quibus si non uirtutes ueræ & solidæ, insunt tamen simulachra quædam uirtutum, ut in Leonibus magnanimitatis, in Elephantis prudentiæ, in apibus ciuilis societatis, in turturibus uolucrisque quibusdam temperantiæ. Quis non miretur feras, dum longioris inopiæ metu escas recondunt, & latibula parant in plures exitus disparentia uitandi periculi causa? at ubi inter se ipsas dimicant dissidio hostili, non ne norunt sua tela? norunt dissidentium partes? nec sua tantum callent commoda, uerum etiam hostium aduersas? sciunt occasiones legere & temporum & locorum, per quæ aduersarius facillimè uim patiat. Denique negabimus simile aliquid rationis illis inesse, quæ ipsos homines insequentes uarijs sæpius artibus illudunt. Sed hoc interest, quòd anima tota beluarum proiecta ad corporis sensus affectu quodam cæco ducitur impellente tatummodo natura ad uitam tuendam & propagandam, & ad alia quædam famulantia uitæ officia. At hominis mens per se tota erigitur, quemadmodum & corpus, cuius non eget assidue instrumento, ut placita, & concupita speculetur, quin potius eluatur

De fuga sæculi & relig. studio

Naturæ cum sensibus ipsis & naturæ corporis repugnat. Itaque hoc propriū uidetur hominis frui mentis acie, quàm diutissimè, quæ sola diuina est in nobis. Sed ad quid, & quomodo hoc proprio nostro bono utemur? Venit enim in mentem Anaxagoræ, qui Solis uidendi causa natum se dixit. Instarunt alij resonantius, qui se in hanc uitam uenisse asserabant, ut totius mundi spectaculum caperent, eiusque & quæ in eo essent, uias, progressus, rationes non ignorarent. Hæcque primorum Philosophorum erat prouincia, ut perspicerent unde quæque orirentur, quo u'e recederent, studioseque siderum traiectiones, magnitudines, interualla notabant, & quæ Poëta air decantata in conuiuio, hæc persequerentur.

Vnde tremor terris, qua ui maria alta tumescant

Obicibus ruptis, rursusque in se ipsa residant.

Quid tantum oceano properent se tingere soles

Hyberni, uel quæ tardis mora noctibus obstet.

Laudandi sunt omnino antiquissimi illi sapientes, qui Philosophandi uiam nullius antea uestigijs impressam cæteris aperuerunt, non tamè per spexisse uidentur totum id, quod perspicendum erat: nam quum constans rerum ordo perennisque earum uicissitudo admonere posset, non hæc fortuito nata, sed arte quadam & sapientia perfecta, alterum illum mundum, qui in mente sedebat artificis, ut meliorem isto & digniorem contemplari potius & magis celebrare debuerunt. Deinde cogitandum erat, si hæc tanta, quantus ille, qui fecit, quoniam nemo artifex est, qui non simulachris suis & operibus sit longè præstantior. His gradibus peruenire ad Deum potuerunt, sine quo manca est omnis cognitio ignorato rerum Auctore & Moderatore. Nam ubi res iam apparet, & uenit in medium, non solum querendum est quomodo facta sit, sed primum quis fecerit, deinde quare & quorum causa fecerit. Tum illud est postremum, ut queratur quomodo: causa enim, quæ respicit facientem, & cur quod que fiat, præcedit dignitate & tempore eam, quæ circa materiam uersatur & formam. Res perinde se habet, quantum ad istos Philosophos attinet, ac si quispiam in solitudine aliqua inter nemora & arenas sub dio diutius educatus nunquam domum uidisset, ostensa deinde sibi maxima & ornatissima domo cum ministris plurimis uarij generis & artificij, quales solent esse Principum & Regum domus, existimet, se scientiam domus tenere, propterea quòd sciat domum illam è cæmentis, lignis, lapidibus, auro, marmore compactam: & eius domus membra alia esse rotunda, alia quadrata, alia oblonga, alia triangulata. Sed cui non apparet hunc magna ignoratione domus teneri, si hæc duntaxat sciat? nesciat autem, quo consilio constructa sit domus, quis construxerit, uel construendam mandauerit, quis præsideat domui, quis regat familiam, quis illic cuncta disponit, & pro arbitrio quæcunque conuertit, hæc inuestiganda sunt omnia & per noscenda ei, qui scientiam domus profitetur, turpis autem est ignoratio si nescit, & turpior adhuc si adeò nescit, ut quum uideat illic homines & iumenta

iumenta certis fungi ministerijs, certis quoque locis & temporibus pute illa casu fieri, & nulli domino seruire. Eiusdem ignorationis rei tenentur Philosophi, qui illud modò nouerunt mundum hunc elementis quatuor constare, & quid sola, quidque sibi ipsis commixta efficiant, tenuerunt: sed præsidem mundi & rectorem Deum non intellexerunt, qui hæc ranta, tamque mirifica opera, prouidentia excogitauit, uirtute constituit, ratione perfecit, nunc eadem spiritu sustentat, potestate moderatur. Adeò autem non intellexerunt, ut uel hæc ab æterno sic stetisse credant, uel nata fortuitò. Mundanum hoc (inquiunt) opus magnum atque præclarum, fateor, sed multò tamen maior & præstantior, qui condidit & moderatur, quæ sunt igitur partes meæ? hæc, ut opinor, non ut opus ipsum tantum feruar & admirer, sed illud magis, ut artificem ipsum, qui infinitis partibus dignitate, præstantia, uirtute cuncta antecedit; præsertim quum opus hoc, quod admirantur cum eximia significatione erga homines beneuolentiæ procrearit. Illud quanti est, quod regit, sustinet, portat, moderatur? An parua res est regere & moderari? non in domo certe (ut aliquid de his minoribus inducam) ac ne in nauigio quidem. Num si isti Philosophi nauigarent, nauem tantum amplecterentur, propterea quòd summo esset artificio fabricata, ac non potius humana ingenia unde illa ortum fecisset. Quid si secundum cursum tenuissent? remotissimas gentes adiuissent? spectaculum multarum magnarumque rerum cœpissent? tunc in honore nauem haberent, quod illius ornamentis nauigassent, tanquam nunquam animaduerrere potuissent, quis fuisset ille, qui quiete sedens medios inter fluctus clauum temperasset, rectam nauem præbuisset: id fecerit Poëta is potius, qui in exilium actus à Cæsare summis attollit præconijs nauem, qua deuectus ponti subiit ostia: nihil ingenijs hominum aut operæ tribuit, cui omnia erant tribuenda, sed Poëtis concedi quidlibet potest, quorum unum est opus hominum aures canendo mulcere. Isti autem sapientiæ studium professi turpiter aberrarunt, dum mundano affiguntur operi eo dimisso, qui nutu temperat, qui uerbo portat omnia, cui soli reuerentia omnis & gratia debetur. Quanquam tenuiter nimis mihi nunc agere uidear, qui Deum uniuersa regentem comparem rectoribus domus uel nauigii: nam paterfamilias, qui in domo regit pars est familiæ, cuius est caput; similiter gubernator nauis pars est nauigantium: non enim extra nauem positus moderatur. Isti ergo rebus his continentur, quibus præsidet, Deus autem nulla pars est mundani operis, ita continet omnia, ut non contineatur; ita intra res est totus, ut extra eas etiam sit totus: nullo includitur rerum factarum ordine, sed supra mundum est, & supra omnia, quæ condita sunt: nec uno tantum contrario differt à reliquis rebus, quòd hæc creata, ipse increatus, sed aliis plurimis: nam hæc mutabilia, ille immutabilis, hæc finita, ille infinitus, hæc temporalia, ille æternus, hæc composita & multiplicia, ille incompositus & simplex; quomodo igitur dici potest istos Philosophos cœpisse

De fuga sæculi & relig. studio

cœpisse rerum noticiam ignorato eo, qui non dico pluris est, quàm reliqua omnia, sed qui solus uerè est omnia: nam cætera quodammodo non sunt, si illi comparentur, à quo effigiem suam & speciem sumpserunt, sicut pictus homo quodammodo non est, si pingenti comparetur, uel ei cuius imaginem præfert. Etenim quum recipiant creata omnia motum, finem, tempus, mixturem, non potest eorum natura, nisi manca esse, debilis, impura, imperfecta, quæ si aliquibus magna uisa est, id contigit ignoratione eius, quod uerè est magnum, uelut argentum uideatur magni inter metalla esse momenti ei, qui ignorat aurum: at prolato auro eiusque splendore & pretio perspecto nonne uile quiddam argentum existimabit? Similiter lunæ & reliquorum fulgor astrorum potuit magnum quid nobis uideri, si candentissimus solis orbis perpetuò latuisset, nunc ista ad illum collata splendorem omnem suum, & quicquid antea dignitatis & gratiæ habuerant, amittunt. Sed iam missos Philosophos faciamus, à ueritatis documentis alienos, aduersus quos longius & ualidius institue rem certamen, si starent, ac non iam pridem fugati campo cessissent. Nunc ad te unum mea tendit oratio, qui stemmata familiæ tuæ amplissimæ tanquam magnam ignobilitatem, & florentes diuitias, quibus abundabas, tãquàm summā paupertatē contēplisti, quò nobilior fieres uirtute, & ditior morū sanctitate: quæritur enim illud in primis in eo, qui se religioni addixerit, uitæquæ monasticæ, ut quantū humana patitur imbecillitas, Deū mente sequatur, huic totis uiribus hæreat, totis uisceribus diligat. Hoc ut assequatur, cogitandū quanta Dei sit maiestas, uirtus, præstantia, dignitas, potentia, qua de re nūc aliquid breuiter perstrinxi; nam plura dici potuerūt uberius. Sed nihil æquè prodest ad inflammandum diuino amore pectus, quàm si crebrius & attentius cogitemus, contemplemurque, quanta ille munificentia, largitate, bonitate tractarit humanum genus. Nostri causā supernè cœlum extendit, Solem & Lunam & torrammantes siderum oculos accendit: terram solidauit, aërem tenuauit: mare diffudit, immotas quatuor anni temporibus leges dedit. Iam uerò animalia omnia siue ea repant, siue gradiantur, siue natent, siue uolitent, uisibus subseruiunt nostris: nam uel eorum carnibus uescimur, uel uestimur uelleribus, uel dorso uehimur, uel medemur morbis de ipsorum membris, uel uenatu corpus exercemus. Quid de arboribus dicam? quarum nulla est, quæ uel non cibos suppeditet, uel umbram, uel odorem, uel liquorem, uel materiam ad ignem, aut fabricam. Idem sermo maneat de herbis, quæ opitulantur remedijs contra morbos, & pabulo contra famem. His additi flores colore & odore præcipui ad uoluptatem & ornatum, nec nō & gemmarum auri & argenti nitor. Hæc quum ad humanos usus parauerit & protulerit summus ille parens, nonne cum summo generis nostri amore teneri dicemus? At ipsum hominem, cuius causā reliqua condita, quantis muneribus instruxit & ditauit? Mitto præstantiam formæ uniuersæ corporis, partium singularum, oris articulatū & distinctū in sonum, fabulatri-

fabulatricemque linguam. Illud quanti est, quod homini mentem dedit, qua & cogitare, & ratiocinari, & uisa effingere, & species rerum percipere, & reminisci ualeret, in quibus elucet similitudo eius, qui dedit. Cur ad id processit? non enim homo conferre aliquid potest Deo, quo sit ille beator, sed bonitas eius distulabat. Excusiat quilibet diligenter causam ortus sui, hoc est unde habeat hoc ipsum, quod homo sit, & prodierit animal mente pollens, & uideat, si inuenerit aliam causam præter hanc, quam dixi diuinæ bonitatis, sed non inueniet: nam hæcenus, quicumque aliquid aliud dixerunt, ridicula dicere uisi sunt: Bonus igitur erat Deus, nemo autem bonus eius ipsius boni, quod in ipso est, inuidet alteri, sed commune facere paratus, hoc ille cominotus effigiem suam nobis impressit, mentisque ornaui lumine, quo sanè munere non aliquid potuit esse præstantius. Quid enim tantum est in terris, quod cum humanis animis conferri queat? quorum ea uis est & potentia, ut præsentia intelligant, præterita meminerint, præuideant futura, quorum in reliqua animantia luce illa diuina orbata cadere nihil potest. Multarum quidem rerum sensus nuntios habemus & ministros, sed cunctorum arbitri animus, qui qualia sint, & quomodo se habeant, quæ sensus accipiunt & renuntiant, diiudicat adeò, ut eos sapius coarguat falsitatis. Nam solem ipsum iudicat infinitis partibus esse ampliorem, quam uideatur, cuius etiam radiata species & rotunda uideri pulchra non posset, nisi pulchritudinis antea notas quasdam & leges comprehensas animo perceptorasque teneremus: sed reliquas quoque eius efficientias, quas annuo ille cursu conficit, cognouimus. Reliqua animantia splendorem uident solis, sentiunt calorem; sed quis præter hominem noscit, quod sol sit? quis perspicit quantam utilitatem & gratiam rebus asserat? hæc luna est; quis uultum huius mutabilem breuissimumque cursum explorauit? Hoc est cælum; quis circuitum eius, ortusque coelestium signorum atque obitus contemplatur? hoc est mare; quis nauigandi rationes in eo inuenit? hæc est terra, quis cultui & sationi aptam animaduertit? hic est ignis, quis eum infinitis usibus applicauit? Hæc omnia nonne à ratione, quæ diuinitus nobis collata fuit, profecta fuere? affinitas igitur & cognatio quodammodo nobis contracta est cum Deo propter rationis præstantiam, quam ille hominibus non inuidit, quod quum ita sit, quomodo tantam Dei bonitatem præterire possumus negligendo, ac non inducimur potius redamare colendo? Quid, quod idem uoluit humanæ mentis claustra libertate, firmare, quam nec ferrum, nec ignis, nec Dæmon ullus, nec Angelus diuellerent, uinci, insecti, detorqueri hominis uoluntas, nisi à se non potest: sola sui arbitrium tenet & moderationem, nullis necessitatis uinculis astricta, omni nexu soluta. non cogitat aliquid imminus ille pater, sed hominem in manu reliquit sua, quod rectè factis proposita iure essent præmia, & supplicia peccatis. Hic iterum recurrit altitudo diuinæ bonitatis, quæ nuda hominis delectatur uoluntate, quæ idem

De fuga sæculi & relig. studio

primo excitauit, deinde ope sua comitatur, nam ubi ad opus arrectos uidet, præstò est, adiuuat, nec deserit impigrè laborante, sed statim auxiliaturus occurrit. Ipse enim Deus cassæ uoluntatis ex alto miseratus affectum impartitur uim hominibus cœlestem, & in alijs quidem distillat, quorum scilicet perexigua in rectis operibus uoluntas, at quorum dilatatum propositum, in his pleno gurgite redundant fluenta uerarum magnarumque uirtutum de cœlo ubertim diffusa, ita ut non ipsis solis sufficiant, sed ad alios quoque nec finitimos modò, sed etiam longinquos perueniant; sed non quemadmodum in re gerenda uoluntas est à nobis, perfectio operis à Deo, sic quum peruenitur ad ferendum præmium, uoluntas dicitur esse nostra, opus alienum, sed suscipimus à Deo pro utroque præmium, id est pro uoluntate bona & opere bono, quia præsidium ille suum nobis non imputat, nec impropert, quod dedit, sed perinde coronat in nobis sua munera, ac si nostra essent merita. Eum igitur, qui tam longè fluit in muneribus & præmijs, hoc est in tribuedo & retribuendo, quæ prosequi beneuolentia oportet, si modò ingrati tudinis culpam effugere decreuimus? non enim si referre gratias non possumus (nam non eget nostri ille, sed nos illius) idco non conuenit non habere, quas possumus, & non aliquas amoris uices rependere. Amat nos Deus, præuenit beneficijs, prouocat ad amandum, tum his, quæ dedit muneribus tum maioribus alijs, quæ daturus est: cur in amore non respondeamus? præsertim, quàm id non illi, sed nobis profuturum sit: nec hoc etiam ille appetat sua causa, sed nostra: ipse enim summum est bonum, nullius egens, cui uno tantum amoris nodo copulari possumus. nam amor ipse præsertim uehemens & flagrans tantæ est potentia, ut animam appetentem, in rem, quæ appetatur, ualidissimè inducat: & ita connectit, ut penè cum amato amans unum atque idem efficiatur. Coniunctio igitur est hominis ad Deum, quæ hîc amoris ui fieri incipit, postmodum in cœlo perficitur, quum iam non in ænigmate illum, sed sicut est, spectabimus: non erit illud bonum Dei, sed hominis sic speculantis, sicut nec bonum est lucis, sed oculi, quòd oculus eam uidet, nec bonum est fontis, si quis de fonte biberit, sed bibentis. Ergo Deus uel hoc, quod iubet se omnibus diligi, maximè ostendit, quòd nos diligit, quum dilectione nostra nihil illi, sed nobis omne bonum acquiritur. Est enim ille huiusmodi, ut præcepta sua ad nostram quietem, salutem, gloriam componat, ac ne sua quidem, quæ à nobis proficiscuntur, in suum usum conuertit. Non dubito quin superiora omnia crebrò meditata atque uentilata, quæ decet animi pietate, excitent in nobis amoris flammam erga Deum, quæ cognoscimus beneficiorum testimonijs magnam erga nos amoris uim & copiam profudisse: nam quemadmodum ignis igne, sic amore amor concipitur. Quòd si patrem colere, uenerari, diligere denique debet filius, non solum quia genuit, uerùm etiam quia multum amat, quantò magis à nobis amandus est Deus, qui nos tam summo amore dilexit, etiam antequam

tequam effemus? Necdum tamen proloquuti sumus, quod primum esse debuit, quemadmodum mortalem hominis naturam suscipere uoluit salutis nostræ causa, qua in re æstus quidam diuini amoris erga homines ostenditur, quòd altitudo illa & immensitas ad infima hæc nostra & angusta uenerit, ita ut esse id uellet, quod nos sumus. Ita ne uerò ad humana descendit Deus? Quid in causa? nihil habeo, nisi, quod illud quæsiuit, ut homo ascenderet ad diuina. Videbat humanum genus regno cœlesti depulsum, illuc reuocare eos uoluit uerbo, exemplo, morte denique sua. Deus homo factus est, magnum uidetur. An magnum, quia durum, sed existima, quod amabat, & nihil amanti durum, quid deinde? Factus ille homo, sic inter homines uersatus est, ut unus de multis: nam nullo ditior fuit, aut potentior, attamen præcepta salutis aperuit, regnum cœlorum docuit: mysteria legis ueteris impleuit. Postremò ut labem humanæ genti inditam deleteret, se in cruciatus sponte dedit. At quos cruciatus? Reuolue quæso animo speciem Domini morientis. Aspicce confixas manus utrinque stillantes cruore. Aspicce terebratos pedes, quos beati rigat sanguinis unda. Aspicce cruentum pectoris latus immitti apertum cuspide: quomodo autem tanta & tam tetra mortis imago inuasit fontem uitæ? horret spinea uallatum caput corona, defluit fessa ceruix, squallent regis genæ, arent diuina labia, reliqua corporis nudata membra liuent flagellis. Hæc cur suscepta, nisi ardore humanæ salutis? hunc ne obscuro ardorem existimas leuem fuisse? an uerò tantum, ut dicendo nequeat explicari? quis enim pater filio dedit unquam tale, ut culpam eius fluuiio sanguinis luere uellet? Hic non iam sua Deus, sed se ipsum pro nobis impendit. Omnia illa supplicia debebantur nobis, quæ in se recepit. Quis non existimet ferrea illorum esse pectora, quos sacer ille, cruor tanto ardore profusus commouere nequit ad amorem Domini, qui tanta pro se tulerit? Etenim si friges, rimare perforatum Christi latus, & tantæ pietatis pectus ingredere, & quum uideris totis uisceribus & præcordiis ardere humanæ gentis salutem, illius impulsu calesces. Magnum beneficium est, quòd creauit nos Deus, maius, quòd redemit, non solum, quia nascimur sine sensu, conseruamur cum uoluptate, ut inclitus ait Orator, sed quia nascentibus uitā tribuit, redemptis beatam uitam. Hic nos mer ipsos nobis tradidit, illic se ipsum dabit: hic militia est, illic militiæ præmium. Quòd si homo debet se totū Deo, quia ipsum fecerit. Quid addet pro eo, quòd refecerit. Non enim tam faciliè refectus, quàm factus, fecit illud uerbo Deus, sicut reliqua omnia: sed in reficiendo multa dixit, atque adeo gessit, & eò deuentum, ut dura plurima & acerba perferret. Magni igitur existimandum refectiōis beneficium, tum quia per se summum est, tum quia summa erga hominis Dei charitate protulit: hoc tam præclaro redemptionis munere humanam naturam non modò extulit ille iacentem, uerum etiam amplificauit, cuius esse pretium uoluit & præmium. Non Angelos & Archangelos (inquit Apo-

De fuga sæculi & relig. studio

stolus) sed humanam naturam apprehendit, in quo duo maxima fecit, & quòd ipse in imam humilitatem se detruxit, & hominem ad summam sublimitatem euexit: Est enim ipse caput omnium fidelium, quod sanè caput tantum est, ut supra omnia excelsa longo interuallo collocatum se deat ad dexteram parentis; & illud omnes Angelicæ turmæ uenerentur. Quamobrem quæ tanta illa erit ignauia si tantum caput negligimus, ac non in ipsum potius toris amoris uiribus feramur? Non debet autem uideri redemptionis beneficium minus, propterea quòd redempti cum uni uersis sumus: nam non ideo minor contingit salus, nec æquum est aliorum saluti inuidere: quanquam (ut egregie ait Chrysostomus in commentarijs ad Galatas), non recusasset Christus eadem perferre, uel si unns tantum esset redimendus, pari namque charitatis iure singulos amplectitur, quo uniuersos, neminem negligit, cuius rei argumentum præbet ouis illa de Euangelio, quæ à nonaginta nouem aberrarat: hanc unicam non contempsit pastor bonus, sed quæsiuit, inuenit, & inuentam gaudens collo imponit, & ad pascua sua reportauit. Et subdit Saluator similitudine hac proposita, nolle patrem cœlestem, ut uel unus de pusillis pereat. Victima quidem pro tota oblata est natura, & sufficiebat omnibus seruandis, sed tamen non est usui omnibus, sed ijs tantum, qui credunt, & uitam puram, integram, piamque prosequuntur. Sed non modò quum blanditur muneribus & allicit pollicitationibus Deus, uerum etiam quum minatur, terret, irascitur, percutit, amor in causa: quoniam cupit esse saluos. Nos illum sæpius offendimus peccatis obuoluti, & quiduis potius, quàm sanctissima eius mandata implentes. Auerfamur uocantem. Ille quemadmodum seruidi amatores solent, qui & si contemnuntur ab his, quos diligunt, permanent tamen, nec ab amore recedunt, conatur deuos ad se retrahere. Itaque benigno frequenter afflatu mentem commouet, ut redeamus, sæpe etiam peccandi occasiones surripit, nec his contentus mittit sanctos uiros ueluti legatos, qui increpat, moneant, minentur, & demum adhortentur, ut præteritorum poenitentiam agamus, & in posterum melius uiuamus. Quòd si hæc despiciamus omnia, ne sic quidem desistit, sed flagella admouet, si forsitan in his respiscamus. Non nunquam, ut amans nimio æstu percutitur, merita proponens sua; quòd duritiem flectat nostram, & ad mutuum amorem impellat, quale illud Michæ ore prolatum aduersus Hebræum populum. Popule meus quid feci tibi? aut in quo te contristauit? Responde mihi. Num quia eduxi de terra Aegypti, & de domo seruitutis liberaui? & reliqua, quæ sequuntur. Terroris autem uerba sunt plurima: ueluti quum de omni oculo uerbo reddendam rationem dicit: & ei, qui uel fratrem appellarit, gehennam proponit. Iustum autem terret, quum acerbissimi sceleratoris more sortem se ab eo cum uisuris exaucturum; minatur; proposita similitudine serui illius, cui talentum fuerat commissum, idque desoderat. Diuites uerò quomodo percutiendum ait, Facilius esse camelum ingre
di

di per foramen acus, quàm diuitem in regnum cœlorum: dum illos duos ueluti contrarijs ex partibus introducit, epulonem diuitem, & mendicum Lazarum, & quid in uita & post mortem utrique euenerit, describit. Horribiles sermones, attamen salutis nostræ causâ suscepti ne præcipientes eamus. Nemo potest dicere se non cohortatum, non præmonitum, non bene comminatum fuisse. Subseruit gehenna quodammodo humanæ salutis, dum plerique eius metu temerarias frœnant cupiditates, & ad ipsum salutis auctorem reuertuntur. Multùm ualet in humanis animis cōminatio: multùm suppliciorū terror: multùm illa admonitio: hîc est fouea seruaua, ne incidas. Quū cuperet Deus saluam fore Niniuem, misit Ionam, qui eius euerfionem prædicaret. Hoc Niuitæ audito mutarunt uestem, fleuerunt & ieiunarunt, conuersi sunt ad Dominum, & non perierunt: tantarum fuit uirium illa prædictio. Ex quo intelligi etiam potest quàm sollicitè cuncta tentet Deus peccantium gratia, nolens eos perire: & de terroris quidem uerbis hæc dicta sint, quæ certè ab amore proficiuntur. nam ne pater quidem filio semper blâditur, sed si uidet ruentem, terret & minatur; & ubi his nil proficit, uirgæ quoque non parcat. Illa sunt uerba solantia, quòd quicumque dederit in nomine eius calicem aquæ frigidæ, recipiet mercedem. Credo quòd magis recipiet mercedem dans calidam, ubi lignorum sumptus accedit: quantò adhuc amplius quoties quis non de flumine aut puteo, sed de penu aut arca dederit. Illud etiam non parum oblectare potest, quòd si dimissimus peccata fratribus, nostra quoque se nobis dimissurum pollicetur. Et quòd si quis fratrem conuerterit ad salutem, utriusque animam saluabit. Hæc omnia ut dicat & faciat Deus, impellit amor, qui non iccirco in partes scinditur, quia ad plures deferatur. Fertur enim totus in singulos, quos genuit: nam mortales parentes, si unicum habent filium, amant acrius tanquam cordis sui oculū; si alter additur, ut duo sint, iam ueluti bipertita cura amant minus singulos: si quatuor erunt, multò etiam minus, sin alicui quinquaginta contingant liberi, ueluti Priamo & Danao, tunc necesse est tenuari amorem tot riuiulis diductum: & hæc quidem mortalibus contingunt, qui aliundè capiunt amorem, Deus autem ipse amor est. Si igitur frangi, scindi, diuidi Deus potest, eadem opera & amor eius potest, quod quoniam nephas est dictū, sequitur, ut unumquemque quem diligit, toto amore foueat: at immenso quidem si toto, quoniam & ipse immensus est. Adde quòd hunc tantum amorem non negotiorum occupatio interpellat, non requies, non somnus, floret semper, uigetque nec unquam ueluti fatigatus remittitur. O diuine amor, quem semel iure complexi nunquam dimittamus. Tu cuncta de nihilo creasti. Tu scœdera pacis mundo seruas. Sine te res ipsæ subsistere nequeunt. Magna hæc, sed illa maiora, quòd Deum homini copulare, quòd supplicijs tradere, quòd cruci affigere potuisti. Effluis tu quidem liberè de fonte diuini arbitrij, sed eo impetu & tam copiosè fluxisti, ut torrentis in morem ui quâdam rapi uidearis. Hæc & talia quædam

De fuga sæculi & relig. studio

dam mi pater curricula erūt meditationum tuarum, cum his habitantem pernoctantemque curis ciuitas omnis colemus. Vt enim miseros & infœlices dicimus, quos aut libido mulieris, aut ambitio honorum, aut pecuniæ cupiditas incendit: Sic foelices illi, quorum præcordia Christi amor præcuto iaculo uulnerauit, hi nihil animi sui causa gerunt, sed omnia referunt ad nutum diuinæ uoluntatis, quam quocunque trahat, aut retrahat sequuntur; quod etiam mortalium amicitia pariant, ut nulla sit distraçtio, sed summa sit & omnis inter duos pluresue mutuo amantes consilio rum, uoluntatum, studiorumque consensio. Etenim mulier flagrans amore uiri sic mores, opinor; temperaret suos, quemadmodum se illi posse probare consideret, ne si offendar, diuortio excludatur: sic animus hominis erga Deum succensus, omnia persequitur, quæ illum uelle arbitratur, ne si secus fecerit, diuinus ipsum fauor deserat, non diuitias quærit, quibus affluens ornetur, non opes appetit, ut colatur à multis, non gloriam, ut à cunctis laudetur, non honores, ut præter cæteros conspicatur, non corporis uoluptates, ut per eas dissolutè lætetur. uident sanctissimi uiri maioris esse uirtutis talia contemnere quàm quærere, præsertim quum illa & si non semper, at sæpius, quod si non sæpius, at certè plerumque sunt instrumenta uitiorum. Cauentq; illud in primis, ne uerior ille & uehementior erga Deum perceptus amor uitietur, si uel paululum in hosriuos humanorum commodorum disfluere cœperit, quinimo maiorem adhibentes cautionem, quā præsentium rerum illecebris & specie sensus deliniri posse uiderentur. Optimum factu uisum est sæculo relicto, intra monasteriorum septa se se concludere, sicut ipse fecisti: aut eorum uitam uastitati solitudiniq; terrarum mandare, quod uetèrum Monachorum institutum fuit. Sic ne si illa quidem uiderent, faciliè eis posse carere intelligebant. Est enim ferè tota oculorum libido. Corpus restabat, quod neque abijcere, neque relinquere ualerent, quippe, quod sit animi ipsius ueluti uas quoddam & receptaculum. Illud ergo, quia insolens esse potest & petulans in carnis motu, ieiunijs, uerberibus, uigilijs, frigore, æstu, & alijs crucis partibus frangunt, ut tam malè habitum affectumque corpusculum, uix audeat insultare, & sibi quicquam molle ac delicatum deponere: quemadmodum enim Tarquinius priscus, quum capitolium summo Ioui consecrare uellet, multitudine Deorum repletum, concedentibus tum cæteris dijs Ioui, Terminis & Iuuentus de loco migrare nollent, postquam eijcere illinc non potuit, simulachra eorum depressit & obscurauit, ut uix apparerent: eadem ratio est istorum, qui mentem cōsecrant Deo tanquam templum, ut quos eijcere nequeût motus carnis, turpes & lasciuos, hos comprimant, deiciant, obscurant, & quodammodo extinguant. Si quis (inquit Saluator), uult uenire post me, tollat crucem suam & sequatur me. Suam (inquit) noli dicere quorundam more, Christus mortuus est pro me: nihil mihi superest agendum: possum quomocunque uiuam, consequi uitam æternam. Fallax spes,

spes, nam propria quoque crux unicuique tollenda, qui in partibus uelit esse Christi: quod ipsum quoque Paulus admonet. Quicumque (inquit) Christi sunt, carnem suam crucifixerunt cum uitiis & concupiscentijs suis. Dic dic illud. Christus mei causa mortuus est, & ego pro illo mori debeo. Christus quæcunque mei causa dixit, fecit, pertulit. Ego quoque ut uicem reddam, omnia illius causa dicere, facere, perferre debeo. Dux cruce: una Christi, communis electorum omnium: altera uniuscuiusque propria: iunge duas has cruce, & quæ crux Christi est, fiet tua: & quæ tua est, fiet Christi. Hæc una sanctorum uirorum est uincina, hic totus mentis eorum cardo uersatur, ut cohibitis peculiaribus, domesticis quæ affectibus, omne ipsorum uelle & nolle ad diuini ductus regulam referatur. Istud est enim humanos sensus deponere, diuinos induere. Quod si orationibus precibusque infinitis, multoque fletu profuso & ipsius Dei benignitate & miseratione assequantur, quæ tanta calamitas, tanta laborum uis mentem eorum poterit à proposito reuocare? quin cruciari, uri, torqueri Dei causa optabunt, ut in tali certamine fortitudinis, patientiæ, constantiæ palmam referant: sed & quæcunque accident illis incommoda, & aduersa (cui autem non accidunt?) hæc sibi importata diuinitus arbitrat, tanquam tentamenta uirtutum, quod indies proficiant, uel ut luant in sæculo poenas admissorum, quas alia in parte, alio in tempore duriores haurire erat necesse. Hinc læsi iracundia non effervunt, quin osoribus suis potius opera benignè faciunt, non irritantes peccantium nequitiam, sed piè magis subleuantes, & ad poenitentiam fructum, si fieri possit, adducentes. Quod si etiam ingrati erunt hi, in quos beneficia maxima contulerint, adeo non ægrefere, ut etiam noua impendere non desinant, quod si ægrè, diceret his Deus: Si fratres uestros, quos ut simulachra quædam mentis meæ spirantia effinxi, quorum etiam scelera cruce deleui, ut spem caperent cælestis hæreditatis potiundæ, uos illos re, oopera, consilio iuuistis, mercedem laborum & benefactorum uestrosum ab hominibus expetentes; quid uobis leuius? Sin mea causa omnia, nihil illorum fecistis, ego me uobis gratum uel gratissimum potius præbebo. An ego beneficiis, liberalitateque uincor, qui tanta & tam multa antequam rogarer dilargitus sum uobis? plurima etiam & maiora (nisi uos non uultis desides capere) daturus. Qualem in me ingratitudinem, qualem paupertatem denotastis? quoniam me dimisso beneficiorum uestrosum gratiam ab alijs repetitis, ac non à me potius, qui illa impendi per uos uolui, & uniuersa hæc nomina cum usuris de me exigere. Mea certè dona influunt uberrimè in singulos homines, & dum hic in sæculo agunt, & ubi illud reliquerunt. Hæc cælestis esset parentis oratio, quæ pro beneficijs in homine hominum genus collatis à se cuncta expectari iuberet. Illud enim intelligendum est, secundum Deum diligendum esse proximum, sicut nos met ipsos. Proximi autem appellatio hic homines quoscunque complectitur, propterea quod existimandum est non esse alienos,

De fuga sæculi & relig. studio

lienos, sed ueluti necessitudine quadam coniunctos eos, qui nobiscum eiusdem rationis sunt participes, eandem incolunt terram, eisdem terræ uescuntur frugibus, eundem habent dominum, easdem cœperunt leges, & ad eadem bona inuitantur. Non igitur iactandum illud Comici. Quis tu es? Quis mihi es? proximus sum ego met mihi. Imò nos esse proximos oportet quibuscunq; eiusdem naturæ cōsortibus Dei causa, qui oblique quodammodo ex humanis actionibus uidetur referre emolumentum, quum rationali animanti, quo ille præcipuè delectatur, auxiliamur, quod aliquando possumus, & non nocemus, quod semper possumus. Homines ille uehementer amat, quos & condidit, & redemit, & quorum causa omnia hæc molitus est. Itaque uult unumquemque nostrum in dilectione cuiusque secum concurrere. Hinc ille ad Petrum ecclesiæ principem. Si me amas, pasce oues meas. Imitatur eos, qui uehementi tanguntur amoris affectu erga quempiam, dicuntque pro eo ad alium. Si hunc diligis, me ipsum diligis: quicquid huic auxiliij tuleris, mihi tuleris. Ergo id agendum, ut quancunq; possumus opem proximo feramus. Illa sunt magna, in quibus præter cæteros addidit Deo locupletes exercentur, uelut pauperem in nuditate, alere in fame, suscipere in peregrinatione, eximere in captiuitate, fugienti latibulum, cæco ducatum, debili subuentionem præstare. Terræ quoque ueluti fidæ parentis gemio inhumatum hominis cadauer condere, non in postremis misericordiæ partibus ducitur, postquam abiit ille, qui sui ipsius curam gerebat. Est autem adeo præstans figura humani corporis, quæ quondam domicilium ingenio præbuit, ut non conueniat expositam feris uolucrisque pabulum præstare. De huiusmodi operibus Paulus Apostolus quum loqueretur, uerbis inquit, sanctorum communicantes: ita enim dictum ab Apostolo, ueluti talibus uiris non deceat, quasi indigentibus stipem præbere, sed cum illis censum quodammodo habere debeamus communem. Deinde addidit, hospitalitatem sectantes, quasi non satis sit hospites ad se uenientes colligere, nisi etiam sollicito animo undique perquirantur, & tanquam fugientes apprehendantur. Tantum ille requirit in fidelibus misericordiæ affectum. Nonnulli in ueteri lege patres, dum hospitalitatem undique sectantur, nullum prætereuntes uiatorem, inciderunt in Angelos humana uelatos specie, & eos insciji hospitio exceperunt: felici sanè casu, nam perinde contigit ipsis ac piscatoribus solet, qui & si piscium duntaxat gratia rectè iaciunt, nunquam tamen aurum extrahunt & alia prætiosa. Sed hæc, ut dixi magna: Illa maiora, quæ non ex arca, sed ingenio eruantur, iccirco magis ad plures pertinere possunt, solari assuetum, dubitanti fidele consilium dare, errantem in uia peccatorum dirigere ad portum salutis, hortari, monere, impellere, minari, agere denique omnia, & uerbo, & opere, & exemplo, ut homines contemptis terrestribus istis & corruptibilibus bonis, desertaque uitiorum semita, hæreant diuinis iussionibus, & uitæ æternæ desiderio teneantur. Etenim si

solemus

solemus non amicū modò diligere; sed etiā omnia, quæ illius sunt; & ea præcipuè, quibus ille magis gaudet, Deus, qui à nobis eximiè a-
mandus est, nihil tam in rebus suis ducit & habet, quàm humanos ani-
mos ueluti sigilla & simulachra suæ mentis. Quid in his appetit? Illud sci-
licet, ut uitam exigant in omni innocentia & sanctitate ad se ipsum con-
uersi. Hæc sunt uirentia pascua, quæ ille gregi suo proponit. Humanos
ergo curare animos, & providere ne pereant; ne scabie malæ conscien-
tiæ premantur, ne uitiorum ut suporum inuadat in illos multitudo, ne
Dæmones ouile Ecclesiæ obambulantes nocturnorum instar furum cru-
deliter corripiant, domumque suam abducant, ueri & sancti Pastoris mu-
nus est, & uiri amantis Deum. Maius demum opus, homines collap-
sos ad æternam conuertere salutem, quàm cœlos erigere ruentes, quia homi-
num gratia cœli conditi, & cœlorum conditor, ut salutem hominibus da-
ret, in dura uita & graui se se ipsum demisit: hæc imitatio diuini ope-
ris salutem hominibus ministrare, quicumque Deum amant, cupiunt
eos quoque, quos ille amat, fieri saluos: huiusque rei gratiā, nullam ope-
ram, nullum laborem recusant. unicū est præceptum amoris ut diliga-
tur Deus: illud secundum, quod huic est simile, ut diligatur proximus,
ex hoc superiore fuit, illius causā & origo in primo est. Denique hæc est
summa mandatorum, tenentem caput, reliqua membra conseruare.
Magna legum caterua, magna uirtutum, sed hæc omnia una Dei & proxi-
mi charitas includit. Si hæc tenetur, omnes leges superfluit, si deseritur
nullæ leges facis esse possunt, hæc si aderit uirtus, nihil deesse de reliquis
uirtutibus: sin abfuerit, nihil chorus cæterarum uirtutum poterit prodes-
se. Hinc Apostolus Paulus, quum contra carnis opera fructum spiritus
commendaret, fructus inquit, spiritus charitas est, gaudium, pax, longan-
imitas, bonitas, fides, mansuetudo, continentia, castitas. Ecce quomo-
do Architectus ecclesiæ in fructu spiritus posuit charitatem, idque à capi-
te, quoniam ab illo reliqua religata penderent. Idem Apostolus adeo af-
fectus hominum uoluit sibi ipsis esse inuicem connexos, ut iubeat flere
cum fientibus, & gaudere cum gaudentibus. Quamobrem si quem uide-
rimus uirtutibus ornatum, aut honoribus auctum, congratulandum illi
fuerit & hilaritatis signa ostendenda: Sin afflictum calamitate pro sce-
leribus etiā suis, ingemiscendum, quod talem promeritus fuerit poenam
subleuandusque alloquio & consilio & dolore animi nostri, omnisq; mi-
sericordiæ affectus inpendendus, & illi quodammodo collaborandum.
Hoc enim deponit charitas, lætari uerò in aliorum poenis inhumanum
est, & odiosum, & prouocans diuinam contra se ultionem. nam Domi-
nus quoque mortalis iusto puniens supplicio seruum, si conseruorum al-
ium quempiam uiderit in risum effusum, indignatur, & in illum iram
transfert & uerba. Et quoniam coepi perfectam uiuendi formulam in-
ducere, quam quicumque sequetur, nusquam (ut opinor) aberrat, il-
lud etiā addam, oportere confidere diuinis pollicitationibus, & be-

De fuga sæculi & relig. studio

ne animatum sperare de magnis præmijs in illa mundi arce capiendis, atque ita fortiter cum perfecto atque absoluto uirtutum munere iter uitæ arreptum decurrere. Operæpretium est itidem odisse uitia, nam quantò magis ea quis oderit, eò uehementius uirtutis bonum è regione positum adamabit. Nec existimandum est minus peccata displicere Deo, quòd serius ea punit, quia quòd serius, eò durius, propterea quòd neglexerit peccator pœnitere, quanquam non potest dici id fieri serò, quod bene & ordine fit: ratis enim cuncta aguntur ordinibus in illa æternitate diuini consilij, quod usque eo uoluit redundare, unde iustitiæ satisfaceret, ut filium suum Unigenitum terris immitteret, qui culpam à prima radice contractam, quam nemo hominum posset elucere, ipse humanam indutus carnem fluuio sanguinis aboleret. En iterum dico: (non enim tanta res satis pro dignitate dici potest) magna uis charitatis effusa est, quam inita fuit ratio pellendi Dæmonum Tyrannidem, & à laqueo peccati expediendi humanum genus: detinebamur à foedissimo hoste captiui omnes, peccato ueluti proelio superati. Benedictus Deus, qui nos pristinæ restituit incolumitati, sed quibus consilijs, quo genere telorum pugnatum est è quibus artibus & dolis? Nullo ne stratagemate in capiendo hoste usus Imperator noster? Ille diuinitatem suam sub humana specie occultauit, tum ualidum illum & atrocem crucis sustem bellator accerimus tanquam equum conscendit: spinam coronam ueluti galeam indutus, illi non inermi modo, sed & confixa manu multo cruciату ferendo auspicio suæ deitatis Dæmones pepulit, imperioque orbis denudauit, sibi mortem hausit, nobis uitæ claustra patefecit: ut difficile sit de impietate eorum, prout causa postulat, dicere, qui ubertatem amoris tantam de stipite crucis manantem percipere nõ curant. Hæc & alia plura eodem pertinentia sæpius retractans in hanc cogitationem deducor, ut præclare tecum actum putem, quòd monasterij claustra subieris, idest contemplationi diuinorum te addixeris, idque non tibi, sed Deo ascribe; cuius benigno erga te statu eò uenisti. Nihil ille maius in terris posuit, quàm mentem suo cultui deuotam & mancipatam: ut enim si muliercula quædã ancillari fungens ministerio, Cæsari connubio iungeretur, efficeretur Augusta non sui merito, sed uiri, & in illo culmine constituta radijs corrufcans maritalibus immensum gauderet: sic humana mens per se minus potens sublata ueluti quibusdam pennis diuinarum meditationum, ubi uinculo charitatis summo illi & æterno bono ueluti sponso cuidam iuncta fuerit: tanta in dignitate locatur, quantum nunquam uidimus, tanta perfunditur uoluptate, quantum percipi posse nusquam suspicari sumus. Monachatus (crede mihi) præstat antiquitate ordinibus quibuscunq; religionis ergo institutis, exceptis clericis, hunc primum inter Christianos inuenit necessitas fugiendi infidelium sæuitiam, mox utilitas oblectatioque celebrauit, Nihil enim animo puro contemplatione dulcius, contemplationis autem solitudo est comes, uel nutrix potius. Secedebant ueteres illi Christianæ

Christianæ pietatis studiosi, & in sylvis atque inter spelæa ferarum, (ut inquit ille) uitam agitabant, ut contemplationi liberius uacarent nullo interpellante, arbitantes in turbis & hominum frequentia Deum minus inueniri posse, nec temerè à solitudine illa in urbes remigrabant, nisi, ut in urbibus eandem facerent solitudinem, id est multos in idem uitæ traherent institutum, & in easdem arenas atque perducerent. Et hæc quidem in Aegypto Syriaque olim fiebant. Nunc penès nos Monachi in urbibus & agris passim occurrunt, quorum qui sunt probatissimi, captant silentia nemorum & tectorum, ut ibidem obeant contemplandi munus uacuo animo atque soluto, quod sanè munus, qui negligit inter Monachos Monachus, non est in officio, & huic timendum, ne in deteriora prolabatur. Nam qui præstantiam, dignitatem, uirtutem, bonitatem Dei non contemplatur, is naturam diuinam non intelligit, nec quid ualeat, uel siue Deus cognoscet, nam sicut non uideas id, in quod oculorum aciem non direxeris, sic nec intelligas, nisi in res ipsas, quæ ad intelligendum præstò sunt, mentis aciem infixeris. Quod si non intelligit, ne amat quidem: est enim principium & fons amandi cognitio, quum incognita impossibile sit appetere. Ergo si Deum non amaueit Monachus, quid potius in amore sequetur? quandoquidem ea uis est animi, ut sine appetitu nequeat subsistere, mihi uidetur, quòd amabit tunc se ipsum obsequiosè & indulgenter, sensuumque motus sequetur: quæ res generat omnem intemperantiam & cupiditatem, ex quibus uitia & peccata nascuntur. Necesse igitur si peccata deuitare uelit Deumque pernoscere, contemplationem, ut colat, sine qua illa esse non possunt, eiusque omissionem turpem, indecoram, flagitiosam esse, putet. hoc propositum Monachi uel solum, uel præcipuum mentis iungere aspectum sæpissimè cum summa illa & ineffabili luce, quod sanè suauissimum est pabulum, sed nec ullam inuenies rationem melioris uitæ: quid enim præstabilius, quàm humana delinquentem sectari diuina? Quid magis lucrosus, quàm reiectis terrenis inhærere celestibus? si spectaculum mundi, & rerum, quæ in eo uoluuntur, ita detinuit Philosophos, ut pro eo abijceret quascunque corporis uoluptates, & simul externa omnia commoda desererent, hac una capti scientiæ dulcedine: quid faciendum his, qui Deum omnis foelicitatis, beatitudinis, bonitatis auctorem sequuntur? Quicumque ergo te à talicontemplandi munere auocant, quod multos facere uideo propinquos tuos, ij te à uero perpetuoque bono auocant, ad quod te contemplatio deducit. Si negant, similiter faciunt, ac si quem fodere & iacere fundamenta prohibeant, & dicant se illi tecti potestatem non abstulisse. Proponunt nobilitatem & diuitias, quibus florebas, quasi tu solus diues & nobilis, sæculi perfuga ad religionis castra deuolaris: aut turpe sit tili uiro cingulum Christi suscepisse, eaque res maculam afferat generi tuo; aut quasi parum compertum esset hæc ornamenta diuitiarum: & nobilitatis, quæ gloriolam in uulgus redolent, non fuisse multis caus-

De fuga sæculi & relig. studio

fas ad interitum potiusquàm ad salutem. At enim concedere dicunt, ut Christo seruius in sæculo manens, hæc ratio, quæ pro suis utuntur partibus, aduersus ipsos conuertitur: nam quum de re conueniat, idest de seruitute Christi, cui te additum esse, paciuntur: quæ ramen seruius quolibet regno est potior, minus honestè possunt de conditione seruiendi recusare, præsertim quum in sæculo positus uix id posses. Multa enim hic impediunt, multa reuocant à sancto proposito: plura uidere contingit, uel audire, quæ laceant sensus ad spem improbæ cupiditatis. Nunc solitarius effectus & silentio humana transmittens, nihil uidens, audiens uel eorum, quæ in sæculo geruntur, frueris animi placidissima pace, quæ te ad maiestatis Dominum crucifixum deducere potest, cuius imaginem induis quodammodo, ubi te sæculo nudum mortuumque præbes. Omnis tibi præcepta peccandi materia in his, quæ ad sensus spectant: non foeminam uides, non pecuniam tractas, non linigas, nõ conuitia audis, non emis, non uendis, nõ locas, non conducis, non permutas, non præcario rogas, non rogaris, demum nemo tibi quicquã exhibet negocij, nec tu alteri facessis, quod nisi turpium cogitationum molestia confideris Dæmonum astu excitata, nulla pugna maneret, quæ manet tamen, ut de inimicissimo, & infestissimo hostium genere iustissimè agas in patria triumphum. Non enim solum aduersus carnem & sanguinem (inquit Apostolus) sed aduersus spirituales nequitias nobis est colluctatio, & manifestè dictum est à Petro, quòd aduersarius uester Diabolus circuit tanquam Leo rugiens quærens quem deuoret. Et à Sarana tentatus est ipse Dominus: & idem Dominus ad discipulos suos. Expetiuit uos Satanas hac nocte cribare tanquam triticum. Legimus etiam in Euangelio, Diabolum misisse in cor Iudæ, ut traderet Dominum. Et in actibus Apostolorum dixisse Petrum Ananiz. Quare tentauit Satanas cor tuum mentiri te Spiritui sancto, instant, urgentque assidue suadelis, ut ad aliquid pertrahant illicitum, sed impressione, ui, impetu, claustra uoluntatis humane perfringere nequeunt. Formidolosus ne hic hostis, an contemnendus potius? cuius omnis uis est in suadendo, qui uincere non potest, nisi uolentem. Illi tamen plus assequuntur si suaserint, quàm si ui cogerent, idque possent, quoniam ui cogens corpus, suadens etiam animum capit. Vigilandum igitur & acriter resistendum prauis eorum suggestionibus & machinamentis, nam oberrant assidue & omnes tentant aditus, ut corrumpant, & è bonis seruis malos, & è malis faciant deteriores. Quòd si salutem assequi non possumus, nisi per summam custodiam & pugam, quomodo qui quæstuosius uacant negociationibus, quomodo qui delitijs indulgent, non oportet magis ac magis periclitari? Non inficias tamen ierim quin ubi quispiam maioribus effulget uirtutibus, illum Diabolus acius urgeat & impugnet: non enim alia ratione conuertit se contra Adà in Paradiso constitutum, nisi quòd illum multa dignitate uidit conspiciuum. Nec tamen in hoc certamine, quod aduersus tantam bestiam suscipitur

scipitur, deest nobis Dei præsidium, imò ipse totum bellum conficit, contentus nos ea in pugna studij aliquid & laboris attulisse, ut habeat unde præmia tradat amplissima: perinde ac si nostra opera totum bellum fuisset confectum. Non secus hîc fit, quàm si Rex aliquis cupiens filium ad triumphum perducere, ipse totius belli curam suscipiat, & omnia moderetur. Interim uelit filium cuncto exercitu spectante procurrare in hostem, & iacula quædam intorquere, ut hinc uictoriam illius faciat, iubeatque triumphare. Similiter nos uult Deus repugnare Diabolo, prompto ac sollicito animo pro honore suo nostraque salute, ipse deinceps illum deiecturus & fugaturus, & nos postremò ueluti strenuos milites ad præmia uocaturus. Præmia autem non qualia in ueteri lege, terra, lacte & melle fluens, longæ uæ senectus, numerosa soboles, frumenti uinique copia, pecudum armentorumque fœcunditas, nihil huiusmodi, sed adoptio in filios, cum Christo fraternitas, hæreditatisque coelestis societas, demum beatifica illi diuini conspectus sublimitas. Quæ sanè tanta sunt præmia, ut pro illis uel unico die fruendis rectè centum millium annorum labores sustineretur. Facilius autem foret uictoria, si hic hostis apertè ac non sæpius ex insidijs pugnaret: nam uel obtentu uirtutis ad impietatem occultè trahit, uel sua det contemptum minorum delictorum, ut ab eis paulatim serpens ad grauiora deducat. Ecce risus immodicè effusus leue aut nullum forsitan delictum esse uideatur, sed ab immoderato risu fit gradus ad scurrilitatem, à scurrilitate ad detractionem, à detractione ad conuiuium, à conuiuitio ad grauiora denique crimina: quæ humanis legibus atrocius serpens puniuntur. Plerisque castitatis mundicie placuit, nec malè quòd placuit, sed quod nimium placuit, adeò, ut ausi etiam fuerint in cæteris matrimonia damnare: sicut etiam nonnulli alij dum nimis abstinentiam ad esu carniū probarent, illum omnibus interdictum crediderunt. Dolere de peccatis necesse est, si uolumus salutem assequi; sed non tantus debet esse dolor, ut ad impatientiam & desperationem uenire impellat, quod multi perpeffi sunt, hoc aditu idolatria quoque priscis inducã temporibus: nam dum uiri quidam magni & potètes multitudini gratiosi uiui & mortui plusquam oporteret, honorarentur: factum est deinceps, ut simulachra eorum fingere, & ipsi in Deorum ordine collocarentur. Hæc omnia antiqui serpentis uersutia contigerunt, quam tu, ut opinor, uitabis. Ipse pauca hæc ex multis exempli causa memorauimus, ut tu deinceps toto genere perspecto de his, quæ ad te pertinent, particulatim cogitares. Scio de bello aduersus Dæmones, deque eorum fraudibus plurimam haberi à uestris orationem. Persuadeo mihi te in hoc tuo Tyrocinio nondum prauas animi cupiditates fregisse atque extinxisse: fieri non potest, quin uehementius impugneris recordatione, præsertim prioris uitæ & antiquarum deliciarum. Sed resistendum est acriter, & quemadmodum hi, qui Hierosolymæ muros sub Dario instaurabant, una manu opus faciebant, altera telum gestabant, quo irruentes hostes propulsarent, Sic & tibi faciendum

De fuga sæculi & relig. studio

dum utrunque, ut aduersus uitiosas cupiditates pugnes, & in diuinis exercearis. Non enim omnia iniusta & infesta suggerit Diabolus, sed multa illorum à nobis proficiuntur: hoc ipse (ut opinor) sentis: non tot infrugiferas & nocentes educat herbas tellus, quot & quantas concipit humana mens noxias & pestiferas cogitationes: quæ in ipso semine elidendæ sunt, ne quid deinceps deterius contingat. Verùm ut redeam ad id, quod in hoc meo sermone fuit propositum, postquam ostensum fuit Christo omnino esse seruendum, rectè id uitæ genus à te delectum dico, quod præstantissimè id efficere ac præstare potest. Nam, quum quilibet hoc unum proponere sibi debeat, ueluti ultimum actionum suarum finem, ut Deum toto pectore, totisque uiribus diligit, & eadem dilectione seruet in proximum propter Deum: tu ut istud melius consequerere, non solum tibi præcepta legis, uerùm etiam consilia euangelica seruanda putasti. Præcepta sunt, sine quibus non contingit illa dilectio: consilia, cum quibus tutius & perfectius contingit. Quantò enim magis cæterarum rerum imminuitur cupiditas, tantò feruentius fertur affectus in Deum, & in illum quem is summè diligit proximum. Nec aliò sanè spectant assidua lectiones, crebræ uigilæ, continuata ieiunia, nuditas corporis, durum cubile, extrema paupertas, nisi ut contemptis terrestribus bonis sola amentur cælestia: castitas non præcipitur, sed suadetur: appetere coniugium, minus amaueris Deum, melius igitur abjicere, quoniam (ut inquit Apostolus) Qui sine uxore est, sollicitus est, quæ sunt Dei, quomodo placeat Deo: qui autem cum uxore est, sollicitus est, quæ sunt mundi, quomodo placeat uxori. Idem maneat de honoribus, diuitijs, delitijsque omnibus sermo, ut qui hæc persequantur, necesse sit eis minus amare diuina. Si cui proposita esset una corporis ualetudo secunda, huic profectò necessariò sumendus cibus: nam sine eo non contingeret ea, quam exoptat ualetudo. Quid si idem appetat frui pleniori ualetudine, & in ea cogitet firmius permanere? huic scilicet obseruanda sunt plurima, quæ illi medicinæ ars suggeret. nam nõ quemlibet cibum sumet, sed non nisi eum, qui iussus fuerit, & certas exercitationes corporis præstitutis temporibus suscipiet, & alia aget, quæ periti artis iniunxerint. Hæc ad te refero, qui in diligendo uitæ genere, non quæsisisti necessaria, sed quæ essent meliora. Nam si satis fuisset tibi amare qualitercunque Deum, poteras domi manens, tuisque perfruens opibus, præcepta legis seruare, quæ in medium proposita sunt omnibus. Sin autem cogitasti firmitus & seruidius, atque adeò foelicius amare, tibi non solum seruanda sunt, quæ imperantur necessariò quibuscumque, sed ea etiam, quæ paucis suaderi possunt assumenda, ut uoti compos reddaris. Relinquenda domus, destituendi affines, sermo familiarium deserendus, diuitiæ repudiandæ, honores ablegandi, nihil de connubio meditandum. Si uis perfectus esse (inquit Saluator ad eum, qui se cuncta legis mandata impleffe iactauerat) Vade & uende, quæ habes omnia. Cur, ut habeam mihi pretium? Non: sed

da pauperibus. Durum id quidem, sed nondum hoc satis: subiicit enim: ueni, & sequere me: qua uia? qua ego scilicet gradior, patientiæ, paupertatis, castitatis, humilitatis. Denique, ut hunc concludam locum. Si id, quod alio animo exaggeratoque fecisti contemptis amplissimis opibus & reiectis, uiderem à te leuitate iuuenili & ardore inconsulto susceptum, hortarer tamen, ut ad quam uiuendi normam semel animum applicuisses tuum, in ea permaneres, fortiterque cuncta ferres, etiam si uiderentur atrocia nimis & acerba: quoniam tanta in re tuenda tibi esset dignitas, & constantiæ seruiendum. Nunc autem quum nihil feceris, nisi maturo iudicio, re bene explorata, cedat ueritati opinio, & que rulas amicorum molestias iusta animi tui iracundia repellat. Ego enim, & si dum nobiscum esses, redderet ex consuetudine tua laxior, & consilio prudentior, & opera fructuosior, denique magnam spem praesidiumque rerum meatum in te uno florētissimo & nobilissimo collocaſsem, quem sciebam amicitiae leges, tum exacte nosse, tum diligenter seruare, tamen sic coelestem hereditatem capiam, sic Christo tecum frui liceat, ut tibi fauco meliora sequuto, post habita ratione commodi mei, ira ut iam uirtutis singulariter ducendae spe cogitationeque delecter. Quae enim illa aderit uirtutum cetera, dum Christum conaris imitari, uestigioque eius asfigeris? Tu noctis mediae curriculo, tu in lucis crepusculo, tu ad primam dici horam, ad tertiam, ad sextam, ad nonam, tu uespere; tu in ipso noctis uestigio diuinas laudes coelestis pica decantabis. Te cum Deo magis, quam cum hominibus colloquentem rarus sermo, crebra oratio delectabit. Hoc sanctissimo orationis thure atam uirtutum, quam in tuo pectore diuino numini strues, quotidie adolebis. Te longiori noctium spacio lectio magis quam lectus detinebit. Tu nihil iniuria, misericordia multum mouebere. Tu obedientiae iugo colla submittens alterius uoluntati potius obtemperabis, quam sequeris tuam. Tu pauperiem colens, nihil habebis tuum, nec habere uoles, sola locuples uirtute. Tu carnis petulantiam, tu libidinum stimulos ieiunij franges, uerbere coercebis. Mirum fuerit uidere Christum in pectore tuo cubantem, nunc quiete, nunc disserentem sublimia coelorum mysteria. Mirum perspicere animum tuum nauis instar inferius clausum ad terrena, apertum autem à summo, & patentem ad coelestia. Quid? ubi oppressis corporis sensibus contemplari coeperis? quomodo tunc deorsum non sereris, sed sublimia cuncta pura mente lustrabis? quomodo Dei assistens conspectibus, beatificaeque illius lucis radijs percussus, non coelestium illorum gaudiorum gustum aliquem captabis? At ne hic quidem omni uoluptate aurium oculorum uel carebis, nam quoddam suburbana inter praedia cellulas uestras tenetis, mirè uos oblectabunt lapsus auium inter frondes, & cantus, tum purissimi fontis speculum, & immurmurans riuus, & lasciuiſſimæ arborum coma, prataque insuper uirentia depictis, & nata floribus, ex quibus non dubito, quin uos maxime afficiant purpurei, qui

De fuga sæculi & relig. studio

qui colore referunt Christi uulnera: possunt itidem ad purum candidi sanctissimæ Dei genitricis Mariæ admonere, quæ uita talis fuit: nam etiam dum illic fueris, retinendus animus erit in custodia bonarum cogitationum, & ut inter herbas uaganti in singulis penè passibus uiperini Dæmonum allapsus timendi: Memor quid & quantum inter supernas Paradisi delicias callidissimus serpens in primos generis nostri parentes potuerit! Sed & cœli ipsius siue diurnus, siue nocturnus conspectus memoriam diuinæ magnificentiæ reuocare potest, cuius illa ipsa est sedes, tot flagrantium siderum radiata luminibus. Denique quicquid occurrerit sensibus id cœlestium mysteriorum cogitationes commouebit. Omninoque illud tenebris Cræteris Philosophi, qui intra mentis penetralia nunquam cum homine improbo colloquendum esse, dicebat. Non enim amat nos Christus semibonos, uel consortem alium perpeti potest: magno nos emit, ut solus haberet. Itaque ubi in mentis nostræ regno uidet qualemcunque locum Diabolo traditum, indignabundus abscedit, & totam ditionem ad uersario relinquit. Hanc firmissimam habeo causam, cur multi labantur Monachorum, quia per multa & uaria uagantur animo: nam ad opes, ad potentiam, ad pecuniam, uel ad alia quædam animum inflectunt: unum uerò præcipuum, ad quod cætera dirigant, non habent. Omnium autem actionum & meditationum finis tibi erit propositus, una res, de qua tam multa diximus, charitas scilicet Dei: in hanc cætera omnia respicient tua in hoc ueluti immobile signum omnes mentis diriges sagittas. Multa uaria & diuersa agit & tentat medicus, nec ad multa tamen, sed ad unum respicit, bonam scilicet ualitudinem, & firmum corporis habitum. Quid Ductor exercitus, quanta parat, miscet, aggreditur, molitur, unum & ille spectans, hostium scilicet uictoriam: sic & tua multa, quæ ages, unum erit, quia uno fine clauduntur: qui autem multa agentes ab uno recedunt, inutilem exitum forsitan & pestiferum sortientur. Narrat Dionysius Arcopagita in libro ecclesiasticæ hierarchiæ ritum, quem primum Christianorum ecclesia seruabat initiandis Monachis. Inter cætera solenne fuisse scribit, ut sacerdos initiandum Monasticæ uitæ interrogaret, num uellet uitæ diuisibili renuntiare. Hoc ego dum legerem, sollicitus aliquandiu fui, quam uitam uocaret ille diuisibilem: sed tandem occurrir diuisibilem uocari uitam, quæ per uaria funderet hominem negocia: huc illuc raperet, qualem obeunt sæculo utentes. Sed non solum diuisibili uitæ utrum renuntiaret interrogabatur, sed diuisibilibus quoque cogitibus & affectibus, id est, qui per diuersa illum distraherent: Sic etiam tum cognoscebatur Monacho per uaria non esse uagandum, ut in professione Monasticæ uitæ hoc ipsum polliceretur, quod etiam in Euangelio indicauit Saluator dum Mariam intentam contemplationi diuini uerbi plus laudat, quàm Martham satagentem circa frequens ministerium. Porro, inquit, unum est necessarium: Sed nec diuisum hominem amat Apostolus, dum deterrès à connubio in prima ad Corinthios inquit, ut proxime

mè retuli. Qui sine uxore est, sollicitus est, quæ sunt Domini, quomodo placeat Deo. Qui cum uxore est, quæ sunt mundi, quomodo placeat uxori, & diuisus est. Vides qualiter homini coniugato exprobrat quodammodo diuisionem Apostolus quasi amorem, quem unice debet Deo, cum uxore partiatur. Quæ ego omnia idcirco disserui, & longiore sermone protuli, quod allatum mihi erat, quam tibi gratum essem factur, si scripsissem ad te aliquid confirmandi animi tui causa, in susceptaque sententia roborandi. Feci quod potui, lapidemque omnem ad eam rem tenendam, ut dicitur, admoui: nam initio sermonis memoranda temporum & morum iniquitate, eò tetendi, ut docerem te monasteriorum inclusum latibulis mala plurima & præsentia & impendenda declinare. Deinde altera parte ostendere uolui, etiam si bona essent, quæ reliquisses, te tamen melioribus adhæsisse: siue enim sæculi fluxus impotens ferre animus in coenobio, ueluti in portu quietis anchoram iecit, siue ad opes collatas respiciens, quæ magnificum te facerent possesse: magnificentius putasti illi decedere religionis studio, utraque ratio proposito tuo confirmando ac retinendo aptissima. Neque tamen ego dum Theologica illa tractarem, uolui ego riuiulus tantulæ aquæ fluentis meis pelagus uestrum inundare, quando, quæ ipse properanter, & ueluti præteriens aspexi, tu quotidie à peritissimis esses auditurus, & è libris sumpturus, & usu periclitaturus. Sed nescio quomodo traxit me rerum ordo, serpereque coepit longius sermo meus, quam putaram: & quum tam ualde delectarer ipse in scribendo, putauit etiam tibi non iniucunda fore ad legendum. Si proficimus aliquid lator, tollensque ad cælum manus gratias agam immensas cœli Domino, qui tantam uim infuderit scriptioni istî, ut potuerit nutantem labentemque mentem tuam in te minime pusilla confirmare. Sin adum est nihil, quoniam immorari omnino & immori proposito decreueras melioribus certioribusque argumentis ductus: Laudabo hanc præclaram & egregiam animi tui inductionem, nec minus gaudebo, quando in amicissimo uiro satis nerarorum, satis præsidij in se ipso ad religionis susceptæ cultum tuendum cognouerim.



MARCI ANTONII

NATTAE ASTENSIS,

DE VITA PERFECTA

O R A T I O.



ICTVRVS de Monachis, illud primùm egregiæ eorum laudi ascribo, quòd non sermonibus sed uita ostendunt omnibus, qui æternam fœlicitatem adipisci student quid agendum, quodque iter ingrediendum sit: nam quum reijciant, quantùm fieri potest externa commoda, & corpus variè affligant, quòd expeditius ad uirtutis usum habiliusque redatur, illud ueluti in commune proponunt, magnas lubeundas molestias, magnos exanclandos labores, ut ad magnæ fœlicitiæque præmia perueniatur. Non enim hos uiros Deo plenos id facturos credibile est, nisi facere expediret. Ausi sunt è gentibus quidam hanc sententiam ueluti præclarum quiddam circumferre: optimum homini esse non nasci, proximum, quam citissimè aboleri. Videbant humanam uitam omnibus fortunæ telis esse obiectam: uidebant timorum stimulis, dolorum cruciatibus, laborum molestijs, libidinum facibus agitari, hinc humani generis primordia desebant, hinc se materno utero tanquam inscribi noluerant, & abradi quamprimùm cupiebant: quæ sententia, quàm in ualida sit uel illud indicat, quòd sibi parum constat: nam si tu, qui non nascuntur, non sunt, & optimum est illis non esse natos, id quod non est, dicunt esse; & (quod maius est) tradunt ei optimum esse. possunt ne sibi ipsis magis repugnantia proferre? non enim intelligi datur, quomodo non dico summum, sed uel paruum bonum insit ei, qui non sit: nam si inest, illum esse oportet tanquam excipientem, quod infunditur. Deinde mollis hæc & delicata sententia nihil neruorum & roboris tribuit animis ad tolerantiam malorum, per quam uirtus humani pectoris magis explen deficit. Ad hæc qui se homines natos conqueruntur, illud molestè ferunt se simulachra esse diuinæ mentis, se ingenio, rationeque pollere, sibi colloquij uim, sibi urbium societatem, sibi uariarum artium inditam disciplinam, sibi denique traditam uiam æternæ beatitudinis comparandæ. At ea aspera est uia, ea scilicet gratia, ut uirtus animi prodeat, exerceatur,
nam

nam uirtus nullis tentata periculis, nullis examinata difficultatibus pondus non habet: sed inane quiddam & cassum esse, dicitur. Ergo aduersus istos humani generis extinctores clamant Monachi non uoce, sed opere, homini optimum nasci, non si in corporeis uoluptatibus & in omni abundantia fortunæ molliter & enervatè uixerit, nulla interpellante asperitate: sed si ab adolescentia humilitatis iugum sponte exceperit, & pietatis stûdio multa tulerit acerba: hoc itinere perueniri ad cœlestia præmia, quæ nulli constituta sunt, nisi acri bellatori: cunctis enim mortalibus colluctandum cum fortuitis casibus, cum uitiorum illecebris, cum antiqui serpentis insidijs: quam sanè colluctationem nemo ritè diffugiat, nisi si fugiendum est uincere, & uictorem conspici cum fulgida corona. Hæc præclarissima Monachorum uox, quam tacentes profundunt ad eos, qui non uerba, sed rem inspicere solent, excitare potest quoslibet: (de his etiam loquor, qui à Monastica ratione procul absunt,) ut molesta difficiliaque multa, quæ humana circumfert uita, non abique diuino nomine, non modò æquo animo excipiant, uerùm etiam parato, quasi per hæc sit iter ad præmia, quæ fidei cuilibet in cœlesti regno pro paruo finitoque opere, infinita immensaque persoluuntur. Nos etenim, quibus sæculo utimur, & si grauias sæpè toleramus, non grauiora tamen, plerumque quàm Monachi, qui ieiuniorum, uigiliarum, orationum, pauperum, afflictionis, luctus principem locum tenent: idèd etiam finita uia splendidam admodum & magnificam, multisque claram gemmis referent coronam. Volo autem intelligi me sermonem habere de his, qui uerè sunt Monachi: nam multos hodie nouimus, qui amictu, & alio exterio cultu, & magna cæremoniarum frequentia Monachos uideri se student, quum tamen eorum more à uetere illa Monachali dignitate atque austeritate absint longissimè: horum cupiditate, auaritia, arrogantia, libidine magna legitimo illi Monachorum nomini calumnia imposita est. Veruntamen scio, quòd si quis uerum Monachum proprijs obduxerit coloribus, is simulachrum perfectissimæ uitæ ostenderit, quod bene per nosse pertinet ad eos etiam, qui nec propositum Monachi, nec institutum sequuntur: nam quum cognouerint, aperteque perspexerint, quis sit ille perfectissimus humanæ uitæ status, intelligent simul, quem gradum ipsi teneant: ne forsitan per incitiam ima pro medijs, uel media pro summis habeant. Accedat & illud, quod optimum quoque unusquisque ad imitandum sibi debet proponere, quia fieri potest imitatione optimi, ut indies proficiat, & ad summum euadat: quòd si uiribus destituatur, studiū tamen illud tendendi ad optima laudabile est. at is, qui deteriora ad imitandum sibi sumpsit, creditur ascendere noluisse, & potuisse forsitan altiora, si ea tentasset. Nihil enim prohibet in sæculo agentem, si non in cunctis, at aliqua saltem ex parte, id quod in Monachorum eminet uita, æmulari. Igitur facturus operæpretium mihi uideor, si accuratè orationem descripsero, quam olim Monachum Bonifacium talibus de rebus

De uita perfecta

habuisse ferunt, hominem non sanctitate modò uitæ insignem, Deoque plenum, sed qui etiam scientiarum omnium artibus nobilitatus non minus humana studia, quàm diuina teneret. Is exoratus semel à Monachis, qui frequentes de industria conuenerant, ut formam cunctis uitæ melioris proponeret, quam formam inquit? cuius uitæ? nam si telam alterius cuiuspiam uitæ texere uoluero, uelut principis, uel patrisfamilias, uel agricolæ, satis ineptè, si placitura alijs uobis exposuero; sin illius; quæ ad nos spectat, satis superflue, post multorum literas, quibus Monachi munia descripta sunt. Neque ego sanè uelim, aut debco præcipere alijs, quæ & si scientia fortasse, moribus nondum apprehendi exemplo prius loquendum est cæui, deinde ubi res tulerit, sermonibus. Tum qui aderant seniores, at qui (inquiunt) res nunc tulerit. Vides ipse multis locis collapsam Monachorum disciplinam, quæ forsitan opera nunc tua restitui poterit. Trahuntur innumeri ueluti torrente quodam malæ consuetudinis ad pecuniam, & alia professioni huic non satis apta: alij dubitant, quid expediat, nonnulli quid liceat, & quorsum sit progrediendū. Tu uerò legitimas illas Monachi partes nos edocueris, ut qui in his diutius fueris uersatus, & nihil serè aliud tota uita commentatus. Neque uerò uir omnium prudentissimè nos, quos charos habes, ad libros relegaueris, nulla ea causa est, ut uelis aures nostras, & hæc fratrum pectora nomini tuo deuorum, uocis tuæ fructu fraudare. Primum pauci ad libros adeunt, non omnes literarum studia tractare norunt. Deinde quàm multa confusa in quibusdam & obscura, & repugnantia interdum, ut sæpe melius fuerit talia scripta non tetigisse. Tum etiam illud, quòd non tam commouent paginæ spiritu, & actione carentes, quàm uox & uultus solet ardentis in oratione & fulminantis uiri. Adice huc, quòd si quid à magistro paulò obscurius fuerit prolatum, uel à discipulo minus perceptum, demum occurrat aliquid, in quo hæreat auditor, licet adire, & percurrere, & de quibusdam planius edoceri, & sese à dubitationum laqueis eximere: his enim omnibus opportunam operā commodat magister. A libro nihil tale expectes, qui nunquā cōmutat, uocem sed eadem semper dicit, nec si quid interrogaueris, respondet. Non enim profert uerba, sed uerborum imagines: quamobrem rectè dictum est de libris, illos mutos esse magistros; ut melius sit quandoque ab illis recedentem, quærere alios loquentes, quantò etiam melius eloquentes: quòd si magister eloquens petendus nobis fuit, neminem te potiorē habeamus. Finge, quos nos esse uelis: Si ignari, doce ignaros, si prudentes, inflamma prudentes. Nam quod postea subiecisti exemplo uitæ prædicandum esse omnibus, id libenter agnoscimus, sed inter exempla hoc quoque, quod quærimus positum, prædicatio scilicet uocalis regni cœlestis, quod & à Christo, & à cæteris magna cura sollicitudineque munus impletum est: petimusque à te, ut hoc exemplo prædicationis, quæ uiuæ uocis instrumento profunditur, tantam Monachorum multitudinem

dinem id sitientem atque exposcentem erudire ne graueris. Nequamquam (inquit Bonifacius) sic fieri oportet. Ignoscite quæso timiditati meæ. Vos etenim mihi onus iniungitis, quod non modò tollere, sed uel paululum attritare quiuis prudens perhorrescat. Nam quum Monachalis uita apex sit cæterarum, hanc ad ultimam sui speciem normamque redigere, quantum est? scio si id possem, nihil pulchrius aut perfectius ostendi ualeret. Sed & ætas uestra, quæ multa est: & scientia, quæ summa & auditorum conuentus, qui futurus est maior, haud uulgari orationis genere tractari se uolent, unde autem id mihi? Itaque petitionem hanc uestram comprobare nèqueo: sed ne uultus quidem mihi hic uester placeat, qui in quibusdam nimis deiectus, in alijs etiam fuit potestas, & non liceat obtendere saltem seniles hos annos, qui non corporis modò, sed animi quoque robur fregerunt. Quòd si cogere, uim asserere mens fuerat, minor ueteris moris oblitus, nam quum Monachos austeriori uitæ disciplina conspicuos, Christoque, ut ita dixerim, foctos Episcopi ad Sacerdotium uellent protrahere publicæ utilitatis gratia, succinti pluribus Diaconibus & ministris occasione qualibet comprehendebant, & summa sollicitudine eos eorum teneri iubebant, ne elabi cupientes per Christi nomen, ut mitterentur, adiurarent. Hæc erat forma inuitos & reluctantes ordinandi. Quanquam talibus rebus beatus Hilario frangi non ualuit, cuius iter, quum à frequentibus Palestinæ populis obsideretur. Vir autem sanctus solitudinis amore flagrarèt, ubi precibus abitum non impetrauit, ad minas uersus. Moriar inquit ante pedes uestros hoc loco, nisi mitteritis, non diutius spirantem habebitis, iam iam cadaueris huius sepulchrum uobis relinquam. Hæc & talia loquens senex turbatori fronte feruidas scipione discutiebat arenas: cunque cibo abstinuissèt usque in diem septimum: moti tanta mentis peruicacia hominem missum fecerunt. Hoc ego non tentaro, sed quod imponitis negocij, humillimè potius deprecabor. Vnum illud uobis expromere possum desiderium meum: quo iam diu flagro. Vtinam ad fidei nostræ incunabula & nascentis ipsius ecclesiæ primordia reuolucremur, quo tempore quenquam è grege nostro nequam inueniri uix fas erat. Diffundebatur Christianum nomen per omnem ætatem, sexum, ordinem, omnia. Christicolæ impleuerant, urbes, insulas, castella, municipia, conciliabula, castra, tribus, decurias, palatium, forum, curiam: templa sola reliquerant idolorum cultui mancipata: & tamen infinita illa multitudo omni studio religioni seruiebat, uno fratrum nomine cenfebatur, quæ hodie ad paucos uestri similes reducta sunt: at præcipuum erat temporum illorum studium antelucanos cœtus habere, peruigilias totarum noctium crebro duceres, non solum ad canendum

De uita perfecta

canendum Christo, uerùm multò magis ad collationem disciplinæ, qui mos si perenniter teneri potuisset, non incuria & obliuione mores delapsi fuissent. Interrogauit aliquando Christus discipulos, quem esse illum crederent, quorum unus Petrus apertè se indicauit. Tu es (inquit) Christus filius Dei uiui. Vnum hunc sermonem, quem extulit piscator, tot in numeri uiri sequuti sunt, quem tantùm abest, ut mutauerint in uita, ut ui tam ipsi suam ne mutaretur, proiecerint. nullis unquam irrogatis supplicij tyranni illud delere potuerunt, quid gladios, compedes, carceres, catenas, rotas, eculos, caminos, sartagine, flammæ, uncos, cruces, bestias, & mille alia commemorem? quibus adiciebantur corpora fidelium: tenuit uerbum Petri aduersus hæc inuictam patientiam, deque crudelitate & sæuitia tyrannorum gloriosè triumphauit. facilius fuerat pharetram exhauriri tormentorum, quàm filium Dei non habere in se credentes: exquisitior quæque crudelitas illecebra erat maior sectæ, ubi plures cadebant impiorum manu demissi, illic uberior credentium exoriebatur seges. Etenim spectantium animi mouebantur, & intra unum quemque obloquens tacita cogitatio hæc erat, nisi uero niteretur Euangelium, nunquàm tot homines deuotis corporibus astarent: nemo profectò tam ardenti, tamque alaci animo uaderet in in mortem, nisi pro meliori uita uideret se moriturum. Hæc cogitabantur, & talibus testibus signantibus, quæ dicerentur proprio cruore inducti mortales causæ se ipsos iungebant, & qui alios miserati fuerant cadentes, mox & ipsi eodem nomine cadebant. Magnum esset dicere quanto ardore illa gererentur, nam non uirilis modò, sed infirmus ille scæmencus sexus ad eò pro fide concaluerat, ut dilaniatis corporibus Christum faterentur: non acerbitate suppliciorum, non spe retinendæ uitæ adduci poterant, ut uocem & actionem obliquarent. Iam præclarum erat Cathecuminorum uidere constantiam, qui fidei candidati nondum ad eius honorem ingressi, pro ipsa tamen fide ad supplicia uolentes trahebantur. Sæua aliquis putaret illa esse tempora, ego uerò beata iudico, quando crebro Martyrum uictimæ feriebantur, quando cruentas illorum funerum exequias miserando affectu Christi plebs prosequuta ad ecclesiam mœrens reuertebatur. Omnis tunc illa quidem multitudo lugebat, sed omni risu & cantu luctus ille erat scælicior. Hic terror, hæc flamma, quæ aduersus Christianum nomen exarserat, attulit initium Monachatu nostro, ut de hoc etiam aliquid tanquàm præteriens dicam. nam nonnulli, ut fugerent sæuitiam illam, & ne uiderent, quæ fiebant, in solitudinem concesserunt, sed quod primùm necessitas inuenit, mox utilitate rei perspecta uoluntas celebrauit. Itaque pluribus confluentibus illustre Monachorum nomen redditum, mirante sæculo ausos esse homines relicto omni humano cômertio solitariam uitam inter feras agitare. Nam præruptas rupes, nemora, antra, arenas incolebant, & tantum delectabat eos solitudo, quæ terret cæteros, ut quò horridior esset regio & desertior, & minus humanis passibus peruia, eò libentius

bentius ueniretur. Magnis erat in delicijs præterfluens riuulus uicinus recto, qui potum præstaret & huic iunctus palmæ stipes, qui folia in uestem, & baccas in cibum proferret. Cæterum in sacris hymnis & canticis & meditatione diuinorum tota ducebatur ætas, corpus erat neglectui, at a cerrimo studio excolebant, quod in illis cœlesti fuerat atque diuinum. Itaque hæc uita, quæ uidebatur ferarum esse socia, quantum tunc lucem intuebatur? quibus intererat cœlorum arcanis? & quàm ualde beato Angelorum consortio fruebatur? Vellem ut ad initia sermonis huius redeâ, desiderio inspiciendæ tantæ uirtutis, uel illis me natum temporibus, uel hæc nostra illorum esse simillima, quibus facere homines optima, quàm dicere aut audire mallebant. Quanquam non noua quidem instituta uituperanda sunt, si quis in eis rectè permanferit, uetera tamen istis antepono. Hic quum tacuisset Bonifacius. Tum illi, Non est istud desideria nostra restinguere, sed incendere: quantum anti-quitantis in te est? quantum exemp'lorum? Expone igitur nobis qualia uetera illa fuerant, uel hæc noua, qualia esse debeant, effice ut fruamur aliquando ubertate doctrinæ tuæ. Da hoc precibus nostris, ad quas officio iusto impellimur, da multorum fratrum indigentia, da charitati Christi omnia grauiâ & dura feren di: attēde, quod cōserui Christi, quod commilitones Monachatus sumus, quorum salua pietate commoda reijcere haud potes. Cur igitur dictum non polliceris? quid hæres optimè, quod suspexisti cœlum, nam hinc tibi descendet auxilium, quod si pertinaciter nos reijcis, non afferemus tibi quidem uiolentas manus, nec te ore clauso ad suggestum pertrahemus, illicque ad dicendum constituemus; sed tamen minamur tibi ne illud frustra de minis dixeris, iacula orationum nostrarum, rogabimusque prostrati Dominum, ut te uerberare aliquo admoncat, quantum mali sit fraterna desideria, præsertim talia frustrari, & forsitan tunc intelliges, quàm bellum sit sponte facere quod oportet, & non compulsum: nam post plagâ fuscipere id uoles, quod nūc reculas. En minæ, en tela, quibus cōficietis, nisi caueris. Ad hæc Bonifacius. Nihil est (inquit,) quod miremini me in maiorum gesta oculos mentis intendere: equidem nihil libentius facio uel ad animi requiem, ad ad fructum. Videor mihi peregre gnam morum picturam cernere, sed eam uel uti euanescentem uetustate, cuius formam non modò iisdem coloribus reponere, sed uel extrema lineamenta ducere, arduum puto. At enim urgetis uos, ut genus ipsum aggrediar Monasticæ uitæ, uel quale olim fuerit, uel nunc esse debeat, & nisi id fecero, mihi & Deum, & Orationes, & spicula minitamini, quibus configat: hæc profectò uis est, & magna quidem, nam maiori ui utitur, qui terret animum, quàm qui manum iniicit corpori. Sed & charitatem ad me allegastis & commilitium Monachale, ueluti Oratores quosdam placitos & facundos, quibus religio sit quicquā denegare. Concedendum est igitur, ut opinor, & faciendum quod petitis: malo enim uoluntati obsequens uestræ impudentiæ notam subire, quod

De uita perfecta

quòd supra uires onus sustulerim, quàm si recusaro, uideri non satis pius & ab humanitate alienus. Et quoniam melius est sumpto ad cogitandū spacio paratius dicere, diem ad eam rem commodo uestro sumite: nam tunc copiam mei faciam, & loquar ut potero, studioque uestro permotus, seneſcutis meæ imbecillitatem uincam. Si ueri & perfecti Monachi uitam uiuerem, uel saltem tantæ laudi proximus essem, cupiditatibus uestris plenius responderem; & possem tunc apertius legitimi Monachi partes ostendere. nunc à uobis illud petendum uidetur, ut quum rem tractare cæpero, animum tunc magis meum, quàm rem ipsam emetiāmini, simul cogitetis me tantum munus non appetuisse, sed à uobis impositum sustinuisse. Ita fiet, ut si quid deliquero, facilius ignosci possit. Veruntamen, quoniam omnia, quæ ad Monachos spectant, uno sermone explicare impossibile, uidendum est uobis, quid de illis potissimum me loqui uultis. Tuum sit arbitrium (inquiunt) de quibus loquaris, modò de magnis. **A**t ego (inquit) de paruis, angustis, humilibus cogitabam, quibus tamen credo uos magnopere delectari. Quid enim tam paruum, quàm paupertas secum pauca ferens? quid tam angustum esse potest, quàm ieiunium modico satutum apparatu? obedientia quid humilior, quæ suam uoluntatem alienæ semper inflectit. In horum & similiarum sermonum studio decurret eloquutio nostra, nisi uos aliud quid censeatis, quod quoniam annuitis, illud etiam respiciendum, num. his quoque Deus annuat, sine quo non modò tanta res perfici posset, sed ne minimi quidem muneris ulla pars rectè attingeretur. Rectè mihi nunc uideor alium ad dicendum sumpsisse diem, quia interim orationibus me uestris penès Deum humillimè suscipi iuuare poteritis, idque à uobis uicissim, ut faciatis peto; rogandus quippe est Dominus, ut illo die adsit, & sacro spiritus afflatu ita linguam moderetur, ut ea dicantur, quibus æterna uita salusque animis pariatur, charitasque in illum nostra feruentius incendatur. Non respiciat illè ad delicta mea, sed ad postulata uestra: nam & si ego idignus, qui de tanta re loquar, uos tamen forsitan non indigni ob tantum studium, qui audiat. Nec mirum (ut opinor) fuerit, si orantibus uobis aliquid tunc proficerem dicendo, detque mihi ille uim cotis, quæ & si inhabilis sit ipsa ad secandum, habile tamen ferrum ad sectionem reddit. Antea terrebatis me orationibus uestris, & earum mihi iacula minabimini, nisi obsequeretur. Nunc postquam obsequor, nulla causa est, quin ipsædem protegar armis, quibus antea, ut aduersarius petebar, nam quantum his ualeatis iam professi estis, nisi forsitan cupitis magis lædere, quàm iuuare, & ultrices tantum copias, non etiam auxiliatrices habetis. His ultrò citroque iactatis, quum prædestinatæ dictionis fama, ut sit, percrebuisse, rumorque celebris Bonifacij nomen circumferret, de quo certi erant homines ætatis non modò suæ, sed multò superioris Monachos cunctis laudibus anteire, dubij utrum sanctior, an doctior accidit, ut plurima Monachorum turba ex omnibus ordinibus, ex omni

in prouincia conflueret in diui Secundi delubrum Calendis Septembribus. Eo die ferunt Bonifacium magna quædam & pulchra de Monastica genere uitæ disseruisse, quæ nos à quibusdam, qui interfuerunt Monachis studiosè excepta, si non iisdem uerbis, at paribus sententis transposuimus, ut nihil grauiorum rerum præteritum appareat: nihil non suo ordine relatum. Asserebant enim, qui hæc nobis tradiderunt Bonifacii uerba, quamuis longo post interuallo, eorum adhuc auribus insonare, uultum loquentis & gestus omnes adhuc in oculis esse, quò fit, ut uberius illum & ardentius multò & explanatius dixisse putem. Nos sicut potuimus iisdem uestigiis institimus, nolentes orationem pluribus profuturam perire: quod profectò accidere necesse erat, nisi literarum monumentis custodita ab obliuionis interitu uindicetur. Ergo quum editiore loco Bonifacius confedisset ingenti Monachorum auditorio circumfuso, oratione de more præmissa, magna auiditate audiendi, magnoque omnium silentio illum in hunc ferè modum loquutum accepimus. **I N T E R** magna & multa admirabilia summa Dei bonitate indulgentiaque mortalibus concessa uirtus principem & excellentem locum tenet, ut nemo unquam tanta & tam incredibili floruerit facultate dicendi, qui omnes eius laudes pleno satis ore potuerit enarrare; si quidem uirtus illa est, quæ sicut nominis sui sono indicat, omnia uertit in tutum. Hæc humanarum mentium meritum, animorum iubar, sancti propofiti neruus atque robur iubet repudiatis illecebris uoluptatum unumquenque tendere, quo spirante Deo uocatur: hæc eum, quem infederit, ad ingentia facta perducit, nec uires animi remollescere sinit. Hæc cælo demissa beatitudinem non huius sæculi, sed ipsius cœlestis regni donat suis cultoribus: & ducem se præstat ad eam uitam, quæ mortem omnem nostram absorbet. Quid autem melius, aut elegantius cuiquam hæc in uita contingere potest, quàm si rectè suo fungatur munere? id autem à uirtute petendum. Virtus enim hominis (ut isti asserunt naturalium rerum inuestigatores) nihil est aliud, quàm habitus quidam, quo homo bonus est, & opus suum rectè perficit, atque absoluit: sicut nanque oculus bonus est sua ipsius uirtute, efficiturque per eam, ut bene uideamus. sic humanus animus bonus est sua ipsius uirtute, efficiturque per eam, ut bene uiuamus id est iustè, rectè, officiosè. Itaque hortor ego uos dilectissimi fratres, ut hanc amicam uobis & familiarem reddatis, huic studeatis: nullum præterfluat tempus sine ualida atque forti uirtutis tractatione. Quod si diligentius explorare uoluerimus, qui simus ipsi, unde uenerimus, quò tendamus, ne tum quidem liquidò apparebit mediocri uirtute nos contentos esse debere. Cur enim Monastica claustra adiuiuis? Cur solitariam hanc stationem caprauiuis? Cur societati & collegio sanctorum fratrum intexi uoluimus? Cur religiosam induiti uestem? Cur illa tria solemnia uota professi? si ueluti plebs & uulgus hominum uiuimus, si nihil aut non multum uitæ merito distare ab his cogitamus, quos sæculi fluctus &

De uita perfecta

exundantium negociorum turbines excipiunt atque exercent. Alia illorum, alia nostra ratio est. Illi mortalium operum procurationē suscipientes satis habent aduersus uitia uirtute duce superiores euadere. Nos impigro magis gradu uirtutem sequentes, postquam diuinis tantum insistere uoluimus, non uitia tantum atterere, sed etiam ab omni affectuum terrenorum contagione animum expellere debemus: oportet nos, quamuis in carne locatos, carnis oppugnare naturam, ut quiduis potius, quam homines uidcamur, non honorum splendorem, non laudum præconia affectare, non odore, non sapore, non tactu, non pulchritudine corporum capi, ludos, ioca, conuiuia, familiaritates deferere: ad omnia denique suauia & iucunda, quæ mundus effert, animo esse lapideo. At qui uidemus nobis terras, nobis maria, nobis solem, uniuersamque astrorum chorcā inseruire. Quid ergo? quum cœlestium natura nobis suggerat famulatum, terrenis abstinebimus? & hæc blanda & speciosa, quæ circumstant undique tanquam non sint, inimica manu repellemus? Sed uidendum est, ne secundum inferiorem hominis partem, quæ tenera admodum & mollis est, hæc & dicantur & cogitentur: nam excitato homine, qua parte arduus est totus, id est uirtus resedit, quæ eo pluris est, quod plura contemnit. nunquam profectò præsentium rerum specie delinuti caussam nostram deferemus, nec sit tamen quin uideam, quàm difficile sit hos motus, quos natura assidue suggerit exuere. Illud etiam difficilius mores deponere, quos alio uitæ genere assuefacti aluimus, qui robustiorem habent uim & tenaciorem, quàm natura, propter pristinam familiaritatem. Difficilia hæc atque adco difficillima, negat nemo, ueruntamen quod durior fortiorque aduersarius, & quod armis munitior, & quod uiolentius laceffit, ubi summa uirtute & fortitudine repellitur, uictoriam latiorē facit, & splendidiorem coronam capiti uictoris intexit. Ergo paupertati summum honorem habebimus, cuius custodiæ solemni nos uoto mancipauius. Alij molibus iactis & effosis montibus terras æquoribus, æquora terris inferant, erectisquæ pyramidum fastigiis usque ad sidera, humum coelo imputent, ueluti naturæ domini: nihil sanè hæc ad nos, qui comperto tenemus Monachum non experimentis, sed de trimentis potentia crescere. satis habet Christi famulus, si cutis nuditatē uili tegmine uestiat, & famem qualicunque cibo soletur: nihil aliud querendum. quid ita? quia turpe est, non modò impium charitatē mentis semel Christo desponsam, ad hæc inferiora detorquere. Ita ne uerò portionem affectuum nostrorum ponet sæculum cum Christo? quid postea? eundem ne fuerit ad arbitros communi diuidendo? negatis. Scilicet dignitatis causā partitor erit Christus, & quum ex possessione affectuum nostrorum modicum sibi quid sumperit, reliquum sæculo dependet. O temporum descendam miseriam, pudet dicere, dicendum est tamen. uideo ex grege nostro nonnullos diffisis cordibus ac in diuersa diductis, qui ubi paululum religioni operam impenderint, mox reliquis temporibus honores

honores ambiunt, uel pecuniæ student. Hos ubi ad aram accesserint diuinorum sacramentorum, litare dixerim Domino semicordes. Hos puto dimidiatam uotorum suorum hostiam adducere: at holocaustum id est totum & integrum cor hominis deposcit ille cui obtulimus, & ægreferet partim sibi, partim opibus humanis tradi, quas prior ipse reiecit. Miseri profecò, qui in paupertatis domo ante nudati ora crucifixi diuitijs obuiuantur, religionem etiam improbæ cupiditati prætexentes, tanquam pium sit Monachos pecunia abundare: at huc secularium ferri uora uiuorum, quis nescit? quæ si pariter Monachi prosequuntur, non sæculum deseruisse illos, sed uerius commutasse dicemus. Ita enim accidit, ut qui sæculi copijs de relictis nudi & expediti ad monasteria cõfugerant Christo nudo militaturi, mox ueluti nuditatis pudeat, omnibus sæculi molibus opprimi se uelint, oppressique lætentur. Ego si quantum Christus, quantum cæteri sanctissimi uiri paupertati tribuerint, explicare uoluero, uix hic dies sermoni sufficiet, certè plurimum tribuerunt, nec tamen faciliè inueniuntur, qui sequantur. Fateor enim me assidue pauperes quæsiuisse, ut me illis coniungerem, nec tamen adeò multos inuenisse. Veruntamen quoniam infiniti sunt undique pauperes, non in monasterijs modò, sed in urbibus, uereor ne quispiam uidens me in tanta pauperum turba pauperem quærere stomachetur; nisi prius expressero, quem ego pauperem amo, & quem inter ipsos pauperes quæro. Illum ego quæro pauperem, qui diuitias in paupertate non appetat, sed ipsam paupertatem animo amplectatur. rarus hic occurrit, nec faciliè inuenitur: nam reliqui fortunati pauperes, animo sunt diuites, quos totos dies noctesque id jagere uideas, ut rem quærant, licèt eorum propositum euentus sæpe destituat. at in sæculo talia agitari, ubi mercatores & negociatores conceduntur, non est mirandum, sed quicumque in monasterijs inhiant diuitiis nihil reueriti monasticam sanctitatem alienissimam professione à talibus, ii proculdubio abiiciendi sunt, quòd & in se ipsos crimine, & in alios peccant exemplo. Scio olim nonnullos Aegypti, Syriæque Monachos fuisse, ut nunc loquimur, proprietarios, nec mirum: nam nec tunc in commune omnes uiuebant, ut ex uita Hilarionis patet inuisentis singula Monachorum habitacula, quorum aliquod, nisi habuissent propria, non esset inter exempla illud relatum de duobus Monachis, parco altero, altero liberali. Itaque uidentur habuisse quidam illorum domos, agellos, uineta, hortulos, hos fateor fuisse Monachos, sed minores tamen Monachos, si animum quoque adiecerunt terrenis istis possessionibus. Nihil tale Antonius, nihil Macarii, nihil is, de quomodo memini Hilario, nihil illi alij plurimi, qui hoc unum habebant opus fscellas texere, non ut diuites essent, sed ut uacuum ab orationibus tempus honesta aliqua ratione transigerent. Illos uerò prædiorum possessores laudari non comperio, quibus quid tum licuerit, quid ue profecerint, uiderint ipsi. Nobis ne si uelimus quidem id conceditur, qui paupertatis custodiam uoto professi sumus. Nihil pri-

De uita perfecta

uatim prædiorum capere & retinere potestis: in commune diuites estote sicut Apostolici quondam uiri, quibus commune magnum & uberissimū prædium erat ipse Deus, hoc de prædio immensas cœlestium bonorum fruges metebant. Ausus est Hieronymus de clericis loquens dicere non posse habere eos partem domini, qui quicquam haberent præter dominum, quod si accipimus, quid fiet his Monachis, qui ita dominum habere uolunt, ut per eum habeant cætera; rogantur à Deo diuitiæ, quasi ipsius Dei possessio parum locuples sit. Hæc & alia quædam non audeo uobis impingere, qui adestis, quos equidem opinor pro ingenii rectitudine à turpi lucro auersos. Veruntamen, qui à peccatis maximis, quæ liquido peruidentur, declinare scitis, ne leuioribus in rebus capiamini pro uidere. Moneo prædicoque, ne in cellulis uestris auro quicquam illitum, aut purpura tinctum, aut ebore tersum teneatis, nihil habere uelit is uel materia uel arte rarum. Eliciunt retenta hæc & assidue spectata amores nostros, impediuntque quantumlibet leuia & modica esse uideantur, ne tota animi libertate æternæ illius pulchritudinis contemplationi seruiamus. Scio quosdam maximas copias & diuitias, plurimaque alia ornamenta, quibus affluebant, abiecisse, ad monasteria uersos. Arsennicos quosdam & Pammachios intueri te diceres, qui è summis uitæ delitijs ad Christi duritiem descenderant. Animaduersum est deinceps minutarum rerum amore percussos, uerbi causa liberculi cuiuspiam, aut picturæ, aut stragulæ uestis, & cæterorum talium, propterea quòd illis cultioribus utebantur, quàm quantum oporteret. Quid est hoc? Tu mihi extructos diuitiarum montes contemnis, deinde per ærenulas auri guttas sectaris, nihil hoc omnino habet consequentiæ, nihil rationis, ut grandia præteruolans pusillis hærare debeat. Veruntamen propter imbecillitatem humani ingenii pusilla etiam amoueamus, quæ paulò libentius spectantium oculos detinerent. Itaque si me audire uolueritis, puri erunt cellularum uestrarum parietes, puræ imagines, purum grabatum, purum oratorium, omnia rudia & uilia exiguo ære parata, sine amittendi metu, sine furtiæ manus pauore, illudque etiam rationis habebitis, præsidio sæpius uel ad uitam, uel ad ualetudinem tuendam necessariò carendum esse, idque ubi contigerit, magni muneris loco ducendum. Magna laus & præclara nulla rerū iniquitate permotos ad diuinæ bonitatis obsequium armatio res inueniri. Tales Christus milites peramans cogitur eosdem affluentia diuinarum uirtutum ditare. An licuit Flacco illud iactare.

Quanto quisque sibi plura negauerit.

A Diis plura feret.

Christianus uir religioni addictus non existimauerit bene nudum atque inopem esse oportere, qui se tegere atque ornare Christo uelit; qui enim unquam bonorum è grege nostro aliter senserunt siue docti, siue adedò indocti? Quanquam illud Doctorem gratia non supprimo, licere illis fuisse pellectili librorum abundare ad suum & aliorum usum; reliqua alta pauperie

perie inundentur. Nudos (dicendum est sapius) nudos facultatibus bonorum esse oportet, quia hoc modo, & cum, quem diligimus, gratius imitatur, & cum, quem metuimus, facilius uincimus. Quid enim crucis nobis exhibent uexilla, nisi nudum Christum, quem suis insequi uestigii debemus. & quid magis horret Diabolus, quoniam ipse rebus exteris nudus inuenitur, quàm si uidet cum æque nudo sibi fore luctamen: nam si quem in ueste apprehenderit alicuius terrenæ cupiditatis, hunc facile deiecturum confidit. Foelix igitur paupertas, per quam & hostiles insidiæ uitæ, & coelestes diuitiæ comparantur. At corpori quid faciemus altissimæ castitatis propositum proteruis motibus inuadenti? Non enim sicut externarum rerum pompam & delicias diffugere ualemus, ad nuda & inania monasterii habitacula, ueluti ad cautes & saxa exilii quodam iure delati: sic pari ratione corpus deferere possumus, quod hominem, dum homo est, secum trahit. Num manus forsitan sibi met ininicienda? & mors asciscenda extra ordinem nullo proposito? nam si animum de corporis statione extrudere properamus, ne sordibus obuoluatur, aut impudiciæ, aut avaritiæ, quid assequimur tamen quum & si antea purè se instituisse, hoc ipso tamen, quod malo exit more, sordescit. Rectissimè dictum est non oportere de uitæ huius statione discedere, nisi quum legitima potestas, quæ huc immiserat, reuocarit. Sunt ista, ueruntamen nihil prohibet habitantem in corpore frangere petulantiam carnis, & frænare furorem satellitis huius libidinosisimæ. At arma expetimus, quibus frangamus, seu frænum iniiciamus: magnum proelium, durum ineundum certamen, cum atroci hoste res est: qui medullis uisceribusque penitus inclusus sensus intimos titillat omnes, delinimentis & illecebris miris cum omni sua uitate affluentibus: & ecce tetra & impura inuadit imago uoluptatum, quæ præter oculos animæ feruntur trepidantis ne feriat, uel scutum præbeto, quò iacula hæc lasciuiæ repellantur. An ego dilectissimi uelim nudos uos & inermes obiiicere certamini? Nempe arma Christi milites queritis, rectè queritis, pugnare uultis cum impuro aduersario, strenuè uultis, cupitis acerrimum hostem debellare, gloriose cupitis: sed quas armorum petam officinas? quæ præcepta dem pugnandi? quam spem porrigam uincendi? si libido luxuriæ ea elset, quæ iacula ferri acie munita intorqueret: ego scuta uobis ærea comparassem, galeasque tremulo cono insignes capitibus uestris indidissem. Nunc quum lasciuia & mollibus pugnat iaculis, uos ex aduerso duritiem uictus & asperitatem opponite: nam & cilitia induenda uobis, & ieiunia continuatis mensibus ducenda, & flagra inferenda, algoris & æstus iniquitas subeunda: præstat esse uiros, ut arma hæc pondere grauiora, tractatu aspera aduersus insolentiam tam nequam hostis expedire ualeatis: hæc ratione clauus clauo retundendus, deposcit sæculi delicias caro, sicuti eius ingenium fert, ego illam inter Christi spineta pertraxero, uerbere laniaro, ieiunio-

De uita perfecta

ieiuniorum languoribus afflixero, pessimis modis accipiam, tum demum frontem mihi audeat tollere meretriciam, doleat continentię caro, ne arrideat luxurię: in tantum tamen doleat, ne opprimantur uires illius, sed frœnentur: hoc enim tantum quæritur luxurię fluxa substringere: quemadmodum citharam citharædo, nauem naudero, bigam aurigę: sic carnem animi imperio subditam esse oportet. Quid si illud præcipio ac mando, ut mulierum consortia declinetis? (non enim possum dicere fugiatis, ne speciem animantis huius detestari uideamini) num ab institutis patrum uidebor longius abire? quorum plerosque solitudini addictos scimus, ne muliebrem quidem pallam spectare uoluisset, tantus illos castitatis Zelus momorderat. Vellem adessent matronę ciuitatis. Illis meo iure præciperem, ut Monachos ad se crebrò commeantes repellerent, at sancti sunt uiri, sermone forsitan & amictu, nam opere, qui credere possumus? quoniam qui sanctitati student, quantum licet ac fas est, fœmine as formas deuitant: memores iam pridem fuisse dictum, quod urit fœmina uidendo, ergo ut ab igne cauent, ne cum eis commorentur diu: nam quemadmodum ignis non tam lædit tactu, quàm mora, sic muliebris forma uix offendat, nisi oculum figas, & hæreas aspectu, & multo detineas sermone. aliud est enim colloqui fœminas paucis semel, aut iterum pro delati negocij facultate, aliud frequenter inuisere, & teneras apud aures longis ambagibus sonitare. Licet (inquiunt) rectis oculis fœminas intueri, & nihilominus animo cœcum esse ad libidinem: lubrica oratio, quę multos sæpe fefellit, quum putarent animi libidinem extinxisse, quę fuerat consopita. remoucantur ergo oculi ab illici uultu quantum fieri potest, ne dormiens animi libido excitetur: ualidius tenta tura rationis uires, quò diutius quieuit, nec de oculis tantum præceptum sit, sed de reliquis quoque corporis partibus, ut illis alter sexus ignotissimus sit uoce, tactu, loquutione. scimus sanctissimos uiros dixisse, atque adedò scriptum reliquisse, inter causas, quibus interdictum est fœminis, ne Dei uerbum publicè prædicarent, illam quoque iustam, quòd earum sermo inflammaret: quantò hi magis priuata colloquia leuioribus de rebus cum fœminis sumpta improbarent: & quantò dicerent periculosiora? Quid de tactu dicam? Reprehensum ab Abbate Monachum teneo, qui aduentantem mulierem collata dextra excepsisset, quum ille excusans diceret sanctam fœminam, sanctiores (inquit) eritis seiuncti, quàm copulati. Vides terram & aquam elementa duo, pulchra specie, usu iucunda, commisce paululum utraque, lutum creant, & nihil tum his inquinatius. Arsennium Abbatem insignem sanctitatis nomine uirum conspicata nobilis genere mulier insequuta est, ut colloqueretur, & cum homini sanè improvisò incidisset, conturbatus ille dicere incipientem uersis passibus dereliquit, clamare à tergo & uociferari mulier ut confisteret, uelle Deū rogari. Tum ille. Libens inquit rogabo Deum, ne te posthac uideam, ne ue meminerim te mihi unquam cohæsisse, sic Peon Antonij discipulus,

lus, multis à sorore fatigatus precibus, ut se graui morbo affectam inuise-
ret, clausis oculis tanquam fenestris quibusdam foras serentibus illuc du-
ci uoluit à pueris, ne dum iret, rediret, alicuius muliebris illecebræ oc-
cursu caperetur. Nos, qui omnibus horis muliebri oculos conspiciui oc-
mus, nihil tale timemus: ac ueteres illi patres. cur? an quia minus uirtu-
te ualemus? Nolite posthac mirari audientes plurimorum fratrum lap-
sus. Paulus Apostolus dixit. Fugite fornicationem: nos non fugimus ex
Apostoli præcepto, sed cominus pugnamus aduersus carnis libidinem,
qua in pugna plures cadunt, quum alij fugiendo superiores euadant: ma-
gnam (mihi credite) fratres res ista recipit cautionem, ut pudicitia, uelu-
ti sub signo gemma infracta teneatur. Ille nescio quis in comœdia senex,
qui thesaurum domi condiderat, ubi cum uicino fabulans in uia audisset
quasi ferri crepitum, nam forsitan operarij à quodam cōducti hortum
in proximo sodiebant, exanimatus intus se recipit, inspecturus, an res sal-
ua sit: sic uobis non minori solertia excitanda mens, ubi quid blandum
cogitationibus uestris insonuerit, ne lenocinia uoluptatum subrepant,
ueluti suffosis cuniculis ad extrahendum Monasticæ continentię opes:
nam regredi tūc intra nos ipsos oportet citissimè, & breuis saltem ille ser-
mo proferendus, quis hic sodicat? hei mihi si diripior. Diuites sæculi æ-
grè ferunt uersari egenos in suis domibus, illosque, quantum possunt,
abigunt, non quòd pro comperto habeant suris animo eos uenire, sed
tamen quia egestas suspitiosa est, propendent animo in eam partem,
quæ cautior est: sic & uobis non minus suspecta esse debent mulie-
rum ora, ne alliciant ad se, & prædentur diuinum illud propositum
castitatis, itaque expellenda procul. Nos itidem si puerum districto
astantem gladio uideamus, statim accurrimus, & uel reluctanti gla-
dium extorquemus de manibus, etiam si nondum uulneratum cer-
namus, cogitantes quàm facillè possit uulnerari: denuntiamusque
sub mutu uerberum, ne posthac illum attingat. Congruentiori ratione
idem seruabitur ubi Monachum intentum uidebimus muliebri pulchri-
tudini: nam statim acclamandum, & curandum, ut desistat, neue ite-
rum attrahat: quoniam non leue periculum est, ne uulneretur, mentemque
tumultu repleat, & per oculos adulteria concipiat. Nec dicat mihi ille,
non sum uulneratus adhuc, nam præterquam id incertum est, nec faci-
lè credi possit attestationsi tuæ, ego id non specto, an uulnus acceperis, sed
quàm in proclui sis, ut accipias: non enim extra humanam naturam a-
leamque es constitutus: non tam mendicitas diuitijs ingestis incenditur,
quàm libido diuersitate sexus animaduersa inflammatur. Aspera sit licet
& ferrea Monachi uita, tamen tam se rectè mentis uestigiis lubricam pro-
sternit carnis uoluptas, ut uix à lapsu defendatur, ne dum forinsecus oc-
casionibus quærendæ sunt, quò procluius ruamus: hac in re, (si me consi-
liario utis uotis) tuta etiam pertimescetis. Vberibus ocij turpia cogita-
tionum ali dicunt, ideo ne uacua mens sibi quicquam fingat illorum,
uobis

De uita perfecta

uobis intentius aliquid operis semper fuerit moliendum. Præceptum est Sapientis in Ecclesiaste, ut opinor, seruos in opere habendos, ne ocio corrumpantur. Vtile & egregium præceptum, quod uobis quoque seruandum est. Et ne forsitan aliquis uestrum dicat se excusans, & ceteros: quid hoc ad me? Monachus sum, seruum non habeo. Imò tu quoque habes, & hi omnes: an non tibi sicut omnibus corpus est traditum? hoc tuum seruum esse dico, huius enim seruitio utimur sub animi dominatu, hic pessimus fuerit seruus, si delicatè uixerit & ociosè: ergo labore & opere assidue terendus, ne uacet turpibus cogitationibus, ne scdum corporum complexum, ut naturale quoddam bonum asciscens, corrumpatur, uel te potius dominum suum corrumpat. Sed de castitate hactenus: hæc enim secundo loco refedit, quam solemniter religiosam ingressuri uitam nuncupauimus. Superest obedientiæ uotum, quod germana quadam societate rectè antecessentibus copulatur: nam postquam externarum rerum magnificentiam ornatumque despeximus, item & sensuum suauis iucundasque motiones assiximus, restat modò, ut liberum mentis nostræ arbitrium summittamus. Horum unum paupertatis, alterum castitatis tuendæ cura dedit: reliquum obedientiæ susceptio præstabit. Appetit unusquisque naturæ impulsu excelsus præstansque uideri, ad imperandum magis, quàm parendum paratus. Et quoniam libertas est posse in his plurimum, quæ decet posse, hac libertate uehementer omnes gaudent, sententiamque suam & operam unusquisque cupit admirabilem uideri, & ceteris præferri; sed hæc agant liberi. Nos seruitium Christi sumus, nobis erepta uoluntas, & in alienam ditionem collata. Quid enim elegantius; quid ornatus dici, aut cogitari potest? Quæris de me num uelim concionari ad populum, num declamare aduersus hæresim quandam, num præstò esse proximo opem meam imploranti; num aliquo iter habere. Respondeo: præfulem meum sciscitator quid uelim. Tu ergo quid uelis ignoras: & alius est mihi ad eundus pro te? Ita inquam. An ille arca na tui cordis nouit? minimè, sed quod uult ille, efficio, ut ipse uelim: nã postquam semel dedi me in manus præfulis mei, & cum tanta obedientia illi me supposui, cum quanta lutum subest figulo, cera fictori, quacunque ille ducit, sequor; nec alias imagines reddo, quàm quas illa manus mihi impressit. O obedientiam præclarissimam uirtutum omnium, quæ tuo utero larga demittis sanctissimæ humilitatis fluentia. Tu Monachum doces iudicia propria extinguere, maiorum cedere præceptis impellis, ut se prosternat deiiciatque omnibus, nihil se scire, nihil intelligere arbitretur, nisi aliunde acceptum ac traditum. Nunquam qui ad quamlibet rem sibi demandatam obtemperandum existimauerit, & se alienis neruis, ut lignum mobile ducendum putauerit, uana tollitur ambitionis aura, nunquam sua magnificiet, nunquam de principatu contendet. In fratres quoslibet humillimorum impensam conferet officiorum, maiores colet, æquales uerebitur: eos, quos infra se positos credet, (uix tamen

tamen credet) altiori honore prosequetur. Porro quum liber sis, subijcere te alterius potestati, & formam serui induere propter Deum, quid aliud est, quàm cum imitari, qui quum omnium Dominus esset exanimiens se habitum serui sumpsit, & obediens factus est usque ad mortem, mortem autem crucis. quod si tam gloriosum exemplum non moueret, tamen illud urgeret, quòd nullus hominum coetus, nulla societas, nulla resp. nulla domus consistere potest, nisi maioribus pareatur. Quamobrem aut dissoluenda monasterii idest Monachorum habitacula, aut si retinentur, obedientiae iugo colla submittenda, & cogitandum, quòd non modo inter omnes, sed supra omnes congruit Monachis humilitatem ordinemque seruare. Spectabit igitur Monachus in cunctis ad præfectum suum, & tam fe ei docilem præbuerit & sequacem, ut uel breuissimo nutu ab eo gubernetur, eat, maneat, redeat, uigilet, psallat, sacrificet, comedat, laueta arbitratu Abbatis sui, nihil horum à se impetret, neque tamen omni uoluntate Monachum penitus denudamus, ne animalis ritu agi putetur; sed cum hac præcipua & excellenti uoluntate armamus, qua toto animi affectu in Dei amorem feratur. Vita nostra per singula ducitur momenta: non enim est tota simul, sed eam totam simul obtulimus quodammodo Deo, ubi pollicitatione solemni nos altrinximus, quòd in hoc omni uiuendi spacio reliquis præteritis ei soli seruiemus, ipsum quæremus, ipsi hærebimus, ipsi amoris uinculo innectemur. Hic est ille amor, qui finis est actionum omnium & cogitationum nostrarum, tria hæc, paupertas, castitas, obedientia, ideo suscipiuntur, ut hunc amorem foueant, nutriant, excitent, corroborent. nam ubi externas res, corporis sensus, mentis arbitrium, nos denique metipsos abijcimus, negligimus, abiuramus, unus tantum relinquitur, qui ametur Deus, fortius in hunc uidetur amor noster ruere, quo in aliorum curam ueluti riuulis quibusdam minus deducitur: sed totus simul & conglobatus in illum rapitur, uel nos potius rapit. tunc enim ueluti extra nos facti iungimur mente ei, quem tam ardentem amamus, & in quo quodammodo uiuimus: nullum maius uinculum, quàm uoluntarius amor, præsertim si uehemens fuerit & incitatus. Quòd si diu ersorum sollicitabit turba negotiorum, e languescet ille & dissipata animi uires segnius ad diuina consurgent. In quo quantus est nonnullorum error, qui in monasteris non tantum suas, sed alienas etiam partes obeunt; non satis habent uersari intra fines muneris destinati, sed sollicitudine exeunt in prouincias alienæ sortis, uariisque negotiorum anfractibus animum sponte addicunt, quasi sine illis nihil rectè geratur. Sciscitantur, auent audire, uel de legato quopiam an corradi potuerit ab hæredibus, quomodo & quorum opera exactum, cui oneri tollendo contributum. De communium præterea prædiorum cultura, de fructuum dispensandorum ratione infinita est quæstio. nec uerò claustris tantum hæc cura clauditur monasticis, sed proruens ad urbana exit ciuium multorum negocia, detrimenta interim non leuia su-

De uita perfecta

scipit diuinæ charitatis flamma. Vobis si quicquam proficere cogitatis, maxima solitudinis & silentij cura inesse debet; quæ duo pariunt orationem, non hanc quidem orationem, quam psallendo fundimus, collectis ex ordine uerbis, & animaduertentes, ne quid prætereatur: sed illam inquam orationem, qua compressis corporeis sensibus attollimur spiritu principique illi ueritati copulamur. Dicite obsecro, non linguæ, non pedum frenare uultis officia, oberrare iuuat, ubi libet gressibus & sermonibus, & quomodo intenti familiaritatibus hominum & locorum diuinæ hære poterimus necessitudini orationibus perenniter fundendis? Sunt qui uel, ut placeant, uel ut animum relaxent, obuios quosque detinent profusius uerborum agminibus, ridicula jacere student, atque hunc morem, (proh dolor) plurimi iam damno profectus nostri asciui-mus. habet ipsa lingua facillimum motum, quum in udo sit posita & ueluti in lubrico, ideo initio motus eius compescendus, quia semel incitata stare nescit. Nihil autem tam facile mentis emollit neruos, quam hæc sermonis proluuies, nihil æquè solit rigorem Monasticæ disciplinæ, quam hæc incitata linguæ uolubilitas, quæ itidem peccatorum comes est. hinc multorum perit profectus, ut non sentiatur, adeo suauis ueneno capiuntur. Alij sunt quidem ex alio quodam imperitorum ordine, qui frequentissime urbem permeant, uel si nihil aliud possunt, saltem singula monasteriorum loca hirundinis more lustrant quotidie, uerentes, ne si uni hæreant cellulæ angustissimæ totos dies ac noctes, illis obiciatur, quòd incolant uiuentes sepulchrum. Est omnino uiuacis hominis corpus mobile non uno loco circumscribere, sed quid menti fiat, quæ gynis illis & erroribus capta uariis cogitationum formis illudetur? excurret ad spectatas species, quarum implicabitur ardore: hoc quum agetur, quæ uincula innectentur circumfluxu menti? qui clauus erit iste; qui fluctuantis animæ motus cœlestibus cogitationibus affigeret? Quæremus etiâ cur ueteres patres orationibus innixi tam familiariter Deo assisterent, ueluti cœli iam municipes, ac non cogitabimus illos silentio & solitudini addictos solis se inferuisse diuinis. nam quum squalida & uasta capefferent eremi loca, garrulum forsitan propter fontem incolebant, non ipsi garruli erant, feras per patula cursitantes forsitan spectabant: non ipsi cursuram exercebant, raros homines ad se uenientes quamprimum dimittebant, non ipsi ultrò multorum amicitiam appetebant.

Rarus sermo illis, & magna libido tacendi.

Si quando loquendum erat, loquebantur de ara crucis, de cœlestis Hierosolimæ diuitijs, de summi regis beneficentia, de bello aduersus Diabolum, deque eius insidijs; demum de talibus, quibus ipsi unâ cum auditoribus proficerent ad pietatem: quædam etiam de scripturis sanctis sibi ipsis inuicem proponebant & audiebant: eorum autem, quæ gerebantur in urbibus, magna ipsos obliuio seu potius ignoratio tenebat.

Quid plura? à rebus externis, à corporis cura auerterant se ipsos, animi
totum

totum ab omni mundi foligine purum deterſumque in unum effundebat Deum ueræ uitæ fontem, æternorum honorum auctorem, hunc quærebant, cum hoc conſiſtere cupiebant. Ergo ſimul ac collibuiffet, mentem illic affigebat, nihil erat negotiij ſpiritu ſublato perſequi eum, quem unicè diligebant: non ſatis habebant tenebras effugiſſe ſæcularium rerum, ſi ſtarent in crepuſculo, & ueluti ſub dubia luce nimboſi cœli, ſed toto die & plena diuinitatis luce perfrui cupiebant, quantum tamen hic conſequi datur. Eadem nobis ratio tenenda, eadem ueſtigia perſequenda, ſi quid Monachi profeſſione digniſſimum eſt, implere aueamus. Non eremum quidem perſequuti ſumus ac illi, tamen perfectione ſanctorum operum non longè à talibus uiris, ſi uolumus, recedemus. Pythagoras maximam ſilentij curam habuit: nam ſectatores ſuos tacere in quinquenium, poſtea non niſi neceſſariò, nec pluribus, quàm quor opus eſſet, loqui iubebat. Illud etiam erat in præceptis, ut intrus manerent Aegypti ſacerdotes (ut Hieronymus refert ueteres ſequutus auctores) nunquàm è templo diſcedebant, ſed illic aſſiduè commenrabantur, rerum cauſas & ſiderum rationem inquirentes. hoc quum illi facerent humanæ ſapientiæ ſtudio, quid nobis faciendum eſt, qui infinitam Dei ſapieniam apprehendere cogitamus, uerbo uirtutis ſuz omnia portantem? Num tamen diſtractos uelim uos uidere aſſiduè, ſilere ſemper, prodire nunquàm minimè, ſed ad tempeſtatum rationem uelim uos actiones ueſtras tanquam nauigia moderari, quod ipſe eremicolæ, de quibus antea dixi, ſcitiſſerunt. Etenim unuſquſque intra ſe ſic agat, ac loquatur. Ego monaſterijſ conſtitutus, quò urbis oculos diſſugiam, introſus tamen adhuc recedens monaſterijſ itidem latebo, at prodibo in apertum conſpicuus omnibus, ubi animarum ſalus & fraternæ charitas depopoſcerit, ſocietatem hanc ingreſſus ſum inſtitutam, ut ad Dei opera unanimes conſuamur, tali tempore diſlapſo mœcum ero, ſolitariaque uitæ amabundus. Linguam teneo ueluti cymbalum & æs tinniens, quò perſonem diuinam in laudes, cauebo ne ſacrum hoc inſtrumentum ad prophana tranſducam. Hæc ſeruemus fratres, ut cuſtoditis officiotorum uicibus conditi & aperti, ſoli & ſociati, loquaces & ſilentes inueniamur, atque hanc quidem pulcherrimam ducemus morum concordiam in tam diſſona actionum uarietate. Cupimus omnes quantum in hac uita fieri poteſt Deum uidere: meminerimus dictum eſſe. Beati mundo corde, quoniam ipſi Deum uidebunt. Corigitur ab omni inquinamento uictorum, & omni ſæcularium rerum deſiderio mundandum: & ubi id adepti ſuffragante Domino fuerimus, nondum ab opere ceſſandum, ſed id agendum, ut mundities retineatur. Nemo tam eſt mundus, quin adhuc eum mundum uidere uelim: hoc non iam præterita reſpiciens dico, ſed metuens futurum. Veluti ſi æream ſtatuum ab omni ærugine deterſam, & iam ſplendidam ſpectarem, hortaret adhuc ſtatua dominum, uideret ne ſtatua æruginoſa ſit. Et dicente illo ſe ſtatuum ab omni ærugine nuper mundaſſe & iam

De uita perfecta

fulgere: responderem me non monere de ærugine, quam iam absterfisset, sed de ea, quæ intus latens erumpet in posterum, si deses fuerit, & diligentia in abstergendo defuerit. Similiter non desino uos monere, ut si absterfa sunt omnia inquinamenta omnesque sordes, ne ea res deficiamus uobis pariat, sed excitet diligentiam: assidue nanque purgandum cor, purumque ab omni rerum sæcularium appetitione reddendum, & prospiciendum omnino, ne qua deinceps mala illinc cupiditas erumpat. Volo dicere aliquid amplius. Non satis est Monacho accepta & parata bona tueri & retinere, nisi studeat augere, & cumulare aliis maioribus, pergat ire quotidie (ut dicitur) de uirtute in uirtutem, si dixerit, sufficit, actum de illo est. Etenim humana mens, uoluntas, cogitatio, uarias semper recipit morum agitationes, uno loco consistere nequit: non domum, non hospitium inuenit ullum commorandi, sed in mortali uita huius semita, ueluti perpetui cursoris fungitur uice. Itaque ubi non tendit ad optima, ad pessima contendit; ubi non progreditur, retrograditur; ubi non proficit, deficit; denique definit esse bonus, dum negligit fieri melior, semper autem fieri melior potest, quum nullus finis futurus sit insequendi summum illud bonum, quod & ipsum sine fine est: quum ad ulteriora tendentibus continuò ostendatur, quod adiaci prioribus possit. Hoc Apostolus sentit Paulus, dum nos iubet, non retro respicere, sed assidue in anteriora ire: ac ne mirandum quidem id accidere Monacho, quod omnibus contingit artificibus. Isti nanque si parumper cessant ab opere, deteriores fiunt artifices, atque omnia eorum retro labuntur.

Non aliter, quam qui aduerso uix flumine lembum

Remigijs subigit, si brachia fortè remisit,

Atque illum in præceps prono rapit alueus amni.

Vt quidam Poëta cecinit. Hinc illa pictoris uox, quæ postmodum in pro uerbum uenit, se nunquam sine linea diem duxisse. Quamobrem uigilandum est semper nobis fratres, & intento undique animo circumspectendum, ab oratione non modò cessandum, sed feruidus quotidie insistendum: quoniam maximus ille Monachorum hostis Diabolus nunquam somnum capit, semper còtendit, ut Monachum de proposito uel gradu deiciat: non enim ille primo tentat ab oratione abducere, sed suggerit, ut remissus oremus, deinde ubi id suasit, tum illud, ut minus frequenter atque ita paulatim Monachum carpit, ut parua uel nulla cura tangatur diuini operis: & ad extremum Monachum esse non sinat. Nouit quòd ubi Monasticæ disciplinæ rigor uel paululum soluitur, humana sibi indulget imbecillitas, & assidue labitur longius, in deterioraque imprudens prouehitur: ideo tentat primò leuiter, mox grauius, & iam inclinatos in grauissimam demum ruinam impellit. O pessimum hostem omni animi prouisione repellendum, nisi forsitan timendum non putatis, quia oculis corporeis non uidetur, at ea de causa magis est formidolosus, quia prauissimum hostem faciliè erat cauere. Is autem hostis, non modò non conspicitur,

tur, sed etiam sub amici persona fallens, & ueluti partium nostrarum fautor dolosa sæpius suggerit consilia ad perniciem trahentia: cuius documentum præbere potest communis omnium parens Adam, quem sub melioris spei obtentu decepit, & ab his, quæ in manibus erant bonis detraxit. Non ne etiam pietatis specie leptam induxit, ut propriam filiam immolaret, nephariumque illud sacrificium Domino offerret. Alium impulit quendam, ut manu tangeret arcam ruenti similem: alium ut sacrificaret potius, quàm quòd coelesti oraculo iubebatur, impleret. Videte quanto cum hoste sit certamen, qui & improuisus & ex insidijs salutem nostram petit, atque ita ex insidijs, ut non insidiari sæpius, sed auxiliari credatur. Sed quorsum hæc tam multa de Monachi uita? ut admoneamur scilicet officij nostri, quod si præstiterimus, rectissimè erit, sin aliter, periculum est quid euenturum sit: ut mihi non sit nunc necesse triste aliquid dicere uel ominari: uulgos hominum religiosos nos uocat, non quòd sæculares uiri plures pie uiuentes non sint ipsi quoque religiosi, sed id commune nomen attributum nobis, qui religionis studium præter ceteros professi sumus, & in eo ipso nos oportet excellere. quòd si irreligiosè uiuimus contra id, quod profitemur, & monasticæ uitæ fert institutum, quanto odio digni sumus? qui non in re leui, sed maximè graui, non uni aut alteri, sed cunctis penè ciuibus, non sermone, sed factis, non semel aut iterum, sed per omnem uitam mentimur. Merito quis nos magis auersetur, quàm in sæculo peccantes: illi enim magis stant in lubrico. Nobis diuino munere suppeditata sunt omnia, quæ à peccatis retrahant, & ad sanctitatem uitæ pertrahant. Nos nanque sæculi negocijs desertis in tenui uictu & cultu uitam agimus, quotidie diuinas literas tractamus, sacros psalmos resonamus, exempla sanctorum spectamus, & quod maius omnibus, Deo patri hostiam illam placentem quotidie sacrificamus. Si hanc sanctitatis aram, si hanc sacram militiam, si hanc stationem atque uigiliam ab Imperatore coelesti creditam nobis atque commendatam impiè uiuendo prodimus, quæ turpitudine maior? quod supplicium tanta turpitudine dignum inueniri potest? Hactenus aspera quadam & rigida uia progredientes tanquàm inter dumeta iter fecimus, dum Monachi uitam plenam laboribus & ærumnis depinximus: quamobrem uereor ne multos magni incepti & diuinarum rerum pertæsos animus destituat, ueluti ingressi uitæ fuerint omnis suauitatis expertem. Quid faciam? solet ne uos? & fluctuantibus in salo tranquillam littoris stationem ostentem? Magnum hoc spe duci quietis & dulcedinis sibi parandæ, hoc laborum molestiam, hoc curam mentis leuare potest, quid ergo? credemus fratres sanctissimorum uirorum uitam nulla conditam dulcedine a marulenta omnia experiri? Scilicet doctus ille uir & eloquens, ex disciplinæ cuiuspiam tractatione & ex meditatione dicendi, suauiter animum eius commoueri sentiet, ut reliquas oblectationes rerum & temporum respuat: delinitus una uoluptate studiorum liberalium, Monachum, qui disclusus corpore Deum apprehenderit

De uita perfecta

hend erit solius animi sensibus, nullos iucunditatis fructus perspicere dicemus? An circi & scenæ gaudia, ut magna celebrabuntur propter spectacula ferarum, gladiatorum, fabularum, & multiplicium aliorum certaminum. In ipso diuinitatis spectaculo, quod mera effundit gaudiorum fluuenta, nihil prægustabimus nectaris illius, quod post mortem plenius & abundantius hauriemus. Quæro etiam quid deterius in homine? quæ seculentior sit pars? Corpus inquit, ergo corpore sentiuntur magnæ sæpius uoluptates. In animo uerò idest nobilissima hominis parte non longè maiora uersari existimabimus gaudia, quum secedit ille in loca pura fruiturque sedibus sacris. Ut enim initio conuersionis magnum incundum sit sæpius certamen aduersus sæculi carnisque illecebras, ingemiscendum que sit frequenter, ac flendum, clamandum orationibus ante Iesu pedes humillimè effusus, tamen ubi paululum assuefacti huius generis pugne terrena neglexerimus, serpereque cœpit cœlestium amor, tunc non parua stillabit dulcedo ob præsentiam æterni numinis: nam profusus exultabunt gaudijs, quorum purificata mens cæteris contemptis ardentè Deo inhæserit. sicut enim qui terrenas sequuntur uoluptates, dulciores suauioresque percipiunt illas, prænalido corpore, quàm in firmo, sic cuius purgator erit mens ab omni asperitate & sorde sæcularium rerum leuigata, effuso in se magis diuino bono uehementius gaudebit. An insuaum arbitrer illius uitam, qui quotidie fruitur contemplatione uiciorum æternorumque bonorum? tantum abest, ut sit insuauius, ut nulla maior humana in uita contingere possit suauitas, rectius crederetur inesse fastidium illic quàm ullum moerorem: quanquam ne fastidire quidem quisquam illa bona possit: ita enim faciant, ut desiderium sui assidue relinquunt. Quante quantùm differant à sæculi bonis animaduerti potest. nam sæculi bona in propatulo posita, mortalium uota sui specie irritantia, ubi possessa fuerint & pertractata, mox sordescunt, languidiore tenentur affectu, quàm quo quæruntur: angustiora sentiuntur, quàm ut affectus humanos explere queant. contrà accidit his, quæ solo mentis intuitu capiuntur bonis, nam hæc recondita sunt quodammodo & latent, nec obuia humanis affectibus eos statim lacessunt, sed difficulter inspiciuntur, difficilius etiam quæruntur: at ubi parata fuerint & possidentur, dulciora in dies & maiora sentiuntur: sola homine digna existimantur, sola saturant, sola dum habentur, adhuc habendi magis desiderio torquent. Sed quò obuertere se possunt sancti uiri, ut non illis læta omnia occurrant, atque incunda. Num solitudo eremi, aut monasteriorum amara fuerit illis, qui Christi, Mariæ, Angelorum colloquio quotidie fruuntur? qui non sunt putandi eo loci degere, quo corporibus locati, sed quo mentem intenderunt? Num paupertas humana conterreat diuites cœlestium bonorum? Num ieiunia diuino pastu saturos? Num uestimentorum squallor clarissima uirtutum luce fulgentes? Sed quid hæc commemoro? quum gloriæ ducant sibi, si pro religione stantes probro & dedecore fuerint operati: dulcedini, si Chri

sti caussa acerba tolerauerint. Nihil æquè quondam peramabant sancti
 uiri, quàm patientiam corporum exercere, & ostendere populis per uul-
 nera, dolores, & acerbam mortem, uerum id esse, quod prædicabant.
 Obstupescabant homines uidentes eos studiosè in illa ruere supplicia,
 quod passim tamen initio nascentis Ecclesiæ fiebat, quia sacro afflato fu-
 rore neliuti ebrii ferebantur, ut potè, qui totas diuinæ charitatis lagenas
 ebiberant, atque exsiccarant: parum uidebatur, si mors non esset in pœ-
 nis, nisi etiam mortis esset illis crudelitas in delitiis. quanta cupiditate
 Apostolorum Principem Petrum crucem excepiisse credendum, Domini
 membris prins ornatam? Quanta Germanum Petri Andream? qui ueri-
 tus ne populi misericordia descenderet de speciosissimo illo & pulcherri-
 mo pœnarum trophæo exorauit Dominum, ut inter illa supplicia expira-
 ret. quid Ioannes uirginitatis flore insignis, Apostolatu nobilis, & Euan-
 gelij præconio sublimis, num feruentis olei lacum expauit? num depreca-
 tus est supplicij genus acerbissimum? quanuis fortis Christi athleta in-
 gurgitatus illic non adustus, sed unctus emerferit. uos tamen in illo & re-
 liquis, qui ad supplicia delati præsidio cœlesti ueniam acceperunt, non
 plagas aut uulnera numerate, sed mentem appendite ad durissima. quæ-
 que paratam: nam hoc etiam ægreferebatur à plurimis, quod cupienti-
 bus perpeti uesanam tormentorum libidinem non licebat. Illi præ mar-
 tyrij decorè insuere quaslibet pœnas aduersus se optabant, principum
 indulgentiam detestabantur. Videbant sibi nihil eripi posse à Dei caussa
 seuuictum: erant enim Christi mancipia, quæ si ferro, uel quouis alio pe-
 stifero cruciata perdebantur, Christo perdebantur, id est inueniebantur.
 Facit hoc omnino uehemens amor, ut hominem non sinat sui ipsius esse,
 sed eius, quod amatur. Nihil sic amans inspicit aliud, nisi quid uelit a-
 matus nulla sui ipsius habita ratione. Hæc persequitur, hæc curat, hæc am-
 plectitur sola, tanquam non in se ipso, sed in illo uiuat. Hoc non dissimu-
 lans Paulus dicebat. uiuo iam non ego, uiuit uerò in me Christus. &
 hoc idem in alijs impletum fuisse ostendit, dum ad Colossenses scribens
 inquit. Mortui enim estis, & uita uestra abscondita est cum Christo in
 Deo. & ad eadem Corinthios cohortatur, ad quos iterum scribens, illud
 protulit. Pro omnibus mortuus est Christus, ut qui uiuunt, non iam sibi
 uiuant, sed ei, qui pro ipsis mortuus est Christus & resurrexit. Ignatius
 Antiochenæ Ecclesiæ tertius post Petrum rector, quum sub Traiano prin-
 cipe damnatus esset ad bestias, & ea de caussa Romam uinctus traheretur,
 scripsit in itinere epistolam peregrinam ad Romanos, cuius uerba ad ea,
 quæ nunc agimus pertinentia, quoniam digna uisa sunt tanto uiro, digna
 sacræ mentis ardore, digna Christiani nominis triumpho, memorie
 mandauit. Ad hunc enim modum loquutus est. De Syria usque ad Ro-
 mam pugno ad bestias die nocteque ligatus cum decem Leopardis, id est
 militibus, qui custodiunt, quibus & cum benefecerim, peiores fiunt. Ini-
 quitas autem eorum mea doctrina est, sed non ideo iustificatus sum.

Vtinam

De uita perfecta

Vtinam fruar bestiis, quæ mihi sunt præparatæ, quas oro ueloces esse mihi ad interitum, & ad supplicia, & allici ad comedendum me, ne sicut ad aliorum Martyrum non audeant corpus accedere: quod si uenire noluerint, ego uim faciam, ego urgeam, ut deuoret. Ignoscite mihi filioli, quid mihi prosit, ego scio, nunc incipio Christi esse discipulus, nihil de his, quæ uidentur desiderans, ut IESVM inueniam: ignis, crux, bestia, confractio ossium, membrorum diuisio, & totius corporis contritio, & tormenta Diaboli in me ueniant, tantum Christo ut fruar. Hoc Ignatiano sermone fratres nihil ne deprehenditis de ardore patiendi sanctorum uirorum ad Christi dilecti ora per supplicia commicare cupientium? atque ille quidem sic scribebat: at ubi ad rem uentum est, non ferociter minus leonibus se exhibuit inanibus, quam loquutus fuerat, quorum rugitu præ accepto, Frumentum Christi (inquit) sum, dentibus bestiarum molar; ut mundum farina in me sit. Faciebant hæc & his similia, qui regebant ecclesias, quorum propositum inferioris etiam ordinis uiri insequabantur: Frequentes enim erant, qui pro Christo animam effundere cupiebant, sed & multa Monachorum millia, ut de nostris quoque dicam, eadem tulerunt, quum ne solitudo quidem aliquando à percussorum furore tutæ esset. Ut semel finiam, infinita est copia Martyrum, & digna quidem Imperatoris Christo spòte se se pro eius nomine & gloria deuouentium, quibus quum amara dulcia uiderentur, ipsa dulcia quantæ fuisse creditis? Credunt homines, si piè iustèque uixerint, se ingentia immortalitatis præmia percepturos, sed credunt: nullo enim sensu id nouerunt. Sperant in regno cœlesti maximam beatitudinis copiam præstid futuram: sperant ferrei, uel stulti potius uidetur abdicare uiuentem sibi præsentia bona, & futura sperare post uitam. Itaque tentationis huius pondere sæpe curuatur animus: rursus sacrarum scripturarum auctoritate & Spiritus sancti aura crebescente sustolitur. At si interrogabis eos, qui puri ab omni contagione terrenæ sordis mentis aciem in superna intenderunt, diuinamque illam lucem intui sunt, quid sentiant de præmijs cœlestibus, de gloria sanctorum, ne tantulum quidem dubitationis penès se suboriri dicent, quin uerissima sint, quæ in fide traduntur: clamabunt se spiritu euectos beatitudinem illam, & si non plenè, nec inuolucris reiectis, attamen utcunque uidisse, nec uidisse tantum, sed breui quandoque osculo exosculatos fuisse, mox huc regressos, quod corporum statio, cui fuerant assignati, diuturniorem moram non ferret. hæc sanctorum securitas talibus oppignorata muneribus quantam alacritatis uim, quantum secundæ auræ statum rectissimis studijs adijcere potest? Etenim penès cæteros rudis & informis fides, at penès hos fixa est & optimè delineata, iustamque effigiem tenet. Quod si opotet summam & cum contemptu inuidiæ uerum liberè dicere, omnis mortalium felicitas, si cum hac conferatur, quæ puris percipitur animis in contemplatione cœlestis boni, summa infelicitas dici potest: omnia, quæ

suauitate

suauitate prima sunt sensibus, luctu & miseria plenissima sunt; sic cum hac ueniant in contentionem. Nullius ingenium, cogitatio, eloquentia explicare potest, quantus & quam purus, quanque suauis, sit visus animæ illius, quæ cælum sibi promissum lustrans, quotidie diuinæ lucis radijs perfunditur. Ille quisquis est eo raptus, sensit sibi aliquid plus homine contigisse: magna quædam speculatur, magnis fruitur delitijs, à quibus relapsus in hæc nostratia, luget quidem de tanto descensu, sed spe tamen interim delectatur magnifica, quod nec cuiquam alteri uidet longiorem in hac uita moram, sed iam iamque exendum, & ad illa suprema gaudia, quæ prægustarat sibi ueniendum, & egregium arbitrat in æternam illam felicitatemque curiam non ut hospitem & aduenam receptum tunc iri, sed ut notum iam & familiarem. Quid? quod qui perfectioris uitæ culmen ascenderunt, circa se tranquilla cernunt omnia, quæ sunt apud alios turbulentissima? Non enim teneras carnis cupiditates iam temperantiæ ui reprimunt, sed illas penitus obliuiscuntur. non supra dolorum & periculorum metum animum agunt, sed omnino quid metus sit, nesciunt. non superbiam, non arrogantiam, non auaritiam, non inuidentiam frangunt, sed uitiorum istorum uim ab his multis antea prælijs debellatam iam non nouerunt. non affectus aduirtutes impellunt, sed à uirtutibus impelluntur ad affectus: non iam sub lege degunt, sed ipsi lex uitæ efficiuntur. Iuuat nunc illud exclamare Poëticum.

O Monachum pretiosa quies, ò gaudia solis

Nota piis, dulcis furor, incorrupta uoluptas.

Ambrosiæque Deum mensæ, quis talia cernens

Regibus inuidiat, uel quæ meliora sequetur?

Eia agite fratres excitemus somno discusso uirtutem mentis, & sursum spectantes eijciamus affectus, qui deorsum ferunt, solum I E S U M spectemus fontem dulcedinis & suauitatis, huic seruiamus uni, cui militat creata omnia, imò qui ea creauit, huius aures sicut, gemitu, suspirijs circunsonemus, donec misericordia excitus se totum medullis ossibusque nostris infuderit. An si illi animam nudam obiecerimus, nihil sæcularium affectuum tollentem, non respiciat? non tegat, aut uestiat? non cœlestium bonorum diuitijs, non se ipso ditabit? non adeo effusus & immanis est Deus iste, non tam miserorum precibus infusus, non tam optimorum uotorum auersator. Illum salutis, illum felicitatis nostræ cura tenet. Aspicite aspicite crucem illam clarissimum pietatis clementiæque suæ monumentum, qua de sede flagrantissimi amoris, si facem intorserit mutuo corda nostra torrentem, quid præclarior? quid gloriosior? quid lætius? Etenim tunc, quanuis terris hærebimus corporeum induti regmen, quadam tamen ex parte beatitudo cœlestis uoluptasque sequetur, quæ plena fuerit, ubi nos posito corporis huius uelamine domicilio exceperit suo diuina sapientia, ne-

FF que,

De uita perfecta

que, ut nunc uelatam, sed nudam se nobis spectandam contectandamque præbebit, dulcissima illo tempore inundabunt undique gaudiorum mella, tenebræ tunc luce, labor quiete, seruitus libertate mutabuntur.

MARCI



MARCI ANTONII

NATTAE ASTENSIS,

DE POËTIS

LIBER.



SAepe numero mecum agitaui, num de Poetarum laudibus aliquid literis mandarem. Nam si id facerem, laborem meum reprehensoribus non cariturū arbitrabar. Sunt enim quidam, qui infimam & leuissimam omnium artium Poeticam arbitrantur. Propterea quod deliniendis tantum auribus nata & inuenta sit. Alii parum utilem praedicant, quia inuentis iam rebus utitur. Nam siue Poeta carmen condat de diuinis, siue de naturalibus, siue de moralibus, haec ab artificibus aliis petat, necesse est: à sua hoc tantum habet arte, ut ea ad numerum & certam pedum compositionem loquatur. Veruntamen quum haec, quae contra possum afferuntur, considero, in eam sententiam discessi, ut existimarem bonos Poetas non esse sua laude, quae semper magna fuit, priuandos. Quis enim tam rudis & ignarus rerum omnium, qui non intelligat humanos animos uehementius carmine concitari? Quis tam sero atque immani ingenio, tam è saxo dolatus, ut non moueatur Poetarum cantu? quomodo porro dicitur Orpheus primæuos illos mortales è syluis ad urbes, è ferino uictu ad ciuilem transfuisse? nonne carmine? nam Poetam fuisse constat, ut potè musa matre natum: sacraque Bacchi ex Aegypto in Græciam attulisse, & his homines intiasse. Tres Poetas Theologos extitisse longè ante Troianum excidium proditum est: hunc scilicet Orpheum, Linum, & Musæum; qui ideo Theologi dicti sunt; quod canerent laudes Deorum; & ad diuinum cultum rudes tum & feros homines inducerent: & hortarentur omnes una intra mœnia coire, & legibus certis uiuere. Illud etiam uenerabilius facit Poetas; quod afflatu diuino correpti infundendis carminibus putantur: hinc dicebat unus ex illis

Est Deus in nobis, agitante calescimus illo,

Impetus hic sacrae semina mentis habet.

Cæterarum rerum studia & arte & doctrina & præceptis quibusdam constant,

De Poëtis

stant, soli Poetæ non cura sunt, sed natura prodeunt, nec humano adiuti labore; sed diuino correpti furore excitatur. Habere numen creditum est illos, nec nisi cœlesti spiritu afflatos in uersum urgeri. Hinc sibi uatum nomen uendicarunt, quo nomine etiam origo carminis demonstratur. nam metri inuentum est eorum, qui primi mortalibus oracula futurorum euentorum canebant: ante hos non erat carmen, illi numero uersuque fata Regum populorumque euoluebant, sic Sybillas, sic Pythiam Delphicam, sic alios Deos ueteres oraculis suis uentura prædixisse accepimus. Imitata est furiosam tranquilla sapientia, nam quicumque philosophandi ianuam cæteris aperuerunt, Philosophiæ dogmata uersibus professi sunt, Parmenides, Zenophanes, Empedocles, & apud nos Lucretius. Præcepta etiam uitæ quidam uersibus tradiderunt: quoniam, quod numero & ad consonantiam quâdam ordinatam procedit, libentius discitur, & fidelius retinetur. Vitia quoque temporum Poetæ notauerunt: inde Satyræ initium duxerunt, quo in opere latini soli floruerunt. Non igitur ortus carminis humilis, non nuper inuentus, non usus eius mediocris, sed uetustus & in magnis semper rebus sublimibusque uersatus. Hæc omnia disertissime complexus est Horatius in arte ostendens poematis initium & crescentem progressum. Iuuat carmina ipsa subiicere, ut ostendatur quantum carminis dignitas ualeat ad rem demonstrandam, & quam facile in auditorum animos influat. Ille igitur sic cecinit.

Syluestreis homines facer, interpretisque Deorum
Coedibus, & uictu sædo deterruit Orpheus,
Dictus ob hoc lenire tigreis, rapidosque Leones:
Dictus & Amphion Thebanæ conditor arcis
Saxa mouere sono testudinis, & prece blanda
Ducere quod uellet. fuit hæc sapientia quondam
Publica priuatis discernere, sacra profanis,
Concubitu prohibere uago, dare iura maritis,
Oppida moliri, leges incidere ligno.
Sic honor, & nomen diuinis uatibus, atque
Carminibus uenit, post hos insignis Homerus
Tyrthæusque mareis animos in Martia bella
Versibus exacuit. distæ per carmina sortes,
Et uitæ monstrata uia est, & gratia Regum
Pieriis tentata modis.

Sed quid mirum Regum gratiam Pieriis tentatam fuisse modis? quum ipse Deus Omnipotens laudes suas & nominis gloriam carminibus celebrari uoluerit: & spiritum suum sacrum canentibus infuderit. Etenim, ut Arator ait, qui Apostolorum gesta persequutus est carmine.

Metrica res sacris non est incognita libris,
Nam psalmos plyrici composuere pedes,

Exame-

Exametris constare sonis in origine linguae
 Hieremias lucus, Iob quoque dicta ferunt,
 Quanta autem sit carminis dignitas, uel ex eo indicari uidetur, quòd ne
 mo (quantum mea fert opinio) soluta oratione uteretur, si assidue uersus
 fundere posset, & idoneos haberet auditores, nisi fortasse ex nimia sui
 excellentia fatietatem & fastidium procreet affluens uersuum effusio. cer
 tè ipsa soluta oratio, licet non sit numerus, gaudet tamen esse numerosa:
 & ita ea magni & praestantes Oratores usi sunt, non mulcendarum aurium
 tantum causa, sed quia uehementius pellunt & feriunt animos, quæ nu
 merosè, quàm quæ remerè, & ut accidit, dicuntur: idque propter co
 gnationem quandam, quæ humanus habet cum numeris animus, adeo, ut qui
 busdam animus numerus dicatur. Naturale est autem similibus excitari, dis
 similibus laquere. At auctoritas Poetarum quanta? Mihi semper excellens
 fuisse uidetur, quod uel illud indicat, quòd magni sapientesque uiri, quò
 ipsi Poetæ esse nolent, Poetarum tamen carmina scriptis suis inseruerunt.
 Apostolus Paulus diuinorum assertor mysteriorum; in hac eius magnilo
 quentia adducit uersiculos Græcorum Poetarum, & penes Athenienses in
 Arcopago Arati uersum protulit. Plato & Aristoteles summi Philo
 sophiæ uertices quoties Homeri & aliorum Poetarum citant carmina
 ad probationem sententiæ suæ? Quid dicam de Hieronymo & Augu
 stino, & aliis sanctarum literarum interpretibus? Nonne idem factitarunt
 quominus mirandum est ueteres Iuriscòsultos in eorum responsis & disce
 ptationibus sæpius uersos Poetarum testimoniiis. De honore autem, quem
 reges habuerunt Poetis (quoniã de hoc Horatius admonuit) plura posse
 commemorare. Sed è pluribus pauca dixisse sufficiet. Euripidem insignem
 tragicum Poetam Archelao Macedonum Regi charissimum fuisse constat,
 qui, quum fortè periisset discerptus noctu (ut aiunt) à canibus, ossa Pel
 lam domicilium Regium iussu Regis translata sunt: & quum Athenienses
 sæpius per Legatos petiuissent, ut sibi ciuis sui reliquias in patriam refer
 re liceret, eorum preces repudiavit. Menandrum in comico socco ma
 gnum ab Aegypti & Macedoniæ Regibus sæpius per Legatos & classe pe
 titum fuisse, testatur Plinius. Scipio Africanus, qui cognomento suo ter
 tiam orbis partem à se deuictam declarat, tanti fecit Q. Ennium Poetam,
 ut eius statuam sepulchro suo imponi mandarit. Homero autem mortuo
 tantum honoris tribuisse Alexandrum accepimus, ut eum sub puluino
 semper haberet: nec in bello lectionem eius intermitteret. Idem quum
 uidisset nuntium quendam ad se festinabundum accedere magna (ut ui
 debarur) cum lætitia: quid (inquit) renuntiaturus es? An Homerum re
 uixisse? Inuenerat inter spolia Regis Darii arculam materia & opere pre
 tiosissimam, & discipulantibus amicis, cui nam rei esse usui possit. Tum il
 le. Donetur (inquit) Homeri uoluminibus. Notissimaque eius uox ad
 Achillis tumulum. O fortunate, qui laudis tuæ præconem Homerum ha
 buisti. Idem iam antea in direptione Thœbarum Pindari familiæ rectis
 que

que ob Poetæ honorem pepercerat. Virgilio & Varo Latinis Poëtis multa tribuisse Augustum Cæsarem, illud ex Horatio ostendit, dum in episto la ad eundem scribit.

At neque dedecorant tua de se iudicia, atque
Munera: quæ multa dantis cum laude tulerunt:
Dilecti tibi Virgilius, Varusque Poetæ.

De Varo quantum fuerit in carmine iudicare non possumus, quoniam hodie nihil eius extat. Virgilium autem doctissimum Poetarum nostrorum & elegantissimum nouimus, quem sic dilexit Augustus, ut quum ille testamento cauisset Aeneiden suam cremari ueluti rem imperfectam, eam magis Augustus uiuere uoluerit contempto Poetæ præcepto, contempta quæ legum auctoritate, quæ defunctorum uoluntates impleri iubet. Silium etiam & Statium insignes Poetas à Domitiano ad summos honores prouectos fuisse non ambigitur. Denique Romæ Poetas summo in honore fuisse, illud non leue est argumentum, quòd Musarum templum in urbe antiquitus extructum fuit, magnoque in cultu habitum, existimatumque eos agrestiore fuisse animo, qui à Musarum consortijs tanquam à gratijs abessent. Collegium Poetarum in urbe institutum auctor est Valerius, quia in re illud memoriæ prodidit. C. Cæsarem dictatorem in illud collegium coopdari uoluisse, & fuisse Accium Poetam, qui uenienti Cæsari in collegium nunquam assurrexerit, quum se in arte superiorem esse confideret, & in illo conuentu non opes, sed ingenium spectari putarent oportere. Sed quid hæc? quum non modò Reges & Imperatores Poetas ornauerint, & carminum studia adamauerint: uerum etiam carminibus pangendis aliquando incubuerint, sicut de hoc Augusto, Nerone, Neruà Adriano, multisque alijs accepimus. Cur autem Reges & cæteri summates uiri non in honore haberent Poetas, quorum carminibus uidebant eorum gesta celebrari, nemo ferè est, qui gloriæ amore non tangatur, qui non expectat memoriam sui nominis fore diuturnam. Ornarunt ipsi Poetas, sed ab illis ipsi quoque uicissim ornati sunt. Nam (ut inquit quidam)

Non magis expressi uultus per Ahenea signa,
Quàm per uatis opus mores animique uirorum
Clarorum apparent.

Quot & quales uiros, & quàm ætate sua gloriosos uetustas obruisset, nisi eorum memoriam à temporis iniuria, Poetarum sedulitas eripuisset. Aeterna esse debebant, quæ summo labore gesserant & industria: Sed quid fieri potest?

Tempus edax rerum, tuque inuidiosa uetustas
Omnia consumitis, uitiatæque dentibus æui.
Paulatim lenta consumitis omnia morte.

Accessere Poetæ, qui immortalitatem gestis somnorum uirorum pollice rentur, eandem scilicet, quam sibi ipsis & carminibus suis promittebant, hinc illud natum est.

Fortunati

Fortunati ambo, si quid mea carmina possunt,
 Nulla dies unquam memori vos eximer ævo,
 Operis quoque sui æternitatem prædicat Ovidius.
 Iamque opus exigi, quod nec Iouis ira, nec ignes,
 Nec poterit ferrum, nec edax abolere vetustas.
 Et reliqua, quæ sequuntur. Eodem impetu fertur Horatius
 Exegi monumentum ære perennius,
 Regali scitu pyramidum altius,
 Quod non imber edax, non aquilo impotens,
 Possit diruere, aut innumerabilis
 Annorum series & fuga temporum.

Neque uerò Poetas ita commendo, ut omnia eorum uera esse dicam, fabulis delectantur plerunque, sed fabulosa pro fabulosis habenda sunt uel potius cur ea ficta fuerint inquirendum, & ad ueritatem (si fieri potest) res redigenda: qua in re Palephatus operam suam præstitit. Legendi etiam cum delectu, si qua contraria bonis moribus uel religioni asserunt, & putare eos more hominum peccasse, uel temporibus, quibus nati sunt feruisse, dum Deorum furta & flagitia commemorant: rectè Plutarchus, qui Poetas ex urbe bene instituta non expulit, sed quemadmodum audire oporteat, ostendit libro super ea re edito. non enim censuit genus totum repudiandum propter quosdam, qui in plerisque scæde lapsi sunt, quum in potestate nostra sit, quicquid in eis utile est amplecti, mala autem repudiare. Demum si Poësis ab omni peccato sit pura, cur non admiratur hoc an sit talis, iudicet non tam Grammaticus, quàm Philosophus. Meo autem iudicio. Si Poësis fuerit non effœminans animos, sed uirilis, si non lasciuia, sed casta, si non uitij fauens, sed acuens ad uirtutem, hæc utilis etiam esse poterit reipub. Platonica, quam ille seuerissimam in libris suis sibi ipsi confinxit. Eos autem, qui minoris faciunt Poësim, propterea quòd rebus iam inuentis utatur, latet se magnam laudem tribuere Poëtis. Nam ut utatur Poeta rebus iam inuentis: attamen ea altiori stylo & magnificentiore & iucundiore portat. Plerunque etiam uberiorè, eadem tractat, quæ alii tradiderunt, sed non eodem modo & forma. Tenens summam rei ab illis traditam alio utitur uerborum genere, diuersis sententiis, & nouis dicendi figuris, denique ingeniosè cuncta illuminat, hæc non parua sunt, nisi forsitan parua existimeris laus boni Architecti, & statuarii: nam hi Artifices materia utuntur alibi importata, sed forma est ab illis, quod pretium rebus facit. Addunt etiam iudem obtreñtatores Poeticen parùm ecclésiæ Dei utilè, obliti hymnos sacros, qui numeris & ordine pedum constant, inter Sacerdotes cantari. Cur? nisi, ut artollatur animus facilius ad diuinorum contemplationem. Videmus etiam inter missarum solemnia carmina quoque recitari, in quibus de industria elaboratur, ut par sit membrorum mensura, & clausulæ similiter cadant, atque definant, quæ consecratoria uel sequelas uulgo uocant, quod posteriora

posteriora prioribus in fine uocum consonent, & quodammodo sequantur. Veteres quoque Ethnici choros instituebant, qui sacros canerent hymnos, ubi placare Deos, uel ab his sibi concedi aliquid cupiebant.

Quo circa ab insigni Poeta in laudem Poetices illud protulatum fuit.

Castis cum pucris ignara puella mariti,
Disceret unde preces, uatem ni musa dedisset?
Poscit opem chorus, & præsentia numina sentit,
Cœlestes implorat aquas docta prece blandus,
Auertit morbos, metuenda pericula pellit,
Impetrat & pacem, & locupletem frugibus annum,
Carmine Dij superi placantur, carmine manes.

Næ igitur inutilis fuerit poetice, si tanta à Dijs impetrare potuit. Sed & illud quoque spectandum est. Multi multa scripsere uersibus non dico de leuibus, sed grauibus. Opianus de piscibus, Macer de herbis, Aratus de sideribus. Scripsit Georgicas Hesiodus, & eius imitatione penès nos Virgilius. In re medica infinitum esset dicere quot & quales uiri morborum remedia uersibus prosequuti sunt. Non uideo si hæc, quum soluta oratione proferuntur, sunt utilia ecclesiæ, cur inutilia reddantur addito numero, & uberiore uerborum fluxu ornatu. At iucunda sunt, non ideo tamen fit, quin etiam proficua sint, iucunditatem autem proficuum, & in inuidiam, & iniustum odium uocare, cuius tandem est prudentiæ æquum id, quod delectat, non solum tenere & docilem reddat, sed etiam nutriet magis atque pascat. Adde quòd Oratori quoque Poetarum lectionem plurimum conferre ucteres existimauerunt, quòd ab ijs & in rebus spiritus, & in uerbis sublimitas, & in affectibus motus omnis, & in personis decor peteretur. Illud certè uidebant uim Poetarum esse uehementiorem, quem enim unquam Oratorem audiuius, sic ualuisse acerbitate sermonis, ut inimicos ad laqueum & sui ipsius necem impulerit? quem admodum de Archilocho, & Hipponacte proditum est. Quod si tantum Poësis potest ad perniciem, quantum ei ad salutem. (si uelit) licebit. Dicam autem nunc unde sit, quòd quidam clamoribus insurgunt in Poetas: nam stomachantur in eos, uel quòd elati hoc Poetæ nomine ambulant inflatus, quasi omnia teneant, quum pauca admodum sciant: uel quòd turpia, flagitiosa, scæda carminibus suis intexunt, uel quòd mali Poetæ, uerbis & sententijs parum ualidi, aut non seruantes metri legem, quos sæcli incommoda Catullus nūcupat, hos ego Poetas laudare nec possum, nec debeo; imò nota censoria inurendos dico, & interdicendum, ne quid scribant. Tantum autem abest, ut hos Poetas nuncupem, ut ne eos quidem Poetarum digner nomine, qui exiliter scribant: nam se hoc quidem uocat nomine Horatius, quòd humili sermonum stylo utatur.

Neque enim concludere uersum
Dixeris esse satis: Neque si quis scribat, uti nos,
Sermoni propriora, putes hunc esse Poetam.

Ingenium,

ibid. Ingenium, cui sit, cui mens diuinior, atque os *capitulum*

Magna sonaturum, des nominis huius honorem. *capitulum*
 Quaritur in bono Poeta, ut sententijs sit egregius, uerbis nitidus, translationibus magnificus, figuris iucundus, grandis & canorus carmine, & ita plerunque esse debet. Variat tamen sepius aptans se rebus, quas tractandas desumpsit. Vt enim mundi huius facies non una est; sed uaria, nam coelum ostentat, mare, sidera, terras: hic uallibus depressus est, illic collibus supinus; alibi planicie distentus, hirsutus syluis, nixido floribus, excultus gramine, squalidus arenis; aridus scopulis, liquidus fluminibus riuus; lacubus: denique diuersis constat partibus, & hæc ei uarietas conciliat gratiam & decorem. Similiter Poësis uaria est, & multiplex, nunc familiaris est lectori quotidiano utens sermone, nunc elata incedit altissimis uocibus; nunc breui tendit ire circuitu, nunc latissimè expatiatur; nunc magno fertur impetu torrentis in morem, nunc placidius fluit, blanditur, terret, minatur, inuidiam, amorem, odium concitat, & quemcunque animi affectum respoñtulat, inducit, & ut ille inquit, Modò me Thebis, modò ponit Athenis. Nec tantùm separatim agit hæc partibus, sed interdum simul pulchrè commiscet, hæc omnia quid plura? non hæc Poësis, sed pictura loquens uideri potest, hæc & si illi sunt communia cum oratione soluta; tamen hoc habet Poësis proprium, quod eadem magnificentius dicuntur, & illuminati, & translatis uerbis audacius: habetque hoc Poeta admirabile, quòd quum sit numero deuinctus, eadem tamen ornamenta persequitur, quæ ab Oratore adhibentur; tantùm altitudine præstet unus altero, ut Poeta quasi equo inuehi, Orator pedestri sermonè uti dicatur. Oderunt etiã nonnulli Poetas, quasi maledicũ genus, ut potè, qui non parcant personis, sed nominatim quoslibet carpant. Sint quidam Poetæ tales, sed plures sunt boni, quorum carmina ab omni obtrestandi studio pura sunt: non igitur hos illorum caussa odisse debemus, & fatuum est putare omnes Poetas iisdem gaudere. Carpere in uniuersum uitia hominum & temporum concessum est, non autem in hunc uel illum suspitiones uel crimina ingerere: iniustum id enim & periculosum: iniustum, quia non debet quicquam alteri obijci, ubi non liceat iudicio se defendere & crimen refutare. Periculosum, quia læsi carmine quandoque se ipsos manu ulciscuntur. Illi autem pro re leuissima uerborum, grauissimas luunt poenas. Notum illud Alcibiadis, qui Eupolim Poetam, à quo notatus fuerat in comœdia, nauigantem adeptus, in mare deiecit. Quom penès Romanos Neuius Poeta in Metellos recitasset in scena uiciculum huiusmodi.

capitulum Fato Metelli Romæ fiunt consules.

capitulum Respondit ei Q. Metellus, qui tùm fortè Consul fuit, altero senario.

capitulum Dabunt malum Metelli Neuius Poetæ.

Is etiã Neuius in Scipionem Aphricanum inuectus est. Demùm ob maledicentiam in Principes Romanos à Triũ uiris in uincula coniectus est,

De Poëtis

& in carcere aliquandiu habitauit: ubi fabulas etiã aliquot scripſiſſe dicitur. Poſſem huius ſuperioris ætatis exempla alia inferre, quibus offenditur, quod qui pulſarunt alios carmine, ipſos deinde uerberibus & uulneribus pulſatos fuiſſe. Sed omitto, quia facile eſt culibet, qui ſanis modò ſit moribus, ab hac maledicendi ſcabiẽ temperare. Etenim maledictis certare cum inſimo, ſordidum: cum pari, anceps: cum ſuperiore, fuſuſum. Solent, qui de artiſicibus quibuſdam conſcribunt, memorare eos, qui in arte claruerunt. Sic oratores memorat Cicero, pictores Plinius, grammaticos Suetonius, eccleſiaſticos ſcriptores Hieronymus noſtere: quem ſequutus Gennadius poſtea alios addidit. Similiter commemorandum nunc eſſet, qui & quales olim Poetæ fuerint, & quibus floruerint temporibus, & quale carminis genus ſectati ſunt. Sed quoniam de Poëtis latinis id factum eſt ab alijs diligenter, ideo tanquã præuentus quieſco, nec ſanẽ qui hoc ignorauerit, multam faciat iacturam, ſed ſi neminem eorum legerit, aut imitari neglexerit. Illud forſitan deterrebit aliquos ne uelint fabricandis carminibus incumbere, quod

Mediocribus eſſe Poëtis

Non homines, non dii, non conſeſſere columinæ.

Vt gratas inter menſas ſymphonia diſcors,

Et craſſum unguentum, & Sardo cum melle papauer

Offendunt, poterat duci, quia cœna ſine iſtis,

Sic animis natum, inuentumque poëma iuandis

Si paulum ſummo diſceſſit, uergit ad imum

Ego uerò ſatis eſſe cenſeo proximos eſſe primis, ſed proximos non longo interuallo: qua in re opus eſt natura & ſtudio, quæ duo ſunt: utrunque ad eſſe debet, alterum eorum non ſufficit, nam; ut inquit Idem Horatius, qui mediocritatem in Poëtis improbat.

Ego nec ſtudio ſine diuite uena.

Nec rude quid proſit uideo ingenium: alterius ſic

Altera poſcit opem res, & coniuſat amice.

Magna certè res eſt Poëſis, magnum opus, in quo duo maxima concurrere debent, quibus omnia conſtant, ars ſcilicet & natura: ſed natura primas fert partes, ars ſecundas: nam & ars ipſa quoque ſtudet naturam imitari. Non inſicior, quin ad eſſe oporteat ſtudio, diligentiam, aſſiduas uigilias, operis amorem: Sed iſta parum afferunt in Poëſi, niſi naturæ etiam beneficio adſit ingenium uelox, potens, acutum, diues imaginibus, & inuentionibus præclaris, mûſis denique amicũ, & ad numeros propenſum, ita, ut carmen quodammodo ſponte fluat. Tale quid fuit in Homero Poëtarum Principe: cuius ea animi fuit altitudo, ut nec diuitias, nec honores, nec opes, nec alias ſenſuum illecebras quaereret, ſed cuncta negligenter præ uno carminis fabricandi atque canendi ſtudio: inde tale prodiit opus, in quod cæteri mortales perſpicerent, ueluti omni numero abſolutiſſimum ſignum, nec imitari ualerent. Hoc oſtendit Homerũ

ſacro

sacro furore fuisse percitum, quòd neglectis omnibus suis utilitatibus soli Musarum studiis incumberet: quod optimè uidit Plato in Phædro, qui hoc facit furoris genus laudabile, quo Poetarum mentes rapiuntur. Negat sine hoc furore posse ualidam Poësim consistere, quicumque illo remoto humanæ fidens prudentiæ poeticas pulsarit fores, inanem reuerti: furorem autem uocat commotionem uehementiorem mentis à Deo profectam, qua animi neglectis inferioribus ad superna rapiuntur, & altius efferruntur: quod Poëtis contingere uidemus, quibus penè solis conceditur.

Currus & equos, faciesque Deorum

Inspicere: & qualis rutulum confundat Erynnis.

Et talia quædam minifica, quæ eorum carminibus memorantur. Itaque merito dixi ab initio Poetas laudandos & uenerandos esse, tanquam diuino afflatos Spiritu, & ueluti artificum genus quoddam non humano studio effictum, sed de cœlo delapsum. Fatendum est autem uersus eos, quos olim Fauni, uatesque canebant, ut Cicero inquit, ruditer fuisse compositos: erant autem pleraque eorum ad religionem pertinentia; & diù permanserunt, quia mutare non licebat: deinde, ut humana ferè omnia à paruis progressa initijs incrementum suscipiunt. cultior processit Poeticus uersus, demùm ad eam maiestatem & elegantiam peruenit, quam hodie intuemur. Eia agite ò iuuenes, quibus literarum studia cordi sunt, Poetas diligenter legite & euoluite, & si quis è uobis affluit ocio, & ingenio pollcat poetico, carmen quoque amabile condat, delecta materia, in qua dignum sit elaborari: hoc enim & spectantibus afferet utilitatem, nec aliis modò, sed ipsi quoque artifice iucunditatem. Nam si quæ arte efficiuntur, delectant artificem, eiusdem quoque laudis Poetica maxime est particeps. O' dulcem illum furorem, quo impellimur in musarum sacra adyta O' incorruptam uoluptatem. O' gaudia his tantùm nota, qui experiuntur. Quis tam insanus uel ferreus, ut te ò summum mentium Poetica decus uituperare audeat? quis non potius summis attollere debeat laudibus? Tu Regum & populorum gesta canis. Tu cœlum penetras, & ad Omnipotentis usque Dei solium pertingis. Tu multorum memoriam in longum æuum prorogas. Te uetustam origine: utilitate frequentem, iucunditate assiduam, omnes, qui non agresti, sed urbano sunt ingenio continuè uenerantur.



MARCI ANTONII

NATTAE ASTENSIS,

IN METRA SVA POETICA

PROOEMIUM.



SCIO antiquissimos illos & probatissimos viros, qui & maiorum rerum procurationem suscipere & grauissima quæque literis comittere audebant, solitos nonnunquam ad poetice descendere, & uersus ducere, non quòd affectarent laudem dicendi carminis, sicut hi, qui principem tali in re operam sumentes, poetas se & haberi & dici cupiebant. Verum quoniam non in ocio ocium querebant, sed oblata quiete sua utilissimam ingenij agitationem meditabantur; inuitati metri elegancia & uenustate eò se transferebant: & nunc uersu amores suos decantabant, aut quemlibet alium animi affectum exprimebant, interdum laudes summorum uirorum attingere, & poscente materia graue aliquod carmen deducere nitebantur. Fortasse quispiam arbitrabitur oratoriam loquutionem & poeticam diuersæ cuiusdam esse facultatis. Idcirco unum atque eundem hominem non æquè bene utranque tractare posse. Ego contra uideo plerosque; & in hac et in illa facultate excelluisse: nec apud sublimes Latinos tantum et Græcos, quorum et ditior est sermo, & affluentior, & rebus omnibus beator; sed & apud nostros in hac infima quotidiana uulgarique lingua, nec excelluisse olim tantum, sed & hodie excellere, nec id mirum uideri debet. Nam si agri alias alio tempore fruges efferre possunt, si eadem arbores, ubi se induerint in diuersa pomorum genera, multiplices fructus edunt: Cur non hominis ingenium, quo & illa efficiuntur, uaria ex se gignet in studijs? & multiplicia? & distincta? Me certè iuuat quum perspicio doctrinarum opera ex ingeniorum adytis eruta, nunc lege metri constricta in orbem circumagi, & certis gradibus insistere, nunc soluta & ueluti numerorum exuta compedibus liberius excurrere, & quò ferat impetus uagari: quorum unum oratoris est, alterum poetæ, utrunque autem eiusdem hominis, qui utroque studio teneatur. Ac si uerum uel dicere uel audire possumus, finitima admodum & coniuncta est & cognata poetis orationi. Nam & uerbo-

uerborum suppellex ferè eadem, & sententiarum idem reperietur ornatu: distant uerò, quòd oratio libertate pedum diffusior non nisi delectu adhibito in sermonem descendit. At poësis restricta numerorum modo licentius supergreditur: & pro arbitrio magis uerba contorquet, nec tam apta deligit, quàm iucunda conquirat. Quorsum hæc? ut intelligatur me imitatione summorum uirorum aliquando idem fecisse: Ego enim iuuenis adhuc, Poëtis euoluendis admodum intentus fui: mouebat me carminis dignitas & uenustas, quæ penès bonos poetas Græcos & Latinos summa est. Nec mirum uideri debet, si ut multi, & ætatis seruire & calentibus adhuc Poetarū studijs adductus sum, ut tentarem quid in eo genere possem. Itaque si profæ faciendæ magis forsitan idoneus essem, tamen ad hæc Poëtica conuersus, ubi per otium licuisset, commoui me plerunque heroico gradu, & ad numerum aptè uerba ceciderunt. Accedente postmodum grauiore ætate & negotiorum multitudine retrocessi: neque nunc iam senex huiusmodi aliquid meditor: non quòd Poeticen contemnerem, de cuius laudibus quandoque scripsi, sed quòd grauiora studia, aliaque ad uitæ cultum necessaria nullum carminibus locum reliquerunt. Attamen quæcunque olim lusi, nunc palàm facere decreui, quia nonnullis eodem poetico furore correptis placere posse existimaui. Natura enim affert, ut ijs, qui eodem morbo collaborant, & similiter mouentur, faueamus. Cæterum illud Virgilianum si dixero.

Et me fecere Poetam

Pierides, sunt & mihi carmina.

Arrogans uideretur. Ego enim serias addixi lucernas iuris ciuilis sciëntiæ, nullus unquam me ab hac dies, nulla uox remorata est, quod ex responso-
rum libris, quos edidi, ex magistratibus, quos gessi & gero, satis elucet. Poetam dici non mereor, nec affecto, sicut nec affectaret ille se pictorem uocari, qui unum aut alterum, aut tertium opus effinxisset, quanuis abso-
lutissimè id peregisset. Et quoniam superius facta est mentio Pieridum, quæ alio nomine Musæ uocantur, possem de Musis postquam sermo nobis eas obtulit, & de carminibus agitur, plura dicere. Nam & de origine earum quæritur, & de nominibus, & de numero, de quæ earum duce Apolline, & quomodo antiquitas easdem uelut Deas qualdam poësis & cæ-
tus studiosis uoluit præsidere: sed prætereo, quoniam res longiorem de-
posceret orationem. Illud non omitto, Musarum nomen non solum pro cantu, sed etiam pro humanitate, doctrina, & literarum studio accipi, nam rudes & illiteratos homines, nullum cum Musis habere commercium, uel à Musis auersi dicuntur: Sed scientia pollere Musas quarumlibet re-
rum atque memoria, uel illud indicat: quod finxit ipsas Antiquitas Iouis & Mnemosynes esse filias. Hinc eas etiam Mnemosynas idest memorias uocat Aufonius, & Iouem scientissimum esse tradit Homerus: ob id quæ, quòd plura scirer quàm fratres, ait regnum cæleste obtinuisse. Et Virgilius in inuocatione Musarum illud protulit:

Et

In metra sua Poetica

Et meministis enim diuæ & memorare potestis.

Ego uerò si in hoc uersuum meorum opusculo aduoco Musas in auxilium carminis (sicubi inueniar id fecisse) non superstitione gentium eas adesse uelut Deas quasdam cupio, quas constat (si aliquando fuerunt) mortales feminas fuisse, tum canere solitas, tum in aliis eruditas: sed ingenium, scientiam, eloquentiam, memoriam aduoco, quæ ab unico uero Deo proficiscuntur, qui solus Pater est luminum. Hoc etiam sedulo caui, ne qua lasciuia, turpia, impudica, foeda carminibus meis immiscerem, quod etiam apud gentes improbatum est, quæ hac ratione mihi uidentur Musas finxisse Virgines, quod deceret Poetam pium esse, & castum & pudentem, & quasi Virginali uerecundia, ab omni immunditie & corruptione procul. Scite igitur Lucianus: penes quem Cupido cum matre colloquens, & ueluti Imperii sui reddens rationem, asserit se Musas à suis iaculis intactas relinquere, propterea quod modestiam earum, grauitatemque, & assiduam simul magnarum rerum meditationem reueretur, & mira insuper cantus dulcedine mulceatur. Prudenter etiam Virgilius, qui quum infaustum illum Aeneæ & Didonis congressum describeret, illud tantum attulit.

Speluncam Dido, dux & Troianus eandem

Deueniunt.

Uterius progredi noluit, reliquum malens suspicionibus nostris relinquere, quam ipse dicere, & sceditatem aliquam legentium oculis ingerere. Sed de his satis, & fortassis nimis multa. Non enim soluta oratione uagari propositum fuit, sed metra Poetica asferre, quod genus literarum iucundius esse solet.

De Mago.



QV I naturæ causas arcanaq; cœli
Mente agitas, nec scire nequis, te docte precari
Cogor, opemque tuam dubiis exposcere rebus,
Adsis, quidq; petam (nec erit mora longa) docebo.
Carmina si cœlo spargantur dira sereno.
Heu uideas toto gradientes aëre nimbos,

Tum ferruginea cœlum subtexitur umbra,
Impiaque æternam sperant sibi sæcula noctem,
Ipse diem luce incendens, clarusque coruscis
Phœbus equis, tegitur caput atra nube, polumque
Inscit, & magicos haud uult spectare fuluros,
Nec meliora intempesta sub nocte feruntur,
Sidera nulla micant flammis, tum candida Phœbe
Lumine læta, uomens fraternos cornibus ignes

Theſſalica

Theſſalica cœlo ad terras traducitur arte,
 Atque ita carminibus rerum natura nouatur.
 Stare amnes, uiridesque ſolo decedere ſyluas,
 Et uideas toto gradientes æquore montes.
 Deque ſuis alios ſegetes diſcedere in agros,
 Excitoſque imis manes uolitare ſepulchris.
 Neu uates finxiſſe putes, Aegyptia quondam
 Tonſa (quis hoc credat, niſi ſacra uolumina ferrent,
 Aſtruerentque fidem) ſerpentis ſiſtitur ore,
 Tergaque conuoluit ſquamoſa ac ſibila mouit,
 Quæ uis uerborum tanta eſt? cur Dæmones inſtant
 Humano generi, atque oculis illudere certant?
 Et uitiare artus audent, & uertere mentes?
 Redde iſtis cauſas, terrent me monſtra magorum
 Chære Pater, ſic ſis ſanctorum in cœtibus ingens,
 Sic tua ſe ſubdat præcordia ad intima Chriſtus,

Hilario.



IGNA recenſeri præclare imitamina uitæ,
 Perpetuo digni celebrari carmine patres,
 Qui recti meritis tranarunt æthera, quique
 Inſudere diem cœca caligine merſis,
 Grandia ſed magnis poſt commemoranda Poetis
 Prætereo, Aonio uixi procul amne, nec inter
 Aſpicio nigros hederam mihi ſerpere crines,
 Quicquid erit, ſpacio circum breuiore uagari
 Fert animus, nec multiagos trahet orbita curſus
 Tu Princeps, Tu purpureis da lora quadrigis,
 Carpere iter iubeas, mox ſeſſos excipe curruſ.
 Nobis Aſtenſi eſt genitus Hylario terra
 Corpore fuſus humi tacita ſed mente petebat
 Aethera, congreſſusque Dei, & confortia nota
 Sanctorum: Hinc pectus placido ſuccenſus amore,
 Hinc ſperare audax, æternæ & fidere uitæ.
 Ergo ubi mortales ruſſum deuectus in auras,
 Ingentique ſuper labentia pectora motu
 Excutit, arrexitque comas, & lumina cœlo,
 Fata canit, moresque & uitæ incommoda uoluit
 Ora ardent uatis, nec iam mortalia uerba
 Et maiore ſono atque anguſtis faucibus aſſans.
 Tum terræ affixos homines ſuſtollit in altum,

Et

In metra sua Poetica

Et patriæ reddit ciues, cœloque reponit;
 Hunc inquit Solem Deus edidit, astraque, & omnem
 Ornatum flammæ, quanto præfulgidus ille
 Hos lucis fundens radios, quod cernitur omne
 Ipse creat, templique sui Deus ipse sacerdos
 Aeternas animas dedit, & calcare iubemur
 Hoc mortale solum, flammantiaque astra tueri.
 Namque abiicit huius pecus omne in gramina tendens,
 Ast hominem arrexerit, cœli, qui pabula semper
 Carperet, atque sui signauit lumine uultus.
 Quin etiam proprio mortalem sanguine culpam
 Abluit, & mortis uictor cœli alta reclusit.
 Acreaque aduersæ confregit limina portæ
 Omnipotens, pudeat rursus peccasse redemptos
 Mortales, utroque uocantem auertere Olympum.
 Hæc patria: hæc nobis sedes, hinc ducimus ortum.
 Huc repetit, cunctosque accersit sacra Dei lex:
 Degeneres ne iuuat spirare? hoc uincite Ciues.
 Hoc prohibite, nefas, æui sit cura futuri.
 Ingenium in nobis uiget, & cœlestis origo,
 Quam scelerare malum est, sed nos hauri ducimur istis,
 Non amor ipse Dei cordi est, non fulgida uirtus,
 Sed scelera atra regunt, quæ nã hæc effraudes & rapinæque
 Iræque, insidiæque, oculorum & multa libido.
 Blanda tenent, quæ prima malus sibi suasuerit ardor.
 Exclamare iuuat mihi nunc, quod Persius olim,
 O' curæ in terris animæ, & cœlestium inanes.
 Foelices, quibus alma datur mandata tueri;
 Qui mente affixi superis, fratrumque salutem
 Corpora proiecere, & inanis sæcula curæ,
 Non epulæ, nec amor uesanus torquet habendi,
 Pascuntur baccas, in porum, fluminis haustus
 Sufficit, intextum tegmen dabit ardua palma,
 Oblectant uarijs halantes floribus horti,
 Et quæ prole grauis frondosa attollitur arbor,
 Purior eletroque cadens per frondea tecta canoro.
 Hinc uolucres lapsu per frondea tecta canoro.
 O' secura quies, non diuitias alienas
 Expectant, quibus alma suas natura ministrat.
 Neu segnes iaccant, molli fallentia lino
 Retia, uel calathos agresti uimine necant,
 Septenasque die dulci modulamine laudes
 Ore canunt, niuei tanquam inter sydera cicni,

Et uideas tendentem aliquem de more supinas
 Ad cœlum palmas, non ullos ducere gestus
 Inflexa ceruice, putes è marmore signum.
 Tantus amor, tanta est orandi gratia diuos.
 Hæc primi monachi fecere, atque inde minores,
 Quis sylvæ hospicium, & squalentes pulvere campi,
 Rupis & abscessus silices, collesque maligni,
 Soli etenim ducere ausi procul urbibus æuum,
 Et turbam fugere, & toto se auertere seculo,
 Ipse ego quid potius complectar & insequar ultro?
 Talibus en fateor multum mea pectora flecti,
 Moribus exemploque uirum speculoque teneri,
 Vos miseri, quod uota trahunt? quo? ue impulit auri
 Regnorumque sitis? quod uentris prona uoluptas?
 Ille sui famam succedens nominis, atris
 Hinc facibus tinctus cædemque ac bella ministrat,
 Huic mercis cura, & mendaci callidus ore
 Rem parat: Ille uorat, censumque in uiscera mergit,
 Hic gemmis radians sordet mox numine uerso,
 Iudicis at supplex odit reus ora uerendi,
 Multis occulto crescit res scœnore, multis
 Ambitio atque aurum locupletes præstathonores,
 Conductique reis uendunt periuria testes.
 Vrit amor, torquent niuæ laudata puellæ
 Pectora, porrectæque manus, oculique micantes,
 Heu heu, quod formæ capti labentis amore,
 Delectant terreni artus moribundaque membra,
 Et pecudum ritu commisso corpore scœdus
 Coniugij, & certæ prolis confundimus ortum.
 Ast ubi digressus membris calor ossa reliquit,
 Tartara habent, cœli fulgentis trudemur oris.
 Num saturare queunt mortalia? quæ sitis auri
 Expletur? pacem? ue dabit, quæ copia rerum?
 Sola quia Deus est, atque alti regia cœli.
 Hæc uates (neque enim grauior spes ulla salutis)
 Humano generi uoluit noctesque diesque,
 Nunc placdè ingendit, dictis nunc carpit amaris
 Post hæc fata canit, uenturi hand inscius æui,
 Spirantisque Dei perfusus lumine uultum.

Veris tempora .



VIDIMVS O'Princeps læta inter pocula uatem
Egregium & clarum meritis, qui tempora lauro
Velatus, fulgens ostro, & testudinis aureæ
Intentans neruos, tales dabat ore loquelas,
Impulſasque ſono cunctorum arrexerat aures.
Fugit hycins, redeunt primæui tempora floris,
Purior orta dies campis, auræque tepentes
Aspirant: uiridi tellus ſe gramina ueſtit:
Nudatæque ferunt ſylux iam frondis honorem,
Iam gemmas trudit palmes, iam falce premendus,
Et duræ facies terræ renouatur aratro.
Nec non denſa comis arbos umbracula tendit,
Lilia nunc commiſta roſis, uiolæque leguntur
Pallentes, nunc puppe ſecant immobile marmor,
Ecce autem gracili modulatus arundine carmen
Hiſtitus paſtor niueas agit ante capellas,
Ille per dumos pendent de rupibus altis
Arbuta tondentes, & concita flumina potant,
Cum Sol altus agit currum, nec dum imminet undis,
Sub noctem nam cogit oues, numerumque reducit
Dux gregis, innixus baculo, uel ſtipite querno,
Nec minus interea cœlo uolat ales aperto
Huc illuc pennis trepidantibus, & modo cantus
Ore premit dulces, modo ludit in æthera giris,
Nunc fingit nidos, aut natis colligit eſcam,
Ac propriis ut certa forent ſignanda diebus,
Ipſe Deum genitor deſcripſit quatuor annum
Partibus, & iuſſit ſua per ueſtigia uerti,
Vndique ſe tollunt pubenti ſemina uere:
Fundit humus latè flores, mox ſtringit ariſtas
Torrida, proque ſuis gratatur frugibus æſtas,
Nec pater Autumnus non ſœtu exuberat anni,
Poma manu carpunt, & lætas collibus uuas
Agricolæ exportant, nec non corioloſque nueſque
Caſtaneasque ferunt ſyluis, iuſtiſſima donec
Ipſa ſibi reparat uires iam ſeſſa ferendo
Tellus, & gelidis requiſcat ſepta pruinis.

Nympha-

Nympharum chorus.



ARMINA : scribentem mirabere, & ocia molli
 Ducentem uersu, at ludo, mentemq; reflecto
 Interitum, & dicor magnorum exempla secutus:
 Nec me adeò hinc cupio spectari, ullosue laceffo
 Aonios uates, nisi quid magno ore sonandum
 Ingentemque tuæ laudis conuoluere molem
 Expediat, toto tunc ducam carmina nixu
 Altius insurgens, maioreque numine fultus,
 Primus ego solemne tuum per carmina nomen
 Audebo celebrare, sacrisque intexere chartis.
 Primus ad Astra feram radiantia, nec tibi nulla
 Aut leuis ingenio quæretur gloria nostrò
 Te memorant sacris studiis atque artibus auctum
 Ingenuis, belloque ferunt præstare gerendo,
 Seu sit opus gladio niti, seu uertere fraudes;
 Adde quod egregias urbes, pelagoque potentes
 Imperio frœnas, quid Gallica pectora dicam
 Pulsa? quid Heluetium immitem, mortique paratum,
 Erectumque manu bina de gente trophæum
 Vim diuinam animi, atque ardentia facta nepotum
 Quicumque accipiet, mirabitur, indycta dicere
 Sæcula, quæ genuere uirum. Sublimis in ostro
 Ipse mihi uideor mediâs incedere gentes,
 Atque tuis dare per populos spectacula rebus,
 Conueniunt celebres, captant mira auribus acta,
 Oraque uersa uirum pendunt dicentis ab ore.
 Interea tenui sectabor carmine ruia
 Pastorum, & celsa pendentes rupe capellas,
 Et liquidos gregibus fontes & gramina riuis
 Sufficiam, lætisque intexam uicibus ulmos
 Pabula læta canam; aut Veneris memorabimus ignes,
 Scilicet & celo & terris uis regnat amoris
 Sponte sua: Cedunt uolucres, argenta, feraeque
 Humanique animi pudor & reuerentia morum,
 Cur non & gracili complectar carmine Nymphas,
 Quis nemora & rupes & stagna liquentia curæ,
 Nam uidi, gressusque Diarum sæpè sequutus,
 Quasque fauere uelim, nunc compellabimus ultro.
 Princeps. quæ fandi doctissima cymodocea,

HH Cui

Epitaphium

Cui notæ herbarum uires, quæ sidera seruat:
 Tum præstans citharæ neruis atque arte canendi
 Melpomene; hæc delecta Deo, qui tempora uoluit,
 Scire uetusta potest: nec eam sua sæcula fallunt;
 Mores, & studia, & & populos, & proelia nouit;
 Sæcula, progeniesque uirum, atque exordia mundi.
 Nisæe, Spioque, ligeaque, Phillodoceque,
 Ornatu similes, diuerso at lumine formæ,
 Et succinta manu spargens hastilia Xantho
 Venatrix, ludensque Opis lasciua sub undis,
 Quæ placida sub fronte nigrantes torquet ocellos,
 Lidia, & effusæ partu Lesprotides uno,
 Par facies, par forma: parique cupidine florum,
 Altera sed tedas iam dudum experta iugales
 Cydippe, & Drymo, & Clymene maturior æuo,
 Atque ornata comam lauro uiridante Thalia,
 Astaque pulchra, sed ante alias pulcherrima Phryne
 Flauentas proiecta comas per candida colla,
 Ceu Sol cum spargit radios, modo contrahit alta
 Nube premens, talis si in nodum colligit aurum,
 Ore flagrans roseo nymphas supereminet omnes
 Arrecta ceruice, uomunt & lumina flammæ
 Sidereas, fronsque aspirat mollior aura,
 Iuncta choro Dryadum, qualis cum clara cadentes
 Excipiens stellas tenebris aurora fugatis
 Emicat, effunditque iubar toto aurea cælo
 Auro intertexto molli uelantur amictu
 Membra decora Deæ, celeri nunc concita carpit
 Arua fuga, aut gradiens florentes poterit herbas,
 Densæ testæ comis altæ nunc arboris, & nunc
 Dulcè canit uitreæ consistens margine fontis,
 Atque aliquis iuuenum magno succensus amore
 Insequitur, nymphaque legit uestigia, donec
 Conditur in tenebras cælum surgentibus astris
 Nec tamen in noctem requiescit pectore. Fœlix
 Qui nescit flammæ, uixitque ignotus amori.

Epitaphium.



VPER agros lustrans ferali inducta cupresso
 Marmora conspicio, accessi, causamq; locumq;
 Admirans nosco, atq; oculos per singula uoluo.
 Non ego phœbeus uates, nec carmina fundo
 Musarum auxilio, sed si Princeps mihi solus
 Ipse aderis, referam tumulo, quæ lecta notauit;
 Et fortasse feram nonnullum in carmine nomen:
 Nanq; ferunt fama Alfinium Hieronymo Adurno
 Extincto ingenti, uitali & lumine functo,
 Post luctum & gemitus, postquam feralia duxit,
 Post consanguineis quam struxit manibus uram,
 Multa quidem, sed & hæc trepida tunc mente loquutū,
 Suspensumque fuit tumulo post nobile carmen.
 Eloquar? an tanta hæc tacitus memoranda relinquam?
 Interitu nam cuncta tuo cecidisse feruntur
 Magnanime Heroum, uix sol immittere flammæ,
 Vix fulgère polo mortalibus astra uidentur,
 Occidis ante diem, uiridique extinctus in æuo,
 Redditus heu serò patriæ, quam funere linquis
 Festino, quæ nam ciues fortuna reuifet?
 Heus Genua ingenti luctu concussa, quid ultra
 Inuenies, quod ames? quis tanta laude superbam
 Afficiet posthac? quo te iactabis alumno?
 Tectâ gemunt, mæstis onerati uocibus agri,
 Nunc fora uasta silent, legumque examina pendeat,
 Nec quicquam inculat superos generosa iuuentus,
 Flent mæsti, mussantque patres, squallere uideres
 Tempia Deum, & nullis ornatas torquibus aras,
 Vndosumque sonat latè mare, & æquora fundo
 Sollicitat, fluctuque fremens petit astra tumentis,
 Et fera uentorum rabies immurmurat auræ.
 Cuncta rapis moriens solatiâ: quid tua uirtus?
 Quid nostræ ualuere preces? fata obuia duras
 Exercent leges, dolor undique tollitur ater,
 Te bello Insuibes durum genus, almaq; Manto,
 Roma sacerdotum domus, & Ferraria luxit;
 Quique undas colit Hadriacas, Arni que fluentæ.
 Non ego cuncta loquor: uires iniuria luctus
 Debilitat, nec habet neruos nunc copia fandi,

Nec

Metra sua

Nec sublime queunt uates inducere carmen :
 Tu tamen interea cum Dijs sceleriter ieuum
 Exigis, & clari famam uirtutibus imple
 Nominis, æternum tua quod post fata relinquis,
 Martis eras specimen, nec non Parnasia Laurus
 Grata tibi, poteras dicendo inuertere mentes,
 Atque armare manus, mox soluere pectoris iras,
 Te summus coluit pastor, Rex magnus amauit,
 Et datus Augustas sapiens Orator ad aures.
 Quid memorem, ut Latii uindex arma undique regum
 Excieris, superas Alpes, amnesque ruentes,
 Aeratas ducens acies, dum frigida torpet.
 Bruma gelu, & medijs canum caput exerit aruis.
 Iam uero insignes pugnas partosque Triumphos,
 Mox squallenti auro effingam, uel marmore leui,
 Et faciam plenos spumanti sanguine riuos,
 Fusaque per campos immania corpora ferro.
 Ipsum instare manu, ruere agmina barbara retro,
 Conuersoque fugam tentare per æquora tergo:
 Tum uinctæ stabunt gentes, tum denique fundens
 Purpureum ore iubar currum sublimis habebis.
 Et circum auratis ludens uictoria pennis,
 Innumericque uirum plausus; succedere testis
 Incipiet pompa hæc decoris, tunc protinus æra
 Verbere pulsa sonum uacuas dispergere in auras
 Sublimem incipient, simul ore infrendet ahenæ
 Machina fixa rotis, gaudebunt pectora matrum.
 Hæc excussa dabo molli spirantia forma:
 Instituamque pios celebri certamine ludos
 Ad tumulum, fuluum ponens uictoribus aurum,
 Et niueum Mironis ebur, laurumque nirentem,
 Hi cursu, ast alij luctando, coestibus illi
 Decernent; & equis belli simulacra ciebunt,
 Inque tuas ibunt certatim carmina laudes.
 Egregij uates: sed enim uenerabilis æra
 Frondenti insilens; magnis de more sacerdos
 Libabit diuis, huic pura in ueste ministri
 Sacra canent, crebris scindentibus æra flammis.
 O qui mortales liquens nunc aurea calcas
 Sidera cœli, ades, & nos omine respice dextro.

In Natale Domini.



I uatem diuina licet conscribere, dextra
 Christe faue, & celsò surget tibi pagina uersu,
 In que tui aduentum & geniti cunabula tota
 Mente ferar, non iam molles euoluere lusus
 Addeceat, aut uacuis dare mentibus Herculis acta,
 Seu Martis Venerisque dolos, Troiaque labores
 Infandos, & quæ perhibent mendacia graij,
 Ipse crucem dextra gestans foelicis oliuæ
 Sacra canam, per sancta pedem mysteria ferre
 Incipiam, & summo mens aspirabit olympo.
 Floreat almus ager latè dum augusta canentur,
 Et fileant maria, & murmur uos ponite uenti
 Immodicum, Auratoque magis Sol luceat òre.
 Ordinar à Maria. Hæbreæ hæc foemina pubis
 Insignis Regi superum se addixerat alto,
 Et placuit pietate & uirginatis honore,
 Non aurum, nec opes, sceptrum, imperium uè petebat,
 Ast humiles uoluit curas sublimia temnens,
 Templum augustum ingens solymis, idq; omnibus unū
 Iudæa de gente uiris fulgebat in auro,
 (Clarum opus) argenti que micabant lumine ualuar,
 Sed multo pecudum tellus perfusa cruore.
 Hæc domus alta Dei, nanque hic & uerba precantum
 Accipere, & dare proiectis oracla solebat,
 Et sacris aderat, iustisque in tempore uotis:
 Hic ancilla Dei iam tum puerilibus annis
 Assuerat, famulamque dabat, longe intima cordis
 Flagrabant, pietasque operis succenderat ignem,
 Sæpe dies, dum mente Deo coniungitur, ibat.
 Vltima labentis uoluuntur tempora fecit,
 Quum Deus affectans hominum fulcire ruinam,
 Collapsumque genus miseratus, inania coeli
 Atria dum lustrat, subit illi dedecus ingens,
 Serpentis que doli, uulgusque, quod exulat oris
 Innocuum patrijs, & gens fraudata triumpho.
 Hæc delere parans sepsit se Virginis aluo:
 Immensus, tulit illa utero, quem gesserat olim
 Corde Deum, & nomen genitricis filia coepit,
 Ilia nec intacti labefecit claustra pudoris,

Quamuis

Quamuis iuncta toro, mater sine feminis haustu
 Facta, uoluptatis motu non tabuit atro,
 Sensit onus nullum, nulloque excussa dolore
 Virgo uterum, mox quem peperit reuerenter adorat,
 Admirans iubar effusum radiosque micantes,
 Et pueri formam lucem sub nocte cientem.
 At non marmoreis subsistunt tecta columnis,
 Non auro effulgent postes, aut ære politæ,
 Nec puer effultus generoso uellere serum,
 Sed stabula alta domus, iacet in scœnilibus infans,
 Afflatu fatus bouis & sociatus asello.
 Quis pompam insanam credat? dominator olympi
 Dum studium damnaret opum, sic uenit egenus.
 Ecce manus, (neque enim superi miracula condi
 Tanta sinunt) pastorum adit, & mox regis honores
 Impartit puero propter iumenta cubanti,
 Angelicusque super pietis exercitus alis
 Obstrepuunt, pro pace bonis mortalibus orta,
 O Nox, læta trahis, quæ post te secula, salue.
 Cuius in aduentu solemnia prisca fatiscunt,
 Et trepidant delubra, & partu Virginis horrent,
 Quin etiam fixo radians stella aurea crine
 Barbara corda uirum trahet, & uestigia ducet,
 Signa sed immenso data quis miretur olympo?
 Cætera mota loco? naturæ hic uertitur ordo,
 Factus homo Deus est: & Virgo scœmina mater
 Prædicta implentur uatum, tum manibus imis
 Læticia affulsit sperant sibi tradier astra,
 Credo equidem, dabitur patefactum limen olympi
 Cernere, & excussos ærato è cardine postes,
 Nec longum sanctorum animæ loca tetra coletis,
 En Deus in terris genitricis fusus in ulnis,
 Qui mortale genus collapsum ad sidera tollet,
 Iste dabit noua secla puer, dominabitur oris
 Omnibus, ipse feret uestigia sicca per undas,
 Rursus, agent animæ se in corpora, languida surgent
 Membra operi, tantum imperij fert ille; tenebris
 Qui demum exactis uitæ aurea dogmata condet,
 Vexilloque suæ depellet tristitia mortis,

In passionem eiusdem.



VVM subit illa dies, quā uasti rector olympi
 Sponte sua incubuit fato, turbæ que furentis
 Verbera sustinuit, lusus, iramque minasque,
 Affixusque cruci, gemitus tunc tollitur imo
 Corde, rigant mœstum lachrymarum flumina pectus.
 Nanque parens primus dia in regione locatus,
 Quæ patribus quondam Paradisi nomine dicta est,
 Illic uer lærum, campos quoque purior æther
 Excipit, & fulgent æquantia sidera Phœbum,
 Flumina lactis eunt, pendent de sentibus uuæ
 Purpureæ, duræque ferunt mella humida quercus,
 Tum Zephyri pennis mulcentes lenibus auras,
 Fusaque per campos uitrea uada limpida fontis,
 Hospitijs uolucres passim frondentibus ora
 Soluere, condensis que pecus colludere syluis,
 Ipse inter tantos pater ut deductus honores;
 Qui fuerat renues, è limo arrectus ad auras,
 (Nec mora longa fuit) fregit mandata uerenda,
 Serpentis que dolo, monituque (heu) coniugis ausus
 Carpere poma manu, & uetito gustare palato,
 Ausus, & ad superos reditum crudelis ademit,
 Nam noua posteritas traxit contagia fraudis,
 Audita è summo uoces, tum uisa moueri
 Ima soli, & foribus constridere limina uersis,
 Mœret opem implorans patrijs gens exul ab oris,
 Nemo hominum æthereos coeli conscenderat axes.
 Ille amor, illa Dei pietas haud fabilis ulli
 Soluere triste nephas parat, & se deuouet aræ,
 O nos ignaros rerum, acceptæque salutis
 Immemores: Nobis Deus in mortalia fusus
 Membra, polos aperit, uitæque beatus æuum,
 Ipse, sed heu moritur fato confectus acerbo.
 Ecquis erit uares, tristes, qui euoluere casus
 Sufficiat, quamuis hederæ pallentis honore
 Tempora nexa gerat, magnoque sit ore, sanoque
 Non ne uides torto laceratum uerberare corpus?
 Liuentes que genas? Tibi enim tibi maxima regum
 Vallatum spinis caput, & diadema cruentum
 Impositum, uiridi mox fixus stipite, nudus
 Tolleris, atque lacer gemina inter crimina pendes,
 II Ecce

Ecce pedes, sparsæque manus de vulnere sædo
 Sanguineas spargunt guttas, & liquitur atra
 Tabæ cruor, patet ausoniæ quoque cuspidus ictu
 Pectus, & effundit fluuium mistumque cruorem.
 Quin etiam oblata est ori (ne tristitia desint)
 Spongia felle tumens, nostram at sitit illa salutem.
 Prætereo quæ uerba pio tunc fuderit ore,
 Distractos comites ac cætera transeo gesta,
 Quæ uulgata nimis, terrasque immissa per omnes.
 Qualis eras ah Virgo parens, quum infanda uideres
 Supplicia, & quanto præcordia concita luctu,
 Fessa iaces. Nunc prona crucem moritura tenebas,
 Sanguineum captans stillantem è stipite rorem.
 Vtque olim cecinit senior, transfixit acuto
 Pectus amans gladio, atque imis dolor ossibus ardet,
 Martyrium immensum sine sanguine, tollite luctum,
 Atque pia matris moueant tormenta dolorque.
 Tempore quamquam illo sublimia corpora mundi
 Haud commota parum, luctus quoque signa dedere
 Immoriente Deo. cæca caligine Phœbus
 Abdiderat se se, & Lunæ tum expalluit orbis,
 Illa etiam (ut quidam perhibent) quum tota decoro
 Fulgeret uultu, uisa est se iungere fratri,
 Insolitasque uias carpsit (miserabile dictu)
 Hinc lux omnis abit, tenebræque sequuntur inertes.
 Aeternamque sibi metuit gens impia noctem.
 Summaque terrarum insolito concussa tremore
 Aequora, nutabant sylvarum collesque supini,
 Et uada falsa, amnes fluuiio inuexere salubri,
 Tum uererum simulacra uirum iam corpore functa
 Longum uisa queri, & squallentes promere uultus,
 Ossa que sanctorum ruptis errare sepulchris,
 Obstreperè horrendum uetus ara, & scindere uelum
 Humanos fletus referam? quin plurima circum
 Agmina funduntur diuum, qui nuntia portant
 Summa leues, Olli lachrymis ficta ora rigabant,
 Affusi que cient alarum uerberè planctus,
 Ferreus est, qui non tacita pietate mouetur
 Nec Christus pater est illi, nec rite fidelis,
 Ipse crucis lignum complectar, & oscula figam
 Vulneribus, quæ fulgentis cœli atria pandunt,
 Ipse dabo supplex fletum, & miserebor amantis,
 Nam fluuiio antiquum crimen lauit ille cruoris,

Ante

Ante tamen legis mandata edixerat, ante
 Tradiderat se ipsum mensæ, ritumque sacraret.
 Solus ego? at potius multorum hæc pectora tangunt.
 Atque aliquis spectans crucifixum talibus infit,
 Christe decus cœli saueas adfisque precanti,
 Morte tua uiuo, tuaque hæc per uulnera seruo,
 Sed delicta premunt, proprius quæ conficit error
 Corruptus blandis, ignosce, dabisque salutem
 Ecce iterum nobis, bonitas tua fertur in hostes,
 Et lapsos reuocare solet, te consequor ultro,
 Nec si uita mihi pro te ponenda, relinquam.

In Resurrectionem.



VNC spirare Deum incipio, nunc pectus anhelum
 Feruet, & immensum iam concipit æthera mente,
 Illuxitq; comæ, labra & sacer ignis adussit,
 Ne polluta darem, aut squallentia carmine ferrem
 Iam mihi nescio quid uideor sublime tueri,
 Quæ nam hæc pompa frequens? Christus rediuiuus ab orco
 Ecce uenit, fulgetque suo post funera uati.
 Impositum tumulo est corpus, sed mortis acerbæ
 Deposuit non præda fuit, nunc uenit in auras.
 Aspicio uolucres diuos, quibus ignea flagrant
 Lumina, & albenti corpus uelatur amictu,
 Anteuolant, pennis que secant fulgentibus auras,
 Pars pedibus plaudit choreas, pars carmina neruis
 Elicit, ac dulci non cessant psallere cantu,
 Lætitia que fremunt, & ouant Osanna canentes
 Vtque aliquis clara præfatur uoce, resurgit,
 Alleluia sonant socij læto ore sequuti.
 Ecce latro, qui sorte cruci tunc fixus atroci,
 Nunc circum radiis undantia tempora uoluit,
 Hunc delicta uidens Christus sua se que fatentem
 Hancque fidem admirans, dextra conuersus ad illum,
 Mecum hodie lustrabis ait magna atria cœli.
 Sed nunc signa præunt foelicia, cerno coronam
 Insignem spinis, rutilum uomit illa nitorem,
 Non iam poena, sed extat honos, tot ab ignibus ardet,
 Non Bacchus dedit, ipse Deus sibi texuit orbem.
 Tum terni clauis, & splendenti lancea ferro
 Emicat; his Christus mortalia damna rependit,
 Auditum, sitio, circum dum spongia fertur,

Verberaque insonuere sacro perfusa crûore,
 Et iam seraphici graditur decus ordinis ingens,
 Ore ardet rubro, & iactatis calfacit alis,
 Candenti similis ferro, quod tingitur unda,
 Qualis ubi ostendit terris se martius ardor,
 Dum rutilos spargit radios, iactatque cruentas
 Ore faces, turbant urbes, tunc Cæsar anhelat
 Sæuus in arma magis, bellumque exsuscitat ardens,
 Italiæque procul detrudit sinibus hostem,
 Haud secus ignescens flammis tunc Angelus ibat.
 Flecto genu, fert ille humero venerabile lignum,
 Ingentemque crucem tollit. Hæc Dæmonas arcet
 Hæc sibi colla Ducum & populorum ingentia facta
 Sternet, & à Gadibus latè extolletur ad Indos,
 Et qua sol oriens, & qua ambit littora Nereus,
 Supplicium seruatorum olim, nunc nobile signum,
 Fœlix tam dulci, quæ strata est pondere, & aula
 Aetheriæ regnum, fœlix, quæ retulit arbos.
 Gloria quanta Dei, quam secum & tristia portant,
 Ipse crucem pœnamque, suam uestiuit honore.
 Currus adest fulgens, recto temone rotisque
 Volucris, biuigique fremunt ad fræna leones,
 Nuntius humanæ pacis missæque salutis.
 Gabriel hos flectit, magnique auriga triumphi,
 Et modo fræna premens gemmantes explicat alas,
 Nunc cursu campis quatit assilans natibus ignem,
 Iamque ducis formam uideo fulgere, nonumque
 Eruatæ diem, & lucem succrescere coelo,
 Argumentum ingens sandi. Nam à morte recepit
 Se Iesus, uictorque uenit, stat cominus axis.
 Ille habet ossa sua & neruos, membrisque coheret,
 Et terrena animam passim per uiscera fundit,
 Ostentatque pedes, fixasque ad uulnèra palmas,
 Nec non confossum latus exiit, illa salutis
 Pignora quum tueor, dulces mittentia flammæ,
 Non mihi frigus habet pectus, non cura fatigat,
 Pace fruor, mentique iugor succrescit in horas,
 Haud aliter, quàm quum sub luce cadentibus astris
 Carpere si qua rosas uirgo uelit, illa iacere
 Vda uidet folia, & concluso hæc orbe teneri,
 Ast ubi purpureis aurora inuicta quadrigis
 Imminet, assurgunt paulum, spectantque supinæ,
 Tunc & hiant, funduntque comam, parulumque decorem

Ad

Ad solis fingunt radios, color eniter olivæ
 Aureus, atque rubent latè: Tum candida Virgo
 Postibus occiduas diuum fixura corollas
 Vngue legit, gratis complentur odoribus auræ.
 At quæ scèduntur uolucrum læta agmina curram,
 Qui, cœlum & terram torques Deus, hiscere uatem
 Da pater, atque faue, tuus O nunc spiritus afflet,
 Perque means hominis pectus diuerberet auras.
 Post hæc pulsa dabo meliori carmina pletho,
 Si uictrix patria, & ciues spolia ampla referrent,
 Tunc ego gesta ducum, ac mauortia dicere facta
 Aggrediar, fulum' que canam sub mœnibus hostem,
 Raptæ que signa manu, postratæ que cœdibus arma,
 Et quod quisque uirum dextra sit fortiter ausus,
 Consilio'ue bonus, seu iuuit callidus astu,
 Ipsa oculis exposita palàm spectata' que uirtus
 Attollit se se, & numerose uatibus ultro
 Funditur, haud paruo ore canunt, sed protinus afflant
 Pectoribus immensa, & carmen ducitur ardens:
 Ingenii angustis jaceam quum finibus, at tunc
 Assurgam, & uersus mihi fas tractare sonantes.
 Nec minus ingrediar magni si Cæsaris acta,
 Verba' que ad augustas transmittam seruidus aures,
 Tum mihi Pieridum stabit chorus omnis, & ultra
 Quàm solet, effundent fluiuium Lymphas' que loquaces,
 Dum pectus cœlestis uiri & sacræ ora uidebunt.
 Nunc diuina mihi cantata est carmine proles,
 Res immensa quidem & quæ uiribus altior exit,
 Ingenii Deus, & uenæ miserebitur orbæ,
 Sed sequar, appropinquans tectis iam sistere puppim.
 Princeps ille parens, dulcis quem cœpit imago
 Arboris, huius enim pendebant uertice mala
 Aurea, & in nido fragrantia molliter orto:
 Quæ pater ut mandit, syluis disclusus opacis,
 Impactus' que solo est imo, loca lumine cassa
 Incoluit moriens magna cum prole nepotum.
 Poena grauis nulli, at luctus gemitus' que sonabant,
 Quod densæ claudant tenebræ: spes incluta cœli
 Torserat egregias animas, lucis' que cupido,
 Succedunt alacres nunc rapti ad luminis auras,
 Nam Christus sua mox post funera fregit auernum,
 Tartareas' que domos, sanctos' que è carcere patres
 Eripit, & spolia ista refert præclara parenti,

En Abel, hic pingues uitulos mactabat ad aras,
 Fratrum hinc subijt mucronem, & uulnere inundans
 Se foedant, terramque ignaram sanguinis ante,
 Atque à cœde uirum puram, fit uictima fratris.
 Pampinea quis nam hic redimitus tempora fronde?
 En ades ipse Noas nobis, ut uirifet almus,
 Latitæ uinique pater, nam uerius ipse
 Diceret inuentor uitis, populisque dedisti
 Diffundant quo corda mero. Tu lignea fabre
 Testa facis, longaque omnem tegis abiete carnem,
 Semina uenturi secli & primordia seruas,
 Ne defecta nouo tellus segnesceret ortu,
 Mitia conduntur lateri pœcuarum puppis,
 Magnorumque cubant illic stabula armentorum,
 Et uarias uolucrum pennas includis eodem:
 Haud mora, subductis descendere nubibus imbres,
 Immergi que uadis terram & fluitare profundo,
 Cætera dispereunt, tumidis Arca innatat undis,
 Angustoque ruens tecto diffunditur imber,
 Tum pater ipse Abraam Cananæis sedibus, auctor
 Inguinis ex cæsi, cui spes est credita prolis
 Egregiæ, hinc septro stellarum insigne ferebat,
 Flammæque globos, sublati cornibus ibat
 Dux populi Moses rubri trans littora ponti,
 Fulgidior specie, potuit spectasse supinis
 Collibus ora Dei, contraque attollere frontem,
 Vadit & effulgens, cui cura infixæ sacrorum
 Araon, & sancti custodia credita templi.
 Hic David, Ezechiel, fususque in litore Ionas,
 Et Daniel, uiridis sacrum, quem fecerat ætas.
 Quique Deo uates Christum spirante loquuti,
 Et quicumque habilis uitam ultro effudit in armis,
 Dum patriam seruare student legemque receptam,
 Omnibus his radiis cinguntur tempora puris.
 Quod feror? unde oculis specto Gedeon nitentem?
 Qui licet exiguus numero, magni agminis instar
 Iussa Dei secum trahit in certamina Martis,
 Non ualide hunc acies sistunt, non crebra morantur
 Tela uirum, furit atque metit quæque obuia ferro,
 Ille oculis ac fronte minax, dum feruidus urget
 Hostis iter, tenuit fugientia lumina solis,
 Affixus manet, & cœlo non protinus errat,
 Effulgetque duci Phœbus stans ore corusco,

Ergo

Ergo non uisita obscura in nocte latebra
 Profuit, aut specubus possunt se condere cœcis,
 Horrentes uel petunt syluas, prærutaque summis
 Saxa iugis, pendunt poenas cœsi undique campis,
 Non Isac, Iacobque absunt, non illa nepotum
 Progenies, tribubus fecit, quæ nomina certis,
 Et qui pro sacris tulerunt mala fortiter aris,
 Quique suos quondam tenuit moriturus agellos,
 Quin Ioachim propius uideo, Iosephque beatum
 Coniuge, flumineaque habitantem rupe Ioannem,
 Spargeret ut populos undis dextraque ruentes,
 Ah decussa uito ceruix, proscindit acerbo
 Dum regale nephas odio, nunc omine uerso
 Aureus incedens duplicem fert fronte coronam.
 Quis Iob, Heliamque libens, magnumque Heliseum
 Transeat, audacem Iudam bello que potentem,
 Sansonis quoque uim & non exuperabile robur,
 Inuiotosque alios dexta aut probitate uerendos,
 Sed citius quis summa polo, quæ sidera fulgent,
 Et fluctus maris, & campis numetabit aristas,
 Nomina, quam possit percurrere cuncta uirorum
 Qui ueniunt, sanctique premunt uestigia currus.
 Sic modò Christus ouans sacra comitante caterua
 Ad Matrem ingreditur uictor, dein scandet olympum
 (Aridentque ultro dura olim limina) postquam
 Phœbeus terris decies quater atserit orbis.

Gratiarum actio.



AM lux immenso surgens albescere cœlo
 Cœperat, atque solo tenebras absterferat udas,
 Quæ uarijs uolucres mulcentes uocibus auras
 Huc illuc pennis ludunt, quum fortè inuencus
 Expectat iuga, qui glebas inuectit aratro,
 Et quum pastor oues depellere cogitat, & quum
 Dux aciem mouet, & Zephyris signa aurea mandat.
 Tum pius Euadnes deserti littoris oras
 Ingreditur, tollensque manus, ut surgere solem:
 Purpureasque uidet cœlo diffundere flammæ,
 Istis ora modis senior sublimia soluit.
 Sol (ait) æterni sæcli, qui lumina ductas
 Huius, quem specto: Trinea, qui luce refulges

Vnicus,

Vnicus, exaudi; nunquam tua sancta precari
 Numina segnis ero, miris que attollere uerbis.
 Nam quod homo, coeli que domos, quod specto supinus,
 Et quod spiro, tuum est: per te que animantia bruta
 Parent, & reliqua infamulatum tradita mentis,
 Adde quod arbitrio motus conuertimus omnes:
 Ingenij que facem, atque animi lucem ipse dedisti,
 Et simulachra tuæ (maius) mihi mentis inusta,
 Idem animo ualeo, ac membrorum robore firmus,
 Munere quippe tuo, nec id est fatis. Aliger unus
 Præsidet è diuis custos fidus que minister,
 Dæmones expellit procul, atque incommoda trudit:
 Incendens que animum recti ac uirtutis amore.
 Quid quum peccassem, ac factis tua iussa proteruis
 Fœdasselam infœlix? num uindice protinus ira
 Vfus es, aut dirum fulmen iaculatus in hostem?
 Cunctatus placidè indulges mihi tempora flendi,
 Correctus placeo non perditus, orba salute
 Dextra tui nunquam est: quam tendis sponte iacenti.
 Nonne utero includi, ac mortalia membra subire
 Dignatus? sed enim post illa egressus ad auras
 Pauper eras, non sceptrā tenes, regni que coronam
 Insignem, alta fuit pietas pro diuite cultu:
 Hac duce confixus: metuenda que funera passus:
 Me me seruasti moriens, ego sanguinis hæres
 Effusi, & partæ consors sine tempore uitæ.
 Tu mihi pollicitus regnum immortale, meis que
 (Si quicquam potui, aut gessi pro tempore dignum,
 Non ego sum tanti) affulsit tua gratia rebus,
 His ego mucribus tantis donisque petitus
 Quas possum solu gratas, nec in omnia uitæ
 Tempora poni laudandus eris multum que canendus,
 Et pater & genitus, sacri quoque spiritus oris,
 Omnipotens Deus, & solus uasti arbiter orbis,
 Hæc repetam assidue, & memori de pectore fundam,
 Atque ideo gratus, gratum quod me facis ipse.

Exultatio Poëta de se ipso.



ORTE pruinoso dum pascua rure peragrat
Edalus, ipse sibi carmen cantabat, & ornos
Aspexi rigidum uati incuruare cacumen.
Ille autem sacro tales dabat ore loquelas.

En ego iam ingredior maturi roboris annos,
Et mihi iam senis nent diuæ stamina lustris,
(Sic fortuna sinat) studijs florentibus aptus
Inueniar, mentisque immoto robore præstans.
Non superare amnem nando, non spicula dextra
Spargere, non sæuo concurrere cominus hosti,
Aut studium fuit usque feras agitare latentes,
Sed me Pieridum chorus, & reuerentia mouit
Fluminis Aonij, suspensaque crinibus ingens
Laurus, & æternos mansurum nomen in annos,
Attrahumque sono uulgus grauiore canentis.
Hæc sequor, hæc uitæ pretio tenuisse iuuabit.
O patria, & qui non frustra genuere parentes,
Nomina chara feram radiantia ad astra, neque ullis
Gloria uestra locis ullo ue tacebitur æuo.
Ecce rapi uideor populo plaudente per urbes
Purpureis inuectus equis, hic sparget odoras
Fama rosas latè, huc illucque per ora uolabit
Quid quum læta uirum mulcedo pectora didis?
Suspensamque traham cantu per compita pubem?
Si qua fides uati est, celebrabimur inde, feretque
Insignes Musa hæc etiam num frigida laudes.
Sic postquam terris densæ incubuere tenebræ,
Nocturnus cæcis ætherque inuoluitur umbris,
Mane polo nitidum lumen diffunditur, una
Emicat aurora, & roseum iubar excutit ore,
Auratoque diem succendens crine coruscat.

In funere Herculis Asinarij.



VSAE. funeris carminibus grauem
Intentate sonum, tollite laudibus
Ad cælum meritis Herculem Asinium,
Illum, qui cupiens ætheris ardui
Vindis explicuit lætæ animam suis,

Saxo hoc destituit corporeum decus,
Nunc uirtus, pietas, iustitia, & fides
Desertæ fugiunt sæcla nocentia,
Quis linguam poterat soluere dulcius?
Quis frœnare loco? quæ scelerum tuba
Inclamare? sed (heu flebile) concidit
Aetatis specimen, lux & inertior
Coeli luce grauem destituit uirum,
Telum mortis atræ si fugeres minax
Frustra lenis eras, pacis & arbiter,
Et frustra pretium nobile temporum.
Te rupes & agri, syluæque cognita
Venatu assiduo, te tanager gemit
Multum flumineis uortibus tumens,
Nec non te lacero persequitur sinu
Coniunx haud placiti nominis immemor,
Luctus indocilis ponere flumina,
Nil mortalibus est perpetuò datum,
Mutanturque uices, fors regit aspera,
Vitæ (quid facias?) it uolucris dies,
Donec morte ruat, Desine sletibus
Vxor, compositi per cineres uiri,
Constantemque parum per querimoniam.
Nam quum iam gelidos umbra reliquerit
Artus, ipsa fugit iussa, nec acriter
Inclamata gradum fert cupidum retro.
Quid sit, quò redeat non gemitus ualet,
Non prodest oculorum irriguus dolor,
Discerptæue genæ, non laceri sinus,
Incaustum quid agis te miserum in modum,
Orato requiem, pacem & amabilem
Diuum, si sapias, ordine manibus.

Oratio ad Deum.

O PATER ingenite & uasti regnator olympi.
Omnipotens, tuoque prior, uita omnium & ordo,
Cuncta uidens, & cuncta mouens, & cuncta gubernans,
Immortalis, & altitonans, lux maxima rerum.
Coelicolumque quies, semen quoque seminis, atque
Radicum radix, uerbo solo omnia portans.
Atque creans, numeros cunctos & pondera noscens.

Principium sine fine: patens, obscurus & idem.
 Tu iubar æternum, radiantia lumina Phœbi
 Nocti uagumque globum lunæ, stellasque creasti,
 Et placidum pecus, atque immania terga ferarum,
 Tum facili uolucres mulcentes ærea cantu,
 Gramina camporum, & saltus, Syluasque uirentes.
 Fontesque, fluuiosque, & amantem litora pontum,
 Te mortale genus pauet omne, & iussa sequuntur
 Inferni, superique chori. Tu Regibus altis
 Imponis leges, & res miseraris inanes,
 En ego qui fictus sum per te, protinus (ut fas)
 Te peto, te que uoco, fragilis, miser, atque caducus,
 Heu heu, quàm multo te offendi crimine, quàm non
 Seruauì mandata, tuæ nec fœdera legis.
 Inde fluens lacrymis, ad te mitissime rerum
 Flecto oculos, tendo que manus, miserere precantis.
 Maior nanque tua est bonitas, quàm crimina nostra,
 Si non peccarent homines, non parcere posses,
 Luceret que minus Clementia, sis rogo lenis.
 Deliqui, indomitam rapuerunt plurima mentem,
 Et quoniam sine te nil possumus, annue uotis.
 Da Pater, ut uitæ fallacia gaudia uitem.
 Hostis & antiqui insidias, fraudesque, dolosque,
 Speque, fideque sacra teneat, tua iussa capeſſam,
 Meque tui sacro perfusum lumine uultus
 Solare, & fer opem dextræ magnæ atque potentis.
 Te solum inspiciam, sitiam, uenererque, colamque.

Imitatio Virgiliana.



VCINAM extinxit mors improba, luximus omnes,
 Hæc fuerat thalamis nupta Bibalde tuis,
 Ut flos languescit moriens succifus aratro,
 Languida que ut ponit colla papauer humi,

Si pluuiam ingentem sensit: sic forma puellæ
 Fluxit, sic roseus concidit ore nitor.

In Iasonem Orantem.

QUOD mare, quod coelum, quæ nescit Iasona tellus?
 Gloria summa uiri, dum legum ænigmata soluit,
 Nec minor oris adest uirtus & gloria fandi,
 Aspice, ut eloquio fluat, ut demulceat aures,
 Surge uetus Roma, & Priscorum turba Quiritum,
 Iam quæ redi quando in lucem Cicero nouus erit.

Epitaphium in Iasonem Mai-

num Iurifcon. Mediolanensem.



IVRIS & eloquij fulsit sapientia quondam
 Sed non sub tumulo condita Maine tuo.
 Nam ueluti in labris fulsit sapientia quondam,
 Sic nunc in libris emicat illa tuis.

De Cæsare.



EFFIGIEM. gaudibus magni, quum forte uideret
 Cæsar Alexandri, gemitum dedit, heu miserum me
 Qui nihil (inquit) ago natus iam grandis, at iste
 Quot domuit terras, quot uæ æquora floridus annis.

Versus emendati ad pietatem facientes.



VC me felici descendere iussit olympo,
 Hic me non uno uulnere fixit amor,
 Fecit amor, caput ut spinarum scinderet orbis,
 Pectus ut hauriret lancea, fecit amor.
 Solus amor de me potuit perferre triumphum,
 Ille pedes clauis fixit, & ille manus,
 Si cupis ergo animi mihi signa rependere grati,
 Dilige: pro tantis sat mihi solus amor.

F I N I S.